

114 / 2
1941



მნათობი

5

ს ა ნ ს ე

თბილისი
1941



მნათობი

სრულიად საქართველოს საბჭოთა მწერლების
კავშირის ყოველთვიური სალიტერატურო,
სახელოვნო და საზოგადოებრივ-სამოღიციეო
ჟურნალი

წელიწადი მეთვრამეტე



5

19

ს ა ნ ს
ნ ა ხ ე ლ ბ ა მ

41
ს ა ნ ს
ნ ა ხ ე ლ ბ ა მ

107532 3847

პ/შვ. რედაქტორის მოადგილე — ქარლო კალაძე.

ხელმოწერილია დისაბეჭდად 9/VI-41 წ. №018397. ანაწყოების ზომა 7X12. ნაბეჭდ ფორმათა რაოდენობა 10. ნიშანთა რაოდენობა სასტამბო ფორმაში 50688. სააგტორო ფორმათა რაოდენობა = 12.5. შეკვეთის № 686. ტირაჟი 2450.

საბეჭდამის შეკვეთით სიტყვის კომპინატი, ფორესის ქ. 5.

კონსტანტინე გამსახურდია

ლავით აღაგუნებული

სამკარიანი რომანი

ქარი პირველი

IV

წამლისთავი 1)

...სადგომი სამეფო წალვლისთავი...
დავითის ქრონიკიდან.

ვეყინის შემდეგ გადაუხიდავი უფსკრული აღმოჩნდა ცოლსა და ქმარს შორის. მამისადმი სათუთი გრძნობაც შეებღალა დავითს.

კლდეკარის ციხეში დედისიმედთან კვლავ შეხვედრამ იქმარა და თვალით დანახვაც აღარ სწადდა რუსუდანისა.

აღარც იმერს აპირებდა წასვლას. იცოდა: ვეყინიდან მობრუნებული, ფეხმოუცვლელად ცხოვრობდა გეგუთის სასახლეში მეფე. მხოლოდ მალემსრბოლნი მიმოდრიოდნენ გეგუთსა და წალვლს შორის.

დედოფალი რუსუდან თავის ასაკისადმი შეუფერებელ ლტოლვილებას იჩენდა ამ ბოლო ხანს სარწმუნოების მიმართ. ბერ-მონაზვნებით გაავსო სასახლე.

კაცმა რომ სთქვას, წალვლისთავი სასახლე როდი იყო, არამედ მცირე „სადგომი სამეფო“. ბაგრატ კუროპალატს განუახლებია ეს ოთხვადოლიანი ბასტიონი, რომელსაც „გალავენებს“ უწოდებენ მოაქვამამდე.

მასვე გამოუყვანია ციხისთავის ჩორჩანას სერიდან წყალი, აუზები მოუწყვია ციხის ეზოში.

გალავენებში მოთავსებული იყო რამდენიმე მცირე დარბაზი, მათ ქვემოდ თავლები იყო, სახაბაზონი, საბათა სამყოფლონი ხანიადაგო, ტალანები და შრამელები. გაშლილ ტაფობზე აგებულ ციხეს სამი მხრიდან ვარს არტყია ჩორჩანას, ბროლოსნისა და ტკოცის სერები, ხოლო აღმოსავლეთით დიდი ვაკე ქართლის ზეგანისა.

ჩრდილოსკენ გალანის ხევი ჩამოუდის წალვლს, ძნიად მისასვლელი ხრამებით დასერილი.

სამი დანარჩენი კიდიდან ხელოვნური ფლატეები იფარავდა, მგლის ორმოებითა და ხაფანგებით დაცული.

1) იხ. „მწათობი“ № 4.

ალაგალაგ დიდრონი მშვილდები იყო მიწაზე დაგებული, საცდებელზე მისა-
დაგებულის ქეიბურებიოთა. საბელს მოკიდებული ჰქონდა თოკები, რომელთა
მეორე თავი პალოებზე იყო მიბმული, ასე რომ გუშავთავან ვაჭარულ მსტო-
ვარი¹⁾ ან მგლის ორმოში ჩავარდებოდა, ან ხაფანგში გაჭყოფდა ფეხს, ან
მშვილდის თოკებს გადააწყდებოდა სადმე.

წალღლის ციხეში ცხოვრობდნენ ზოლმე ლიხის ამიერ და იმიერ მიმომავალნი
მეფენი, თავათ ბაგრატ კუროპალატიცა იმ წელს, როცა სასირეთში დაამარც-
ხა ლიპარიტ დიდმა იგი.

მასვე განუახლებია ორი კოშკი, უკვე დარღვეული, ბროლოსნისა და ჩორჩა-
ნასი. ეს უკანასკნელი ვაუხდია თავის სადგომად მეფეს.

დავით უფლისწულმაც ჩორჩანას კოშკი აიჩრია სამყოფლოდ, აქ დაუხვდა მას
ბაგრატისეული მშვილდი ვერცხლისა, მისივე თორნი, ბარე სამი და ხორასნუ-
ლი მახვილი. დედოფალნი: ელენე და რუსუდან დარბაზებში ცხოვრობდნენ.

წალღლის სამეფო სადგომი უფრო სადად იყო მორთული, ვიდრე ციხე-დარ-
ბაზი რომელიმე დიდაზნაურისა, როგორც ამერში, ისე იმერში.

მესაწოლე ბერი უქრუაი ათევედა დავითთან ერთად ჩორჩანას კოშკში ღამეს.
იგი იყო მემაშხალეცა და მეწიგნეცა, აქვე ჰქონდა უფლისწულს თავისი წიგნ-
თსანახი, რომელსაც მუდამ თან ატარებდა იგი.

ოდესლაც მხედრული ბანაკი წალღელი თითქმის სამონაზნო ხანაგად გადაიქცა
რუსუდანის მოყვანის შემდეგ.

არც ბაგრატ მეოთხე, არც გიორგი მეოქრე შავი სამღვდელოების მოყვარულ-
ნი არა ყოფილან. არც დავით უფლისწულს უყვარდა ის უცნაური სუნო, რო-
მელიც საოსტიგნობიდან,²⁾ სენაკებიდან თან გამოჰყვებოდა ზოლმე ბერ-
მონაზონთა ჩხებებს.

წალღლში ამოდინდნენ სინას მთიდან, იერუსალიმიდან, პეტრიწონისა და
ათონის ივერიელთა მონასტრებიდან გეგუთსა და ცხუმს მიმავალნი მეროპიკე³⁾
ბერ-მონაზონნი. როცა დარბაზების ტალანებშიაც ტევა აღარ იყო, ისინი სა-
ნადირო შრამელებსა და სახაბაზოებში ათევენდნენ ღამეს. დედოფალი რუსუ-
დანი იყო ამ მოგზაურ შავოსანთა მასპინძელი და მოამაგე. დავითს არ მოს-
წონდა ეს. ითმენდა უსიტყვოდ.

უდრტვინველად იტანჯებოდა რუსუდანიცა.

პირველსავე ორსულობისას უცნაურად აუტრელდა სახე ისედაც უჩინოს,
დაპატარავდა, დამრგვალდა, ზელ-ფეხიც დაუმოკლდა თითქოს. ისეთი მრუმე
ტალები დაეტყო ლოყებზე, როგორიც ოდნავ, სულ ოდნავ შემწიფებულ თამ-
ბაქოს ფოთოლს გადაჰკარავს ხოლმე. ცახცახებდა დედოფალი ელენე, ამ პატარა
დედაკაცის სხეულში ეგულებოდა მას ტახტის მემკვიდრე მომავალი, დიდი
იმედი ბაგრატოვანთა გვარისა.

ცალკერძ თავისი პირშმოს მწუხარება გულს უსიტყვავდა სათნო დიაცს,
ცალკერძ გამწარებული სვე უთვისტომო ქალისა, რომელსაც თუმცა დე-
დოფალს უწოდებდნენ მანდატურნი, მაერამ იგი მანაც უფრო უბედური იყო,
ვიდრე რომელიმე მესთველეს ცოლი. დედ-მამა აღარ ჰყავდა რუსუდანს, ანი-
სიდან გაქცეული ძმები კილიკიაში ებრძოდნენ თურქებს.

¹⁾ მსტოვარი — ჯაშუში.

²⁾ საოსტიგნო — ბერების სასაიდლო მონასტრებში.

³⁾ მეროპიკე ბერი — სამადლოს მოსაგრდებლად მოგზაური ბერი.

გამოუცნობლად ზნე იცვალა უფლისწულმა. აქამდის იგი ზან ცხენოსნობით ერთობოდა, ზან სპათა წვრთნას ესწრებოდა, ზანაც ნადირთა უფლისწული წაღვლისთაიდან ვიდრე ჰავჭალამდის აყრილი იყო ხალხსა ცხენებსა და სამალავში გახიზნულთ გუთანი და ერქვანი გაეგდოთ ხელიდგან. ამიტომაც ნადირს აკლებული ჰყავდა ქვეყანა.

აიყოლიებდა დავითი მუხლმაგარ ცხენებზე შემსდარ სპათა, — ეს იყო ერთგვარი ვარჯიში ომისათვის, რადგან წარამარა თურქთა ბრბოებთან უხდებოდათ შეტაკება მენადირეთა.

ახლა ნადირობაზედაც აიღო ხელი. მახარაის მეტს არავის იკარებდა. დღენი დადგ ჩორჩანას კოშკში ჩაკეტილი, კითხვით ერთობოდა მხოლოდ.

ელენე დედოფალს არ უყვარდა მახარაი, იჭვი ჰქონდა: იგი სთიშავსო ახალგაზრდა ცოლქმარს.

ეგეც იცოდა: მახარაი თავიდანვე წინააღმდეგი იყო მათი შეუღლებისა, ნაწყენი იყო მეფეზედაც იგი, უჩემოდ როგორ მოიყვანაო რძალი?

პერეთიდან მობრუნებულს, მრავალგზის შეუჩნდა ელენე თავის ვაჟს, გეგუთს უნდა წახვიდე, ინახულოვო მამაი.

სდუმდა უფლისწული, მიზეზს ისაფრებდა მრავალგვარს, არც კი აპირებდა ლიხს გადაღმა წასვლას.

ჰყონდიდელი ზან აფხაზეთში იყო, ზან სვანეთში, ზან საეგროში. ელენეს უნდოდა მიეწერა მისთვის, ეგებ ზეგავლენა რამ მოახდინოსო გაჯიქებულ ვაჟზე.

უქარწყლდებოდა ეგ ერთადერთი იმედიცა ზანდაზან, რადგან იცოდა: ვაზირთა შორის მხოლოდ ჰყონდიდელი ერთი უჭერდა ლიპარიტთან დამოყვრებას მხარს.

ცული ამბები მოდიოდა გეგუთიდანაც.

გიორგი მეფე გაეტეხა ვეფინის მარცხს. გულფიცხობდა, სვამდა, დღენი დაგ ნადირობდა აჯამეთის ტყეში.

ახალ-ახალი გართობანი გაიჩინა მეფემ, სასახლეში მოაყვანილა უამრავი ბელები დათვისა და ლეკვები მგლისა.

აიჩემა თურმე: სანადიროდ უნდა გამოვწაფოვო მგელი.

ისპაჰანიდან თურქმანული მწვერები ჩამოაყვანილა, აფხაზეთიდან მშელის ნუკრები, თავათ უვლიდა მათ, ათასგვარი საალერსო სახელი შეარქვა თითოეულს.

სახელმწიფო საქმენი ჰყონდიდელს გადააპირა, უმართებულოდ სტუქსავდა მანდატურთა, უზიავად უხედებოდა სადარბაზოდ მოსულთაც საერთოდ პურადი და მომღზენი მეფე.

გული უყვდებოდა ისედაც დასნეულებულ დედას ოჯახისას ამ აღრეულ საქმეთა შემყურეს. ებრალებოდა მოხუცებული ქმარიცა.

ეწადა: გეგუთს წაეყვანა როგორმე დავითი, იცოდა: რიდი ჰქონდათ ურთიერთისა მამასა და შვილს.

წინასწარ ატყობდა: ცოლს არ წარიტანდა იმერში დავითი და მაშინ საქვეყნოდ იტკეოდა ცოლ-ქმარს შორის არსებული უსიამობა.

ღამღამობით ესმოდა, თუ როგორ გულსაკლავად ქვითინებდა გრძნობიერება მოძალებული ფეხმძიმე დედოფალი, ლოცულობდა სამთავეს მაგივრად, ხატის წინ დაჩოქილი სტიროდა თავათაც.

ეს ზამთარი მანც მთლად უცნაურად წარიმართა: ნოემბრის მიწურულამდის ია ჰყვოდა სერებზე, ისეთი თოვლი დასდო ერთ მშვენიერ კლდეზე, ვეღარ იძროდნენ ცხენოსნები. მალემსრობლნი ვერ გადადიოდნენ ლეჩხუმიდან აიყარნენ ბროლოსნისა და ჩორჩანას სერებიდან ყორნები, შემოეხიზნენ უფლისწულის კოშკის სამშერებს, ნაბადივით გარს ეხვიენ ტიალნი გოდოლებს ციხისას.

ძრწოდა დედოფალი ელენე, აუვი რამ ნიშანი არ იყოსო პედისწერისა? უბრძანა მოისართა დახოცვა მათი. მუსრავდნენ მყვიართა სპანი, ახალახალი ლეგიონები აწყდებოდნენ წალვლის ციხეს მანც...

გრვენივით გადადიოდნენ წალვლისთავზე ზამთრის ქარები, ყმუოდნენ ჩორჩანას სერზე გადმომდგარი მგლები, ჰიხენებდნენ ნასუქალი ულაყები. საყვირის ხმები ენატრებოდა უძილობისაგან მოქანცულს. წალვლის ორივე ტბაზე მომრავლებული ვარზებისა და ბატების გნისი დილითაც არ აძინებდა ღამენათევს.

ელენემ არ იცოდა უფლისწულის კლდეკარს ჩასვლის ამბავი, მხოლოდ გვიან დასცდა იგი მახარაის. მიხვდა: დედისიმედთან კვლავ შეხვედრა იქნებოდა დავითის ესდენ კმუნვის მიხეზი.

იჭვიც დაებადა დედოფალს: რუსთავს თუ მიდიოდნენ, თრიალეთზე რალად წასულან? იდუმალი რამ განზრახვა ზომ არ ედო ჰყონდიდელს გულში, კლდეკარზე რომ წაყევანაო ჰერეთს მიმავალი ლაშქარი?!

სხვა მიხეზსაც ჰხედავდა გულმეცნიერი დედა: ეს პირველად წაყიდა უფლისწული ომში, ამდენი მსხვერპლი დასჭირდა ჰერეთს ვალაშქრებას, ნიანი ბაკურიანს კრილობა გაურთულდა მოუვლელივით გზაში, შერგილ ლიპარტიანს ცხენი გამოუკლეს და ფეხი ეღრძნა, ჰყონდიდელი გაცოვდა ლიხზე გადასვლისას. ამდენი სისხლი და ჯაფა გაიდეს სპათა და ეს ყოველივე იეპარჰყო მეფე გიორგის ახირებამ გაუგონარმან.

თითქმის ყოველამ ამჩნევდნენ მოისარნი ჩორჩანას კოშკზე ფეხაკრეფით ამომავალ ლანდს რიდით პირშებურვილის ქალისას.

შეიპარებოდა იგი უფლისწულის საწოლ დარბაზში, დაემხოზოდა ხატის წინ, შემდგომ ამისა ჰკოცნიდა მძინარეს შუბლზე.

თვალგაუხელელად გრძნობდა დავითი დედის ცრემლებისგან მოგვირღილილამეს ლაწებზე, შეხმიანება ეწადა, მაგრამ იმდენი სალბუნი იყო ლოცვით დაფრქვეულ მღუღარებაში, მარტობის დასათრგუნველად იკრებდა მღუმარე ძალას.

V

ქუჯაი

ყორნებმა და ქარებმა თან წაიდეს ვიშვიშით ზამთარი. უთენია ამჩნევდნენ მოისარნი მეფისა, თუ როგორ მოდიოდნენ ბროლოსნის სერებზე ნეკერის საყვენეტად ირმები.

კორდელა მოედო გორაკებს, შეყვითლდა მანეთლი, გულწითელა აწრიპინდა კატაბარდებში.

ჩორჩანას სერებზე ტყის პირად, ახლოს, ძლიერ ახლოს წალვლის ციხიდან, ტყის ქათმები გამოდიოდნენ ტევრიდან, კრიაზობდნენ, უხმობდნენ წიწილებს.

წალღლისთავის თავლებთან მოგროვდებოდნენ სინდიოფალები მზვარეში, უკვე საცესებით ზურგშეწითლებულნი, მოთეთრო მკერდს მუცემკერდნენ მზეს. ზამთრის ღამეებში გამუდმებულ კითხვისაგან მოდუნებულნი სტყუებულნი მოძრაობა მოსწყურდა. ნადირობა მოეწადინა.

დილით მახარაი ამოვიდა ჩორჩანას კოშკში, ნიანია ბაკურიანის აზნაურებითურთ ჩამოსვლა ამცნო.

ჭრილობები მოიკითხა უფლისწულმა მყისვე. მოჰშუშებოდა ნახმლევი ბარძაყზე, ოდნავ აკლობდა სიარულის დროს ნიანია.

„ომი მომენტრა, უფლისწულო, ომი. ვაგლახ, რა ამოდ ჩაგვიარა ჰერეთს გალაშქრებამ!

ზომ ნათესავია ჩემი ორბელიანი რატი, გულით მეწადა რატისა და კვირიკეს თავებიც მიგვეგლო მახარაისთვის, დაამშვენებდნენ უთუოდ აბუ-მუჰამედ-ატტავილის თხაწვერა თავს“.

უფლისწულმა გაუღიმა:

„ომი გენატრება, ნიანია. არაფერია, წინ გვიძევს არა ერთი მე და შენ“. ისაუზმეს თუ არა, იმ დღესვე აიყოლიეს მცირე ამაღა, მტკვრამდე იარეს ცხენით, შებინდებისას შემოიქცნენ ნანადირევითა.

დავითმა შენიშნა, უძრაობისაგან დახუთულიყვნენ ზამთარში ცხენები.

გამგეთუხუცესს უბრძანა: მეორე დილისათვის ეხმოთ გუთნისდედები ოცდაათი უღელი ხარ-კამეჩითა.

გაოცდა მოხუცი: ვეღარ გავგო, რად დაჰვირებოდა გუთნისდედები უფლისწულს?

თავათვე ახსნა თავის გუნებაში: ნიანია მოუვიდა, დაიწყებოთ სასახლეში ყმაწვილობაი ვაყთა.

დაცილილი ჰქონდა: ნიანიას წალღელში ჩამოსვლას თან მოჰყვებოდა ჯირითი, ნადირობა და თევზაობა. გახარებულნი იყვნენ მენადირენი და მესათხვევლნი. გამოცოცხლდებოთ მკმუნვარე პატრონი.

გამგეთუხუცესს ძილში ჩაპყვა ეს დარდი: ხარ-კამეჩი რაღად დასჰირდაო უფლისწულს?

უთენია ადგნენ უფლისწული და ნიანია.

ბროლოსნის სერების გასწვრივ შეიგულეს ერთი ნაკვეთი სამიოდე უტევიანი¹⁾ სივრძისა. დააყენეს გუთნისდედები, უბრძანეს ღრმად გაველოთ სრიელნი²⁾, ხელი არ ეხლოთ ბელტებისა და ხორგებისათვის.

უკვირდით სასახლეში ეს ამბავი, ხუმრობდნენ სულწასულნი:

რუისი შემოვიმტკიცეთ, ახლა ხენა-თესვას უნდა მოვეკიდოთო.

გამგეთუხუცესი თავის ქერქში აღარ ეტეოდა, დედოფალს მოახსენა ელენეს:

ვგ მინდორი ცხენთ საწვრთნელად ჰქონდათ მიჩნეული სულკურთხეულ ზავრატ კუროპალატსა და გიორგი მეფეს, ჩვენს პატრონს, რად უნდა მოიხნასო აგრე უსაზნოდ, განა ცოტა გვაქვსო ყამირები წალღლის გარშემო?

„ამიერიდან წესად გქონდეს, სუმბატ ჩემო, თავისებურად, ტკბილად ეუბნება დედოფალი კარისკაცს, როცა მოყვასი შენი საქმეს დაიწყებს რაიმეს, სანამ მას არ მოათავებს, არ უნდა განიკითხო იგი.

¹⁾ უტევიანი—143 ნაბიჯი.

²⁾ სრიელი—გუთნის კვალი.

მგეც იცოდე, მხოლოდ ოფოფი შეიცნობა თავითა, ხოლო ქვეშაითი საქმე ბოლოთი.“

„გიორგი მეფე გაგვიჯავრდება, დედოფალი ბატონო, ამდგამოვგახსენებთ, შენი რისხეაც ნუ მომცემია.“

სიქვა და გაიბურჩა გამგეთუხუცესი.

როცა მინდორი უკვე მოხსული იყო, დავითმა და ნიანიამ გამოაყვანიეს ცხენები, თავათაც შესხდნენ, დავითი — თურქზე, ნიანია — თავის ლურჯაზე და მიუშვეს ნაგუთნეზე. მათ უკან მისდევდა ზუთასიოდე ცხენოსანი ჭენებით. ყირაძილა გადადიოდნენ გაუჩვეველნი სპანი. უფლისწული მივიდოდა დარცხენილბთან, თავათ ასწავლიდა, თუ როგორ უნდა დიუჭიროს მხედარმა ცხენს თავი ხორგებზე ჯირითის დროს.

დასავენეს სპანი. ახლა სხვანი მიუშვეს ნაგუთნეზე, საწრთენელად.

ისევ შეჯდა უფლისწული თურქზე, ახლა უჩვენებდა მხედრებს პოროლითა და ჭამანდით მტრის ცხენოსნებთან ბრძოლას, ცხენზე გადაწოლას მოქნეული ხმლის ასაცდენად.

შეორე დღისთვის ორმოცდაათი ხურო ახმობინა გამგეთუხუცესს დავითმა.

„ეგ ხუროები რაღათ უნდა ნეტავი?“

ბუზლუნებდა სუმბატი, რომელსაც დიახაც არ მოსწონდა „ახირებულო“ უფლისწული.

უფლისწულმა დაუხატა ხუროებს გოდოლი, ჩორჩანას კოშკის მინაგვარი, იმდენივე სამშერებითა და საისრებით, წინ და უკან კარითა.

ოთხ ბორბალზე შემდგარს, ყოველ მხარეს არეები უნდა ჰქონოდა დატანებული, პოროლების გამოსაყოფი. ზომაც მისცა, ჩორჩანას კოშკის სიმაღლე უნდა ყოფილიყო ძელის გოდოლი.

მოთავდა თუ არა იგი, მოისარნი და მუბოსანნი ჩასხა შივ, ჩორჩანას კოშკში ჩააყენა სხვანი და აბრძოლა ორივე მხარე ურთიერთთან თამაშით.

როცა „გახურდა ბრძოლა“, მოიერიშეთაგანმა ოციოდე მოისარმა იფარეს ფარები, საბელები გამოაბეს ხის გოდოლს და ჩორჩანას კოშკზე მიაყენეს იგი. უკვე ისრებს ველარ აწვდენდნენ „ჩორჩანელები“ პირობით მტერს, გამოცვივდნენ სპანი ხის გოდოლიდან, ხუთხუთი კაცი შეადგა ერთმანეთს მხრებზე, საბელისაგან კიბეები გაიკეთეს, თავსდაესხნენ ჩორჩანელებს და „აილეს“ ციხე.

დედოფალი ელენე გახარებული იყო, შეენადვლიანობამ რომ გადაუარა უფლისწულს.

„რომელი ციხე უნდა აიღოთ მავ თქვენი ძელის გოდოლითა, შეილნო?“

გკათხება ვაყკაცებს.

„ტფილისი გვინდა, ტფილისი, დედოფალო ბატონო“, ეუბნება ნიანია ღიმილით.

„ნეტარხსენებულმა ბაგრატ კურთაპალატმა თავისი კაცობა შეაღია ტფილისის, ორგზის აიღო და ველარ შეირჩინა. ღმერთმა ინებოს, ღმერთმა ინებოს, შეილო“.

„სანამ ტფილისი ჩვენი გახდება, მე ვერ მოვისვენებ, დედი, სამი სიცოცხლეც რომ გეზოძა ჩემთვის, სამივეს ტფილისის ასაღებად დავლევდი, იცოდე“.

სიქვა უფლისწულმა და დედას უთხრა, მშიაო, სწორედ ისევე, როგორც ბაღლობის დროს უთქვამს ხოლმე პრავალგზის.

მინც დაგვიანდა სადილი, რადგან დედოფალი რუსუდან გვიან გაფრთხილეს, პირისფარეშს ლაკლაკის უმარილისა და გუნდას შექაფდებდა და იწყუნოდა, რუსუდანი დიდხანს იჯდა ვერცხლის სარკესთან. რეგულარულად მოვიდა სასტუმროში.

ტაოელი აზნაურები შეფარვით გადახედავდნენ ხოლმე დაწვებაპურტულ, ფერ-უმარილით მოკაზმულ დედოფალს, საკაზმავესაც ვერ წარეხოცა წარბებისა და ლოყების არეში დარჩენილი ტალები ნაბეწვარისა.

შეკუყრებდნენ ახალგაზრდა დედოფალს, ებრალებოდათ პირშეგნიერი უფლისწული.

ერთი ჭიქა ღვინო მოსვა დავითმა და მახარაი შემოვარდა შეშფოთებული, ჯიქურად მიეჭრა და ეუბნება დავითს:

ქუჯაი კვდებო.

უფლისწული ზე წამოიჭრა, სტუმრებიც წამოცვიდნენ ანაზღად.

„ქუჯაი ვინლაა?“ იკითხა ნიანია ბაკურიანის აზნაურმა მორკნეველმა, რომელსაც სიტყვა არ დასცდენია პურობის დროს.

„ბაგრატ კუროპალატიყელი ცხენია, ნეტარ ხსენებულისა“, განუმარტა დედოფალმა ელენემ სტუმარს.

უფლისწულმა, ნიანიამ და მორკნეველმა სადილი მიატოვეს და საჯინბოსაკენ გაეშურნენ.

ერთ თავლაში ორი ცხენი ჰყავდა დავითს: თავისი ულაყი თურქი და პაპისეული ქუჯაი, რომელზედაც მხოლოდ ნადირობის დროს ჯდებოდა ხოლმე. ორ-სამჯერ ჰაკვალამდის უვლია ამ ცხენით, ერთხელ დაუკოდეს კიდევაც გავაზე, თურქის ბრბოებთან კენწლაობისას. უცნაური სანახაობა თვალწინ დაუდგათ თავლაში შესულთ:

ქუჯაი სოხანეზე იწვა, ფლოქვებით დაეღარა მიწა. კაცივით ხენეშოდა, ხანაც ზვიზვინებდა საწყალობელად, ნესტოები ვაგანიერებოდა, დაბორკილივით ფორთხავდა.

წამოიწყოლა წინა ტორებზე, მოფოცხავდა მიწას, ველარ აიტანდა სიმძიმეს ტანისას, დაიჭიხვინებდა და წაიქცეოდა, უკვე ძირს გართხმული თავს ურტყამდა ნიადაგს. მთელი სხეული უცახცახებდა დუქმორეულს, უჩვეულოდ დაბერვოდა ძარღვები.

„ქუჯაი!“

დაუძაბა აღერსიანად დავითმა.

ცხენმა ხმა შეიციწო, თავი ასწია, დიდრონი თვალები მიაშტერა პატრონს, ვეედრებოდა თითქოს, მიშველეო რამე.

კვლავ წამოდგომას შეეცადა, უკანა ფეხებმა უღალატეს, წინა ტორებით ფოცხავდა ნიადაგს, ზვიზვინებდა უკვე წაქციული, თავს ახლიდა მიწას, თითქოს ნანობსო ამ ქვეყნად გაჩენას.

მორკნეველი დააცქერდა ცხენის სხეულს, რუმბივით გაბერილს, ნახმლევებითა და ნაისრალებით ჰქონდა დაჩითული თავ-კისერი, მუცელი, გავა და ბარძაყები.

უსიტყვოდ შესცქეროდა გულნატკენი უფლისწული, თუ რა გააფთრებით ებრძოდა სიკვდილსა და მიწას პაპისეული საომარი ცხენი.

ვაკაცებმაც ველარ გაუძლეს ამის ყურებას.

ციხეში მიბრუნდა უფლისწული, სადილი აღარ ინება, სასტუმროდან გავიდა. არც ნიანიასა და მორკნეველს უხლიათ ხორცისათვის ზელი.

დაწრიალებდა ცხენში დავითი, მაგრამ რომელ დარბაზშიც არ შევედოდა, ყველგან მოესმოდა ცხენის ხმა. ჩორჩანას კოშკში ავიდა, აქვე მდებარე მო-
მაკედავის ჭიხვინი.

ისევ სასტუმრო დარბაზში ჩამოვიდა, აიყოლია ნიანია და მორკნეველი, მილის ტბისაკენ გავიაროთო.

დღეაგადა მახარაი. იგი მრავალგზის შესწრებოდა ცხენის სიკვდილს ბრძოლის ველზეზე.

„მინციკერტან ცხენი გამომიკლეს, უზანგიდან ფეხის გამოტანა ვერ მოვასწარი, ზედ შემომაკვდა ბედშავი, მაგრამ ასეთი შემზარავი ჭიხვინი ჯერ არ მსმენია“.

ამბობდა მახარაი.

„რამდენი წლისაა ეგ ცხენი?“

იკითხა აზნაურმა მორკნეველმა.

ოცდაათისა, თუ მეტიც არა“.

„რამდენი დღეა, რაც დაუძღვრდა ავრე?“

„ვეყინს შემდეგ დავარდა ქუჯაი, პერეთიდან მარქაფად წამოეყვანათ მეჯინიბეთა. ეს სამი დღეა, რაც სიკვდილს ებრძვის დღედაღამ, ჭიხვინი ამ დღით დაიწყო მხოლოდ.“

ნასამზრალზე ცხენის მოსაკითხავად მიბრუნდნენ საჯინიბოში ოთხნივე.

უკვე ბინდს შეესწრო თავლაში.

უფლისწულმა შიგ შეიხედა და დაიძახა: „ქუჯაი!“

დაიჭიხვინა ცხენმა.

ორიოდე ნაბიჯიც გადასდგა დავითმა და ხედავს: ქუჯაი გამოთილიყო მიწაზე გრძლივ, ლაშებიდან გადმოსულ დუეში ჩაედო თავი.

ისევ დაიჭიხვინა ცხენმა, მაგრამ არა ქუჯაიმ, არამედ უფლისწულის ულაცმა თურქმა. დაღონებული გამობრუნდა დავითი.

მეჯინიბეს უბრძანა: ამიერიდან ჩემს ულაცს დაარქვითო ქუჯაი.

VI

სამთა იმედი

დავითსა და ნიანიას ლომისაის მთებში ჰყავდათ ღამისსათევად წაყვანილი სპანი, მიმწუხრისას შინ მიბრუნებულს პირველ გოდოლთან შემოიგებდა უფლისწულს დედა.

გადაკოცნა და ეს უთხრა:

„სამაზარობლოს რას იძლევი, შვილო?“

„რაო, რა მოხდა, დედი?“

„მალემსრბოლი მოვიდა გეგუთიდან“.

მიუგო ელენემ, ხელში მისცა გრაგნილი. თვალი გადაავლო უფლისწულმა აუჩქარებლად.

მარიამ დედოფალს დღე დღეზე მოელიან ხუფთაში, სახლეულითურთ ჩამოდიო დაუყოვნებლივ. ხელს აწერდა ვაზირთა უპირველესი.

გახარებული იყო დედოფალი ელენე, გულამდგრეული იფონებდა იმ სამთარის საშინელ საღამოებს წადვლში, როცა ახალგაზრდა ცოლ-ქმარს ისე ეძვირებოდა ურთიერთისათვის სიტყვა, დუმილის აღთქმა დაედოთო თითქოს. უფლისწულმა გრაგნილი დაუბრუნა დედას.



ცხენით მგზავრობას როგორღა აიტანსო დიოფალი?

მიუხედა დედა, მიზეზს ეპოტინებოდა საპატიოს ვაჟი.

„გეგუთს წასვლა რა ბედენაა, შვილო! როცა შენზე ფეხმძვინვარედ დასდეს სამ-
შვილდემი თურქებს ებრძოდა მამაი, ნაშულამევეს მოვარდნენ ურბნელი და
ბედიელი უფლისციხეში, სამუხლელ თოვლი იყო, გამალვიძეს, ცხენზე შემსვეს.
მცირე სპა გახლდა თან, გზადაგზა გადაგვიდებოდა თურქის მარბიელი,
ვიგერიებდით მტერს, ასე ვიკაფავდით გზას. უსაშველო ქარბორბალა გვაყრი-
და ნამქერს, წაღვლში ამომიყვანეს ქუნებით“.

„ეგ შენ იყავი ძვალმაგარი და ქირთამთმენი, დედი“.

მიუგო დავითმა.

მოისაზრა გულმეცნიერმა დიაცმა:

„ეტლით წამოვალთ მე და დიოფალი, შენ და ამაღა წამოხვალთ ცხენებით“.

დადუმდა უფლისწული, უკუსაქცევი გზები რა დაუხშო დედამ.

კეისრის ნიკიფორე ბოტანაიტესის მიერ ნაჩქარ მოოქროვილ ეტლში ჩასხ-
დნენ ორივე დედოფალი, რუსუდანის პირისფარეში — სომხის ქალი, ლაკლა-
კაი და ურბნელი ეპისკოპოსი.

ხოლო უფლისწული, ნიანია, მახარაი, ქართლელი და ტაოელი აზნაურები
ცხენდაცხენ ეახლნენ მათ.

ქერათხევიდან ლომისაის გადასავლით მიდიოდა თემშარა. ტყეშლები ჰყვა-
ვოდნენ სოფლებში, ნასუქალი ცხენები იოლად ძლევედნენ შედმართებს.

შენოდა კორდებს ზედშეფენილი ფარები ცხერისა.

დედოფლები მობრძანდებიანო, რა შეიცივნეს სოფლებში, დედაწულიანად
გამოცეენილი ზალხი ორდობეებს აწყდებოდა, ყვავილებსა და ბზას უფენდ-
ნენ გზადგავლით.

დედოფალი ელენე წარამარა ხსნიდა თავის ქისაკებს, შავი დღისათვის შე-
მონახულ დრაქანებსა და ბოტინატებს ურიგებდა ქვრივ-ობლებს.

ზოგს განაგონი ჰქონდა: ხნიერი ცოლი შეურთავსო უფლისწულს. ელენეს
წინამო ჰქონდა გაკეთებული ისედაც ახალგაზრდა, მშვენიერ სახეზე, დიაცებს
იგი ეგონათ უფლისწულის მეუღლე. სხვანი და სხვანი ლაკლაკაის უქვერტდ-
ნენ, მაღალ-მკერდიან, ბროწეულივით ლოყებ შეფაკულ დიაცს, იგიაო დე-
დოფალი, ასე ფიქრობდნენ.

ერთი მოხუცი დედაკაცი დაასაჩუქრა დედოფალმა ელენემ, რადგან სამი
ვაჟი მოეკლათ ვეფინში მისი.

ცრემლმოჭრულმა მაღლი მიაგო ელენეს, მერმე ლაკლაკაის დაუკოცნა ფე-
ხები, გიდლეგრძელოსო უფლისწული, დედოფალი ბატონო.

გაფითრდა რუსუდანი, ინატრა: მიწა მიყოფდესო ნეტავი პირს.

დავითმა ეს შენიშნა, მაგრამ წაიყრუა ყური, ნიანიას მიუბრუნდა და
ეუბნება:

„მაღლი უფალს, ამ მხარეში მაინც ენახეთ მომუშავე გუთნეულები“.

მართლაც, ათიოდე გუთნისდედა ლილინით უკან მიჰყვებოდა გუთნებს..

ეტლი დაიძრა, მწარედ ამოიოხრა რუსუდანმა.

„რა მოგივიდა, შვილო?“

შეეკითხა ელენე.

„შეშმარიტად მიჯობდა, დედოფალი-ბატონო, არ გავეჩინე ამ ქვეყნად ჩემს
უბედურ მშობლებს. მუცელს გადაჰყვა ბედშავი დედაი, მეც ამ სვეს მაღირ-
სებდეს ნეტავი უფალი“.

უჩურხულა დედამთილს.

„ღმერთს ნუ ჰკობ, გეთაყვანე, შვილო, იგივე მოგიზღავს ჭირთამთენს ლხენას“.

დედის ხსენებაზე თვალები აუწყალდა რუსუდანს, ატირდა დედოფალს ელენეც, რიდე აიფარა სახეზე, რა შენიშნა, შემამჩნიაო ურბნელმა, მოიბოდიშა, ამატკივანო თვალები ეტლის სრბოლისაგან აღძრულმა ქარმა.

მიუხაროდათ მარიამ დედოფლის სანახავად სამთა.

დავითს ყრმობიდანვე უყვარდა თავისი ღვთივმშვენიერი მამიდა. ამ წუთშიც იგონებდა სურნელს მუშეისას, რომელიც ასდიოდა მის საკკოს, ოქრომკელით ნაკერს, ტარბეასა და ლორს,¹⁾ პატიოსანი თვლებით მოოკვილს.

დავითს ისე სადად ეცვა, თორიცი ზედ ჰქონდა საომარი, ჩვეულებრივი, გლეხები ველარ არჩევდნენ რაინდთა შორის მას.

ზოგს ნიანია ეგონა უფლისწული, ზოგსაც არტანუჯელი აზნაური მორკნეველი.

ყოველ სოფელში ამას ჰკითხავდნენ ურთიერთს გლეხნი: რომელიაო უფლისწული დავითი?

გაქაფული ცხენები მიჰქროდნენ ლორლიან გზებზე.

იგიც კარგად ესმოდა უფლისწულს, თუ რად ახსენებდა ეგზომ ტყბილად ლიპარიტი მარიამ დედოფალს. ეს მან შეარქვა ათიიდე წლის დედისიმედს ხუმრობით: „უფლისწულის თვალმშვენიერი სასძლო“.

დედისიმედის მარტოოდენ სიღამაზე როდი ხიბლავდა მარიამს, იგი ხედავდა: დასასრული არ უჩნდა ბაგრატოვანთა და ორბელიანთა შუღლს. ბიზანტიის კეისრებიც არა ერთხელ ჩარეულან ამ ბრძოლაში, მაგრამ ისინი თავიანთ სასარგებლოდ იყენებდნენ მას, ხან ერთ მხარეს ემხრობოდნენ, ხანაც მეორეს. მეტწილად ორბელიანებს უჭერდნენ მხარს, რადგან ბაგრატ კუროპალატი, თუმც საბერძნეთში იყო აღზრდილი, მიუხედავად ამისა, მაინც თავგამოდებით ებრძოდა ბიზანტიას, იბერიის საკატეპანოს²⁾ ვამო, რათა დავით კუროპალატი ისეული მხარე ბასიანისა საქართველოსათვის შემოემტკიცებინა როგორმე. მხოლოდ კეისარმა კონსტანტინე მონომახმა იქისრა კეთილსინდისიერი შუაქაცის საქმე, მანვე შეარიგა დროებით ბაგრატ კუროპალატი და ლიპარიტ დიდი.

მარიამ დედოფალიც არა ერთხელ ჩარეულა ამ დაუცხრომელ ბრძოლაში, შეარიგებდა მოქიშპეთ, კონსტანტინობოლს წავეილოდა მარიამი, ისეც ატყდებოდა ბრძოლა. ბოლოს ასე განსკვრიტა გონიერმა დიაცმა:

რაც კეისრებმა ველარ მოახერხეს, სიყვარულმა შესძლოსო ვინძლო.

ამიტომაც მოუხშირა თრიალეთის საერისთაოში სტუმრობას. თან წარიტანდა უსაყო უფლისწულს, აშოშმინებდა ლიპარიტსა და კატაის, საჩუქრები დაჰქონდა, სევასტოსის ტიტულს ჰპირდებოდა ერისთავს, მხოლოდ ამ პირობით, თუ დაემოყვრდებოდა.

¹⁾ ლორი—საკოვზე გადასაცემელი ოღარის დარი სამხრეთ, რომელიც ეცვათ ბიზანტიის კეისრებსა და მათ მეუღლეთა, აგრეთვე თამარსა და დავითს. ტარბეა წინსაფარის დარია.

²⁾ იბერიის საკატეპანო ანუ თემა იბერიისა იმყოფებოდა სომხური პროვინციის ეპატრაქანის ჩრდილოეთით. XI ს. უფრო ადრე იბერიის თემა შესდგებოდა იმ მამულეზისაგან, რომელნიც დავით კუროპალატმა უანდერბა ბიზანტიის საკეისროს.

როგორც იქნა, დაიყოლია თავისი ძმა გიორგი მეორეცა, შაგრაძე თავი წამოკვეთს აფხაზეთის, სვანეთის, საეგროს, ჯავახეთის და იტყუო-კლერიკების დიდზნაურებმა, აყაყანდნენ დარბაზის ერნი: ორბელიანნი შედამწყენნი იყვნენ სამეფო ტახტისა, ახლა თუ ისინი ნათესავად მოიგო უფლისწულმა, ეს იგივეა შინაგამცემი შემოვიყვანოთო ციხეში.

სულ სხვა ზრახვები ედოთ იღუმალ გულში ქვაბულისძეს, ვარდანისძეს, კახაბერისძესა და ლიპარტიანს, არც ერთ მათგანს ლიპარიტ ორბელიანზე უმცირეს აზნაურად არ მოჰქონდა თავი, მათაც ჰყავდათ გაუთხოვარნი ქაღნი.

მერმე ის იყო, ბიზანტიაში ატეხილი კარის რევოლუციის გამო, კონსტანტინოპოლს წავიდა მარიამი სასწრაფოდ, აზნაურებმა და ეპისკოპოსებმა იდროვეს და გიორგი მეფეს მოაყვანიეს რუსუდან, სომეხთა მეფის სისხლისმიერი ნათესავი.

გეგუთს მიმავალ უფლისწულს ახალი იმედი დაებადა ამ ჯერად. უმთავრესი მაინც გაყრის საკითხი მიაჩნდა დავითს. მარიამს დიდი ზეგავლენა ჰქონდა კათალიკოსზე, ეპისკოპოსნიც ხელში შესცქეროდნენ მას. იგი უგზავნიდა უამრავ ოქროს ბედიელს, ქუთათელს, ურბნელს, მტბეგარს და მანგლელს ეკლესიების ასაგებად და მოსაკაზმავად.

ელენესა და რუსუდანს პირუკუ ეგონათ:

მარიამ დედოფალი ყოველად სათნო ქალია, შეგონებანი მისნი კეთილ გზაზე წარმართავენო ჰაბუცს.

ერთადერთს მახარაის არ მიუხაროდა თავისი ნახევარიდის სანახავად ბედშავს. ყველა ჭირისდღესავით სძაგდა მას, ყველაფერი, რაც მოაგონდებოდა იმ „დასაქცევ კონსტანტინოპოლს“ (როგორც თავათ იტყოდა ხოლმე), იმ ქალაქს, სადაც თავისი კაცობა დაატოვებინეს მას, მამაკაცობა და სეუბედნიერი დღენი სიჰაბუცისა.

კონსტანტინოპოლში ჩავიდა იგი როგორც განსაცდელთა და ტყობათა მონატრული რაინდი და იმავე მარიამ დედოფალმა წარმოგზავნა მახარაი, როგორც დასაჭურისებული, უბედური კაცი, რომელსაც ეგზომ მძიმე სასჯელი მიუზღეს იმავე ვნების გამო, რისთვისაც სევასტოსის და მაგისტროსის ტიტულებს მოიხვეჭდნენ ხოლმე კეისრების, ლოგოთეტების, დომესტიკების შეუღლეთა კურონი ხშირად.

მთელი ქვეყანა ყბად იღებდა მახარაის უკანასკნელი გამიჯნულების ამბავს, ხუმრობდნენ კიდევაც გეგუთში იმ ეამად: ახალი კეისრის დედას ანნა დალასინასაც ჰყვარობდაო მახარაი.

უცნაური ეს იყო, კვისარი ალექსი კომნინი მართლაც წააგავდა მახარაის. ალექსისაც მასავით უბოროტიკებოდა ენა ასო „რაც“ გამოთქმისას, ორივეს ჭროდა თვალუბი ჰქონდათ, თანაბრად ტანმოორჩილნი იყვნენ, ბეჰპრტყელნი და მხარგრძელნი.

ავი ენები ასეთ რამესაც დასქენდნენ ხოლმე: მარიამ დედოფალს დროზე რომ არ გამოეგზავნა მახარაი გეგუთში, ალექსი კომნინი და ძმა მისი ისააც ბუკოლეონის სასახლიდან ზღვაში გადაგდებას უპირებდნენო საჭურისს.

VII

გ ე გ უ თ ი



ქართული

... ძვეს როდი გეგონებო შენსად,
არამედ, მამაჩემის ტკივილს...
პოპიროსი.

პოპიროსი.

ელენე დედოფალს ელდა ეცა. დათვის ბელები და მგლის ლეკვები დაბობ-
დავდნენ გეგუთის სასახლის კიბეზე. ორზოვანი, ფარდაგები, სასთაულეები და
ოქრომკედით ნაქარგი დორები ძაღლის ბეწვებით იყვნენ დაფიფქულნი
სრულად.

ძაღლისა და ნადირის სუნი იდგა სასახლეში.

მეფის საწოლ დარბაზისაკენ მიმავალს მსახურთუხუცესი წინ გადაუდგა
ელენეს.

მეფეს აგრე აქვს ნაბრძანები: ნურავინ შემოვაო, დედოფალო ბატონო.

დედოფალმა ერთი შეხედა წარბშეყრილად მოხუცს, ხომ არ შეშლილაო,
ეს გაიფიქრა და შეაღო კარი.

საკინძვალელი იწვა გიორგი მეფე უზარმაზარ ვეფხის ტყავზე პირაღ-
მა, უცნაურად ხრტინობდა. ოფლი ასკდებოდა ნახმლეკებით დაღარულ
შუბლზე, დატანჯული სახე ჰქონდა, ნაოქები მომრავლებოდა თვალების
არეებში.

ხრწოლავდა მის თავით მდგარი სასანთლე ოქროისა, ყვითელი შუქის
ლიციცზე მიცვალეზულს უფრო წააგავდა იგი, ვიდრე მძინარეს.

ალყისა და ქონის უსიამოვნო სუნი იდგა დარბაზში. ხელიდან გავარდნილი
ფსალმური იატაკზე ეგდო, ბალიშიდან გადმოვარდნოდა მკლავი, ეს იყო მარჯ-
ვენა, რომელსაც სამი თითი წაკვეთილი ჰქონდა ფარცხისთან ბრძოლაში, ცერა
მოედრიკა, მხოლოდ სალოკი თითი გაწვდილი იყო სიერცეში. თითქოს ვიღაცას
უჩვენებდნო მძინარე რაღაცას.

ფეხისხმაზე თვალი გაახილა სისხლმომალებული, დააფახულა ცვილისფერა
წამწამები ორ-სამჯერ, რაღაც წაიბუტბუტა უკმაყოფილოდ და კედლისაკენ
მიბრუნდა.

გულნაწყენი გამობრუნდა დედოფალი ელენე.

„ჰყონდიდელი სად ბრძანდება დიანოზ?“

შეეკითხა მესაწოლე ბერს.

რიონის დიდროაი¹⁾ ატეხილიყო ჯერარყოფილი, სამოცზე მეტი სოფელი წა-
ელეკა წყალს. გუშინწინ დილით წასულიყვნენ ვაზირთა უპირველესი და მან-
დატურთუხუცესი. ჯერაც ამბავი არ მოსვლოდათ მათგან.

ეს მოახსენეს დედოფალს და წამოვიდა უცნაური მერეხი. ჩიტის კვერც-
ხის ოდენა სეტყვა დაუშინა სასახლის ზილნარს, ახლად გაფოთლილს. დაიქუ-
ხა ცამ, ელვის მახვილებმა დაკვებეს აქარის მთებზე გადამდგარი ღრუბლის
ქორედები.

სანადირო ფარდულებში აწრიალდნენ ძაღლები და მხეცები, ისხდნენ დაგ-
მანულ კარებთან მგლის ლეკვები, ისე საწყალობლად წკავწკავებდნენ, უფ-
ლისწული შეზარა ნადირის ერთობლივმა ეივილმა.

ნიანიამ გაიღიმა და ეუბნება დავითს:

¹⁾ დ ი დ რ ო ა ი — მდინარის მდიდრება, წყლის გადასვლა.

„ქარიშხალი შემესწრო გვირგვინას მთაზე ერთხელ, ვყმუღდი, ვიტყუებდი მგლებს, ოციოდე ლეკვი გამომიდგა დამშეული, ისეთი ტირილით შემარმევინენ, ცრემლი მომადგა თვალზე, უცნაური ვიშივიში სჩვევია მგლებს!“
იელვა, დაიგრილა ისევ. შინაური დათვი ამორბოდა ცხმეწყე მქსხხხგან შეტრწუნებული.

დაფრთხნენ ტალანში თავმოყრილი მანდატურნი, გზა დაუთმეს აჭორილ მხეტს.

გიორგი მეფის საწოლ დარბაზს მიაწყდა იგი, დინგი ჰკრა ღორულად კარს, შეაღო და შეუფარდა მძინარე მეფეს.

„ეს ერთადერთი ერისთავია, რომელსაც უკითხავად შეუძლია გიორგი მეფეს ეახლოს“.

იჯღანებოდა მახარაი.

სწორედ ამ დროს მოახსენეს უფლისწულს, ასიოდე ცხენოსანი, სევანი, მოადგნენო სასახლეს.

სევანთა ერისთავი ვეშაგ ჩამოსულიყო და აზნაურნი მისნი: ვალდამალ მობეჩეიანი, ქარიშხან სიტელი და ჩარგას გოშგოთელი.

დავითი დაქანცული იყო, ჯერაც თორი არ გაეზადნა, მან იცოდა, გიორგი ჭყონდიდელს ქუთათელი მთავარებისკოპოსი მიეგზავნა ვეშაგისათვის, სევანთა ერისთავის ვარდანის ძისათვის, ეპისკოპოსს დაუთანხმებია გეგუთში ხლებოდა გიორგის, მეფის სახელით დაჰპირებია მღვდელმთავარი, გაპატებთო იმასაც. ვეების გასალაშქრებლად რომ არ მოგვეციო ჯარი.

ეაჯა თურმე ქუთათელს სევანთა ერისთავი ვეშაგ, ლეჩხუმი შემომიმტკიცეთო ცაგერამდის.

ვაკოფებულა გიორგი მეფე, შეურისხავს ქუთათელი, როგორ ვაგებდეთ ამგვარი ჩმახვა?

აგრე ვარაუდობდა დავითი: სჩანს, აღარ უცდია მეფის თანხმობისათვის სულწასულ ერისთავს, ამალიანად წამოსულიყო გეგუთს.

ლიბარიტის განდრეკილობამ დაარწმუნა ჭყონდიდელი: საჭირო იყო უფრო მტკიცე კავშირის დადგენა დასავლეთის აზნაურებთან, ამიტომაც არც კი შეუთვალა ვეშაგ ვარდანისძეს და არც უარი.

ასე ივარაუდა: ჯერ ეთავყვანოსო მეფეს, გეგუთს ჩამოსული ვეღარ ვაგებდევსო ლეჩხუმის მოთხოვნას.

რაკი სევანთა ერისთავმა მეფის ნახვა ითხოვა, უფლისწულს ეუხერხულა მისი მიღება, მით უმეტეს, რომ ასე გართულებულე იყო საქმე; ამიტომაც უბრძანა მსახურთუხუცესს: სასტუმრო დარბაზში შეიყვანეთო ერისთავი და მისი ამაღა, გააღვიძეთო მეფე.

ფერი ეცვალა მოხუცს, ოდნავ გაჯანჯლდა კარისკაცი.

შეატყო დავითმა უზომოდ დაეშინებინა ხელშინაურნი მეფეს. მოღუშულად შეხედა უფლისწულმა მსახურთუხუცესს, სხვა გზა არ იყო, მანაც შეაღო საწოლი დარბაზის კარი.

ზანტად წამოდგა გიორგი მეფე, გაშალა თავისი გრძელი მკლავები, გააზმორა, თვალი მოიფშენიბა.

როცა სევანთა ერისთავის ვეშაგის ხლება გაიგო, მრისხანედ შეიჭმუნხა ბანჯკვლიანი წარბები. დათვის დანახვა უფრო ვაეხარდა, ვიდრე სტუმრების

მოსვლა. მოვალერსა ნადირს, ერთი პეშვი ჩამიჩი ჩასჩარა ლამეზში, ხელი გადაუსვა ქოჩორზე, წამოდგომა უბრძანა.

დათვი ორფეხზე შეიმართა კაცივით, თან გაჰყვა სასტუმროსკენ მიმავალ მიწვევს. კარი შეიღო გიორგიმ და შეუძახა შიგ. თავისი და უპკრეტდა, თუ რა მოხდებოდა.

სასტუმრო დარბაზში ოდნავ ბნელოდა, შარიშურზე წამოიჭრა ვეშაგ სევანთა ერისთავი, ასე ეგონა: მობრძანდებოა მეფე.

უცხოთა დანახვაზე აღრიალდა ტყუილი და წინა თათები დაჰკრა ფოლადის სამკერდეზე ერისთავს.

ხმალი გაიძრო შემკრთალმა ვეშაგმა, სიბრტყით უთავაზა დაღრენილ ნადირს. მერე გაბრუნდა ალექსილი, ბრაზი წაეყიდათ აზნაურებსაც, გამოაყვანინეს ცხენები მყისვე, გამოუსალმებლად დაადგნენ გზას.

გამოენთო მსახურთუხუცესი სტუმრებს, დედოფლისა და უფლისწულის სახელით ევედრებოდა: ნასმურევი იყო მეფე, ამიტომაც გაგებუმართო.

ყური არ ათხოვა ვეშაგ ერისთავმა კარისკაცის მუდარას, სეტყვისა და თავსმის მიუხედავად, გაჰქუსლეს სევანმა აზნაურებმა ანაზღად ცხენები.

უფლისწული დააღონა ამ ამბავმა.

სადილზე უარი სთქვა. თავის იმედი აღარ ჰქონდა, აუცი რამ სიტყვა არ შეეკადროვო მამას, დედის ცრემლებსაც არ ათხოვა ყური.

ხედავდა დავითი: შავნაღვლიანობა ეუფლებოდა მეფეს. ერთი ამბავიც დასცდა მსახურთუხუცესს თეოფანეს:

ქუთათელი მთავარეპისკოპოსი სწევოდა გასულ კვირას გიორგის. ჰყონდიდელიც დასწრებია ამ დარბაზობას.

აჯამეთის აღმოსავლეთით დიდი მუხნარი იყო ერთი, ჯვარის ტევრს უწოდებდნენ გლეხნი. ამ მუხნარში შემოკლომათ აჯამეთიდან გაქცეული ეშვი¹⁾.

გაკადნიერებულა ქუთათელი, წმ. გიორგისაა ეგ ტყე, არამც თუ ნადირობა, გავლაც არ შეიძლებაო მანდ.

გაფიცებულა მეფე, ხელი წამოუსვა თურმე ბროლის სამწდეურს, ჰყონდიდელი ჩავარდნილა შუაში, გადაფოფრებია გაფითრებულ ქუთათელს. ძლივს გაუყვანიათ მღვდელმთავარი უვნებლად.

როცა ამას უამბობდნენ უფლისწულს, მსაჯულთუხუცესი შემოვიდა დარბაზში, თავიანისცა და მოახსენა:

ჰყონდიდელის ბრძანებით, უფლისციხიდან ჩამოიყვანესო სამი აზნაური, მუხათგვერდელ მეციხოვნეთა მიერ შეპყრობილნი შემოდგომაზე.

„ვაზირთა უპირველესი აქ არა ბრძანდება, აღარ ვიცი, რა ვუყოთ ამ ტყვეებს, მცირე დილეგში ჩავაგდოთ თუ წარვგზავნო ქუთათისს?“

ამას ამბობდა მსაჯულთუხუცესი.

ნიანიას შეეთათბირა დავითი.

თავით განსაჯე, როგორც გენებოსო.

მიუგო ბაკურიანმა.

კვლავ უხერხულად იცნო უფლისწულმა მეფის მანდ ყოფნაში განრიგება საქვეყნო საქმეთა.

ასე ბრძანა:

მოახსენეთო ხელმწიფეს.

¹⁾ ეშვი — ტახტი.



აცხცახდა მოხუცი. მსახურთუხუცესიც გაჯიქდა:

ისადილა თუ არა მეფემ, გადამაქეტინა მაშინათვე კარი. დილითაც არ
მაცალეთო გამოძინება, მესაწოლე ბერსაც უბრძანა: არავინ გამაძლიძობო,
იყოდე.

სხვა გზა აღარ იყო, მახარაი ახმობინა დავითმა. ყველამ იცოდა: უგუნებოდ
შექმნილ ხელმწიფესთან მხოლოდ მახარაის შეეძლო ზელალებით შესვლა.

უაღრესად გულნაზი ურთიერთობა ჰქონდა მეფე გიორგის თავის ნახევარ-
ძმასთან. მხოლოდ ერთადერთ მახარაის არასოდეს გაწყრომიდა გიორგი.

მახარაიც გრძნობდა: მთელს სასახლეში მხოლოდ მეფე და უფლისწული
ჰბედადნენ ადამიანურ ღირსებებს მასში.

მახარაი თავზე ადგა მესათხვეველთა იმ წუთს.

იგიც აბურტყუნდა უზიავად. რა დროს მეფეა, ბადეები უნდა შევაკეთები-
ნო, სათევზაოდ მიმყავსო უფლისწული და ნიანია ხვალ.

ხელახლა სთხოვეს დავითის სახელით.

საწოლ დარბაზში შევიდა თუ არა მახარაი, გიორგი წამოდგა, გადაკოცნა, გი-
მოკითხა, რად არ მეჩვენეო მოსვლის უმაღლე, პური რად არ სჭამეო ჩემთან?
სათხვეველები დაუფხჩრეწიათ მებადღურეთა, იმათ ვადგქი თავზე, შენი სა-
ბაზიერო მოვიხილეო.

ისპაპანური მწევრები უქო, კოლხური მშვლის ნუკრები მოუწონა, წალ-
კოტებში უნდა გადავაყვანიხოთ, თორემ თვალეზი უცრემლდებათო უკვე,
საეშვე ნაგაზებს ყურები დაეპკრათო ახლავე.

გაიხარა გიორგიმ, თავის საყვარელ არსებათა ხსენება რა ესმა.

„ხვალ სანადიროდ მივდივართ, ხომ არ წამოგვყვები თან?“

ეკითხება თავის ნახევარძმას.

„ჯერ საქმე მაქვს შენთან მცირედი“, ესა სთქვა მახარაიმ და თვალის უყო
მესაწოლე ბერს. როცა მარტო დარჩნენ, ეუბნება მეფეს:

„ეგ აზნაურები ჩამოგყვანიანია, ვეყო, შენ ბრძანებას უცდის მსაჯულთუხუ-
ცესი, რას უპირებ მაგ აზნაურებს, ვეყო?“

„ვინ აზნაურები?“

იკითხა გიორგიმ, აწყიაა ბანჯგელიანი წარბები.

„მუხათგვერდელ მეციხოვნეთა მიერ შეპყრობილნი“.

მიიღო პასუხი.

„ეჰ, ჩემო მახარაი, მე უკვე მომეწყინა ადამიანთა საქმენი, სანადიროთა
განვაგებ მხოლოდ, რაც გენებოთ, იგი უყავით მაგ არამზადებს შენ და
უფლისწულმა“.

მახარაიმ ამ უკანასკნელ სიტყვაზე შეატყო ნაწყენი იყო თავის ვაჟ-
ზე გიორგი.

„გნებათ აქ მომგვარეთ, მე გაეუჩენ იმ აზნაურებს საქმეს. ორი ბელი გვყავს
დამწყვდელი გომურში, ამაოდ დაეშვერით მე და მენადირეთუხუცესი, უკა-
ნა თათებზე სვლა ვერ ვასწავლეთ ვერას გზის. ამ აზნაურებს მივუჩენ, ეგებ
შათ შეასმინონ რაიმე. ბევრი ვეწვალე, ჩემო მახარაი, მაინც ვერ შევათვისე-
ბინე კაცურად სიარული ადამიანებს, ეს ლა მწადივ ახლა ნიორებს შევასმი-
ნო ადამიანურად სვლა“.

როცა მახარაიმ უამბო ეს ყოველივე უფლისწულს, დამთხდა თგი, ეს ლა
უთხრა ხმადებლა ნიანისა:

2. „მნათობი“, № 5.

საქართველოს
საგარეო ურთიერთ-
ობის
მინისტროს
საქმეთა





„საბრალლო მამაი“...

უბრძანა მსაჯულთუხუცესს დავითმა: მცირე დილეგში დაამწყვდიეთო ტყვე აზნაურნი, მერმე სათითაოდ გამოიყვანეთ, დაჰკითხეთო გაჯიქდნენ კვლავინდებურად ტყვენი. ჰკრეს ტაჯგანაგები აზნაურებს, ოც-ოცჯერ თითოეულს. მთელ სასახლეში გაისმოდა მათი ღრიალი.

სთქვეს: ბორკილები აგვხსენით, ვიტყვითო სიმართლეს.

ახსნეს ჯაჭვები და გამოტყდნენ:

თრიალეთელნი ვართო, ლიპარიტ ერისთავის ყმანი, თავდაპირველად ასეთი განზრახვა გგქონდა: თრიალეთის საერისთაოში უნდა დაეხვედროდით, სადმე ტყეში, სტუმრად მომავალ უფლისწულსა და ჰყონდიდელს.

ტფილისის ამირას შეეთათბირა ლიპარიტ, უხერხულად მიიჩნიეს ეს, მერმე ის იყო ტფილისის ამირასთან წარგვეზავნა პატრონმა, კასპის ციხის სანახებში უნდა დაეხვედროდით ათას ზუთასის მოსაართა, ორივენი უნდა მოგვეკლა საფრიდან.

მუხათგვერდელ მეციხოვნეებს მოერთენენ სახიზნო ქვაბებიდან გადმოცვენილნი გლეხნი. ცხენები გამოგვიკლეს ისრითა, მერმე შეგვიპყრეს ჩვენ სამნი და სამოცნი თურქნი.

მაშინ ბრძანა უფლისწულმა: წლოვანება გამოჰკითხეთო თრიალეთელ აზნაურებს, და ისევ ჰკრეს ტაჯგანაგი სათითაოდ იმდენჯერ, რამდენი წელიც ყოველ მათგანს შესრულებოდა.

ხელაბლა დაადგეს ბორკილნი ქედზე და მცირე დილეგში ჩააგდეს ჰყონდიდელის მობრძანებამდის.

VIII

მოგონებანი მწუხრის ჟამისა

იმავე დღეს გამოიდარა ნასამხრალზე, გაიღიმა იმერეთის უნახესმა ბუნებამ კვლავ. ერთადერთი ღრუბელი შერჩენოდა დასავლეთით ცას, როგორც უშველებელი, თითგაშვერილი მკლავი უფლისა.

აჭარის მთებზე ნისლის ფრთილებს სწეწდა და პენტავდა უჩინარი მხატვრის ხელი, მზემ ალერსიანი თვალი დაადგა სეტყვისაგან დარეჯგვილ ყვავილსა და ფურცლოვანს. ასწლოვანი ბლისხენი ჰყვოდნენ ხილნარში. თავი სტკიოდა უფლისწულს, უქუდოდ გამოსულს. ჰინძის სუნი, ბლისა და ვაშლის ყვავილის სურნელი იდგა თავბრუდამხვევი ბაღში.

იღმოდნენ დიდრონ ნეკერჩხლებზე გასული ვაზების კვირტები, ჯერაც ვერ ბედადნენ თავიანთ მწევანე სამალავებიდან გამოსვლას.

მხარმარჯუნისაკენ გადაუხვია დავითმა, მიჰყვა ცაცხვებისაკენ მიმავალ ბილიკს.

ამდენი უსიამო ამბები აროდეს დახვედრია გვერდში ჩამოსულს.

როცა უფლისციხიდან, წაღვლიდან ან ჰყონდიდიდან აქ მოჰყავდათ ხოლმე იგი სავსებით ყრმა, მოჭხაროდა მუდამ, წინა ღამით არ ეძინა სიხარულისაგან არასდროს.

წინასწარ იცოდა: ყოველი კაცი იმას სცდილობდა საამური რამ ეთქვა ან დაეხვედრებინა მისთვის.

მონადირეთუხუცესს ირმის ნუკრები ჰყავდა შეპყრობილი, მგრემეთუხუცესი კვიცებს უზრდიდა, მახარაი და ბაზიერნი მისნი მტრედის ხუნდებს, ზუს/მართვეებს, არწივის ბახალებს უნახავდნენ ვალიებში, მესათხვევეტებს ნახავდარი ჯურის თევზები ჰყავდათ რუებსა და აუზებში უფლისწულისთვის. ^{მეფისთვის}

ვევლთშივე ევლუბოდა ყრმას თავისი ასმანაკები, კაკანათები, სასირენი, ხალბადენი, ტრედადენი და სათხვევლინი.¹⁾

მახარაის წყალობით დავითი კარჩაკეტილი როდი იზრდებოდა სხვა უფლისწულთა დარად მიუხედავად მამამჟღის — ჭყონდიდელის სასტიკი წუთონისა, მახარაის შინც გაჰყავდა თავისი, რიონის ქალებში, მდაბიორთა ბიჭებთან ერთად დაბობდავდა ვუბებში ფეხშიშველი ყრმა უფლისწული, მათთან ერთად თევზაობდა, ხელს ჰყოფდა კიბორჩხალისა და ცხრაფხას დარანებში, კარგად იცოდა, სად ჰქონდათ სამალაენი მელიას, მაჩვსა და წავს, ან ქორები სად ბუდობდნენ, ან ყვავნი. სახრით ნადირობდა ტოლებთან ერთად მწყერზე.

პერეთს ლაშქრობიდან მობრუნებულს იგივე სასახლე დაუხვდა, იგივე ხელშინაურნი. კაკლისა და ბლის ხეები ისევ ძველ ადგილას იდგნენ, იგივე ფულურო ცაცხვები, ჩრდილმრავალნი და ტანკორძიანნი.

ჰყავოდა მთელი ბუნება ირგვლივ, საამოდ პეტუნებდნენ ფუტკრები სკებში. ყოველივე ძველებურად დაუხვდა, მაგრამ სიხარული გაპარულიყო სადღაც, რადგან თავათ შეცვლილიყო ჭაბუკი.

ეს იყო ასპარეზი მისი ბალობის გარდაუვალი ღებენისა, ამ შემოგარენში ურბენია ფეხშიშველა ნამცვრევ ბალახზე, ამ საყვარელ კაკლების ქვეშ უოცნებნია პირაღმა დაწოლილს მდელოზე. ეგერ მისი სანუკველი ლელვისა და ატმის ხეებიც, ჯერაც პირში აქვს სიტკბოება მათი ნაყოფისა.

ე, მანდ, წალკოტში, სადაც გიორგის მეფის მშვლისნუკრები დაკეინტრიშებდნენ, იქვე ურბენია მასაც, უკან დასდევდა მახარაი, უშველებელი არგანით ხელში.

იჭითკენ ნუ წახვალ, ტურაათ ჩირგებში, იმ ორმოს ერიდე, ჯოჯოებია შიგ, იმ მუხნარში ჭაჯებია, იმ მთის ძირას დეგები.

რიონში ურჩხულებიათ, შავი ზღვიდან ვადმოხვეწილინი, უცებ შესანსლავენ გაუგონარ ბიჭუნას და რა ჰქნას დედილომ მერმე?

სჯეროდა ყმაწვილს მახარაის შეგონება ყოველი, ეშინოდა შგლისა, ღამისა და მოჩვენებისა, ახლა არც ეშინია რაიმესი, არც თუ ისე იოლად აყვება სხვის ნათქვამს და თრიალეთიდან თან ჩამოყოლილ ჭმუნვას ვერ მორვეია გული.

ცაცხვის ქვეშ ჩამოჯდა, გოლიათურ ურთხელის მორზე. ასე ჰგონია: სულ ორიოდე დღის წინად მჯდარიყოს იგი აქ, ჯერაც უასაკო ყრმა. აქ უამბობდა მახარაი ხილთა ქებას და თვეთა ქებას.

„მიპრაკანი?“ — მეომარია, ქრელი ჯაბუკი აცვია ზედ, ბუკი ჰკიღია ქამარზე და ასე იტყვის...“

დაიწყებს მახარაი, დადუმდება განზრახ, რათა ცნობისწადილი გაუსინჯოს ბავშვს.

„რას იტყვის, ძია ბატონო, მიპრაკანი?“

¹⁾ სათხვევლი — მადე, სათევზაო.

²⁾ მიპრაკანი, იგრიცა, ვარდობისი და სხვა თვეების სახელებია ძველქართული.



ქართველი
წიგლიყმისა

„აქი გუშინ ვითხარი, აღარ გახსოვს?“

„კიდევ ვითხარი, კიდევ.“

ევედრება ყრმა.

„მიპრაკანი ასე ამბობს: რაინდი ვარო თოროსანი, ეს მე შევმუსრე ზამთარი, ყინვის ჯავშანი შემოვაცალე მიწას და აწ ზაფხულს ვეზმობ ბუკითა.“

„იგრიკა“?

იკითხავს ყრმა.

„იგრიკა, მწყემსია, სალამური გაუჩრია პირში, ტუბილად უკრავს და თეთრ ბატუნებს მიელალება სერებზე.“

ვარდობისაჲ?“

„ვარდობისაჲ — ქალწულია, ყვავილებით შემკული.“

„მარიალი“?

„მარიალი მეცელეა, თაველების გვირგვინი დაუდგამს თავზე.“

სიხარულისაგან თვალებს ნაბავს ყრმა, რადგან მახარაი შეუქიჩრებლად განგრძობს თვეთა ქებას.

„ქველთობისა—მებოსტნეა, სურნელოვანი ნესეები ჩაუყრია გუდაში.“

ახალწლისაჲ — მეხილეა, ატემებით, ვაშლებით, მსხლებით დატვირთული, სთელისაჲ — მეზურეა — მწიფე მტყენების ჯაგნები ჰკიდია მხარზე, ტირისკონი — მეწისქვილეა, კვნესით დადის წელში მოკაკული და მიათრევს ფქვილის ტომარებს.“

ამბობს მახარაი, წელში მოიხრება ისე, თითქოს თავათ მოჰქონდეს ეს ტომარები ფქვილისა.

„ტირისდენი?“

„ტირისდენი — ბერიკაცია, ბუხარს ეფიცება.“

„პანი?“

„პანი — მენადირეა, თეთრი ქორი უზის მარცხენაზე, თეთრი მწვერები წინ მიჰყვება, თეთრმშველებს მისდევენ მწვერები.“

სურწყუნისი—რა თქმა უნდა, გუთნისდედა და პოროველას მღერის, ხანაც ხარებს შეუძახებს პამოს.“

„ახლა ეს ვითხარი, ძია ბატონო, თეთრი მშველი თუ არის მართლაც სადმე?“

არა, თეთრი მშველი მხოლოდ ზღაპარშიაო ცნობილი.

შელამდებოდა თუ არა, ვარსკვლავეთს უჩვენებდა მახარაი. ასწავლიდა, რა და რა თვენი მიითვლიან ზოდიაქებს ვერძისას, კუროსას, ღრიანკალისა და სასწორისას.

აქიხენდა ტოილოთი დაბმული ქუჯაი პატრონის დანახვაზე, უფლისწული შეკრთა, ფიქრიდან გამოერკვა, ცხენს აღურსიანი მზერა ესროლა და ხილნარისაკენ გადაუხვია.

ნელი ნიავი მიდიოდა დასავლეთიდან, თოვლის ნამქერივით ძირს სცვივოდა ტყემლებისა და ბლების ყვავილები, ათოვდა ხეივანებში მოხეტიალეს თავზე, ისე გაუთეთრდა წაბლისფერი კულულები, თითქოს ჰალარით შეფიფქოდა თავი.

ამას ხედავდნენ ბოსტანში მომუშავე დიაცები, ველარ იკავებდნენ ღიმილს, მოხუცებულაო უფლისწული ჩვენი.

გვეუთის სასახლეში ასწავლა ანბანი მახარაიმ უფლისწულს. მანვე უჩვენა ბაგრატიონთა გერბი საგვარეულო.

გვირგვინის ქვეშ შეტოტებული ორი ლომი, რომელთაც კრისტეს ხიტონი უჭირავთ თათებში.

ლომების თავებზე გადაჯვარული სკიპტრა, ხმალი, ქნარი და შურდული. უამბო გაოცებულ ყრმას: სამოცდამეთვრამეტე შვილი-შვილთაგანი ხარო მეფსალმუნე და მეშურდულე დავით მეფისა.

შიდის უფლისწული მარტოკა, მიჰყვება სიყრმეში ათასგზის გავლილ ბილიკებს. ხილნარს გადაღმა გალავანია მაღალი, გალავნის გაღმა ნათესები, მესრებით გამოიჯნული, მესრებს იქით ველია ვრცელი.

ახლაც მანდა სდგას ნამეხალი მუხა.

ამ მუხის ქვეშ მჯდარა უფლისწული მახარაის მუხლზე.

გიორგი მეფის ცხენოსნები ვარჯიშობდნენ ველზე.

ერთი დასი მუხნარის პირად დაბანაკებულა აღმოსავლეთით, მეორე დასავლეთისკენ, ნეკერჩხლის ტევრის მახლობლად.

მოხუცი უამბობს ყრმას, თუ როგორ სძლია ბაგრატ მეფემ ჯანძის ამირას ფაღლონს, მერმე როგორ შეიპყრო გაქცეული ფაღლონი ერთმა გლეხმა, ჯორზე როგორ შესვა და აღსართან კახთა მეფეს მიჰგვარა ტყვე.

„შლეგი ყოფილა“ ამბობს დავითი.

„აბა, მეც მაგას არ ვამბობ, არა სჯობდა ბაგრატ კუროპალატისათვის მიეგვარა იმ ოჯახქორს!“

ბაგრატ კუროპალატის მიერ გადახდილი ომების გამო თხრობა ახარებს ყრმას.

მახარაიც უამბობს, თუ როგორ შემოეწყო ბაგრატი ტფილისს „დაუდგნეს ფილაკავანნი და ბრძოდეს ისანთა და ესროდეს ისარსა“. ან როგორ ვახდა ტფილისში ერთი ლიტრა ვირის ზორცი — ხუთასი დრამა.

აროდეს მოსწყინდება ციხეთა შემოწყობის, გოდოლთა შელეწვისა, ძელზე გასმისა და თვალების დაბნელების ამბები.

ამსობაში დაიძრნენ ცხენოსნები აღმოსავლეთიდან და დასავლეთიდან ყიყინით, შეუტეეს ურთიერთს, პოროლები გამართეს და სწორედ ისე უნდა აძგერონ ერთმანეთს, როგორც ეს უქნიათ ბაგრატ კუროპალატისა და ალაფ-არსლანის სპათა, ახალქალაქის ომში.

გაფთხრდა, აცახცახდა ყმაწვილი, მოილუშა, ცრემლები შემოადგა თვალებზე.

„ნუ გეშინია შვილო“, ეუბნება მოხუცი.

გაიღმა ყმაწვილმაც. ხედავს თუმცე პოროლები აძგერეს ურთიერთს სპათა, მაგრამ არავინ დაშავებულა, კვლავ გაიყარნენ, ზოგმა ნეკერჩხლის ტევრს შიამურა, ზოგმაც მუხნარს.

დავითს უწინაც ენახა ცხენოსანთა წვრთნა ამ ველზე, მაგრამ შუბის ცემა ჯერ არ ენახა.

გაოცდა ყმაწვილი. საკუთარი თვალით ხედავდა წედან, შუბებს აძგერებდნენ ერთმანეთს სპანი, მაგრამ არავინ მომკვდარა, არც დაშავებულა, ორიოდე მხედარი ჩამოვარდა, ისევ წამოდგნენ, მკვირცხლად შემოახტნენ ცხენებს და მიერთვნენ თავისიანებს.

თორ-მუზარადების ლაპლაპს აქედანაც ჰხედავს, ჯაჭვი აცვია ყველას, ეგვიციის ყრმამ, ჯაჭვ-საჭურველსაც რომ გაატანს მარჯვედ მოქნეული შუბი?

განა ხმლითაც არ გაუკვეთიათ თურქის მეომარნი, თორიანად და ჯაჭვიანად პაპას ბაგრატსა და მამას — გიორგის? ამასაც ხომ მახარაი უამბობდა-მან? რალაც ოინბაზობაა აქ, ფიქრობს დავითი და კვლავ გასცქერის მოკეცულავე მხედრებს, მახარაი ამჩნევს: ცნობისწადილმა შესძრა ყმაწვილის გული.

მოხუცს ეღიმება, მაგრამ სდუმს.

„ჰოროლები უჭირავთ მავ სპათა ხელში?“

ეკითხება მახარაის დავითი.

„ჰოროლები, თავათაც ხომ ხედავთ აქედან?“

ადგა მახარაი, გადაატარა კაპანზე ყრმა, ლასტის კარი გააღო, მესრებში დატანებული. მუხნართან მიიყვანა დავითი.

ასმეთაურს ეუბნება მახარაი.

„გაოცებულია უფლისწული ჩვენი, ვერ გაუგია, მართლა თუ ომობთ, ნამდვილი ჰოროლები თუ გიჭირავთ ხელში?“

გაეღიმა ასმეთაურს.

ჰოროლი გამოართვა მხედართაგანს ერთს.

„აი, ხომ ხედავ, უფლისწულო, ვიდრე ომს დავიწყებდეთ, ამგვარ ფოლადის წვეტს მოვაძრობთ ჰოროლებს, ხოლო ძელის წვერი ვერას ავნებს თოროსანს“.

ეს უთხრა, მოაძრო წვეტი შუბს.

გაიცინა და გაიხარა ვაჟმა.

ასე ღელავდა უფლისწული ოდესღაც ომიანობის თამაშის შემყურეც. ხოლო რუსთავეში, ამ სამიოდე თვის წინად, ფოლადის წვეტიან ჰოროლს სცემდა თავათაც კაცსა და ცხენს, წინ მიუძღოდა სპათა, შეუზახებდა ომახიანად, კაცისკვლისათვის აქეზებდა სხვათაც.

მეორე დღეს საკუთარი თვალით ნახა ყორნების ლაშქარით დაფარულიყო ჭაობები, სვაეები ჰკორტნიდნენ დახოკილ თურქებს, მგლები და ტურები დაათრევდნენ ადამიანის შიგნულს ტლაპოში, ვირთხები სვამდნენ ჭაობში ჩავუბულ სისხლს კაცისას და სიბრაღულის ნატამალიც არ უგვრძნია.

ბაღლობისას ბუს მართვე რომ მოკდომოდა, ან შოშის ბარტყი, ტირილით შეაჯერებდა უფლისწული ქვეყანას, წელან თავათ ესმოდა, თუ როგორ ღრილობდნენ ტაჯგანაგებით გვემული თრიალეთელი აზნაურები, სიბრაღულიც არ გაჰკარებია გულს.

შესცქერის დავითი ნამეხალ მუხას ამ წუთში, განვილილ სიყრმისაკენ უკან იხედება გულნადვლიანი და თავათაც უკვირს, თუ რაოდენი მანძილი გაუვლია მას, ამ მუხის ჩრდილიდან რუსთავეს ციხემდის!

მამწუხრის ნისლი ღვებოდა რიონის ქალებიდან, ერთად ერთი ვარსკვლავი ვიაფობდა დასავლეთისაკენ, ბინდი ეფინებოდა აჭარის მშვენიერ მწვერვალებს, საყვირის ხმები მოისმოდა გეგუთის ციხიდან.

IX

მუსლითმეზღაპრები



ქართველი
კომუნისტები

„ვიდრე თვალთა არა ვიხილო, არა მრწამს“.

ბ ა გ რ ა ტ IV.

„In manu omnium Deus signa
Posuit noverint singuli opera sua“.

დიდ ხუთშაბათს მიწა იძრა.

ამბიონზე მდგარ მთავარ დიაცვანს სახარება გაუვარდა ხელიდან, ბაგრატის დედის, მარიამის მიერ იერუსალიმიდან გამოგზავნილი, ოქროთი შექმნილი სრულად, ძირს დაეცა წიგნი და ორად გაიპო.

დიდი მითქმა-მოთქმა მოჰყვა ამ ამბავს როგორც გეგუთსა, ისე ქუთათისში.

ათასგვარად ახსნეს იგი ბერებმა და ხუცეებმა. ერთნი ასე ამბობდნენ: მამასა და შვილს შორის მოსალოდნელ განხეთქილების მაკნეაო ეს; დავით უფლისწული გვირგვინს დაიდგამს, ტათსა და ქათლს წარსტაცებსო მამას.

სხვანი უფრო მეტს ვარაუდობდნენ: ლიპარიტ ერისთავი საქართველოს მეფედ აღვიარებსო თავს, მცხეთაში ეკურთხებაო აღდგომას.

გიორგი მეფე ცრუმორწმუნე იყო, შეკრთა ოდნავ, ქუთათელთან წაყიდება მოაგონდა: ხომ არ შემაჩვენაო ამ წყეულმა ხუცესმა?

საქართველოსა და ბიზანტიაში უცნაური ხმები დადიოდა იმ წელს, უამრავი მუკლითმეზღაპრე,¹⁾ მარჩიელი და ბერი დალოდავდა, ჩურჩულებდნენ: ათასი წლისათვის დანიშნული წარღვნა ათას ას წლისათვის გადაუტანიაო ღმერთს. კოზმან ბერის მიერ უხვად ჩამოტანილი ამბები ელვისებრ მოედო სრულიად საქართველოს მონასტრებსა და სამრევლოთა.

რომელიღაც ბერძენ ბერს ძალი გაულმერთებია კონსტანტინოპოლში, ალექსი კომნინის დედა — ანა დალასინაც აჰყოლიაო „ძაღუების სექტას“.

ყიფჩალებზე გამარჯვება წინასწარ უთქვიაო ხირომანტს. აცინგანს ერთს. თავათ კოზმან ბერს ჩამოუტანია თრიალეთში შავი წიგნი: „გამოცხადებანი ღვთისა, მიწისძვრების სახითა“.

სწორედ წითელ პარასკევს გეგუთის მახლობლად, ქალაში დაბანაკდა ასიოდე სულისაგან შემდგარი ელი ტომი, რომელსაც ბიზანტიიდან თან მოჰყვა სახელი აცინგანი.

აცინგანები ინდოეთიდან გადმოხვეწილიყვენენ ეგვიპტეს, აქ ორად გაყოფილან, ერთმა ნაწილმა ირანს მიაშურა, ერთ წელს ისპაჰანში დაჰყო, მერმე გურგენის ზღვის კიდევებს გამოჰყვა და ივრის ნაპირებზე იწყო ხეტიალი კახეთში, ხოლო მეორემ კონსტანტინოპოლიდან ტაო-კლარჯეთით გადმოსულმა, გეგუთამდის მიიღწია.

კახეთ-ჰერეთში ჩამოსულთ ფარსული ვერ შეეთვისებინათ, არავის ესმოდა მათი ნაუბარი, ამიტომაც ქაჯები ეგონათ, დახოცეს კიდევაც კახელებმა ზოგნი, ხოლო იმერში გადმოსულთა ბერძნული თან მოჰყვათ.

ესენი მოვიდნენ როგორც ჯამბაზნი და მუკლითმეზღაპრენი, მკითხავნი.

ჯამბაზები ხშირად დახეტიალობდნენ იმ ეამად, სახიობას ეწეოდნენ ათასნაირს. მრავალგვარი ოინბაზობით ართობდნენ ხალხს.

¹⁾ მუკლითმეზღაპრე — მკითხავი, ხირომანტი.

აღინგანების სიშვემ სახისამ, უზომოდ წაზრდილმა ფრჩხილებმა /მათმა, ძრწოლა ნარევი ვაოცება დაჰბადა ცრუმორწმუნეთა შორის.

ქინკებიო, ამტყეებდნენ ერთნი, სულ სხეას ამბობდნენ, ^{ქვეყნული} სტეფანე ეგენიც ჩვენებრ აღამიანებია, მაგრამ ბნელეთის კიდიდან წამოსულთ, ჯოჯოხეთში გამოუვლიათ და ამადაც შეტრუსეიათო თმა-წვერი.

მახარაი და მესაწოლე ბერები წავიდნენ რიონის პირად, აცინგანების ბანაკში.

მახარაის მრავალგზის ენახა აცინგანები მცირე აზიასა, კონსტანტინოპოლსა და დუნაის მხარეში, დაადასტურა: კაცნიაო, რაიმე ვნების მოტანა არ შეუძლიათ, მუკლითმეზღაპრენი არიან, ოღონდ თუ რაიმე მოახელეს, მოიპარავენო კიდევაც.

ეგეც განაგონი ჰქონდა: როცა ქალაქ პერგანას შემოეწყვენენ სარკინოზნი, აცინგანმა დიაცმა ერთმა უმარჩიელა ციხისთავს: ფეხმძიმე ქალი მოაყვანი-ნეთ თორმეტი, წილი უყარეთ, ვისაც შეხვდება, მდულარეში ჩაადგეთ ოგი და მყისვე უკუიქცევაო მტერი. ერთი დიაცი დამდულრეს აგრე, მაგრამ სარკინო-ზებმა მაინც აიღეს ქალაქი და გაეუფეს მკვიდრნი.

დილიდანვე აუხირდა მახარაი უფლისწულსა და ნიანიას: რიონის პირად წავიდეთ, ვაკითხვინოთო აცინგანებს.

ძლიერ ეწადა გავგო, თუ რას ეტყოდნენ ხირომანტი მომავალ მემკვიდრეს ტახტისას.

„იციან რამე შენმა აცინგანებმა, მახარაი?“

შეეკითხა დაფითი მოხუცს.

— „მათ სიბილური წიგნები გაუშალეს მარიამის პირველ ქმარს, მიხაილ მეშვიდე დუკას, ორი წლით ადრე ამცნეს, ნიკიფორე ბოტანიტესი რომ ჩამოავდებდა ტახტიდან.“

უფლისწულმა გაიღიმა და არა მიუგო რა.

„ეკ, რა ვუყო მერმე, ჩემო მახარაი, სთქვა ნიანიამ, ერთმა ტერტერამ უღელი გადაადგო თურმე, კურდღელს მოახვედრა, შემთხვევით გავლილსა და მოჰკლა ოგი, კაი ვირეშმაკები არიან მაგ აცინგანები, დაბანაკდებიან თუ არა სადმე, გამოიკითხავენ, ვინ სად რაა, ვის რა კირი აწუხებს და შემდგომ ამისა მოჰყვებიან მისნობას.“

ნიანიას მაინც უნდოდა სალალოზოდ წასულიყვენენ აცინგანებთან, მაგრამ არა ჰქნა უფლისწულმა და ორივენი სასახლეში დარჩნენ.

ორიოდე ბერი აიყოლია მახარაიმ და ისე წავიდა. დილიდანვე უამრავი ხალხი მიაწყდა აცინგანების ბანაკს.

ოციოდე უიარალო კაცი იდგა კარვის წინ, დედაწულიანად წითელ-ყვითელი ძველმანებით მორთულნი.

ზურგდაშავებული ცხენები ბალახს ციკნიდნენ ტოილოთი დაბმულნი.

შენი იყვენენ აცინგანნი სახითა, თეთრი კბილები უელავდათ პირში, უზომოთ წაზრდოდათ ფრჩხილნი წითლად ნაღებნი ინითა, ასე ეგონებოდა მაც-ქერალს: ესეცაა სისხლში ჩაუყვიათო ბელები.

მხოლოდ მამაკაცები ელაპარაკებოდნენ ბერძნულად ბერებს, დიაცები და ბალები ჯღაოდნენ თავიანთ აცინგანურ ენაზე და ეს ძლიერებდა ძრწოლას მათ გულში, ვისაც ეშმაკისთანაზიარნი ეგონათ ისინი.

ხალხი მოუთმენლობას იჩენდა. ქართულად უყვიროდა: დაიწყეთო.

აცინგანებს არ ესმოდათ, რას უყვიროდნენ. გამოვიდა ბერი უჭრუაი და გადაუთარგმნა.

მამინ ათმა კაცმა გამოხთრია მოზრდილი ძელები, გემის ანძების დარად გარანდულნი, დაარკვეს მიწაზე, ანძების ზეთაზე მოკიდებული საბელები პალოებზე მიამაგრეს, ისე რომ არც ერთი არ იხრებოდა განზე.

თოკები გააბეს ანძებს შორის.

დალულში, ცხვირაპკუა მშვილდოსანი აცოცდა ფეხშიშველი ძელზე, გავიდა თოკზე, მშვილდისარი გადმოიღო, დაიყვირა აცინგანურად.

კარვიდან გამოვიდა დიაცი, თავზე კვერცხი დაიღო. ესროლა ისარი ცხვირაპკუამ და გადმოგდო კვერცხი. მერმე ორივე ფეხი შემოაჭვია საბელს, ტრიალებდა, სხვადასხვა მხარეს ისროდა ისარს. ჯლაოდა, ხარხარებდა დაუცხრომელად.

მეორემ ცხენი წინ გაიგდო, შოლტით გამოუდგა, ძეაზე მოეკიდა და ზედ შეახტა.

მესამე აცინგანმა თავზე შუბი დაიღო ათიოდე წყრთის სიგრძე, საბელ შემბული წვერზე. შვიდიოდე წლის ბიჭუნა წაებოტინა საბელს, იმდენი იმარჯვა, შუბის წვერამდის აცოცდა.

ნახევრად შიშველნი, ძუძუნებგადმოყრილი დიაცები კარვის წინ ისხდნენ, მუნჯურად ემასლაათებოდნენ გარს მოჯარულ ქალებს.

ნეკრესის ქარების, მეცილის სალმობის, ფილენჯისა და უკანაკარის ქაეილის წამლის ურიგებდნენ თითო კვერცხის საფასისათვის.

თელაწალამებულ, უკბილო დედაბერს ურწინი დიაცები გარს მოსხდომოდნენ. იჭვე ენთო ცეცხლი, თიხის კოჭობებში მრავალგვარი წამალი იხარშებოდა, აქოთებული სუნი იდგა ირგვლივ.

პაწია კასრებში უამრავი წურბელები იკლანებოდნენ.

დედაკაცი ოდნავ ამტვრევდა ბერძნულს, მგლის დერიტას ურიგებდა ქალებს, მგლის ნეხეს ხამ თაფლში აღრეულს. გველის პერანგის ნამუსრევსა და ზაყაყის მაქს.

მის გვერდით ლოყებდაფერილი დიაცი ასოთ სამღერელს ამბობდა ბერძნულად, მოხუცი ბერი თარჯიმანობდა:

„თუ კაცს მარჯვენა თითი ემღეროდეს, — მტერს აჯობოს, უკეთუ ჭიბი ემღეროდეს დიაცს, — შვილი მიეცეს, თუ მარჯვენა იდაყვი ემღეროდეს ვაჟკაცს, — მტერი მოუფიდეს, თუ დედაბერს ნიკაბი ემღეროდეს, — ლხინი შეემატოს“.

უშვილო მამაკაცებსა და ცვედნებს მოხუცი აცინგანი აძლევდა თათბირებს. ნარგინის კურკას ურიგებდა მათ, ურჩევდა: ზაყაყის სისხლი, ძროხის ნაღველი ცომში არიეთ და ასოზე წაიჭეთო.

ქინძის სარიგით დაბალი აცინგანი ქელს იხდიდა, კვერცხებს აგროვებდა და ქაქანებდა ბერძნულად:

„თუ ქურდი ან მსტოვარი შეიპყროთ და არ გამოტყდეს, თავკობალების ენები დანაყეთ ბლომად, კურდღლის ცურცლში ამოსვრილი შეაქამეთ და გამოტყდებიან მყისვე“.

მახარაის გაელიმა, დროზე მოეტანა ეს ამბავი ამ ოჯახქორს, ტაჯგანაგებით გვემას ასცდებოდნენო ლიპარიტის აზნაურები.

შავწვერა აცინგანი და მისი ქალი დათვის აცეკვებდნენ ვაგლახად გაბურულს. სახელურიანი კასრი ქამარზე ჰქონდა მოკიდებული აცინგანს, მღვრიე წყალი თახთახებდა შიგ.

გოგონა ცეკვავდა, დაირას ამრახუნებდა, ზანზალაკებს აედარუნებდა, მერმე შესდგებოდა. მიეჭრებოდა დათვის, ქეჩოზე შერჩენილ ბეწვებს მიაპკრიდა.

წყლიან კასრში ჩაპყრიდა, მერმე წაიპუტუნებდა შელოცვას. ჩაპყოფდა ხელს, ამოიღებდა ბეწვეებს, ურიგებდა მაკქერალთ: ავგაროზებად შეიბითო ყელზე-თვალეზგადმოკარკლული, ტუჩებგაბუშტული, თმახუტუტა მხარე-სარკაზე დამჯღარიყო ინახით.

მის ფერხთით უზარმაზარი ხელი იყო დახატული ქვიშაზე.

მარჯვენა ზეაწია თითებმოკაცვული.

ჯერ სალოკ თითს გამართავდა, ბერძნულად ეუბნებოდა ყმაწვილ კაცებს: ეს იუპიტერიანო.

მერმე შუათითს უჩვენებდა:

ეგ სატურნიანო.

უსახელოს უწოდა: მზე.

ნეკს შუარქვა: მერკური.

მახარაიმ თვალი დაადგა ამ აცინგანს. თავათაც გაწაფული იყო ასტროლო-გიაში, მარჯვე დროს ეძებდა: გამოლაპარაკებოდა როგორმე მარტოკას.

* * *

უფლისწული და ნიანია მწუხრიდან მობრუნდნენ თუ არა, განმარტოვდნენ, ქუთათისს აპირობდნენ მეორე დღეს წასვლას. ადრე დაწოლან ლამობდნენ იმ ღამეს.

ნიანია შეევედრა სიყრმის მეგობარს: ქუთათელს არ შემახვედროვო როგორმე ხვალ.

ქუთათელ მთავარეპისკოპოსს არ უყვარდა ბაკურიანი.

განა მარტო ნადირთა და ფრინველთა გამოჯავრება უყვარდა ნიანია ბაკურიანს, იგი ზედმიწევნით გარდმოსცემდა ზოლმე ყოველი ადამიანის ხმას.

ბერიკობა მოიგონეს სიყრმის მეგობრებმა, ამ ათი წლის წინად გამართული გეგუთის სასახლეში.

ნიანია იყრო¹⁾ აილო მოზრდილი, ყელი წააჭრა და ეპისკოპოსის კამილაკას²⁾ დაამგვანა, ანაფორა გადაიცვა, სახარება აილო, დადიოდა სასტუმრო დარბაზში და ქუთათელის ხმაზე კითხულობდა.

სწორედ ამ დროს შემოალო ქუთათისის მთავარეპისკოპოსმა კარი.

„ეს რა მკვრეხელობა!“

უყვირა ყმაწვილს, გამგუნებული გაბრუნდა ქუთათელი და მეფე გიორგის მოახსენა: ბაკურიანის ყმაწვილი სასახლიდან თუ არ დაითხოვე, უჩუქუნოვბას მთაუნერგავსო უფლისწულს.

ნიანია იწვა ახლაც და ქუთათელის ხმაზე ლიღინებდა:

„რამეთუ შენია სუფევა ძალი და დიდება“.

უფლისწული ხარხარებდა სიყრმის მოგონებათაგან გახარებული.

სწორედ ამ დროს ვილაც ახმახი შემოეხეტა დარბაზში.

ნიანია შეკრთა თმახუტუტა, თვალეზგადმოკარკლული ზანგის დანახვაზე და კედელზე დაკიდულ მახვილისაკენ გაიხედა შეფარვით.

გაოცდა უფლისწულიცა. როგორ შემოვიდაო ეს კაცი ასე უგრძნეულად, გუშაგებისა და მანდატურთაგან შეუშინეველი?

დახვეწილი ბერძნულით სთქვა სტუმარმა:

¹⁾ აყირო—შწარე გოგრა.

²⁾ კამილაკა—გივრგვინის დარი, მოოჭოვილი ქუდი მღვდელმთავართა.

„კატას ლოდსატყორციც რომ ზედ დაჰკიდო, ორ ლომს რის/დაავლებს იგი?“

დაემხო იატაკზე, თავყანისცა ორთავეს, მერმე მუხლებზე დადგა და სთქვა: „ამ ორში ერთი მეფეა და ერთიც ვაზირი. მოიტათ მარჯვენანი და ბრკელისაგან გამოვიცნობ ლომსა“.

უფლისწული მიხვდა: აცინგანი იქნებაო ალბათ.

გაელიმა ორივეს. სახუმაროდ გაუწოდეს მარჯვენანი. უცნობმა ითხოვა მემამშალენი იხმეთო. როცა სამი მემამშალე დარბაზში დადგა, შეხედა სახეში უფლისწულს, მცირე ხანს სდუმდა და მერმე სთქვა:

„ხელსა შინა ყოვლისა კაცისასა დანიშნავს, რათა ცნას ყოველმან კაცმან უძღურებანი თვისი“.

ხელის გულებს გადაუსვა მარცხენა, მერმე დაიჩოქა უფლისწულის წინაშე და წარმოსთქვა: „პოლიხრონიონ“¹⁾.

ნიანიამ გაიცინა და ეუბნება უფლისწულს:

„აცინგანია ეგ კაცი, ალბათ“.

ერთ სიტყვაზე მიუხვდა უცნობი და ეუბნება ბაკურიანს ბერძნულად:

„მე აცინგანი არა ვარ, ბატონო, ქაირში მიშვილა აცინგანმა ზირომანტმა ერთმა და შეერჩი მათ ბანაკს, მეგვიპტელი ვარ თავათ“.

მერმე დავითს მიმართა ისეთივე ხოტბით, როგორსაც კეისარს შეასხამდნენ ხოლმე, — ბასილევს²⁾ უწოდა მას, და სთხოვა თავმოდრეკილად, კვლავ გაეწოდა ორივე ხელი.

თმახუჭუჭა დიდხანს უჭვრეტდა ხელის გულებს, აკვირდებოდა ნაკვთებსა და ძარღვებს, ფალაშურად³⁾ ბუტბუტებდა რალაცას, თითქოს ლოცვას იხეპირებდა თანაც.

სთხოვა: მემამშალეთ ახლოს მოსვლა უბრძანეთო. თავზე წაადგნენ მემამშალენი.

უჭვრიტა, უჭვრიტა ხელებს და მერმე ასე უთხრა ნიანიას:

„მის მარჯვენაში მზეგრძელობა ცნაურდება, ხოლო მარცხენაში მორკმულობა და დიდება“.

მერმე დაცუქდა აგურის იატაკზე, ცალ მუხლზე წამოჯდა, ცალიც წინ დაიდგა, მარჯვენა ხელი მაჯაში წაავლო უფლისწულს, თავისი ხორკლიანი მარცხენა გადაუსვა ხელის გულზე ნაზად, გადმოკარკლული თვალები მიაშტერა, მერმე თავი აიღო და სთქვა:

„სასიკოცხო ნიშატი მძაფრია, თავისმიერნი — მტკიცე, გულისმიერნი — (შეყოყმანდა) და მერმე ჩაიბუტუნა: მერყევი, ბედისმიერნი — აქაც დადუმდა მცირეს და შემდგომ ამისა დასძინა: — სახიფათო.“

ოლონდ ეგაა, სხვა უფლისწული ბედნიერ ვარსკვლავს აპყავს ხოლმე დიდების ტახტზე, წინაპართა მონაგარია მათი ზედსაყრდენი, ხოლო შენ, ო, ბასილიეუ, უბედობის ცეცხლში უნდა გამოიბრძმედო, შენ ის ფოლადი ხარ, რომელსაც სუსხში აწრთობენ ხოლმე სარკინოხნი, გრიგალებში გამოზრდილს ყერას ვაენებენ ამ სოფლიურნი ლეღვანი.

ზღვის ქვიშაზე უმრავლესნი მტერნი გყავსო, ო, ბასილევ, შეეთიმიანნი და მზარგრძელნი, მაგრამ ერთ მათგანს სპილენძისფერი თმაწვერი აქვს, ციხენი

¹⁾ პოლიხრონიონ — ბერძნულად მრავალფერად, ასე მიმართავდნენ კეისარებს ქვეშევრდომნი.

²⁾ ბასილევს — ბერძნ. მეფე.

³⁾ ფალაშური — ენა, აგუს ერთერთი ტომისა.

მისნი შეუღლებია, იმ ციხეებს ერთი კლიტე აქვს და უღამაზესს ქალს აბარია იგი, იმ დიაცის გული თუ მოიგე, იოლად აღიზამ იმა ცხეცფეხს.
მცირე ხანს სდუმდა სტუმარი, ისევ ხელს დასცქეროდა, ბუღღღს ყოფიყო კილო და სთქვა:

„ეგ საზიფათო ნაკეთია, ისევ ნიანიას გაუმართა თვალი და უთხრა: მას ვერც ისარი, ვერც მახვილი მტრისა ვერას ავნებს: ორ რამეს ერიდოს: დიაცსა და ცხენს, ერთი მათგანი საშიშოა უთუოდ“.

„ქორწინების ნაკეთი?“ შეეკითხა ღიმილით ნიანია.

„ქორწინების ნაკეთი ბნელია, ეგეც საზიფათო ნაკეთია“.

დავითმა ხელი წაართვა ხირომანტს.

ღიმილით ეუბნება ნიანიას:

„მე პაპიჩემის შეგონებას უფრო მეტად ვენდობი. ვიდრემდის თვალით არა ვიბილო, არა მრწამს!“

ადგა მუცლითმზღაპრე, უკუსვლით გავიდა დარბაზიდან, მწუხრი მშვიდობისა უსურვა მასპინძელს.

უფლისწული ისე სახტად დარჩა, ორიოდ ფლურის ჩუქებაც ვერ მოასწრო, მერმე წამოაღდა, კარებამდის მივიდა.

უცნობს უკვე მოესწრო გარედ გასვლა, ანაზღად გაერია სვეტების ლანღებში.

კარის უკან მახარაი იდგა სულგანაბული.

„ვინ იყო ეგ კაცი, მახარაი?“

„სტუმარია მწუხრისა“.

სთქვა ზღურბლზე გადმოსულმა და ამოიხრა, შემდგომ ამისა ნიანიას მიუჯდა იგი და ეს უთხრა ერისთავს:

„მალიქ შაჰს სასახლეში ყოფილან, ნიკეაში, აცინგანები, უმკითხავნიათ.

ამ თმახუტუტას უთქვამს: ექვსი ერთზე ვერ დაჯდება. მალიქ შაჰ მიმხედარა ბნელის მიმთხრობის იგავს: მალიქ შაჰს შეილის-შვილი ხომ ექვსი წლისაა, ხოლო ხალიფის ტახტი ერთადერთია ამ ქვეყნად.

განრისხებულა სულტანი, ნიკეადან გამოურეკია აცინგანები.

თავჩაქინდრული იჯდა მახარაი.

დაღვრემილობის მიზეზი ჰკითხა დავითმა.

„ეგ კაცი მე არ მომწონს“.

სთქვა მახარაიმ.

„რატომ?“

შეეკითხა ნიანია.

„ყორნის ბოლოსებრ შავი თმა აქვს, ზანგია როგორც სჩანს.“

„მერმე რაი რომ ზანგია, ზანგი სამი ჰყავდა სასახლეში ბაგრატ კუროპალატს“.

ამბობდა დავითი.

„ზანგები ეშმაკისა და ევას შეილებია“.

„თუ აგრე გეშინოდა, რალას მოგყავდა?“

ეუბნება ნიანია ღიმილით.

„არ მომეშვა ი ოჯახქორი, უნდა მაჩვენოთო თქვენი უფლისწული“.

დადუმდა მახარაი, ბოლოს ადგა.

„ეჰ, ვინ იცის, ეგებ ყველაფერი რასაც მიველტვით, ეშმაკის მოჩმახული აღმოჩნდეს ერთ დღეს“.

ესა სთქვა და დარბაზიდან გავიდა.

(გაგრძელება შემდეგ ნომერში).

ალ. აბაშელი

ახალი მთხარე

სველი ღრუბელი ქარმა წაღეკა,
ჩაჯდა ბუდეში ოქროს არწივი.
ცაზე გამოჩნდა ჯიხვის ცალი რქა,
დაზარნიშული ვერცხლის ყანწივით.
ვზივარ სარკმელთან წყნარი და ფრთხილი,
გულში უსიტყვოდ ამღერებული,
ახალი მთვარის უეცარ ზილვით
მოულოდნელად გახარებული.
ასდის სურნელი მიწას ნამიანს
და ბაღში თითქო მღერის ლერწამი.
ეს ერთუანტელი — ერთი წამია,
მაგრამ რა ტკბილად ფეთქავს ეს წამი!
ბრწყინავს ცალი რქა, ოდნავ წახრილი,
ჩნდება თანდათან ვარსკვლავთ კრებული.
ახალი მთვარის უეცარ ზილვით
ვარ უცნაურად აღელვებული.

ჩემო ქვეყანავ! შენს წმინდა ცაზე
ღრუბლის ნაგლეჯიც არ დარჩენილა,
და შენი სახე, სინათლით საესე,
ნორჩ მთვარესავეთ გამოჩენილა.
დღე დაგდგომია თბილი, უქარო,
მწვანე ჯეჯილი რომ დააპურო,
ნაგრიგალევეო და ნაბუქარო,
საუკუნეთა ღრუბლით ნაბურო!
მე შენ გიმღერი, შენი ვარ მარად,
შენი დიდების გამომსახველი.
ჩემი სიცოცხლის სიამელ კმარა
მხოლოდ ხსენება შენი სახელის.
მე ამ ტკბილსა და ნეტარ მიწაზე
სიმღერის ძალას შენგან ვღებულობ.
მე შენ ამწიე, შენ ამიტაცე,
სამშობლოვ, ცამდე ამალღებულო!
მხოლოდ შენა ხარ ჩემს გარეშემო,
მეც ჩემი გულით მხოლოდ შენი ვარ,
რადგან პოეტად, ქვეყანავ ჩემო,
მე შენს სიყვარულს გავეუჩენივარ!

ი ა ვ ნ ა ნ ა



როცა საღამო იწვის ჩემად, როგორც სანთელი, **ერაყნულში**
და მთის ქედებიდან ვარდისფერი ცა იჭვრიტება, **ზინგლიჩოსიქა**
როცა მზისაგან დარჩენილი დიდი ნათელი
მიწის გადაღმა ლურჯ უფსკრულში ჩაიშრიტება, —

ჩემ წინ უეცრად გაიელეებს ცისფერ ლანდივით
მეგრელი ქალი, მოღუღუნე ჩონგურით ხელში,
ჰაერში თეთრად შეირხევა მისი მანდილი
და ისევ ჰქრება, როგორც ნისლი დაბინდულ ხევში.

მომელანდება არა ჩონჩხი, ცივი და მქრალი,
სიკვდილის ელდა რომ უელავს თვალების ხერელში,
არამედ სათნო, ლმობიერი მეგრელი ქალი,
მეგრულ სიმღერით ანთებული ჩონგურით ხელში.

მაშინ მე ვამბობ: „ხომ ვიცოდი, რომ ეს ასეა,
ჩვენი სიცოცხლე ერთ წერტილზე რომ არ ჩერდება! —
დილა სინათლით და ჰაბუჯურ ეშხით სავსეა,
მაგრამ დრო მიდის და საღამოს იგი ბერდება.“

ეს დღეც დაბერდა და შეაღო ღამის კარები,
დათქმულ მიჯნამდე მიიტანა ცის ბრწყინვალება,
და თბილ საღამოს წუთიერი აელეარებით
მან დაასრულა მარადიულ მზის დავალება.

ჩემი სიბერეც მე ასე მაქვს წარმოსახული:
მივალწევ მიჯნას ოქროს ტვირთით დამძიმებული.
ჩვენს დიდ გაზაფხულს უდიდესი შესცვლის ზაფხული,
თავისუფალი შრომის მაღლით მომწიფებული.

ძომაგებებენ მოხუცს პატივს და მოკრძალებას
ჩემი ურიცხვი შვილები და შვილიშვილები,
კოდევ მოვასწრებ მე საჩემო სხივის დაღევას,
ვიდრე ჩემამდე მოალწევენ ღამის ჩრდილები.

დაიწმინდება წყაროსავეთ ჩემი ოცნება,
მუღამ სინათლის და სიამის უხვად მთოველი,
ნელი ფიქრები სიბრძნის შუქით შეიმოსება
და გამიტკბება არსებობის წუთი ყოველი.

ამ დროს მეწვევა მე ის ქალი ჩონგურით ხელში,
ხელს არ შემახებს, მაგრამ ვიგარძნობ მოახლოებას.
მეტყვის: „ხომ ხედავ, ძლივს დადიხარ მიწაზე ხენეშით,
დროა მოშორდე წუთისოფლის ამაოებას!“

მე ვუპასუხებ: «ვერ გავძელი ლექსების წერით, მიტომ გიბედავ კაღნიერად შეკამათებას, — მანუქე კიდევ რამდენიმე მზიანი წელი: გულს ჩარჩენილი სიტყვა ითხოვს ამონათებას».



წაეა. დავრჩები ტკბილ ხმათათვის ჩაფიქრებულნი, რომ ამოვწურო ჩემი წილი საგალობელი, რომ მშობელ მიწის სიყვარულში ჩაფერფლო გული, ესე დაეტოვო ეს ბრწყინვალე წუთისოფელი.

და შემდეგ, როცა ის კვლავ მოვა გარდევალ ბედად, არ მომინდება, ძილის მსურველს, მასთან კამათი, — ის დამაძინებს, ვით დაღლილ ბავშვს აძინებს დედა, ტკბილი ჩონგურით და უტკბილეს ივენანათი.

27 აპრილი, 1941 წ.

ლადო ბალიაშვილი

ხოგაი

თავი პირველი

საიალალოს მგლის ფერი გადაეფინა. ცხვრის ფარები ფერდობს შეჰყვნენ და ზარმაცად შევიდნენ საბინაოში.

ცხვრის პატრონი ფშაველი, ტანმალალი, ავსერი ვაჟკაცი მწყრალად აკვირდებოდა მწყემსებს.

— ხოგაი რაღა იქნა! — დაიღრინა მან და შავი დიდრონი თვალები გააცეცხლა.

მწყემსებს ხმა არ გაუციათ. ბინის ძაღლმა წამოიყეფა, ბინის ძაღლმა მხარეს შეუტია რაღაცას და გაჩუმდა.

— ხოგაი! — კვლავ გაბრაზდა შავბნელი კაცი.

არც მათინ გაუციათ პასუხი მწყემსებს.

ცხვრის პატრონმა ველარ აიტანა მოჯამაგირეთ დუმილი, იქვე ნადებ ჯოხს წამოავლო ხელი, პაერში შემართა და ამ დროს ღონიერმა თითებმა მაგრად მოუჭირეს მკლავზე...

მან ნელა მიხედა: ტან მალალი, ტანისამოსჩამოხეული ჯგუფა სახის, მხარბეჭიანი ვაჟკაცი უმზერდა მკაცრად.

— დაგავიანდა, ხოგაი! — თქვა ცხვრის პატრონმა და ხელის განთავისუფლება სცადა.

ხოგაიმ უფრო მაგრად მოუჭირა ღონიერი თითები. მიწაზე დაცემული ჯოხი ყრუდ აჩქამდა. უხმოდ გაშორდა ხოგაი. ცხვრის პატრონმა ერთი ნაბიჯი გადადგა მისკენ.

— უკანასკნელი დღე!.. — მიამახა ხოგაის და ღამეში მიეფარა.

ქუფრი ღამე მოედვა მიდამოს, სალამურის ხმა გაისმა უკუნეთში, საბინაოზე დაწოლილი დუმილი შეირხა, შეირხა წუთით და შემდეგ გაჩუმდა ყველაფერი.

შულამეს ეამს ცის ტატნობზე მოჩანდა თეოზე მდგომი ხოგაის მალალი ტანი, ჯოხზე დაყრდნობილი ხოგაი ოცნებობდა: ნადირობაზე, იმ სალამოს ნახულ ჯიხვზე და ერო ჯიღვე ვისმეზე, დილის ცისკარს, რომ ადარებდა მარად...

ღამემ უამური ფართაშით გაიარა; სევდიანმა მთებმა შავ ნაბადივით მოიხსნეს ქუფრი და დილის ლაქვარდში ჩამოდგნენ ომ-გადაბდილ დევ-გმირებივით.

ზოგაიმ ტანი ამართა, დილის მადლს მიეგება სალამურის ამო ხმით, შემდეგ თეთრი თექა მოიხადა, ხელები დამალა, შემოტრიალდა, თიქქის განსაწონენად ემზადებოდა, მაღალ ქაუხის თავზე აშლილ არწივებს ესროტს მწყერს დასიკივლად და ის იყო ნამიან ბალახზე გაგორებას აპირებდა, რომ თვალი მოჰკრა ცხვრის პატრონს, — იგი ნელი ნაბიჯით უახლოვდებოდა; პირველტი, უძილო, ამაყად შედგა მწყემსის წინ.

— ზოგაი!.. — სთქვა და მკაცრი მზერა ესროლა.

ზოგაის ეუცხოვა პატრონის საქციელი. დააკვირდა.

— წადი, სადაც გინდა წადი... — სთქვა მან და მძიმედ ამოიოხრა.

ზოგაის ხმა არ გაუცია.

ცხვრის პატრონმა მხრები შეიჩჩია. საუბარი განაგრძო:

— წადი... მეტი თავისუფალი დრო გექნება. ინადირე ჯიხვებზე, მე სხვანაირი მწყემსი მკირდება. მომვლელი სკირდება ცხვარს. შენ შენი ჩაიბარე და გამშორდი...

ეს სთქვა და ცივი, უამურად გაბრუნდა უკან.

წამით ჩაფიქრდა ზოგაი, შემდეგ ცხვრის ფარას გახედა, უამური რამ იგრძნო, დაუსტვინა, ხელები გაშალა, კვლავ შეხედა ლაევარდს, არწიობა ინატრა, — ქაუხებს ჩაუვლიო სანადიროდ და სახე მოღრუბლული წავიდა ქობისაკენ.

ქობის კარზე იდგნენ ჩაფიქრებული მწყემსები. იღუმალად უმზერდნენ ზოგაის. მზერაში სინანული და მუდარა იხატებოდა.

„ნუ, ნუ წახვალ ზოგაი!..“ — კითხულობდა ზოგაი მათ მზერაში.

ზოგაიმ სწრაფად აკრიფა: ტანისამოსის ძონძები, ჯიხვის რქები, ჯიხვის ტყავები, სავაზე მათარა: ხანჯლის ძველი და დანა. შეიარაღდა, — ორლულიანი თოფი მოიმარჯვა. გამოემშვიდობა მწყემსებს და ნელი სტვენით გაშორდა ცხვრის საბინაოს, მოშორებით შედგა: მიხედა ქობს, ცხვარსა და მწყემსებს. სატირალმა ერთანტელმა დაუარა ტანში, მაგრამ, აი, მან თვალი მოჰკრა ცხვრის პატრონს, სახე გაუცივდა, ხელი მკაცრად გაიქნია, გახედა საჯიხვეებს და სიარული განაგრძო — ეწადა ჩქარად გაშორებოდა ცხვრის პატრონს.

— სამაგიეროს გადაუხდი!.. — სთქვა და თექა წამოიხურა. შეჰყვა გორებს, მიდიოდა სწრაფად და შეუსვენებლად, — ეხალისებოდა მაღალ მწვერვალებზე ასეა. რამდენადაც ზევით აღიოდა გული უფრო უხალისდებოდა. ქვიშიანებში, რომ შეხდა შეისვენა, ერთხანს შურთხების ხმაურს მიაპყრო ყური, შემდეგ საიალალოს გახედა, საიალალოს გაშლილ ცხვრის ფარებს გადაავლო თვალი, სახე მოღრუბლა, გული მაგრად, მაგრა შეეკუმშა, სალამური ამოილო, გულის გასაოხებლად ააკენსა. ტყვიისფერი ნისლის მწვერვალები გაეთამაშნენ, დაფარეს ზოგაი, საიალალო. ნიავმა გაიქროლა და ნისლში დაძირული ზოგაის სალამურის ხმა ჩაიტანა მთიდან ბარად.

* * *

უკუნ ღამეში ელვანი თამაშობდნენ, წვიმა იღვრებოდა. შრიალებდა ტბორი ღამე. ელვათ სინათლეზე კაცი გამოჩნდებოდა, გამოჩნდებოდა მხოლოდ წამით და გაქრებოდა, თუმცა მამაცად შიბთულებდა, მაგრამ ტანი მიინც ეძროდა, — გზის დაბლა ვარდებოდა, გზა ეკარგებოდა. გზის მაჩვენებლად შორეული სინათლე ჰქონდა მიჩნეული. გული იქით მისწევდა, არ ისვენებდა.



როგორც იყო მიახწია სოფელს.

სოფელი წვიმისა და ჭექა-ქუხილის ქვეშ განაბულიყო. აღმჩნებნი მისვენებდას მისცემოდნენ, პირუტყვი—შიშა და სიცივეს.

იგი სოფლის შუა ადგილას შედგა, გადახედა სოფელს, ამოიგმინა, მოლილიმა, მოთენთილიმა განაგრძო გზა, ძლივს მოიგერია დაცოფებული მყეფერები, შარაზე აწოლილი პირუტყვების ჯოგი აშალა. შემკრთალივით შედგა მაღალი შენობის წინ, — უძნელდებოდა სახლში შესვლა, როგორც იყო გაბედა, ეზოს კარები შეაღო, აწყვეტილი წყმუტუნით შემოეცება შავი მყეფარი, შეუტიეს ურთიერთს.

ხმაურის ატეხისთანავე სინათლემ გაითამაშა აივანზე, შემდეგ ფანჯრას ვილაც მიუახლოვდა, წუთით დააყურა და ოთახის სიღრმეში მიეფარა.

— მასპინძლო!.. — გაისმა უკუნეთიდან.

ხმა სიბნელემა და მყეფრის ყმუილმა დაფარა. ცოტა ხანიც და ოთახის კარები ახმაურდა, მჭრალი სინათლე გამოიჭრა ეზოში.

— ვინ არი? — იკითხა ვილაცამ.

— სტუმრად მოსულე!

იარალი ახმაურდა, კიბე ვილაცამ ჩაირბინა, მიეხმარა მოსულს, ვინაობა ჰკითხა, შეეყოყმანდა. შეკრთა რატომღაც. ორივეს ცივმა ერთნატილმა გაუარა, წუთით გაჩუმდნენ, შემდეგ დამხდური გაუძღვა წინ და სტუმარი ქვიტკირში შეიყვანა.

სინათლეზე გამოჩნდა ტანმაღალი, ჯიხვის რქებითა და ხორცილ დატვირთული ხოგაი. მის წინ იდგა დაბალი ტანის შავგვრემანი ვეკაცა და შურიანად უმზერდა მონადირეს.

— შენ სტუმარი ხარ, ხოგაი!..

უამური სიხუმე ჩამოვარდა მათ შორის. დაეჭვებულნი მკაცრად უმზერდნენ ურთიერთს.

— ხოგაი!.. — გაისმა მოულოდნელად.

წკრილა ხმამ შეაკრთო ხოგაი, სწრაფად მოიხედა, ძლივს მოკრა თვალი კარებთან გათამაშებულ ლამესავით შავ ნაწნავებს. გულმა იჩითკენ გასწია, მაგრამ დამხდური გადაუდგა წინ, მკაცრად შეხედა.

— სტუმარი ხარ, ხოგაი!.. — უთხრა ბრაზიანად.

ელვამ დაუარა გორებს. უკუნეთი გატყდა წამით და კელავინდებურად დაბნელდა ყველაფერი. ელვის ხმაურზე ოთახის კედლები შეინძრნენ, ხოგაიმ ტანი შეიბერტყა, ხოგაის ტანზე ნაკიდები იარალი აგრიალდა იღუმლად.

— დღეს მასპინძლობა უნდა გავიწიო, ხოგაი! — უფრო რიზიანად გაისმა დამხდურის ხმა.

ხოგაის ყურადღება არ მიუქცევია, გადაბდა, სკამზე დაჯდა დაოსებული, დააკვირდა თავის ტვირთს, ჯიხვის რქასა და მასპინძელს.

მასპინძელი შურით უჭკვრეტდა ხან სტუმარს, ხან სტუმრის ნანადირევს!

— შენ სტუმარი ხარ, ხოგაი!..

— მასპინძლობა ნუ მაშიშლას!..

— ეხლა დამინდებარ, ხოგაი, შემდეგ კი... შემდეგ გაფრთხილდი, ხოგაი, გაფრთხილდი: ავია სულაკაური, შეგხედება და განანებს სანადირო კაუხების თელას...

— სტუმარი ვარ შენი, სულაკაურო...

— სულაქაურმა იცის მასპინძლობა, მაგრამ... ჩვენ შორის დაღვრილი სისხლის თქრიალი ესმის სულაქაურს... სულაქაურის იარაღი უჭრდება სისხლის საღვრელად...

შენსულირთეკა

— სტუმრად რატომ არ მთელი, სულაქაურო?

სულაქაური სტუმარს დააკვირდა. ბრაზით აინთო სულაქაურის თვალები.

— ჯიხვი რამდენია მთებში, სულაქაურო?

სულაქაური შეკრთა.

— ჯიხვის მოკვლა სჯობია, სულაქაურო, საჯიხვევებში ივლიდე შენც...

სულაქაურმა ერთი ნაბიჯით დაიწია უკან.

— მე შორს მივიდივარ სულაქაურო... ამის შემდეგ ველარ გნახავ...

სულაქაურმა კედელზე საკიდებ აბჯარს გადახედა.

— დღეს მისტუმრე, მხოლოდ დღეს, სულაქაურო, და შემდეგ... ეთრხელ ნახვა მაინც შეღიაროს...

სულაქაურს ფერი გაუქრა სახეზე, გონება დაებნა, ბრაზი მოაწყდა, მთელი ტანი აუთრთოლდა, მაგრამ...

— ნეტამც სტუმარი არ იყო, ხოგაი...

წყრიალა ხმამ შეაკრთო ორივე, — სიცილმა კარების იქით გაითამაშა და გაქრა.

სულაქაური კარებისკენ წავიდა, შემდეგ შემოტრიალდა, ხოგაი წინ დადვა მწყრალი სახით.

დუმილი ჩამოვარდა. ურთიერთს ზვერავენენ ვაყვაცები.

— ხოგაი, გაპყევი გზას!..

— ლამეა უამური...

— ლამე სიარული დაირჩიე სიკვდილს!..

— სულაქაურო!..

— ხოგაი, წყდება მოთმენის ძალა!..

— შენი მზერა მწყრალია, მახვილი მრისხანე, მაგრამ... სულაქაურო, სტუმარი ვარ შენი!

— სისხლი...

— სიმამაცეს მოთმენა შეენის: რად გავიწყდება მამაპაპათ ადათი? თავი შეეფარე შენ ჭერს, ერთი ლამე... ვნახე და შემდეგ...

სულაქაურმა გაცეცხლებული თვალებით გადახედა აბჯართ, ფხა ალამს ხანჯალს დააკვირდა, შემდეგ ჯიხვის რქებს, ბოლოს ხოგაის. მგლის ფერი ედებოდა ორივეს. ორივეს ტანი უთრთოდა.

— ხოგაი!.. გულს მეტის მოთმენა აღარ შეუძლიან: გულს სურს გებრძოლო.

— გატეხილი ვაყვაცი მოკვდეს, სულაქაურო!..

ცამ დაიქუხა კვლავ. იარაღი აწყრიალდა კედელზე.

ხოგაი ბრაზიანად წამოდგა ფეხზე, მაგრამ აღარ დასცალდა:

სიცილი გაისმა და ოთახში მალალი ტანის ქალი შემოვიდა, სახე მკრთალი. დადგა სულაქაურის წინ, შეხედა. სულაქაურს სახე გაუცივდა.

— ხოგაი სტუმარია შენი, სულაქაურო!.. — უთხრა ქალმა.

ხოგაის მხოლოდ წამით გაუსწორა მზერა, მოწითალო ფერმა გადაჰკრა სახეზე, შავი თვალები აენთო, აენთო გაუგებარი გრძნობით, ნაბიჯი დაეძრა ხოგაისაკენ.

— სტუმარი ხვთისაა! — სთქვა და ისე ტკბილად გაუღიმა სულაკაურს, თითქოს პირველად იხილაო დღის სინათლე.

სულაკაურმა თავისუფლად ამოისუნთქა. ზოგაი დაჯდა და იდუმალად მხედრობდა სულაკაურს. სულაკაური ზოგაის მიერ მოკლული ჯიხვის რქას მისჩერებოდა, შურის ცეცხლში ლივლივებდნენ მისი თვალები.

*
*
*

ლამის სიავით შემკრთალი ნიავე აწყდებოდა ფანჯრის მინებს, ასკდებოდა და ქრებოდა, ქრებოდა წამით და კვლავ ჩნდებოდა, ისევე ხმაურობდნენ ფანჯრის მინები და სახურავზე დაშლილი წვიმა.

ოთახში სიჩუმე იყო გამეფებული. ოდნავ ჯღერდნენ ფანდურის სიმები: სახე-სედიანი სულაკაური მწყურალად აკვნესებდა ფანდურს, თითქოს გულის იდუმალ ბოროტს იოხებესო.

ზოგაი ღვინონასვამივით გაბრუებული იჯდა ქალის მახლობლად. ქალის ყოველი გამოხედვა, მოძრაობა და სუნთქვაც კი ცეცხლი იყო მისთვის, გულს გადაშლილი ნალევრდალი. იწოდა გული ზოგაისა... ზოგაის სახეზე ხან წითელი ფერი მოედებოდა, ხან ფითრდებოდა, იდუმლად თრთოდა ტანდიდი ვაჟაკი; რაღაცის სათქმელად მოემზადებოდა, მაგრამ შეხედავდა თუ არა ქალს, სათქვამი იმავე წუთს უქრებოდა: ქალის სახე მკაცრი იყო, თვალები ცივად მზირებოდნენ, წამით გაუსწორებდა მზერას ზოგაი.

„ნუ!“ — ამოიკითხავდა ქალის მზერიდან და გულს აღად მოედებოდა შავი თვალების ფოფინი.

იმ წუთს არც ერთი ხმას არ იღებდა. დუმილს მხოლოდ ფანდურის კვნესა არღვევდა, — სულაკაური იდუმლად უმზერდა ქალ-ვაჟს და საკუთარ გულში დამღეროდა მონადირის სიმღერას.

ბოლოს ქალმა დაარღვია სიჩუმე:

— სტუმარს მასპინძლობა უნდა ვაუწიოთ!

სულაკაური შეკრთა. ზოგაი შეიშმუშნა და სულაკაურს დააკვირდა.

— ნამგზავრია... — სთქვა ქალმა.

სულაკაურმა ფანდური გადადვა გვერდზე. ფეხზე წამოდგა. დააკვირდა ქალს. შეყოყმანდა.

— მასპინძელს მასპინძლობა შეენის! — უთხრა ქალმა და მკაცრად შეხედა.

— დიღამც! — სთქვა სულაკაურმა. ზოგაის გახედა. სულაკაურის თვალები იდუმლად აენთნენ.

ზოგაის ყურადღება არ მიუქცევია, გაქვავებულივით იღგა, მხოლოდ მაშინ შეირბა, როდესაც სულაკაური კარებს მიეფარა.

ზოგაის შერხევამ ქალი შეაკრთო, უფრო მეტად შეკრთა, როდესაც ზოგაის ხელი ნაზად შეეხო მის მთრთოლვარე თითებს.

— ლელა!

ლელას მთელი ტანი აუთრთოლდა, გონება დაებნა, დაებნა წამით და შემდეგ შიშის ქრუანტელმა გაუარა.

— გეხვეწები, წადი!.. — ძლივს გასაგონად სთქვა ქალმა.

— ლელა!

— გაძუდარები, ჩქარა წადი აქედან... ახლავე...

ზოგაის მთელი ტანი გაუცივდა.

— მაშ ეგრე...

— გემუდარები!

— შე კი მეგონა...

— ყველაფერი დაივიწყე, ყველაფერი...

ზოგაიმ ქალისაკენ ვაიწია, უნდოდა ეთქვა რაღაცა, მაგრამ აღარ დასცალდა; კარები გაიღო და ორი შეიარაღებული ახალგაზრდა შემოვიდა, ერთმა მათგანმა ტაბლა შემოიტანა, შუა იატაკზე დადგა, ცივად მიესალმა ზოგაის.

— სულაკაური ახლაც დაბრუნდება. — უთხრა მკაცრი სახის ახალგაზრდამ და ზოგაის პირდაპირ დაჯდა.

ორივენი ეჭვის თვლით აკვირდებოდნენ ზოგაის.

სახეგაფითრებული ზოგაი მუნჯადქცეული მისჩერებოდა მიწას.

ლელამ მსუბუქად ამოიოხრა. ფეხზე წამოდგა.

— ზოგაი! — სთქვა მან და გაჩუმდა.

ზოგაიმ მძიმედ ასწია დახრილი თავი: შეხედა ლელას — ლელა უხმოდ მისჩერებოდა.

„შენ ახლაც წახოლ, ზოგაი!“ — ამბობდნენ ქალის თვალები.

ქვადქცეული ზოგაი კაბის შრიალმა შეაკრთო: ლელა მალალი ტანის რხევით მიდიოდა კარებისაკენ. კარებთან შედგა. ერთხელ კიდევ გაუსწორა მხერა ზოგაის.

— შენ ახლაც წახოლ... — სთქვა და ცივად გაიხურა კარები. კარების იქით ბნელაში გაისმა მისი კენესა.

ზოგაის მძიმე, მძიმე რამ დააწვა ფართო ბეჭებზე, მოეჩვენა, რომ ოთახში პაერი დაშრა, გაქრა ყველაფერი, ყველაფერი ბურუსად იქცა.

— უნდა წახვიდე ზოგაი!.. — იღუმლად ესმოდა მას ლელას ხმა.

თამი მორა

ზოგაიმ ერთხელ კიდევ მიხედა სულაკაურის სახლს, დაიმუქრა რაღაცა, მალალი ტანი შეიჩჩია, ზურგზე ნაკიდები ტვირთი შეისწორა, ხელი მაგრა გაიქნია და წვიმის წყლით ატბორებულ სოფლის შარას გაჰყვა.

ზოგაის ირგვლივ ყველაფერი სველი იყო. მიწისა და მცენარეთ სუნი ტრიალებდა. მქრალი ნისლეები ეფრქვეოდნენ ხევებს, ხევების ბოლოს გაშლილ სოფელს, — შეშინებულებით კრიდნენ წვიმას. ცაზე ღრუბელნი შეთხელებულიყვნენ. იქსაქებოდნენ. ბადრი მთვარე მამაკი ვაგაკაცივით მიიკვლევდა გზას ღრუბელთ შორის, მქრალ სხევთ აფრქვევდა მიდამოს, ვერცხლისფრად ჩნდებოდნენ ხოდაბუნები. წკრილებდა შარაზე დაგუბებული ნაწვიმარი. შავად იმზირებოდნენ ბალები, სახლის სახურავის ჩრდილები. სოფელი გაჩუმებულიყო. ძაღლები ზარმაცი ყეფით არღვევდნენ გათანაბრებულ ჩქროს.

ზოგაი მისდევდა შარას, არაფერს აქცევდა ყურადღებას. სოფლის ბოლოს შედგა. შეხედა სოფელს, სულაკაურის სახლს, კვლავ დაიმუქრა და სიარული განაგრძო.

ზოგაის კარგა მანძილი ჰქონდა გავლილი სოფლიდან, რომ ღამე გატყვდა, — თენება მოახლოვდა. კაშკაშა ცამ გადაიწმინდა, გადახსნა ღრუბელთ ღილები და რიყრაყის მოლოდინში მყოფ მიდამოს გაუცინა.



ხოგაი ერთხანს მდინარის ნაპირს ჩაჰყვა, შემდეგ დიდი მუნის ქვეშე შეისვენა, დაოსებული მიეყრდნო მუხას და ფიქრში მყოფს რულე მოეკიდა. დილამ თავზე გადააბერტყა ცისფერნი ფრთენი ხოგაის. ლაგვირდევს მოეფინა მიდამოს, მიდამო ახმაურდა, ამლერდა სულიერი თუ უსულო. ხმაურმა მშვიდი ძილი დაურღვია ხოგაის. ეზმანებოდა: დილის სიამით ახმაურებული სოფელი. სოფლის ბოლოს გაშლილი თეთრი ბატენები, ყვავილოვანი ველი, შავთვალწარბა ლელა, — მზის სხივებში მოცქრიალე გოგონა, ყმაწვილების ყრიაშული...

ხოგაის გული შეეკუმშა მაგრად, ხელები გაშალა.

— ლელაი... — სთქვა მძინარემ.

ლელას ზმანება იმ წუთში გაქრა. შემკრთალმა ხოგაიმ გაიღვიძა.

— ლელაი! — გაიმეორა კვლავ, ჭირის ოფლდასხმული სახე მოიწმინდა. მკაცრად გახედა თვალწინ გაშლილ ველს: ოქროსფერ-მიდამოს იისფერი ეფრქვევოდა, ჩიტები ხმაურობდნენ და მდინარის ნელს დუღუნი მობანესავით მისდევდა ბუნების ჩქროს.

ხოგაი წამოდგა, მკაცრად დადგა მუხასთან, ნაწვიმარი ტანისამოსი ჩამობერტყა, გახედა მთებს: საჯიხვეებს მშრალი ნისლები ეხვეოდნენ, ფიფქი თოვლი დაშლოდა ჭაუხებს, შეთეთრებულიყვენენ გულსევდიანნი. ჯიხვებას ხილვა და ჭაუხებში ყოფნა მოენატრა ხოგაის, მაგრამ... ხოგაის ახლა სხვა წადილიც ჰქონდა: წასულიყო ქალაქში, ეხილა დუქან-ბაზარი, ქალაქელი ხალხი. ჯიხვების რქები და ტყავები გადაეცვალა ტყვია-წამალზე და შემდეგ...

ძაღლის ყეფამ შეაკრთო ხოგაი, შემკრთალმა ხოხობმა გადაუარა თავზე, ქედნების გუნდები შემოეფინენ მუხას, იმავე წუთს აიშალნენ და ხოხობს გაჰყენენ უკან. ცოტა ხნის შემდეგ წაბლის ფერის მონადირე ძაღლი გამოჩნდა ბუჩქებიდან, მკაცრი, დაგერშილი დარბოდა იქით-აქეთ. პატრონის სტვენაზე შედგა იგი, დაიყუფა, მიხედა ხოგაის და ბუჩქებში შევარდა.

ხოგაიმ მზერა გააყოლა მონადირე ძაღლს, ბუჩქების მალლა მამაკაცის ქუდს მოჰკრა თვალი, შემდეგ ბეჭებს, — უცნობი მონადირე დადიოდა ბუჩქებში...

ხოგაის სახე გაუმკაცრდა, ჯიხვის რქებს გადახედა, შემდეგ თავის თოფს და კვლავ უცნობს აადევნა მზერა.

უცნობი ნელა გამოდიოდა ბუჩქებიდან. ტანმალალი, სახე წამოწითლებულა, ხელთოფიანი სწრაფად იმზირებოდა აქეთ-იქით. გაშორდა თუ არა ბუჩქებს, შედგა, დაუსტენია. ისეთივე სტვენა გაისმა ბუჩქებიდან. ცოტა ხნის შემდეგ ორი კაცი გამოჩნდა მოშორებით, ისინიც ხელთოფიანები იყვნენ, აჩქარებულები წამოვიდნენ უცნობისაკენ. მიუახლოვდნენ თუ არა, ხმამალა გაიცინეს.

— ეშმაკმა დალაზვროს! — სთქვა ერთმა მათგანმა.

— წაგვივიდა ხელიდან! — დაინანა მეორემ და მკაცრად გახედა ბუჩქებიან ველს.

მონადირე ძაღლი წამუტუნით გამოვიდა ბუჩქებიდან, უცნობებთან შედგა, წამით, ერთ მათგანს შემოუტრბინა და სწრაფად მიხედა ხოგაის, ყურებწინწამოყრილი დააკვირდა.

მონადირეთ თვალი ჰკიდეს ხოგაის, რაღაცა სთქვეს, მიუახლოვდნენ.

იღვა ხოგაი. თავიდან ფეხებამდე ათვალერებდა უცნობებს.

— გამარჯობა შენი! — სამივენი ერთხმად მიესალმნენ.

— მუდამამც გაიმარჯვებთ! — ცივად მიუგო ზოგაიმ. თოფები მათველი-
ერა, თავის თოფს ესროლა აღმაცერი მზერა, წელზე ნაკიდები მათარა/შეის-
წორა, ხელი გაუყარა სავაზნეს და ისევ თოფებს შეაგლო თვედნულში

— მონადირე ჩანხარ, — უთხრა ერთმა ახალგაზრდამ. შინაღმართშია

— აგერი! — გოცებით წამოიძახა მეორემ და ჯიხვის რქებზე მიუთითა ამ-
ხანაგებს.

— სადაური ხარ? — იკითხა მესამემ, შეგვკრემანი რომ იყო, ცივის იერით.
მალალი ტანი შეიჩეჩა ზოგაიმ. ნელად მიხედა.

— შთიდან ჩამოვედი! — უპასუხა შოგვიანებით. კვლავ შეისწორა მათარა,
ძალს გადახედა, შემდეგ უცნობებს და ისევ თოფზე დარჩა თვალი.

— მონადირე ხარ? — აღარ ეშვებოდა უცნობი.

ზოგაიმ ახედ-დახედა, ჯიხვის რქებზე ჩამოჯდა.

— დიახ! — სთქვა ისეთიარად, თითქოს პასუხის გაცემა ეზარებო.

უცნობებმა ერთი მეორეს გადახედეს. დასხდნენ.

მონადირე ძალმა ერთხელ კიდევ გაირბინა პატარა ველი, მივიდა ბუჩ-
ქებთან, ისუნსულა, შემობრუნდა და მონადირეთ მახლობლად დაწვა, ყურებ-
წინწამოწეული მიაშტერდა ზოგაის, თითქოს მასაც სურსო უცნობის ვინაო-
ბის გაგება.

ერთი მონადირე, რომელიც ზოგაის მახლობლად დაჯდა, ხმას არ იღებდა.
ტანმალალი იყო, მკაცრი შეხედულებისა, მარად ველს გასცქეროდა, იშვიათად
გაიღიმებდა, წამით გადაავლებდა თვალს ზოგაის და ისევ ველს გაუქვრეტ-
და. ზოგაის თვალში დაუჯდა ეს ვაჟკაცი. ეუცხოვა მისი ჩაცმულობა: მოკლე
ფარაჯა, ტილოს ყელიანი ჩექმები, ტილოსავე სავაზნე, ჩანთა, ორლულიანი
სუფთად შენახული თოფი...

— მოვსწოთ, ბაგრატ! — მიმართა მას ამხანაგმა.

ბაგრატმა ველს ააცდინა მზერა, ჯიბიდან ვერცხლის სათუთუნე ამოიღო,
გახსნა.

ამხანაგები ერთი მეორეს არ აცლიდნენ პაპიროსის ალებას.

ბაგრატმა ზოგაის შესთავაზა პაპიროსი.

ზოგაი მზერას ვერ აცილებდა ვერცხლის სათუთუნეს, ოქროს ფერი რომ
ელებოდა მზეზე.

— მოსწიე! — გაუმეორა ბაგრატმა.

ზოგაიმ გაუცინა, სქელი თითებით ძლივს აიღო პაპიროსი, მადლობა გა-
დაუხადა, ბავშვივით გაიცინა — პაპიროსის სუნი ეუცხოვა.

— სადაური ხარ, ძმობილო? — ჰკითხა ბაგრატს.

— ქალაქელი... — მიუგო ბაგრატმა.

ზოგაი შეიშმუნა: თავი ეუცხოვა ქალაქელ ხალხთან:

— ქალაქში ხარ დაბადებული?

— თბილისში.

— რა გვარი ხარ?

— ლომიძე.

ყრუ გუგუნმა გაუარა ველს, შორს, ცისტატნობზე გამოჩენილმა შავმა
მფრინავმა რისხეასავით მოიყოლია ხმაური.

ზოგაის სახემ გამოიღარა. იგი აღმაცერი მზერას ესროდა ხან თვითმფრი-
ნავს, ხან ლომიძეს.

ბაგრატმა მხოლოდ ერთხელ შეხედა თვითმფრინავს, ხოგაძისთვის ყურადღება არ მიუქცევია.

ეუცხოვა ხოგაის: უცნობები ყურადღებას არ აქცევენდენ ავტომფრინავს.

— ჰო, ჰო, — სთქვა ახალგაზრდა მონადირემ, რომელსაც ვაჟს ტანსაცმელს კტბ-მობდნენ.

ხოგაიმ გადახედა.

— ალაღაი! — გაიკვირვა თავათაც.

ვახტანგმა გაუცინა ხოგაის, შემდეგ ბაგრატს გადახედა, ბაგრატზე რაღაც ანიშნა ხოგაის, ხელი ასწია, მკლავი ჰაერში შეათამაშა, თვითმფრინავს ესროლა მხერა, თვალები დააქუცია, ლოყები გაბერა.

მიუხედა ხოგაი: თითი დაადირა ბაგრატს. შემდეგ თვითმფრინავისკენ გასწია ხელი.

— სწრაფად მოდის! — სთქვა ერთმა მონადირემ, ტანდაბალი რომ იყო, ცოტას მოსაუბრე.

ბაგრატმა თვითმფრინავს გახედა.

— ფოსტის დამტარებელია. — სთქვა უბრალოდ. პაპიროსის ნაშწევები გადააგდო. ეხლა შეხედა ხოგაის.

— უკეთესი იყო, ვენადირა. — უთხრა ვახტანგს, მაგრამ ხოგაის თვალთ ბრწყინვალეობა ეუცხოვა.

— მოგწონს? — თვითმფრინავისკენ ანიშნა და გაუღიმა ხოგაის.

— ჩემს გულს მარად ენატრება!

მონადირეებმა გაიცინეს.

ხოგაის თავი ეუხერხულა: დამცინიანო გაიფიქრა.

— მალე ყოფნა მენატრება ბალობიდან... — სთქვა ნელა, სახე წამოწითლებული ჩამოჯდა, ერთხელ კიდევ მიხედა თვითმფრინავს, მთის ყელს რომ მისდევდა სწრაფი. ამოიხრა ხოგაიმ.

ყურადღებით დააკვირდა ბაგრატი.

— ბარში რისთვის ჩამოხვედი? — ჰკითხა მან.

ხოგაის სახემ გამოიდარა.

— ბაზარზე, ბაგრატ...

— შემდეგ?

— ისევე მთაში...

— ნადირობით ცხოვრებას აპირობ?

— მწყემსი ვიყავი...

— ეხლა?

— დამითხოვა ცხერის პატრონმა...

— თქვენ სოფელში კოლექტივი არის?

— მალე აპირობენ...

— ასეთი მივარდნილი კუთხე! — გაიკვირვა ახალგაზრდა მონადირემ, ვახტანგმა.

— კავკასიის მთის იქით...

— რომელი მხარეა? — იკითხა ბაგრატმა.


— ბორბალოს იქით.

ბაგრატმა ამხანაგებს გადახედა:

— ბორბალოს კალთებისაკენ მივდივართ?

— სპეროზიაში. — მიუგო აქამდის ჩემად მგლოშმა ამხანაგმა.

ხოგაი რატომღაც შეყოყმანდა.

— შენ თუ ვინადირნია იმ მხარეში? — ჰკითხა ბაგრატმა.  ექვეყნებულ
ნიგლიცოთსეა

გაიცინა ხოგაიმ.

— ეგ ჯიხვები სად დახოცე?

— ლეკის მთებისკენ...

— ჩვენ ჯიხვებზე ვინადირებთ! — სთქვა ბაგრატმა და მაღალი ტანი ამართა. ყველანი ფეხზე წამოდგნენ.

— შენ საით, ხოგაი?

— გავყვები ქალებს...

— ინადირებ? — გაიცინა ბაგრატმა.

— თუ რამე შემხვდა...

— ჩვენთან წამოდი!

ხოგაის მხიარულმა იერმა გადაჰკრა, — ჯიხვებზე ნადირობის წადილმა ქრუანტელად გაუარა.

— თუ მიამხანაგებთ... — სთქვა თავმდაბლად.

— წამოდი, წამოდი! — შეემუდარა ვახტანგი.

ხოგაი ზანტად აიბარგა, მათარა და სავაზნე შეისწორა. მონადირე ძაღლ-მა გადირბინა შწევანე ხოდაბუნე, ორთქლი აშალა დედამიწამ და შემერთალმა ხოხობმა ჩაუარა მდინარის ნაპირს...

მშემ საჯიხვეებს გადაუარა თავზე, სწორად წამოიხარნენ მთათ ჩრდილები, ომში მყოფ ვაჟაკებივით გაწვნენ ქალებზე, გადაიხიდნენ უფსკრულებზე. საბალახოდ ჩამოსულმა ჯიხვებმა სიმაგრეს მიაშურეს. გულწაღვლიანი მონადირე შედგა, შეხედა მზეს, შემდეგ მიდამოს და კლდის მუხლს მიეყრდნო. მზის სხივებმა ნისლები აშალეს საიალალოდან, ნისლებმა თავზე გადაუარეს მონადირეთ და მოტირალივით ჩამოაბნიეს ცვარნამი ლურჯ ქვიშიან ფერდობზე.

ცის ტატნობზე გამოჩნდა ბურუსში გახვეული ხოგაი. ვიწრო ბილიკი გაიარა, ქარაფის ყელზე გადახტა და მონადირეთ წინ დადგა უფსკრულის მუხლზე გადაკიდებულ კენწეროზე; უფსკრულიდან ამოჰრილმა ნიავმა აუშალნა ჩოხის კალთანი, სუსხი შეაშალა სახეში, მაგრამ ხოგაი უნძრევლად იდგა, ადგა და აოცებდა მონადირეთ, — მაღლა ცა, ლაქვარდი, ცაზე გაბნეულ ნისლთა ბადეები, დბლა პირდაღებული უფსკრული... ერთი შერბევა, ნიავის ოღნავი დაჯახება, ან შიში თვალისა და უფსკრულს მიეცემოდა ტანდიდი ხოგაი.

ბაგრატი მიუახლოვდა, დაუშალა უშიშრობა, გადმოახდინა კლდის კენწეროდან.

— მაგარი თვალი გქონია, ხოგაი! — გაიღიმა ბაგრატმა და პაპიროსი შესთავაზა.

— მიყორს მადლობი... — სთქვა სახეწამოწითლებულმა ხოგაიმ, თვალი გადაავლო მქრალ ნისლდაფენილ საჯიხვეებს: ცივი მიდამო, მიდამო კლდიანი, მქრალი ნისლების თამაში, შორეული ჩქამი ქვიშისა, წყაროს დუღუნი და კივილი არწივებისა.

— მომწონს ქარაფზე დგომა... — გაიმეორა ხოგაიმ. გერ ბაგრატს დააკვირდა, შემდეგ სანადიროს გახედა, საიალალოს გაუღიმა.

— ნეტავ ამიყვანა სულ ზევით...



ბაგრატს ხმა არ გაუცია, ჩაფიქრებოდა რაღაცას.

— ცაში! — ამბობდა ხოვაი.

— რად გინდა ხოვაი? — ანგარიშმიუცემლად ჰკითხა ბაგრატმა. ამ დროს ბაგრატს საკუთარი სიჭაბუკე ეზმანებოდა: აი, ბაგრატს ხმის სიღრმის, მდინარის ნაპირზე, მისჩერებია ლაქვარდში მოთამაშე არწივს... „ნეტავ რას ხედავს არწივი... ჰო... სიმაღლე!“ ფიქრობს ბაგრატი და ენატრება უცხო მხარეში გაფრენა... წადილმა თავისი ვაიტანა...

— ცაში გაფრენა მენატრება! — ამბობს ხოვაი.

ბაგრატს გულს მოხვდა ვაჟკაცის ნატვრა. ისევე სიყმაწვილე და ოცნება ფრენაზე.

— ეხლა შენ ქალაქში წახოლ... სამსახურს დაიწყებ: თავის თვითმფრინავით გაფრინდები, ბაგრატ...

ბაგრატს ხმა არ გაუცია, — ისევე სიყმაწვილე და მფრინავთა სკოლაში პირველად მისვლა ახსენდებოდა.

— როდის წახოლ ქალაქში? — იკითხა უყურადღებობით განაწყენებულმა ხოვაიმ.

ბაგრატი გამოფხიზლდა.

— ორი დღის შემდეგ...

— იმავე დღეს ჩაჯდები თვითმფრინავში... ეს! სიხარულით წავიდოდი ქალაქში...

ბაგრატმა ლაქვარდს შეხედა, რაღაც უნდა ეთქვა, მაგრამ აღარ დასცალდა: ვახტანგი მიუახლოვდა.

— ჯიხვები! — უთხრა დაბალი ხმით.

მგლისფერმა გაითამაშა ხოვაის სახეზე, ცეცხლიანი თვალებით გაფლითა ნისლდაცემული მიდამო.

ფეხზე წამომდგარ ხოვაის ბაგრატი აჰყვა. სმენად გადაიქცნენ:

გალმა ფერდობიდან ქვიშის ჩქამი ისმოდა, ოდნავად ჩანდნენ ნისლში ვახვეული ჯიხვები.

ბაგრატმა დურბინდი ამოიღო, გაუჭვრიტა ჯიხვებს: ანგრილი შუენ ჯიხვები კლდის ფეხს მისდევდნენ, ქარაფებს ეფარებოდნენ. მანძილა ჯიხვი ედგათ წინ, დინჯად მიაბიჯებდა, თითქოს რქების სიმძიმეს დაუჯალდიაო ჯიხვი, სხვანიც მისებრ დინჯად იქცეოდნენ, ერთი შუენი დარაჯად უვლიდა წინდა უკან, იქვირებოდა, გრძობდა ადამიანის სიახლოვეს, ყნოსვას იმახვილებდა, მაღლობზე ღვებოდა და აქეთ-იქით იჭვრიტებოდა ყურებდაცკვეტილი...

ჯიხვებმა ნელად გაიარეს პატარა ფერდობი და „სიმაგრეს“ მიეფარნენ.

ხოვაი მშვირად აკვირდებოდა ჯიხვებს. მიფარებვისთანავე შეკრთა

— გზა უნდა შეუკრათ! — წამოიძახა და იარაღი შეისწორა.

— აქედან ვესერი! სთქვა ახალგაზრდა მონადირემ.

ხოვაიმ გაიცინა.

— ჯიხვები გახლავს! — სთქვა ხოვაიმ.

ხანი აღარ დაუყვიათ: ხოვაიმ ბილიკზე შეირბინა, ბაგრატი უკან მიჰყვა, ახალგაზრდა მონადირე ადგილზე დასტოვეს: ნადირი უნდა დაეფრთხო, როდესაც ბაგრატი და ხოვაი საყელოს შეუკრავდნენ...

მონადირენი დაიშალნენ, მძიმე ნისლმა ჩაუარა სიმაგრეთ, ჩაუარა უღრანებს და ამორეილებული შეეტინა კლდოვან გორებს...

შუადღის ქამს ღიბხანს ისმოდა თოფის ხმა, ხვიოდნენ ხეებზე, კივილი ელვასავით უვლიდა ნისლეებს, ბოლოს ქვიშის ჩხრიალი გაისმა და ჩამოშლილ კლდეებს სისხლის კვალი ჩაჰყვა.. ყორანმა გადაიარა ყვეფით და ფეხზე წამოშლდგარმა ხოგაიმ მძიმედ ამოისუნთქა, მაღლობა შესწირა წაღირთ ღმერთს ოჩოპინტეს და ბაგრატს გაუცინა...



მთები ნელნელა იძირებოდნენ უკუნეთში. ნისლებმა ერთხელ კიდევ გადაუარეს საჯიხვეებს, მწვერვალებს შემოეხვეინენ, გაირინდნენ და გაქრნენ, თითქოს შეეშინდათო ღამის უკუნმა გაშალა ფრთები, არემარე გაქუფრდა, სიმყუდროვეში ჩამოდგნენ სიმწარით თავბრუდახვეული ვაჟკაცებივით გარინდული გორები, პირქუშნი დადგნენ პირისპირ, გადასულ დროთა სიავეს შესჩივიანო თითქოს ერთი მეორეს.

ვახშმის ქამს ცეცხლი აენთო ქვიშიანებში, წითელმა ალმა გაითამაშა, კლდეებზე ჩამოშლილი ხმელი ბალახი შეტრუსა და გაქრა, კვლავ გაითამაშა, დაიძაბა ენებად და ფერფლი გააყოლა გამქისებულ ჰაერს. ცეცხლის დანთების უმალ ახალი ხორცის სუნი დატრიალდა. ცეცხლის მახლობლად მაღალი ტანი დახარა ხოგაიმ: მწვადი დააწყო აღმუკლებულ ცეცხლზე. აშიშინდა ხორცი ჯიხვისა, ცუარი აისხა, თეთრმა ფერმა გადაჰკრა, აშხივლდა და ამო სუნი გაიბნა ჰაერში.

ცეცხლის სინათლეზე გამოჩნდნენ: ჯიხვის ტყაპ-ხორცი, რქები და ცეცხლის გარშემო მსხლომი მონადირენი.

ბაგრატი ჯიხვის რქებს მისჩერებოდა, სინანული ეფინებოდა ვაჟკაცის სახეს.

- ჯიხვი მრავალია ჭაუხებში, მაგრამ კაცი...
- შეუდარებელი მონადირე ყოფილხარ, ხოგაი!
- ბაღლობიდან ვნადირობდი...
- დაუღალავი მუხლები გქონია!
- მთა-გორებს ვაწყდებოდი მარად.
- შენს თვალს სიმაღლისა არ შინებია...
- კაცი ყველაფერს ეჩვევიან.
- სიციულესაც!
- მე მეცოდება ჯიხვი, ხოგაი!

ხოგაიმ გაიღიმა, მაგრამ იმავე წუთს სახე გაუცივდა: „ხოგაი ნუ მოჰკვავ ჯიხვს“, — ეუბნებოდა ლელა ხოგაის. მუდარა გაახსენა ბაგრატის ნათქვამმა... ხოგაიმ ვარსკვლავს შეხედა... გაიოგა ცივად და ჩაფიქრდა...

სიჩუმე ჩამოვარდა იქ მყოფთა შორის. ღამის ჩქრო გაძლიერდა. ცეცხლის აღის ლულუნი ისმოდა ოდნავად.

ბაგრატი დაარღვია სიჩუმე:

— რისთვის მოიწყინე, ხოგაი?

ხოგაი შეიშმუნა.

— როდის წახვალ ქალაქში, ბაგრატი?

— ჩვენთან წამოსელას ხომ არ აპირებ?

ხოგაის პასუხი არ გაუცია — გაჩუმდა, ისევ სიჩუმე და მხიჩხილი გასმეფდა. უკუნეთში დაიფარუნა რაღაცამ, ღამურამ გაითამაშა, ცეცხლის აღო მღვერავით გაჰყვა უკან და ჯიხვის ხორცის სუნი გააბნია უკუნეთში.

ვახტანგი ფეხზე წამოდგა, სუფრა გაშალა, ხოლო ხოგაიმ მწვადი მარპრთვა შეგობრებს.

სდუმდნენ: ვახშამს შეექცეოდნენ, თითო-ორიოლა სიტყვას იტყოდნენ და გაჩუმდებოდნენ. ვახშამის სიამე, მშვიდი ღამე და სულ ახლოს მოკაშკაშე ვარსკვლავების სიტურფე საკუთარ ფიქრს უძლიერებდა. თვითიულ მათგანს ატკბობდა ფრთებგაშლილი ოცნება.

ბაგრატის მკლავს ხელი შეეხო უკუნეთში: ხოგაი მიუახლოვდა.

— მფრინავიაო, გავიგე, — წასჩურჩულა ნამალეველ.

ბაგრატმა კაშკაშა ცას გახედა, გაიცინა.

— ეხლა მე შეგებულებაში ვარ, ხოგაი!

— ნაომარი... — წაისაუბრა ხოგაიმ.

სიჩუმე ჩამოვარდა. ტანისამოსის შრიალი, ცეცხლის ღუღუნე და ნიავის სისინი არღვევდა სიმყუდროვეს.

— ხეალ წახეალ ქალაქში... — სთქვა ხოგაიმ და თავის ნათქვამმა შეაკრთო, თითქოს იღუმალი ნაფიქრალი ათქმევინაო წადილმა. მორცხვად შეხედა ბაგრატს.

— მივდივართ, — მოგვიანებით უპასუხა ბაგრატმა.

ხოგაიმ მწყრალად ვატეხა ხელში ნაჭერი პური, გახედა ვარსკვლავებს და ამოიოხრა.

— მწვადი მიირთვი, ხოგაი!

პატივი რად უნდა ვაეკაცს, მგელი მგელია მაინც... მონადირე მგელს ემსგავსება, მაგრამ ხოგაი...

— რა დაგემართა, ხოგაი?

ხოგაის პატივი არ უნდა, არც სიციოცხლე უნდა ხოგაის:

გულს ნუ ჩავსაუბრებდი, ჩემო ხოგაი!

ჩემო, ხოგაი, ამოსთქვი გულის წადილი! ქვა ხომ არ დაგაწვა გულზე, ვაეკაცო! ან ქაუნები ბეჭებზე?

აუ, დედასა მტრისასა!..

თავი რას დაგიხრია უკუნეთში!

ნუ, ვგრე ნუ, აგრემც გენაცვალედი, ჩემო ხოგაი!..

ხოგაიმ ბაგრატს შეანათა სევედიანი თვალედი, მზერა მზერას მოხედა.

— ქალაქის ნახვა შენატრება, ბაგრატ?

— სილაღეა ქალაქში...

— წავიდოდი... — ხმა ჩაუწყდა ხოგაის, ვერხვის ფოთოლივით ათრთოლდა ვაეკაცი: შავი თვალედი ლელაისა! უფრო შავი, ვიდრე უკუნეთი!

— ჩვენ მასპინძლები, შენ სტუმარი, ხოგაი!

— ქალაქში ასეთი მწვადი არ იქნება, არც ამნაირი ვარსკვლავების თამაში, მაგრამ ქალაქში... — სახე უცინოდა ვახტანგს.

თავბრუდახეველი ხოგაი ხმას არ იღებდა: ისევ შავი თვალეების ზმანება და ღმილი ლელაის! უტკბილესი ღმილი ქვეყანაზე!

ტანდაძრული ხოგაი ფეხზე წამოდგა. შორს, გორის ბოლოს გაშლილ სოფელს გაუჭვრიტა. კვლავ ათრთოლდა:



ქართული

„ლელა!“ — შრიალებდა უკუნეთის ჩქრო.

„ლელა!“ — ციმციმებდნენ ვარსკვლავნი...

...ხოგაიმ იღუმალად მიიხედ-მოიხედა, გადადგა რამდენიმე ნაბიჯი და გაქრა უკუნეთში.

ხუმრობა ეგონათ მონადირეთ...

დრო გავიდა.

— ნეტავ რა იქნა, ხოგაი?

პასუხად ლამემ გაიშრიალა, სისინა ნიაგმა ჩაითამაშა ხევებზე, ცეცხლის ალი დაკეცა ფარჩასავით და ახალგაზრდა მონადირეს თეთრი ფერფლი შეაშალა შეგვერემან სახეზე.

— ჰაუ, ხოგაი!

ლამის ჩქროში დაიძრა ძახილი და დადუნდა ყველაფერი.



მთვარე ნელნელა ამოდიოდა ცის კიდურზე. ვერცხლისფერი ედებოდა შავს მიდამოს. ველზე გაშლილი მდინარე მცურავივით მისდევდა მწარე მთის კალთებს, თქრიალებდნენ თეთრი ტალღები, ტალღები ტალღებს ასკდებოდნენ, გავებულნი უღრენდნენ კლდის კალთებს და აფაფრულნი იფშენებოდნენ ქარაფებზე. მდინარე გარს უვლიდა სოფელს, სოფლის გარშემო გაშლილ ბაღვენახებს ჩაუვლიდა, გაიდუღუნებდა და სუსხს გაიყოლებდა კვალად. მდინარის ნაპირს ჩრდილი მისდევდა, ჩრდილი ხეებისა, ხოლო ჩრდილს—ლანდი კაცისა. უცნობი სწრაფად მიდიოდა, ხანდინხან გამოჩნდებოდა ხეებს შორის, ჩაურბენდა მდინარეს და გაუჩინარდებოდა. ბოლოს შედგა. შეხედა მდინარის ნაპირას მდგომ მაღალ შენობას, გადადგა რამდენიმე ნაბიჯი, გაშორდა ხეებს და მთვარის შექზე ტანმაღალი ხოგაი გამოჩნდა.

ხოგაი ერთხანს ჩაფიქრებული იდგა, შემდეგ სალამური მოიმარჯვა: აამღერა ხმადალა. ოქროსფერ ლაქეარდივით დაირხა სალამურის ხმა მთვარის სხივთ შორის და მიწელდა ყველაფერი, მიწელდა მდინარის ხმა, სოფლის ხმაური, ბუნების იღუმალი ჩქრო, სალამურის ხმა კი... გაძლიერდა, აბიბინდა, ოქროს ფრთენი გაშალა... აკანკალდა იღუმალი გრძნობით დამთვრალი ხოგაი, მისი თვალები სევდის ცეცხლში ალივლივდნენ. შენობის მეორე სართულზე განათებულ სარკმელს მიაშტერდა. ოთახის სიღრმეში მხოლოდ ერთხელ გაიარა აღამიანის ლანდმა, გაიარა და გაქრა. ცოტახნის შემდეგ სინათლე მიწელდა, დაილია... ცივად დაეშვნენ ხოგაის მკლავები, მიწაზე დაცემული ლერწამი ყრუდ ახმაურდა, ხოლო ხოგაი მდინარის პირად მდგომ კლდეს მიეყრდნო, გაირინდა სიმწარით დამთვრალი...

„ლელა!“ — ჩურჩულებდა მიდამო.

წყრებოდა ხოგაი...

ნეტავ, რად იქცევა აგრე ლელაი?

ქალბნელი სინათლეს უქრობდა ხოგაის...

გაცეცხლებული ვაჟკაცი ფეხზე წამოიჭრა, შეუქვრიტა სარკმელს, მიიხედ-მოიხედა და ჯიქური ნახტომით გადაუარა თავზე ლობეს. ლობის იქით შედგა გაათვრებული მყეფარი შემოეგება. მყეფარმა ცას ზარად შესდვა წამუტუნნი და მიწას უკბინა ბრაზით, ხოგაი გამოეხმაურა: ჩუმად უთხრა სახელი. მყეფა-

რი ვაკვირებულებით შესდგა, დააკვირდა ხოვაის. ერთხელ კიდევ გატეხლდა, ერთხელ კიდევ უკბინა მიწას და როდესაც მეორედ უთქრქრქებულა ხოვაიმ, მიჩუმდა, წელად დაუღრინა უკუნეთს... ორი ნახტომც კვდა ხოვაის სარკმლის წინ გაჩნდა. შედგა. სუნთქვა შეინელა. ამ დროს სინათლე გაშალა სარკმელმა. ხოვაიმ თოფი მოიმარჯვა:

— სიკვდილი სულაკაურს! — უთხრა ბნელეთს და სარკმელთან მივიდა.



მჭრალი სინათლე აშუქებდა ოთახს. გრძელი სკამის სათავეს, სარკმლის მახლობლად, იჯდა სულაკაური, ჩაფიქრებული მისჩერებოდა სარკმელს. სანთლის შუქი კანკალებდა, ფარვანანი უვლიდნენ გარს. ფარვანებისა და მჭრალი სანთლის შუქი თამაშობდა ლელას სახეზე... ლელას ფერმკრთალი სახე ერთი ორად მშვენიერი მოსჩანდა. სევდიანი თვალები გულს დაყრილი ცეცხლი იყო ვაკეკაცისთვის...

ხოვაი მაგრა მიაწვა სახლის კედელს, — სულაკაურის ჯავრმა და ქალის სიახლოვის წადილმა დაათრო.

სულაკაური შეირბა, მიხედა ლელას:

— სალამურის ხმა: — სთქვა და შემკრთალივით გაირინდა.

ხოვაის მოეჩვენა, რომ ლელა აკანკალდა. თითქოს საიდუმლო ძაფები ჩაუწყდაო გულში. ლელას ლეგა ფერმა გადააკრა, წუთით დაიბნა, მხოლოდ წუთით და შემდეგ ამაყად შეხედა სულაკაურს.

— სალამურის ხმა... — დაასწრო სულაკაურმა.

ლელა უფრო შეკრთა, ხოლო ხოვაიმ თოფი მოიმარჯვა.

სულაკაური ფეხზე წამოდგა, მიუახლოვდა ლელას, დააკვირდა.

ლელამ მკაცრად შეხედა სულაკაურს:

— მე ჩაუქერი სინათლე სარკმლისა!..

— დიაღამე!

— მაგრამ...

— ჩემი ხარ ლელაი!

ლელას სახე წამოუწითლდა, თვალები გაუცოცხლდნენ. მზერა ააცდინა სულაკაურს.

— ლელაი, ჩემი ხარ!

ლელამ მწარედ გაიცინა.

— ლელაი!

— მძულდი!

სახლს იღუმალმა ერეოლამ დაუარა. ქარმა დაიღმულია უკუნეთში.

— მძულდი! — გაიმეორა ლელამ.

სულაკაური ჯერ ქვად იქცა, სიცივის ერუანტელმა დაუარა, თვალები გაუცეცხლდნენ. შემდეგ მოღუნდა, მოიკაკვა: მკაცრად აკვირდებოდა ლელა.

— მე სინათლე ჩაუქერი ხოვაის!

ტანდაძრულმა სულაკაურმა უნებურად გადადგა ნაბიჯი ქალისკენ.

— ახლოს არ მოხვიდე!

— შენ ჩემი ხარ, ლელაი!

ლელამ ხელი მიიფარა თვალებზე.

— მძულხარ! — გაისმა მისი ყრულ ნათქვამი.

სიმწარით დამთვრალი სულაკაური კედელს მიეყრდნო. გმინი აღმოხდა და-
გესლილივით. მზერას ველარ უსწორებდა ლელას.

ქართული
ლიტერატურის
ისტორიის
ინსტიტუტი

ზოგაი დააკვირდა ვაეკაცს. ნელნელა დაეშვა დამიზნებულ ფეხებსა
— მიყვარდა ხოგაი...

სულაკაური წამოიშარტა.

— მე სიცოცხლე ვაპატიე ხოგაის! — სთქვა მწყრალად.

— ლალატი გსურდა, ლამემ დაიფარა ვაეკაცი!

— იქნება შენ!

— მე გზა ვასწავლე მას: სიკვდილი არ მსურდა ხოგაისა.

— ეხლა...

— ეხლა კი...

ლელამ სათქმელი აღარ დააბოლავა, ადგა, სარკმელისკენ წავიდა. შემკრ-
თალმა ხოგაიმ უკან დაიწია, კედელს ამოეფარა.

— სალამურის ხმა... — შემოესმა ხოგაის ნელი ხმა. შემდეგ იარაღის ხმაუ-
რი. მძიმე ნაბიჯით ვილაცამ გაიარა ოთახში...

— ღმერთო, მოუშარტე ხელი! — ამბობდა სარკმელთან მდგომი ლელაი.

ხელი შეეხო ლელაის მხარს. ლელა გაქვავდა. არ მიუხედა.

— დაივიწყე ხოგაი! — გაისმა მუდარის ხმა.

— მძულდი, სულაკაურო... — უკმეხად სთქვა ქალმა.

ხელი ნელნელად გაშორდა მხარს, მძიმე სუნთქვა გაისმა, ოთახში იარაღი
აწკრიალდა.

შემკრთალმა ლელამ მხოლოდ მაშინ მიხედა, როდესაც კარები ახმაურდა:
სახე კუშტი ახალგაზრდა შევიდა ოთახში. შესვლის უმალ შედგა, შეხედა
შემკრთალ ლელას. ეტყობოდა, ვაეკაცი არ მოელოდა ლელას იქ ყოფნას.

— ქავთარო! — მწყრალად სთქვა სულაკაურმა.

ქავთარი შორცხვად მიუახლოვდა სულაკაურს.

სალამურის ხმა მიწყდა, მთვარეს ღრუბლები შემოეფარა, უკვალოდ გაქ-
რა ხოგაი! — თავდაბლად სთქვა ქავთარმა.

ცივად გაიცინა სარკმლის იქით მდგომმა ხოგაიმ.

ერთხელ კიდევ მივიდა სარკმელთან: ლელას დააკვირდა, — ლელა მკაცრად
მისჩერებოდა სულაკაურს, ხოლო სულაკაური თავდახრილი იდგა ქალის წინ...

— ქავთარს რა ესაქმებოდა ხოგაისთან? — გაისმა ლელაის ხმა.

სულაკაური შეკრთა.

— სულაკაურო!

სულაკაურმა თავი დახარა.

— სიკვდილს ვინატრიდი შენთვის!

ხოგაის მეტი აღარ მოუსმენია, ვაეკაცის სინანული რადმე იგრძნო, მარცხნივ
გადახტა და, დილის სიახლოვით შემკრთალი, გაჰყვა ხეების ჩრდილებს. მთი-
დან ჩამოჭრილი ქარი უთამაშებდა ირგვლივ, დახრილი ხეების რტოებს აცვეთ-
და, მიღმუოდა.

ხოგაი მიდიოდა ქარში და ლელას მკაცრი სახე მიჰყვებოდა ხატებად.

თავი მესამე

ციხიბრი გატყდა. მძიმე ლაქეარდი დაეფრქვა მიდამოს, — ხოგაი კვლავ მის-
დედა გზას, უძილარი იყო, სახე სევდიანი, გულჯაფრისანი მწყრალად უკე-
რეტდა ჭაუხებს:

საჯიხეები მჭრალად მოსჩანდნენ დილის ბინდბუნდში. ცოტა ხნის შემდეგ წითელიფერი დაეფრქვია, — მზის სხივები მოეფინენ მადლად და მუქი ნისლეები გადაეფარნენ კუშტი ქალის სახეზე გაფრიალებულს. — უპკრეტდა ხოვავი, ამოიოხრებდა და სიარულს განაგრძობდა...

შარა გზაზე მგზავრი მგზავრს ემატებოდა, მგზავრობა ხშირდებოდა. ერთი მეორეს მისდევდნენ დატვირთული მანქანები, ურმები, ქვეითები — ხალხს საკოლმეურნეო ბაზრობისკენ მიეჩქარებოდა, ვავაგვიანდებო, ეტყოდნენ ხოვავის და ნაჩქარევად გასცდებოდნენ...

შუადღის დროს მივიდა ხოვავი ერთ პატარა ქალაქში. ხალხის ნაკადს შეჰყვა, სოფლელებს აედევნა და ბაზარში აღმოჩნდა.

ტანმალალი, დინჯი ხოვავი მძიმე ნაბიჯით შევიდა ბაზრის კარებში. გახედა ბაზარს და გაუკვირდა: არსად ენახა იმდენი ხალხი, არც იმდენი სავაჭრო... ერთხანს ერთ ადგილზე იდგა ხოვავი, შემდეგ ბაზარს ჩაუარა, — ჯიხვის რქები გადასცვალა ფოლადის დანაზე, თოკზე, ორიოდე ჯიხვის ტყავი ტანისამოსზე: შალის შარვალ-ხალათი გამოიცვალა, ჩუსტები და თუშური ქუდი იყიდა. მონადირეთა კავშირის მალაზიაში შეიყვანა ვიღაცა უცნობმა: ტყავები გადააცვლევინა ტყვია-წამალზე და ხალხის სიმრავლემ გაიყოლია შუა ბაზრიდან. პატარა მოედანზე თავმოყრილ მოქალაქეთ წააწყდა, მიუახლოვდა წრეს. წრის იქით გადაიხედა. არავინა სჩანდა. ხალხს მიხედ-მოხედა. მაკერლად გადაქცეული ხალხი ელოდებოდა რაღაცას. ცოტახანი და წრეში ერთი ახალგაზრდა გამოვიდა, მკლავებდახვასტული იყო, წელქამრიანი. წრეში გასვლის უმაღ ხელები გაშალა, ზურნის ხმას აპყვა, ჩამოუარა დაქუჩებულ ხალხს. ჩასხმული ტანისა იყო, კისერა, ბეჭებგანიერი. სწრაფად მოძრაობდა. ორჯერ შემოუარა წრეს, შუა ადგილზე შედგა. ამ დროს მოპირდაპირე ჯგუფი გაირღვა, — ტანმალალი, ცქანტლი ახალგაზრდა გადახტა წრეში. ხელი გაუშვია წრეში მდგომს, გაშორდა, შემოუარა წრეს და პირისპირ დადგნენ. წუთის შემდეგ ერთი მეორეს გაეთამაშნენ, ზურნამ ხმა გააძლიერა. კაცები წუთით შეეჭიდნენ ურთიერთს და ელვად ქცეულნი გახტნენ ვანზე, შემობრუნდნენ, კვლავ დაეჭიდნენ. ერთი მათგანი ოდნავ დაიხარა, მეორემ ზურგზე შემოიღო, პაერში შეათამაშა და მიწაზე დასცა, დასცა, მაგრამ ბეჭები ვერ დაუხარა... კალმახით გაუსხლტა. ახლა მან წამოიყიდა კისერზე...

ტაშმა ივრიალა: ტანმალალმა ახალგაზრდამ ბეჭები დაიბერტყა, თავდახრილი გავიდა წრიდან, ხოლო მეორემ არწივებურად გაშალა ხელები, ჩამოუარა წრეს, გაეთამაშა მოჭიდავეთ, სამი გალახა, მეოთხეს მკლავი ატყინა და ქორებულად დაიკვილა მკლავმაგარმა.

ხოვავი გაკვირვებით აკვირდებოდა გალახულთ. უფრო მეტად გამოახველი აკვირვებდა. უნებურად მიიწევდა წინ. აწებოდა წინამდგომთ. მარტო დარჩა მოულოდნელად. მოჭიდავე სულ ახლოს, ხოვავის წინ აცქმუტდა, ხელიც კი გაპკრა ხოვავის, გაუღიმა, გასცდა, კვლავ შემობრუნდა, დადგა ხოვავის წინ, დააკვირდა ხოვავის.

ხოვავი ცივად უპკრეტდა, მომდურავს ჰვავდა, თითქოს ხეთჯერ გაულახიოვ გამარჯვებულ მოჭიდავეს.

— ხომ არ მიცანი? — გაეხუმრა მოჭიდავე.

ხოვავის სახე უფრო გაცივდა, მწყრალი მხერა ესროლა.

— თუ გინდა გადმოდი, ტანდილო! — ხალხის გასაგონად უთხრა მოჭიდავემ, ამაყად შეხედა, გაითამაშა წრეში.

— აცა! — დინჯად სთქვა ხოგაიმ.

ხალხმა ხოგაის მიხედა: ბარგს იხსნიდა ხოგაი, თოფი და ტანისამოსი მოჭიდავეთა ნივთების შემნახველს ჩააბარა, მძიმე ნაბიჯით შევიდა წრეში. შუა ადგილზე გაჩერდა, თვალი შემოავლო ხალხს: ყველა გაკვირვებით მისჩერებოდა.

— წააქცევს!

— არ იცნობს, ალბათ!

გაისმა ნელი თქმები.

მაღალი ტანი შეიშმუშნა ხოგაიმ, გასწორდა, — მხარკისერი შეხარა, ვითარცა ირემმა. ელვის სისწრაფით მიეჭრა მოჭიდავე. ქარდაჯახებულ მუხასავით შეირხა ხოგაი, მიწა დახნა ფეხებით, მკლავები გაიფოლადა. მოჭიდავემ ფეხი მოკრა მარჯვენა ფეხს, გადახარა, მაგრამ სიმძიმით სძლია ხოგაიმ. მკლავებში შემოიფლო, მიბნინდა და ის იყო მიწას დაესცემო გაიფიქრა, რომ მოჭიდავეს ფეხები რკინასავით მოხვდა ფეხებს, შებორძიკდა ხოგაი და მოჭიდავე ხელიდან გაუსხლტა, მოულოდნელად შეუტია, მაგრამ ვერ სძლია.

ხოგაი დამედურა:

— ლალატი ნუ! — უთხრა დინჯად, მკლავები შემოხვია, მკერდზე მიიკრა, დააწვა ზევიდან, გადახარა და ნელა დააწვინა მიწაზე... მხოლოდ მაშინ გაუშვა, როდესაც ფერი გაულურჯდა მოჭიდავეს სახეზე.

— იწეკი! — უთხრა. ტანისამოსი ჩამოიბერტყა, გახედა ხალხს. ხალხი გაკვირვებით უჭვრეტდა.

— რა აოცებს? — ცივად სთქვა ხოგაიმ და წრიდან გავიდა.

ხალხი უკან ვაჰყვა ხოგაის, — გარშემო უვლიდნენ, აკვირდებოდნენ, აქებდნენ.

ხოგაიმ ბარგი აკრიფა, იარაღი აისხა და ამ დროს ხელი ვილაცამ დაკრა მხარზე.

შაკრად მიხედა ხოგაიმ: მის წინ იდგა სამხედრო ტანისამოსში გამოწყობილი სამი ვაჰკაცი.

— ხოგაი!

— ბაგრატი!

— რატომ გაგვექციე, ხოგაი?

— ქალაქი შენატრებოდა...

— სახელოვანი მოჭიდავე წაგიქცევია, ხოგაი!

— გამარჯვება ნუ მოგიშალოს! — უთხრა ვახტანგმა.

— ნურც თქვენი ძმობა!

ხელი ჩამოართვეს ურთიერთს.



წვიმდა. ჩქარი მატარებელი ქარაშოტს მიაპობდა. შხუოდა. გრიალებდა. წიოდნენ ბორბლები. ელვანი გაუთამაშებდნენ და რკინის ჩქამს გაიყოლებდნენ თან. წვიმა და ქარი ეხლებოდა მატარებლის ფანჯრებს. შუშას გუგუმებად ესხმოდა წვიმის წვეთები, მიგორავდნენ ნელად, მოწყვეტილად. ფანჯარას

მისჩერებოდა ხელზე დაყრდნობილი ხოგაი. მის გარშემო სამი ვაჟკაცი იჯდა. ფიქრს რასმეს მისცემოდნენ.

— მამ კაცის მოსაკლავად წახვედი ხოგაი? — დაარღვია ხრეშნიკი მისი წებო და პაპიროსი შესთავაზა ხოგაის.

მოკრძალებით შეხედა ხოგაიმ.

— სულაკაურის მოკვლა მსურდა...

— ეგეთი რა დაგიშვა, რომ მოსაკლავად გაგიმეტებია ვაჟკაცი!

— ლელა მთელ ქვეყანას მერჩიენა. სიცოცხლესაც... ლელას მე უყვარდი.

— მამ რაღად წაპყვა სხვას?

ცივად გაიცინა ხოგაიმ, გახედა ფანჯრის იქით ატირებულ ლამეს.

— წაპყვა...

— ლელა ყოფილა დამნაშავე.

ხოგაი ოდნავ შეიჩხა, პაპიროსის კვამლმა გადაუარა თავზე, გაითამაშა და ზანტად შეეფინა ფანჯარას.

— სულაკაურს ბავშვობიდანვე ვძულდი, — დაიწყო ხოგაიმ. — ვერიდებოდი, საჯიხვეებში თუ შევხვდებოდით ერთი მეორეს. მე გაურბოდი, ის მსდევდა, — მოკვლა სურდა ჩემზე: მამამაპათ დაღვრილი სისხლი ჩქეფდა ჩვენ შორის. ამას ისიც დაემატა, რომ ლელას მე უყვარდი, სულაკაური სძულდა, მაგრამ... — ხოგაის რკინის ფერმა გადაჰკრა სახეზე, გაჰხედა ლამეს და ამოიოხრა. — მე ღარიბი ვიყავი. მწყემსი. სულაკაური ცხვარ-ძროხის პატრონი იყო, თორმეტი ჩემისთანა ვაჟკაცი ჰყავდა მწყემსად. ხშირად მომისევდა ვაჟკაცებს, მაგრამ... — გაიღიმა ხოგაიმ. — მე მათ ვსჯობნიდი, კვენით არ ვიტყვი, ვსჯობნიდი, ბოლოს კი... სულაკაურმა მაჯობა: წამართვა ჩემი სიხარული...

ხოგაი გაჩუმდა, ქარი და წვიმა დაეჯახა ფანჯარას, ბორბლებმა რელსებზე გაიწივლეს და ელვის შუქი გაეთამაშა მატარებელს.

— დიახ... მან წამართვა სიხარული. იმ დღის შემდეგ ჩემ გულს ლხენა არ მიჰკარებია. თვალს საამური ძილი. ჭირით ვტებდი ლამეებს, ვუყურებდი ვარსკვლავებს და ლელას სახე მეზმანებოდა... ლელას ვუყვარდი, ვუყვარდი ძალიან... ხშირად ვხვდებოდით ერთი მეორეს. მე მინდოდა სამუდამოდ ჩემი ყოფილიყო. მაგრამ ლელას რატომღაც არ ეჩქარებოდა. ვატყობდი: ეშინოდა სიღარიბისა — შეძლებული ოჯახის შვილი იყო, ამაყად გაზრდილი.

— გაგვიჭირდება ცხოვრება! — მეტყოდა, ტბილად გამიღიმებდა. მე მაინც ჩემსას ვცდილობდი. როგორც იყო, დავიყოლიე: შემოდგომაზე უნდა გადაგვებადა ქორწილი. სიხარულს საზღვარი არ ჰქონდა... და აი, ერთხელ მივედი თუ არა ცხვრის ბინაში, თავი მივანებე სამწყესურს: ლელას ნახვა მენატრებოდა. მივედი დანიშნულ ადგილას, ამოვიღე სალამური, დაუკარი, დაუკარი ნიშნად, მაგრამ... ლამეში გაქრა ჩემი სალამურის ხმა, გაქრა უკვალოდ. ვიდებო და ველოდებოდი ლელას, ლელა არ ჩანდა. ბოლოს ველარ მოვითმინე, გადავწყვიტე. თითონ მივსულეყავი ლელასთან. ის იყო მივეუბლოვდი ეზოს კარებს რომ ეზოდან სამი ცხენოსანი გამოიჭრა, ცხენების ფეხის ხმას ქალის სუსტი კივილი გაჰყვა და მე... სიმწარით ტანდაძრული მივეყრდენი კედელს: მივხვდი, რომ ლელა... ლელა სამუდამოდ დაგვარგე: მომტაცა სულაკაურმა. დაგბრუნდი უკან, ჩემ დაბადების დღეს ვეუბნებოდი საწყევარს... გავიდა ხანი. მწარე გულისტივილით ვიგონებდი ლელას, ლელას შავ თვალებს, ლელას

სიტყვებს... რაც დრო გადიოდა, მოუსვენრობა მეუფლებოდა. ბოლოს გადავეყვიტე მენახა ლელა... ლელამ ნახვის ნება არ დამართო. მთხრელმა დაამეცა წყებინა ყველაფერი: ჩემდა უნებურად მოხდაო ყველაფერს [სხვის] შეტყობირე ჩემი უძვირფასესი საგანძური... დამივიწყე ზოგაი! — მითვლიდა იგი.

მცირე ხანს შეჩერდა. მერე კვლავ განაგრძო:

— მე ვაჯვიუტდი. მივდიოდი სულაქაურის კოშკის მახლობლად, ვჯდებოდი მდინარის ნაპირზე, ვიფარებდი ღამეს და სალამურის ხმით მოუხმობდი ლელას. ლელა მოდიოდა სარკმელთან, უსმენდა სალამურს და ვგრძნობდი, თუ როგორ ფიქრდებოდა მისი სახე შიშითა და ჩემი სიახლოვის წადილით, მაგრამ... ავია სულაქაური: ჩიტის გაფრენა არ გამოეპარებოდა კოშკის ვარშემო... არ იქნა: ვერ შევხვდი ლელას. ბოლოს გაგებდე, — მივიპარე კოშკთან და ის იყო ვიგრძენი ლელას სიახლოვე, მესმოდა მისი მძიმე სუნთქვა, ვგრძნობდი მის სითბოს და სწორედ ამ დროს გამიტყდა ხმა... სულაქაურმა ვაეკაცებე დამადევნა. ვადამარჩინა ჩემი მუხლის სიმაგრემ. სულაქაური უფრო გამწვარდა, ცდილობდა მოკვლას. მე გზაკვალი დამებნა. სამწყემსოს ყურადღებას აღარ ვაქცევდი. ნადირობით ვერთობოდი. არც ეს მოსწონდა სულაქაურს: თავათაე ნადირობდა ჯიხვებზე. მე ჩემსას არ ვიშლიდი: ვეჯიბრებოდი ჯიხვების ზოცვაში. სამაგიეროდ ცხერის პატრონი გამიორგულდა, დამითხოვა სამწყემსაოდან. უკანასკნელად ვესტუმრე სულაქაურს: მე მეგონა სტუმრობით დამინდობდა. ლელა ვნახე, თავათ ლელამ არ მომცა სულაქაურის სახლში ღამის ვათევის ნება. სულაქაურმა სტუმრობით მაპატია ის ღამე. და ვათენებამდე ვავტოვე ის კოშკი. დილით თქვენ შეგხვდით, ვაეკაცებო. კვლავ ვაეიპარე, — სიმწარემ დამათრო: სულაქაურის მოკვლა გადავეწყვიტე. მო! მოვკლავდი მას, მოვკლავდი, რომ იგი ჩემ ტანჯვაში არ მენახა: ჩემი ზელები მოდუნდნენ, ჩემი გული მოტყმა, როდესაც მისი ვაცრეცილი მონადკეუული სახე დავინახე ლელას წინ... შემეცოდა... გადავეწყვიტე ვავშორებოდი იმ მიდამოს, სადაც სულაქაურის ფეხი დაიდგმებოდა, სადაც ლელა დაიბანდა პირს და მზის სხივთ ეტყოდა მადლობას... გადავეწყვიტე წავსულუვიყავი ქალაქში და აი, შენ შეგხვდი...

ჩაფიქრებული ბაგრატი ყურს უგდებდა ზოგაის. მოათავა თუ არა საუბარი ზოგაიმ, ბაგრატმა მშვიდად შეხედა.

— ჩვენ მშობილები ვიქნებით! — უთხრა ტკბილად.

კვლავ გაითამაშა ელვამ. კვლავ დაეჯახა ქარ-წვიმა ფანჯარას, ბორბლები აწივლდნენ რელსებზე და რკინამ რკინაზე გაილაწუნა, თითქოს უკუნმა ღამემ დაკბინაო დედამიწა.

— შენ მფრინავი ვახდები, ზოგაი!

ელვამ გაუარა მიდამოს და მატარებელი მაგრა დაეჯახა უკუნეთს...



ღრუბელნი ჰქრებოდნენ, ცა იწმინდებოდა, ცა ლურჯდებოდა, ცას სიწითლე ეპარებოდა აღმოსავლეთის მხარეს. ლაქვარდი ეფრქვეოდა მიდამოს. ლაქვარდში მიჰქროდნენ ველები... გორ-გურები. მატარებელი ღრენით გადაუვლიდა მათ და შემეკრთალივით მიეფარებოდა გორის ბოლოს...

ბაგრატი ზოგაის უამბობდა ამბავს...



ქართველთა
წიგლისწამყვანთა
კავშირი

— ჰო!...

ნეტამც ხოგაი ვახდებოდეს მფრინავი!
მატარებელი ნელა შედიოდა ქალაქში.

ხოგაის აოცებდა ბაგრატის ქართული, საბჭოთა მფრინავების გმირობა. ათ-
რობდა სწავლის სურვილი და ქალაქის სანახავთა საკვირველებანი...

ქალაქი უხვი მასპინძელივით ხვდებოდა მატარებელს და ორთქლში გახ-
ვეული ყვიროდა ღრეობიდან გამოსული ხევსურით...

თავი მეოთხე

ლაგვარდში გათამაშებული ვარსკვლავით გაჰყვა დილა დილას და გათენ-
და ხოგაის გამარჯვებით, სამხედრო ექიმმა ახედ-დახედა ხოგაის:

— ვარგისია! — უთხრა თანამშრომელს. ხოგაის გაუღიმა: — თავისუფალი
ბრძანდებით!

ხოგაიმ ტანისამოსი აკრიფა. მათარა და დანა ხელში დაიჭირა, მძიმე ნაბი-
ჯით გავიდა ფართე დერეფანში. საექიმო კომისიის გამოძახების მოლოდინში
მყოფი ახალგაზრდები სიცილით შემოეხვივნენ.

„რა ჰქენი?“ — კითხვობდა ხოგაი მათ სახეზე.

მორცხვად გაიცინა ხოგაიმ.

— ვერ გაუგია! — გაისმა ფოლადით ძვრიალა ხმა.

სწრაფად მიიხედა ხოგაიმ: თვალუწყუნა გოგონა იცინოდა ტკბილად.

— ვერ გაუგია! — დასცინა მან. ხოგაის უამურ მზერას წააწყდა და
გაჩუმდა.

— რა ჰქენი? — შეეკითხა ხოგაის ქერა სახის ყმაწვილი.

— ვარგისი! — გაუბედავად უპასუხა ხოგაიმ.

— ვარგისიო! — გაიცინა გოგონამ.

ხოგაის ყურადღება არ მიუქცევია: კარებში შემოსულ ბაგრატს მოჰკრა
თვალი და პირდაპირ მისკენ წავიდა.

— რაო? — იკითხა ბაგრატმა.

— ვარგისი...

ბაგრატს სახეზე ღიმილმა გაურბინა. ხელი დაჰკრა ხოგაის.

— გავფრინდებით! — წასჩურჩულა და გაშორდა.

— ვარგისი... — შემოესმა ხოგაის: კვლავ იცინოდა გოგონა.

ნეტავ ვინ არის ეს ქალი?

ნუ, გაუწყრები, ჩემო ხოგაი! ჰო!.. როგორ ციმციმებენ გოგონას შავი თვა-
ლები.

გაუღიმა, გაუღიმა, ჩემო ხოგაი!

ჰო!.. როგორ ანათებენ გოგონას თეთრი კბილები!

სახე ვარსკვლავების ციმციმი ხომ არ არის ნეტაეი!

გაუღიმა, ხოგაი, ჩემო ხოგაი, გაუღიმა!

— ვარგისი! — შრიალებდა მსუბუქი ხმა ქალისა. თმის ნაწნავებმა გაითა-
მაშეს და დერეფნის ბოლოს მიეფარა ლამაზი...

ნეტავ ვინ არის ეს ქალი?

იქნებ შენი საბედოა, ჩემო ხოგაი?



სამხედრო ფორმაში გამოწყობილი ხოგაი დილის სიამეს ეგებოდა. ხალისით სკოლაში მიეჩქარებოდა, როდესაც თვითმფრინავის ხმა შემოესმა. ჯერ მათარას რადმე ვადახედა, შემდეგ თოფს, წიგნები აიღო ხელში და ის იყო გასცილდა საერთო საცხოვრებლის კარებს, რომ თვითმფრინავმა სიახლოვეს გაუჭროლა.

ხოგაის გული გაუღალდა. გახედა თბილისის თავზე გაშლილ ლაქვარდში ვათამაშებულ თვითმფრინავს და კინაღამ წამოიკივლა სიამით: თვითმფრინავმა კამარა შეჭკრა, შეითამაშა ჰაერში, შეტრიალდა, დაეშვა, — ელვის სისწრაფით გამოქანდა დედამიწისკენ. მოულოდნელად შებრუნდა და ისევ ლაქვარდში შებერტყა ფრთები... უჭკვრეტდნენ და იცინოდნენ: მოსწავლეები, ახალგაზრდა მფრინავეები, პარაშუტისტები. ბაგრატს მოჰკრა თვალი ხოგაი. იდგა ბაგრატი და მოლიმარი უცქერდა თვითმფრინავს...

ჰაერი ივსებოდა ხმაურით, მფრინავთა გული ხალისით.

— ჰოი..

ნეტავ ვინ არის ეგ მფრინავი?

არწივი ხომ არ ჰქცეულა კაცად?

ხოგაიმ მზერა ვერ მოაცილა თვითმფრინავს.

ნეტავ თუ მალე გახდება ხოგაი მფრინავი?

— გადის დღეები, მე კი...

ნუ ხოგაი!

სინჯარით წყალი წყალს არ გაუღევია, ჩემო ხოგაი...

ხოგაის მხარზე ხელი დაჰკრა ბაგრატმა.

— ხედავ? — გაიღიმა მან.

თვითმფრინავი ნელნელად ეშვებოდა ძირს. მედიდურად აკეთებდა წრეს ჰაერში. შემოტრიალდებოდა, კვლავ გაიჭროლებდა, თითქოს ვერ დაუოხებიაო სილაღე...

ხალხი იკრიბებოდა თვითმფრინავთა სადგურის გარშემო, ხალხს უნდოდა ეხილა მფრინავი: აოცებდა მისი ოსტატობა.

ხოგაი ბაგრატს მიჰყევებოდა აკრეფილი ნაბიჯით. მათ გარშემო ირეოდა მფრინავეები, პარაშუტისტები, სხვადასხვა თანამდებობის ჰაბუკები.

— ნეტავ ვინ არის ეგ მფრინავი?

ხოგაი! სულსწრაფი ნუ ხარ, ჩემო ხოგაი!

— მე როდის გავფრინდები, ბაგრატ?..

— მალე...

თვითმფრინავმა მიწას გაჰკრა ბორბლები, გაიფხრიალა და შედგა.

— ყმაწვილი ყოფილა მფრინავი!

ხოგაი!..

რამ დაგაოხა, ჩემო ხოგაი!

დგას ხოგაი და მზერას ვერ აცილებს მფრინავს:

ჰოი.. როგორ ციმციმებენ გოგონას შავი თვალები!

ეს თმა არის, თუ აბრეშუმს ეთამაშება ხმაურით შემყრთალი ჰაერი!

როგორ ანათებენ გოგონას თეთრი კბილები!

ვაუღიმე ხოგაი, ჩემო ხოგაი, გაუღიმე!

— ვარგისი! — უცინის ხოგაის გოგონა. ბაგრატს უახლოვდება. *ნელს ჩა-
მოართმევს.*

მუდამ გაიმარჯვე, გოგონავ!

ხოგაის ფერი უკრთება: გული ეძახის გოგონას!

— ბაგრატ, ვინ არის ეგ ქალი?

— ნინო!

ღმერთო! რა ტკბილად იღიმებოდა!

სახე რად გაგიფიქრდა, ხოგაი?

რამ დაგალონა, ვაჟკაცო?

— ხაღლია ვაჟკაცობა!

ნუ, ნუ დალონდი, ჩემო ხოგაი!

— შე მეგონა მხოლოდ ვაჟკაცებს შეგვიძლია ფრენა!

ქალი ვაჟკაცების რიგში ჩამდგარა, ხოგაი...

ხოგაი უჭკრეტს ნინოს ცქრილა თვალებს, ღამესავით შავ თმას და ტანის
ნარნარს...

მხოლოდ ვაჟკაცობა...

მაგრამ... გული უცნაურად რად გიცემს, ხოგაი?

— ჰო! რა ტკბილად იცინის ის ქალი!

შენაც გაუცინე ჩემო, ხოგაი!

.

... თითქოს ფარავი გახსნაო ცამ, — თეთრი ღრუბლები მსუბუქად გაი-
შალნენ ცის მკერდზე.

ხოგაიმ ცას შეხედა: სადარო სჩანდა ცის სახეზე.

— აფერინდები!

— ხოგაი, მშვიდობით!

— მშვიდობით, ბაგრატ!

ბაგრატი მზერას მიაღვენებდა თვითმფრინავს: თვითმფრინავმა საგარეჯოს-
კენ აიღო გეზი. ცივს ჩაუარა, შემობრუნდა და ამ დროს მეორე მფრინავი წა-
მოეწია, გაეთამაშა. ლაევარდი შეჩქვიფა, ღრუბელნი შემკრთალნივით დაიძ-
რნენ დასავლეთისაკენ.

არწივების მსგავსად თამაშობდნენ ჰაერში: ერთი უთმობდა, — დინჯად
მისცურავდა და უმალ ზევით მოექცეოდა. შურდულივით გატყორცნილ ქვა-
სავით გაიჭროლებდა წინ და მედიდურად შემოეგებებოდა.

— ნეტავ ვინ არის?

ხოგაი გულდინჯად იყო, ფრენა მედიდური ჰქონდა, სილინჯეში არწივს ბა-
ძავდა: უნდოდა არწივის მსგავსად ეფრინა, მაგრამ...

— ნეტავ ვინ არის ეს მფრინავი?

თვითმფრინავმა გაუთამაშა და წინ გაუძღვა...

ხოგაის კახეთის ხილვა ჰქონდა დანატრულებული.

— ლელას სამშობლო!

მაგრამ უცნობმა მფრინავმა არ აღროვა: გაეჯიბრა, გაეთამაშა, გაიყოლია.

— მამაცი ვაჟკაცი იქნება! — ხოგაი მხოლოდ ამით დაიხიზებდა გულს.

ვარჯიში მოათავა და ნელა დაეშვა ძირს.

შემფასებელი კომისია ბაგრატთან ერთად შეეგება ხოგაის.

— მოსაწონია! — გაისმა უფროსის ხმა.

გახარებულმა ხოგაიმ ცას შეხედა: უცნობი თვითმფრინავი
პოლა ძირს.

— შენ მფრინავი ხარ, ხოგაი!

— ის მფრინავი ვინ არის, ბაგრატ?

ბაგრატმა გაიცინა.

მფრინავი გაბედულად გადმოვიდა მიწაზე დაშვებულ თვითმფრინავიდან.
რა გაოცებს, ჩემო ხოგაი?

ნინოს თვალები ციმციმებდნენ ტკბილად!

ნინოს კბილთ სიმშვენე ნასესხებია მთის ბროლისგან!

ნუ, ნუ დალონდი, ჩემო ხოგაი!

მაშ ვაეკაცობა რაღაა, ბაგრატ, თუ ქალი.... ქალია....

ნუ, ნუ, ჩემო ხოგაი!

ჰო!.. რა ტკბილად იცინის ნინო...

— სხვა სიტყვა თუ იქნება ვაეკაცობის მაგიერ...

ვაეკაცობასაც მოესწრები, ჩემო ხოგაი....

• • •

რა უცნაური გამხდარა ქვეყანა: ვარსკვლავებიც ციმციმებენ, ელნათურებიც
ფიჭრი უნდა ხოგაის...

— ხმაურიანი ყოფილა ქალაქი...

რას დაფიჭრებულხარ, ჩემო ხოგაი?

ხოგაი, ფერი რად დაგკარგვია სახეზე, ხოგაი?..

— გაშლილი საიალალო და საჯიხვეები მენატრება...

ცა ლაყვარდია საიალალო შენთვის, ხოგაი!

იქნება ლელას ნახვა მოგენატრა, ვაეკაცო?

— ნეტავ ვინ არის როიალს რომ უკრავს, ბაგრატ?

ჰო, ხოგაი!

როგორ ცქრიალებენ ნინოს თვალები!

თითები მთის ბროლისა თუ გაუთლიაო დამბადებელს!

ხოგაი, გაიღიმე... გაიღიმე, ჩემო ხოგაი!

— ვინ მღერის, ბაგრატ?

ჰო, ხოგაი!

როგორ ელვარებენ ნინოს კბილები?

ხმა... თითქმის ბულბულს უჩუქებიაო დილის ქამს!..

ხოგაი, გაიღიმე... გაიხარე სტუმრობით...

• • •

ღამე შემკრთალივით კრეფდა თბილისის თავზე გაშლილ ფრთებს. ბურუს-
დებოდა, თეთრდებოდა ნაცრისფერი. ხმაურით გაელენთილ ქალაქს სიწყნარე
ეფუფლებოდა.

მაღალი შენობიდან გამოსულმა ბაგრატმა ხოგაის გაუსწორა მზერა.

— ხოგაი...

— რას მერჩი?

— სამშობლო გვეძახის!

იმედინად გაიცინა ხოვამ...

ხოვამ... შენ გულგატეხილი სჩიოდი: ვაეკაცობას ელფერი ვაეკაცობა...

— ესლა გამოჩნდება ვაეკაცის ვაეკაცობა!

ხოვამ ნაბიჯი შეანელა: ნინოს სახე გაელანდა. სახე გაუცივდა, უგემურად გაიქნია ხელი: „ნეტავ, ნინო თუ წავა?“

— სამშობლო გვეძახის. გული ბასრი უნდა იყოს საბჭოეთის დაცვაში!

დილამც, მაგრამ... ხოვას გულს სამშობლოს სიკარგე გაახარებს. მამაცი ვაეკაცისთვის ღზინია სამშობლოსთვის ბრძოლა, მაგრამ...

„ნინო თუ წამოვა...“

— მამაცად გვიბრძოლნია სამშობლოსათვის ქართველებს, ხოვამ!

ჰო! იცის ხოვამ... იცის... ქართველს სისხლით ნაწრთობი ხმალი უნახია, მოხუცთ ნაამბობი მოუსმენია და უნატრია სამშობლოსთვის სიკვდილი...
ესლა...

— ჩვენი თვითმფრინავები გადაუვლიან ველებს, ხოვამ!

ჰოი! ვაეკაცნო მამაცნო და გაუტეხელნო!

— ჩვენი ვაეკაცები დადგებიან სადარაჯოზე...

— მე არწივებისთვის მიცქერია, ბაგრატ, არწივს ჩაუვლია შურთხებისათვის. არწივის ფრთით შიშის ცეცხლი მოუღვია ფრინველთათვის, მაგრამ... — „ნეტავი ნინო... ნინო... ნინო თუ წავა ვაეკაცებთან?“

— ჩვენ დაუყოვნებლივ გავფრინდებით, ხოვამ!

— რომელ მხარეს?

ჩრდილოეთის მხარეს ელვამ გაიელვა და გაქრა.

— ცა დაიქუხებს! — სთქვა ბაგრატმა.

ნაბიჯაქმარებული მისდევდა ბაგრატს, ჯერაც ნინოს მოლიმარი სახე თვალწინ ედგა. „ნეტავი ნინო თუ გაფრინდება...“

ჰო...

ტილო სიმამაცეც!

მაგრამ...

— რა ტყბილად იცინის ნინო!..

თავი მხუთი

დრო გავიდა. ზამთარი ზაფხულად შეიცვალა. რამდენმა თვითმფრინავმა გადაიარა თბილისის თავზე! რამდენჯერ ამღერდა როიალზე ქალი! რამდენჯერ გაუცინა დილის ლაყვარდს ნინომ! რამდენჯერ გაითამაშა მისმა თვითმფრინავმა ვარსკვლავთა სამეფოში და შველამეში მაკინარმა ნინომ იფიქრა შორს გაფრენილ ვაეკაცებზე... ესლაც იჯდა ნინო და ფიქრობდა. ფიქრში მყოფი გასცქეროდა ახლად ბინდდაცემულ ქუჩას. ტანმალალი ვაეკაცი დარჩა თვალში: იგი პირდაპირ გადმოდიოდა ქუჩაზე. ნინოს სახე წამოუწითლდა, მაგრამ... არა, რა თქმა უნდა, არა... — ფიქრი ზარის წკრიალმა შეაწყვეტინა. ურიალით გაიესო ოთახი.

ეს!

რა თქმა უნდა, არა... ის არ იქნება!

ისევ ზარის წკრიალი...

ტახტის წინ მწოლი თეთრი ფინია მწყრალად წამოდგა ფეხზე. მიიბინა კარებთან და წკრიალა ხმით აყუფდა.

ნელა გაულო ნინომ კარები.

— ნინო!

ხოგაი!

ქალვაცი ხედ იქცა წუთით.

გამწყრალმა ფინიამ წამოიყეფა, ყურადღება რომ არავინ მიაქცია, ხმა ჩაწყვეტილი გაბრუნდა უკან. იატაკის შუა ადგილზე შედგა, წრე გააკეთა, შეულრინა ნინოსთან მდგომ ხოგაის.

ფინიამ კუდი დაუშვა, ნინოს ფეხს ამოეფარა და იღუმალი სიმწყრალით აღმაცერად დააკვირდა ხოგაის...

— ჩამოხვედით? — ძლივს შესძლო კითხვის მიცემა ნინომ.

ხოგაიმ გაიცინა:

— ყველანი!

დასხდნენ. მზერა მზერას გაუსწორეს.

— რა ჰქენით?

— ვიფრინეთ...

ნინომ მაღალ მკერდზე გადაავლო მზერა ხოგაის... ვაჟკაცს შეენოდა სიდინჯე და სიმაძაცის ორდენი... შურით გაუციაგდა გაბრწყინებული თვალები ნინოს: „შენ ქალაი ხარ!“ ამოიკითხა ხოგაის მზერაში.

— მე მეგონა, რომ...

— რა მეგონა, ხოგაი.

— შენც წამოხვედიოდი.

სახე წამოუწითლდა ნინოს.

— ჰქეა-ჰუხილში ვეძებდი შენ სახეს...

— იბრძოდით?

— ჰქედა მიდამო... ჭრიალი გაჰქონდა შეშფოთებულ ჩრდილოეთს...

ნინო სულ ახლოს დაუჯდა. გაუღიმა.

— მითხარი... ყველაფერი მითხარი...

ხოგაიმ ოთახს გადახედა, შემდეგ ნინოს დააკვირდა:

„ეხლა არის ნინო ქალი,“ — გაიფიქრა და ბრძოლის ამბავი უამბო: ...ისეთი ღამე არ უნახავს ხოგაის, არც ქარიშხალში შეძრწუნებულ ჭაუხების ეამს, არც გრივალით გადალექილ ველეებზე... მთელი დედამიწა ზანზარებდა შფოთიანად.

— ელვა იყო ფრენა ჩვენი თვითმფრინავებისა. მეზი იყო ყუმბარა და დელგმა წივილი „გამანადგურებელთა“ მრისხანებისა... „სამშობლო!.. საბჭოეთის სიტკბოს ძალა!“ — მისძახოდა ჯარს მიდამო. ყველა ჩვენგანს ესმოდა ტკბილი ძახილი. დედის ძახილს ჰგავდა იგი... არწივის რისხვა და ჭაუხის ქრუანტელი სდევდა... შენი სახე... — ველარ დაამთავრა სათქმელი ხოგაიმ: ტელეფონი აწყრიალდა სწრაფად.

ნინომ მიიბრინა ტელეფონთან. ფრთხილად აიღო ტელეფონის მილი. გამოელაპარაკა. სახე მოედრებლა. ხოგაის გახედა.

— ახლავე! — სთქვა და ხოგაის გაუშვირა ტელეფონის მილი: — გეძახიან, ხოგაი!

ხოგაიმ ყური მიაპყრო, ჯერ გაიღიმა, შემდეგ შუბლი შეიკრა.

— ახლავე, ამხანაგო ბაგრატი! — სთქვა და ტელეფონის მილი დაჰკიდა.



ერთმანეთს დააკვირდნენ ნინო და ხოგაი.

— სასწრაფო საქმეა!

მშვიდობით, ხოგაი!

კარების ხმაურმა ფინია შეაკრთო...

ხოგაი მშვიდობით!

კარგა ხანს იდგა ნინო კარებთან. ყრუდ ესმოდა ხოგაის ფეხის ხმა, კიბეზე რომ ჩადიოდა ტანდილი...

ნინო უკან გაბრუნდა. მივიდა ფანჯარასთან. უცნაურად უცემდა გული. გული ხოგაისკენ მისწევდა. მან იხილა, თუ როგორ ჩქარი ნაბიჯით მიდიოდა ხოგაი ქუჩაში და როდესაც თვალს მიეფარა ვაჟკაცი, ქალს მუხლები გაუცივდა, სავარძელზე დაეშვა. მწარე ნარევი სიტკბო ათრობდა მას.

ნეტავ რა იყო იგი?

იქნება შური...

იქნებ ხოგაის გულის ძახილი...

ან იქნებ სიყვარული ხოგაისა...

ეხ, ბრძოლის ამბავი მაინც დაესრულებინა ხოგაის...

ხოგაი!..

* * *

ბაგრატიმა გახსნილი ვერცხლის სათუთუნე გაუწოდა ხოგაის.

— სამი მონადირის ხსნა შენზეა დამოკიდებული, ხოგაი!

ხოგაის ფრეოლამ დაუარა ტანში: გაუელდა თხელ ნისლეტში გახვეული, დათოვლილი მთები, პირდაღებული უღრანები, აწყვეტილი ქარის შორეული ღმეილი...

— დღესვე უნდა გაფრინდე, ხოგაი!

ხოგაი ისევ ფიქრში იყო გადავარდნილი: სპეროზია! ამაყი შუბლი ქარაფენისა... ხოგაის თვითმფრინავი ღრუბელთ გადაუვლის თავზე, შეკრთებიან ჯიხვები, შუნი შიშით დაუსტვენს და სიმაგრის კალთას გადაიბრუნს!

ჰო!

იქნება ლელამ გახედოს თვითმფრინავს და გაიცინოს.

— უნდა გააფრინდე, ხოგაი!

ჩემო ხოგაი, რათ ხარ ჩაფიქრებული?

ხოგაის თვითმფრინავი შეაკრთობს ჯიხვებს!

ლელაი გაუჭკვრეტს თვითმფრინავს და გაეღიმება!

— ხოგაი, უნდა გააფრინდე!

სისინა ქარაშოტი გაეთამაშა ფანჯარას და მიჩუმდა. ზვიადი ტანი შემართა ხოგაიმ...

— ხოგაი შენზეა დამოკიდებული სამი მონადირის ბედი!

ჩემო ხოგაი, რად გაგიბრწყინდა თვალები!

— შენ გააფრინდები, ხოგაი!

ამხანაგო ბაგრატი!

ჰო!

ხოგაის თვითმფრინავი ჩაუვლის საჯიხვეებს, მაგრამ...

უნდა გააფრინდე, ჩემო ხოგაი! მართალია, ნინო ტკბილად იცინის მაგრამ...

— ნუ, ეგრე ნუ, ბაგრატი!

ჰო!..

ჰო, რა ტკბილად იცინის ნინო...

თვითმფრინავი ელვის სისწრაფით მოსწყდა მიწას და არწვევიც სიღრმეში
აიღო გეზი კახეთისკენ.

მშვიდობით, ზოგაი!

ზოგაი, ხელი მოგიმართოს ვაეკაცობის მადლმა!



თავი მემკვსე

თეთრი ღრუბლების თავზე ღულუნებდა თვითმფრინავი, მისი ხმა ელ-ელდათ შეწყდებოდა, ნელდებოდა, შემდეგ ისევე ძლიერდებოდა, მძლავრი გრიალი ყრუ ღულუნად იქცეოდა. აღი-ჩადიოდა თვითმფრინავი ღრუბლების თავზე, თითქოს ღრუბლების ზღვას მინდობიაო, — აჰყვდა-ჰყვებოდა ღრუბელთა დენას და ტალღების სვლას ემსგავსებოდა მისი ნახტომი. ხანდიხან ღრუბლები გათხელდებოდნენ, დაჩნდებოდა დედამიწა, — მადლიანი კახეთის გულმკერდი... ლეგად მოსჩანდა ალაზნის ველი, მთაგორაზე თოვლი დაფენილიყო. საჯიბვეებში ქარბუქი ღმუოდა, ეჯახებოდა ჭაუხებს, და იმსხვერუოდა უღრანების ხახაში.

მფრინავს გეზი ჭაუხებისკენ ჰქონდა აღებული, — უშიშრად მიიწევდა წინ: ამაყად მდგომი სპეროზია ჰქონდა მიზანში ამოღებული, მაგრამ რამდენადაც ჭაუხებს უახლოვდებოდა თვითმფრინავი, იმდენად მალა იწევდა, ღრუბელთა ხშირ ტალღებში ეხვეოდა...

თვითმფრინავმა მსწრაფლ გადავლო კახეთის ველი, — შეჰყვა ალაზანს, პანკისის თავზე გაიღულუნა, მარცხნივ შებრუნდა და უცბად დაიწია ძირს, უფრო გამკაცრდა, უფრო მრისხანედ და ფიცხლად გაისმა მისი ფრთით ხმაური. ღრუბელთ რომ დასცილდა, შეანელა ძირს დაშვება, შეანელა ფრენა, თითქოს ძალა მოიკრიფათ — ოდნავ შესცურა, უფრო დასაეღუთისკენ აიღო გეზი, სოფელს გადაუარა თავზე და კვლავ დაყირავდა, დაექანა ძირს და სულ ახლოს გაეთამაშა მუხნარით დაფარულ მთებს. სოფლის თავზე დაწოლილი ზამთრის სუსხიანი ბურუსი ვაცელა.

ჰო!..

ძველო კარმიდამო, სოფელო სატიალევ!

ზოგაიმ ფრენა შეანელა: ლურჯად მომზირალი ტყეები, გორის ბოლოზე გაშენებული სოფელი, სოფლის ბოლოს ალაზანი და კოშკი... ტიალი კოშკი სულაკაურისა...

— ლელა! — მისძახოდა მთელი ბუნება ზოგაის.

— ლელა! — იმეორებდა ზოგაი, იმეორებდა, მაგრამ სიტყვა რადმე უქრებოდა, სამაგიეროდ გული ევსებოდა ბრაზით და რამდენადაც სოფლის სიახლოვე სურდა, იმდენად მწუხარე იყო მისთვის სოფელი.

— სულაკაური!

ვინ იცის, იქნება ნელა უცინის თვითმფრინავს...

აი, კოშკები, კარმიდამო...

რა მწარედ დაილია დღეები!

თვითმფრინავმა მკაცრად დატუქსა ჰაერი, მძლავრი გრიალი გაიყოლია და გამწყვრალივით გასცილდა სოფელს.

— შეგხვდები, სულაკაური! — დაემუქრა ზოგაი.

ერთხელ კიდევ გადაავლო თვალი ქვეყანას, შეცურდა ღრუბლებში, ღრუბელთ სათავე გადაიარა და სპეროზიას მიაშტრა.

ფრთხილად ხოგაი, — ჯიხვებმა ბევრ ვაჟაკს მისცეს ზიანი!
 ნუ აჩქარდები, ჩემო ხოგაი: ეამ-კარი მიეცი გონებას!
 საჯიხვევებში იღუპება სამი ვაჟაკი — სამი ვაჟაკის სიცოცხლე იხ-

სნა, ჩემო ხოგაი!

საბჭოთა გმირი გქვიან ხოგაი!

ჰო, სიმამაცე!

იქნებ კიდევ სხვა რამეა დასაკვები, ჩემო ხოგაი!

სიმამაცე აძლევს ყველაფერს გზას, შენც გზა დაგილოცოს სიმამაცის მად-
 ლმა! — ეძახოდა ცარვალი ხოგაის და თვითმფრინავი მისცურავდა საჯიხვეე-
 ბისკენ. აი ხოგაის წინ დარჩნენ ნაცნობი ადგილები... რამდენჯერ უნადირნია

ხოგაის ამ ადგილებში, რა მკაცრად იყურება ნისლით შებურული სპეროზი!
 თითქოს შეეშინდაო სიავისა, — თვითმფრინავმა სისწრაფეს უკლო, დაეშო—
 ვერდზე ჩაუარა მონადირეთ სადგომ გამოქვაბულებს.

კლდეთ გაეთამაშა ხოგაი, ბურუსის მკაცრი წივილი გაიყოლია თან, გაშორ-
 და ქარაფებს და კვლავ შემობრუნდა: ჩათვალიერა გამოქვაბულები...

არსად კაცის ძე...

არსად ნაკვალევი ადამიანისა...

დამფრთხალი ჯიხვების ფრენას მოჰკრა თვალი ხოგაიმ და გულს ცეცხლად
 მოეკიდა ძველი ალლო!

ჰოი, ჯიხვებო!

ჯიხვნო, მძიმენო გუნებით!

ხოგაიმ ელვის სისწრაფით ჩაუარა ქარაფებს, გაშორდა, შემოტრიალდა,
 თითქოს ბრძოლას უმართავსო ჯიხვების ხროს.

დამფრთხალი ჯიხვები ფხა-გორს შეჰყვნენ, მალი-მალ შედგებოდნენ, იჭვ-
 რიტებოდნენ:

სიანდა — ვერ ამჩნევდნენ ხმაურის მიზეზს!

ვერ ამჩნევდნენ მოხმაურეს...

ყოველი მხრიდან ასკდებოდა ხმაური დაცქიოტებულ ჯიხვებს... ნეტავ, რა
 მოხდა!

იქნება შიმშილით გამწარებული არწივის ფრთეთ ჩქამი იყო.

ან იქნება ქუხილი იყო ზევისა...

იქნება ოჩოპინტე აძლევდა ნიშანს...

გაიღიმა ხოგაიმ, გაუღიმა ჯიხვებს და ადამიანების ძებნას შეუდგა... ბუ-
 რუსი ვაჰკრა — ვაჰკრნენ ნისლები, თითქოს შეეშინდათო უცნაური ხმაურისა,
 გაოცდნენ ქაუხები უცხო ფრინველით და ნისლების პირბადე გადაიხადეს
 სახილველად... უფრო ნათლად დაჩნდნენ თოვლიანი, ტანდილი მთები, თეთ-
 რად გაშლილი ფერდობები, თოვლით ჩამძიმებული ხევები, ზევის ვარდნი-
 ლები, ზარს რომ სდებდნენ ხევებს.

მზეშ თვალი შეავლო საჯიხვევებს და ხოგაის ნათლად დაუჩნდა დედამიწაზე
 მყოფი სულიერი თუ უსულიო. ცოტახანიც და თვალი მოჰკრა მან ადამიანთა
 ნაკვალევს! თოვლს შავად მისდევდა ძაფი ნაკვალევისა და ვიწრო ხეობაში
 შედიოდა, იკარგებოდა წინწამოწეულ ქარაფების უბეში. ხოგაიმ დაბლა ფრე-
 ნა ირჩია: მარცხენა მხარეს ჩაუარა ქაუხებს, მარჯვნივ გაეთამაშა, გაუთანას-
 წორდა გამოქვაბულს, — ადამიანებს მოჰკრა თვალი: თოვლში ამოგანვლულნი
 იყვნენ, დაღლილნი, როგორც სიანდა ფეხზე დგომაკ კი უჭირდათ. აიწევდნენ,
 ისევე ეცემოდნენ. ხოგაიმ თვალი შეავლო, გასცდა, შემობრუნდა — ფრენა

შეანელა: ადგილმდებარეობა შეათვალეირა. უფრო დაბლა დიწხი, მიწის მახლობლად დავიდა...

ერთი მონადირე ფეხზე წამოდგა: რაღაც ანიშნა ხოგაისკენ და შეტყუარა. ემცანურა ხოგაის, მაგრამ...

— ვაეკაცობის გამჩენო, ეს ხომ...

ხოგაის გული გამკაცრდა, გული მაგრად აძგერდა. თითქოს ჯიხვის რქები დაეჯახათ ქარაფებს.

ნუ, ნუ, ჩემო ხოგაი!

ხოგაი, შენ, გმირი ხარ, გმირი საბჭოეთისა!

ადამიანს დახმარება სჭირდება, შენ კი...

— ვაეკაცს ვაეკაცობა შევინს, ჩემო ხოგაი!...

უცნობის ხილვით დაეჭვებული ხოგაი ბურუსს გაუმკაცრდა. ბურუსი იფანტებოდა, მქისდებოდა, აწყდებოდა ქარაფებს, იხერგებოდა უღრანებში. ხოგაის თავზე ბურუსი იშლებოდა, დაბლა ქაუხები, თოვლით შეგანგლული ფერდობები, პირდაღებული უღრანები, თითქოს დამშუულნი ცდილობენო უჩვეულო სტუმრის სალუკოდ გახდომას, მაგრამ... გინდაც მოკვდეს ხოგაი, გინდაც ცა დაატყდეს თავზე, დედამიწამ მკერდი გაუხსნას, სირცხვილიანი არ დაადგამს ფეხს საბჭოეთის მიწას...

ხოგაი არწივისებურად ჩაეტანა გამოქვამულს, უცნობთ ბარგი გადაუდლო: თბილი საცვლები, ტანისამოსი, სანოვაგე, მოკლე დაწერილი წერილი:

„მზნედ იყავით. კვლავ გესტუმრებით!“

თვითმფრინავმა თავზე გადაუარა მონადირეთ. ღრუბელთ თავზე გაინავარდა და ნელნელა მისწყდა მისი ფრთეთ ჩქამი.

ვაეკაცობის მადლო, მოუმართე ხელი მფრინავს!

მონადირემ წერილს დახედა. გაიცინა:

— ადამიანისთვის პატივისცემავ!

— საბჭოეთის სიამევე!

იციოდა ცივი მიდამო.

* * *

დიდამ მადლიანად გაუცინა დედამიწას, შუბლი გაეხსნა დაღვრემილ მთებს, და ის იყო მზემ სხივნი გამოაშუქა, რომ მონადირეთ თვითმფრინავის ხმა შემოესმათ. ისინი ხოგაის მოწოდებულ ტანისამოსის სიტბოსა და სანოვაგის სინოყიერეს მოესულეირებინა. თვითმფრინავის ხმის გაგონებაზე ყველანი ფეხზე წამოდგნენ. გადადგნენ გამოქვამულის კარზე და სახემოცინარი ხელების ქნევით მოუახლოვდნენ თვითმფრინავს... თვითმფრინავმა ქარაფებს ჩაუარა, ველად გავიდა, შემობრუნდა, ქარაფების კალთაზე გაშლილ ველს შემოუარა, შემოუარა სალუკმოს მაძებარ არწივით. წამით შეჩერდა, შავი რამ მოსწყდა მის ფრთეთ, ელვის სისწრაფით დაეშვა ძირს, ცოტა ხნის შემდეგ პარაშუტი გაიშალა ჰაერში...

ადამიანი ღინჯად დაეშვა თოვლით დაფარულ სუფთა მოედანზე, ხოლო თვითმფრინავი შემობრუნდა ჰაერში და რამდენიმე წრე გააკეთა ღინჯმა, მძლავრხმიანმა...

გაოცებული მონადირენი ერთხანს დაბლა დაშვებულ ადამიანს უპვრეტდნენ, თოვლში რომ იგანგლებოდა ტანმადალი, შემდეგ ნელი ნაბიჯით მოუახლოვდნენ.

უცნობი თოვლში ტრიალებდა, ქარაფის კალთას ათვალიერებდა, რამდენჯერმე შემოუარა მას, დაფიქრდა, შუა წრეში დადგა, თვითმფრინავს შეეხედა, ხელით რაღაც ანიშნა, წრე გააყეთა თავათაც და განზე დადგა. **ЛЮДИНЫ**
 თვითმფრინავი, თითქოს შეჩერდაო წუთით, ფრთენი შეძრნა და ნელად დაეშვა...

გალმა მხარეს ზეავი აქუხდა, თვითმფრინავის ხმაურმა თუ დაძრა დამძიმებული თოვლი, ხეებმა ამოიგმინეს და მონადირეთ თავზე გადაუარა ზეავის ატეხილმა ბუქმა. შემკრთალმა შურთხმა დაიკვივლა ჭაუხში, ცალი თვალთ გაჰხედა თვითმფრინავს და გაჩუმდა. გაჩუმდა ყველაფერი, გარდა თვითმფრინავისა...

თვითმფრინავი სწორედ იმ დროს დაეშვა თოვლ-ყინულით დაფარულ ნატბევზე, როდესაც მონადირენი დაოსებული სახით წარდგნენ პარაშუტით დაშვებულის წინ. უცნობი მაღალი იყო, ცივი იერისა, მიესალმა მონადირეთ და იმავ წუთს თვითმფრინავთან მიიბრინა...

თვითმფრინავიდან ხოგაი გადმოხტა, ამოიშქუნა, გახედა მიდამოს და გაიღიმა: ყველა, ყველაფერი ნაცნობი იყო ხოგაისთვის... რამდენჯერ უნადირნია ხოგაის ამ მიდამოში, აი ლიეხები, სადაც მას ჯიხვი მოუტლავს, აი ტბაც, შუნები რომ ჩამოდიოდნენ სასმელად. აი მონადირენიც... ერთი მათგანი ეუცხოვა ხოგაის, მძიმე ნაბიჯით მიუახლოვდა, შედგა, შედგა უგემურად, სახეზე ფერი გაუკრთა, შემდეგ წამოწითლდა.

— სულაკაურო!.. — გაისმა გატეხილ რკინასავით წკრიალა ხმა.

მოულოდნელობით შემკრთალ სულაკაურს ნაბიჯი დაეძრა, შემდეგ გამამაცდა, გაშორდა მონადირეთ: ხოგაის წინ დადგა.

— ხოგაი!..

ზეავი აქუხდა ჭაუხის შუბლზე და მრისხანედ მინელდა.

— ხოგაი, მხსნელი ხარ ჩვენი!

სამი მონადირე, სამი ვაჟკაცი მისჩერებია ხოგაის.

საჯიხვეებს გახედა ხოგაიმ, გახედა და უამურად გაიცინა.

— შენ გმირი ხარ, ხოგაი!

ემ! სულაკაურო!..

— არწივობა დაგილოცოს, ხოგაი!

სულაკაურმა ხელი გაუწოდა ხოგაის. ქარმა ღმუილით ჩაუარა უღრანებს და გალმა მხარეს დაეჯახა უჩინარი.

ხოგაის თვალწინ წამით გაიქროლა სულაკაურთან შეხვედრის უკანასკნელმა ლამემ, შემდეგ ლელას იდუმალი ხმა შემოესმა: „შენ წახოლ, ახლავე წახოლ, ხოგაი“...

გამწყრალივით შეტრიალდა ხოგაი, ქარმა კვლავ გაღმუვლა საჯიხვეებს, თვითმფრინავმა მძლავრად შებერტყა ბურუსი და მისმა ხმაურმა დაჩრდილა ყველაფერი.

„შენ წახოლ, ხოგაი!“.. — იდუმალად ესმოდა ხოგაის ლელას ხმა და მკაცრად მისჩერებოდა უზარმაზარ სივრცეს, ღრუბლიანებში სრულის სისწრაფით მიეჩანებოდა თვითმფრინავი. ისმოდა: წივილი, სტეენა, ძგრიალი, ყრუ, იდუმალი ძახილი გაურკვეველ ხმათა. უცბად დაყირავდა თვითმფრინავი, ელვის სისწრაფით დაეშვა ძირს. ხოგაიმ ერთხელ კიდევ მიხედა მგზავრებს, მიხედა და უფრო მეტის სისწრაფით დაეშვა ძირს... სოფელს გაუთანასწორდა.



— ლელი! — იძახოდა მიდამო.

ძახილზე ხოგაი გამოფხიზლდა. ძლივს შესძლო თვითმფრინველის შეგერება, ალმაცერად შეატრიალა, თავზე გადაუარა სოფელს და ისევ დაიწყო სივრცის შენჯინა, ხოგაი, ხოგაი, შენ წახოლ!..“

გაცეცხლდნენ ხოგაის თვალეები, მაგრამ...

ნუ ხოგაი, ჩემო ხოგაი, ნუ! არ შეგშვენის თავდავიწყება!

სულაკაურმა იდუმლად გადახედა ხოგაის, შეაერთოლა ფერმკრთალი: წინ ხოგაი, მალლა სივრცე, დაბლა თვალუწვდენელი სიდაბლე დედამიწისა...

ჰოი, ხოგაი...

ცა კიოდა, ჰაერი წივილად ქცეულიყო და ნაცრისფრად ჩანდა ატორტმანებული დედამიწა.

ხოგაიმ მზერა გაუსწორა სულაკაურს.

— ჩვენ მოსისხლენი ვართ, სულაკაურო!

ჰაერმა უფრო მკაცრად დაიწილა, თანაბარი ძვრიალი გაისმა, ღრუბლის ნამსხვრევებმა გაირბინეს და ცა და დედამიწა დატრიალდა:

ხოგაის თვითმფრინავი ელვის სისწრაფით მიჰქროდა ჰაერში.

* * *

პატარა ქალაქის ბოლოს თავმოყრილი ხალხი მისჩერებოდა თვითმფრინავს. ალისფრად მოსჩანდნენ დროშები ჰაერში. მტრედის ფრთებივით ფრიალებდნენ ცქრიალა გოგოების ცხვირსახოცები...

— ხოგაი!

ძირს დაეშვი, ჩემო ხოგაი...

— გაიხარე, ვაჟკაცის გულო!

ხოგაის თვითმფრინავი თავს დასტრიალებდა ხალხს...

ჰოი, ხოგაი!

იქნება ლელა გელოდება ხოგაი!

ან იქნება ნინო დგას ხალხში და იღიმება!

ფერი რად შეგეცევალა, ხოგაი, ჩემო ხოგაი, რამ დაგაღონა?

ხოგაიმ სულაკაურს გადახედა, ერთხელ კიდევ შემოატრიალა თვითმფრინავი და ნელა დაეშვა...

სალამმა ფოთოლთ შრიალივით გაითამაშა თოვლდაფენილ მოედანზე.

მძიმედ ამოისუნთქა ხოგაიმ.

— სამშობლოს მიწავ! უტკბილესო მიწავ საბჭოეთისავ! — ფეხი დასდგა მიწაზე ხოგაიმ და მოეჩვენა: მთელი დედამიწა ზანზარებდა, მოზევებული ხალხი აწყდებოდა გარშემო. ხალხს სურდა ეხილა საბჭოეთის გმირი, ხოგაი...

— შენი გული გაუტეხელი რკინა ხომ არ ყოფილა, ხოგაი!

— თვალი არწივისა ხომ არ გჯდომია, ვაჟკაცო?

— აგრემც იდღეგრძელეზს, ვაჟკაცი ხოგაი!

მოხუცმა დიაცმა გაუწოდა ხელი ხოგაის. ხოგაი დაიხარა: შუბლზე აკოცა დიაცმა:

— შენფერი შვილები გაეზარდოს ქართველ დედებს!

ამ დროს ხოგაიმ თვალი მოჰკრა ქალების ჯგუფში მდგომ შეეტანისამოსში გამოწყობილ ქალს და ერთოლამ გაუარა: ლელა შავ ბაღდადს იფარებდა სახეზე...



ეროვნული
ბიბლიოთეკა

— ლელაც მოსულა!
სულაკაურს ელოდებოდა ლელი...
— ხოგაი! — ხელით ვილაცა შეეხო ხოგაის.
ხოგაიმ წელად მიხედა: გაცრეცილი, ნაკივარი სულაკაური იდგა მის მახლობლად.

— მასპინძლობას მაღირსებდი, ხოგაი!
— შენთან სტუმრობა სიხარული იქნება, მაგრამ...
ერთადმყოფთ ლელა მიუახლოვდა: ქმარს ტკბილად გაუცინა, სახე მჭრალ-მა ხელი გაუშვირა ხოგაის და ხოგაის ღონიერ ხელში ათრთოლდნენ ლელა თითები. შეხედა ხოგაიმ.

— ხოგაი... — ძლივს ვასაგონი ხმით სთქვა ლელამ.
მუსიკის ძლიერმა ხმამ გაითამაშა ველზე და გაჰქრა. ხალხის ტალღა მოხვავდა ხოგაის გარშემო დ გაიყოლია.

„შენ წახოლ, ხოგაი!“ — ამოიკითხა ხოგაიმ ლელას მზერაში.

— ხოგაი!

— ხელი მოვიმართოს!

— სამი ვაჟკაცი შენგან ვცოცხლობთ!

საბჭოეთი! — იცინოდა ცივი მიდამო.

ხოგაი ყურადღებას არ აქცევდა მონადირეთა ზვეწნა-მუდარას, ხალხის ხმაური, მოღიშარი სახეები და ყვავილთ თამაში ფარავდა ყველაფერს...

მშვიდობით, სულაკაურს, შენც, სახე სევდიანი ლელი, და მონადირენო...

— ხოგაი შენ წახოლ! — იღიმებოდა სახესევდიანი ლელი.

იქნება ტიროდა ლელაის გული...

ან იქნება...

ხოგაის კი... ხოგაის ცა უძახოდა, სამშობლოს სადარაჯოზე მისწევდა გული...

— მშვიდობით, ლელი...

• • •

თვითმფრინავმა საღამოს ქამს გადაუარა ცივგომბორს თავზე. ვაზიანში თვითმფრინავი შემოეგება. დედალ-მამალ არწივებივით გაითამაშეს და თბილისისკენ აიღეს გეზი. ორჯერ მიუახლოვდნენ ურთერთს, გაუღიმეს.

— ნინო! — შრიალებდა ლაქვარდი...

იმ დღეს მრავალი ყვავილი გაიყიდა თბილისის მაღაზიებში და ასოთამწყობებმა ათასჯერ ახსენეს ხოგაის სახელი.

ბიოგრაფიკი

ნ ე რ ი ლ ი

თქვენ, საქართველოს ერთგულ ქართველებს,
საქართველოზე შეყვარებულებს
ბედნიერ გზებში ღამის გამთევებს,
ულრუბლო ცისქვეშ შეფარებულებს
ვაეკაცს, მთის წყარომ აქ რომ გაზარდა,
დღეს კი ზღვებს იქით რომ გააყიენებს,
ქართველ მეომარს სადმე ხასანთან,
სადმე ტულაში ქართველ ინეინერს —
მე მინდა ვითხრათ ისე უბრალოდ
როგორც არ მითქვამს ჯერ არასოდეს —
რომ ყველაზე წინ თავისუფალი
დიდი სამშობლო უნდა გვახსოვდეს.
უნდა გვახსოვდეს ერთხელ ტანჯული
აწ კელავ აღმდგარი ხალხი გამზრდელი,
მისი ნანინა და კრიმანჭული,
მისი ნათელი გზა დღევანდელი.
გვახსოვდეს, რომ ჩვენც ფართოდ გადაშლილ,
შრიალა მუხის გვადგა ტოტები,
ყრმობის უხსოვარ, ველურ ხანაში
არწივი იყო ჩვენი ტოტები,
ჩვენი სახელიც გავდა ქვის კედელს,
მძლავრი სახელი — ვეფხვა, უშიშა,
და კერის ერთგულ ჩვენს ქართველ დედებს
შვილები ვერვინ გადაუჯიშა.
მამ დღეს ის კერა სხვამ რომ ვასთელოს,
სხვამ რომ შებღალოს ჩვენი დიდება —
გაგკიცხავს ძმებო ეს საქართველო,
ეს ტყბილი დედა აგვიტირდება.
მამ თქვენც შორეთშიც ნუ შეშინდებით,
გწამდეთ, რწმენაა ძლევის თავდები,
არ შეკრთეთ, როგორც ეს ჩვენი მთები,
თეთრი თმებით და ლურჯი ნაბდებით...



მაგრამ თუ ბრძოლას ხელი ავადეთ,
 არ გვეყო მტერთან გაბედულება, —
 გახსოვდეთ, ჩვენი თეთრი არაგვიც,
 ჩვენი მყინვარიც დაგვემდურება,
 შინ მოსულთ სახეს არ დაგვანახებებს
 და შაეი ნისლით დაიბურება...

* *

აწ კი გულისთქმით თქვენაც მოგმართავთ
 ჩემი სამშობლოს ქალწო ლამაზნო —
 თქვენ რაც რუსთველმა ეშხი მოგმადლათ
 ათას წლის სუსხმაც ველარ დააზრო,
 მაშ კვლავ გახსოვდეთ უცხო მხარეშიც
 იმ უკვდავ ყალბით გადახატული
 დიდი დედები — ნესტან-დარეჯან,
 თინათინი და ფატმან-ხათუნი;
 გწამდეთ ნაქები პატიოსნება —
 რომ კრძალვით შედგეს თქვენ წინ მნახველი,
 რომ უმანდილო მანდილოსნებმაც
 არ შეურცხვინოთ დედებს სახელი,
 რომ კვლავ ეტრფოდეთ მტკიცედ, უზადოთ,
 სიყვარულს მტრობამ ველარ აჯობოს
 და ისევ ბევრი გამოუზარდოთ
 კარგი შვილები ჩვენს დიდ სამშობლოს.

* *

თქვენ, საქართველოს ერთგულ ქართველებს,
 საქართველოზე შეყვარებულებს,
 ბედნიერ გზებში ღამის გამოთევებს,
 უღრუბლო ცისქვეშ შეფარებულებს
 ვაჟკაცს, ნიავმა აქ რომ გაზარდა,
 დღეს კი გრიგალში რომ გაჰყიციენებს,
 ქართველ მეომარს საღმე ხასანთან,
 საღმე ტულაში ქართველ ინჟინერს —
 გახსოვდეთ ძმებო, სიტყვა „სამშობლო“
 არ არის უჭმი მარადისობა:
 ეს ისევ თქვენ ხართ, მისი ბავშვები,
 და მისი ძალაც თქვენში იცნობა.
 მაშ თქვენც გიყვარდეთ, ყველას გააცნეთ
 ჩვენი ფშაეი თუ ჩვენი სვანეთი.
 ჩრდილოეთ ძმათა გული დაატყბეთ
 ჩვენი ქართული „გენაცვალებით“.
 სთქვით, რომ კვლავაც ვზრდით ვაჟებს დევგმირებს
 და ალბად ელვაც დაიჩრდილება —
 ერთი ღიმილით ცას რომ შეჰლიმონ
 ჩვენი მინდვრების ქალიშვილებმა;



მათ ვაეკაცურად გაჰკვეთეს კლდენი
 და ვრცელ გზას ადგას ჩვენი დროება,
 მათ გაამაგრეს საზღვარი ჩვენი —
 ჩვენი სიმძლავრის უსაზღვროება.
 ... და ასე, თბრობა როცა დაიწყოთ
 ჩვენს ბედზე ამგვარ ზღაპრულ ამბავთა —
 ძმებო, ის მიწაც არ დაივიწყოთ,
 ის სახლი — ხალხთა მზე რომ დაჰბადა;
 არ დაივიწყოთ ის ფუძე მყარი —
 ყრმას რომ გვიზრდიდა თვალმარგალიტსა,
 გვერდით, ლურჯ ველზე გაქრილი მტკვარი —
 თეთრი ქამარი თამარქალისა;
 არ დაივიწყოთ, ყველას უთხარით —
 ტრფობით ანთებულ გრძნობა-გონებით —
 როგორც ბაღისკენ ილტვის ფუტკარი,
 აქეთ ილტვიან მილიონები;
 უთხარით ყველას — რაც უნდა მოხდეს
 თვით იგრძნონ ის მზე, ის ლურჯი წყალი,
 უთხარით ყველას — ისე არ მოკედნენ,
 იმ უკვდავ სახლს რომ არ დაჰკრან თვალი!...

უიარაღო.

მ ა კ ი ე ბ ე ლ ნ ი *)

10

შაბათს, შუადღისას, ფარნა თოხიტარია დაპირებისამებრ მიეჩქარებოდა. ცხენი დაღლილი იყო, ძლივს მიჩანჩალებდა. წისქვილს მიუახლოვდა. წისქვილის წინ, მაღლობზე მაძინია შეწისქვილზე იდგა და დაფიქრებული მაღალი სიმიწლით დაბურულ მიდამოებს ათვალეიერებდა. ფარნამ ახლოს გაუარა და ტკბილად გამარჯვება უთხრა.

— ღმერთმა შენი თავი მიცოცხლოს, ჩემო ბატონო! — ტკბილადვე მიუგო მაძინიამ.

— ასე რამ დაგაფიქრა, ჩემო მაძინია? — ჰკითხა ფარნამ და ცხენი შეაჩერა.

— ცოლთან ავიშალე, კინჩხ-მოსატეხთან! — დინჯად გაეხუმრა მაძინია. ფარნამ ჩაიციხა. მოდი ცხენს ამას მივებარებ, გაიფიქრა მან. ცხენ-და-ცხენ მისვლა დანიშნულ ადგილას შეუძლებელი იყო.

— რა გითხრა, მაძინია! — ალერსიანად შეეკითხა ფარნა.

— ბრძანე, ბატონო.

— ბრძანე კი არა, სათხოვარი მაქვს შენთან: ამ მტერიან გზაზე სიარულით, რაღა დაგიმალო, სწორედ გავუჭყუიანდი; ერთი ტანი მინდა დავიბანო და მიყავი სიკეთე, მანამდი ეს ცხენი სადმე მიბალახე. ძალზე მშიერი საწყალი და თუ არ დავასვენე, ფეხსაც ვერ გადადგამს.

— ბატონი ბრძანდები, თუ გინდა ცხენსაც გიბანავებ.

— ბანაობა კი არ უნდა, გუშინ აბანავეს ბიჭებმა, ბალახი უნდა, ბალახი, მაგრამ სადა ვაქვს, არ ვიცი, საბალახო ადგილი? ამ წისქვილის წინ, ჩემო ძმაო, საბალახო კი არა, ისეა მოტრუსული, ენა მოაელო, მგონი მტვერიც არ აგვეყვს.

— ის მაძინიამ იცის, აქვს თუ არა საბალახო.

— ბაწარი ვაქვს?

— მაქვს მაშ, სიდდერი რომ მომიკვდეს, აბა, თავი რით უნდა ჩამოვიხრჩო?

— მაშ, შენი ჰირი შემაყაროს, ჩემო მაძინია, და მეც... — მოიბოდიშა ფარნამ და ცხენიდან ჩამოხტა.

— საბრალო ცხენი როგორ გაგიოფლიანებია! — თანაგრძნობით სთქვა მაძინიამ. — ქალაქებში მცხოვრებლებმა არ იცით ცხენის მოხმარება. ახლა მაგას უნაგირი დაუყოვნებლივ უნდა მოხადო, თორემ დაშავდება და თუ ერთხელ

*) გაგრძელება. იხ. „მნათობი“ № 4.

დაშავდა, მისი მორჩენა ტყვილია! მორჩენა გვონია, დაადგამ უნაგროს, ისევ გვერდი აუსივდება, — ამ სიტყვებით მაძინიამ უნაგრი მოხადეყუცხუნსაჲ ვა-
ვაზე ხელი გადაუსვ-გადმოუსვა და მარდად ზედ მოახტა, — ეჭ, ეჭ, ეჭ, შემხარვია
სიბერე! — ნაღვლიანად ჩაილაპარაკა მან და ალვირი მოზიდა. ცხენი ერთხანს
შეღდა და მერე სწრაფად გაუღდა გზას.

— თო, თო! — გაიკვირვა ფარნამ. — ჩემთან რომ ეს წყეული, რამდენი არ
ეურტყი, ფეხსაც არ ანჭრევდა...

— მაძინიამ იცის მაგისტანები, — სიტყვა მაძინიამ და ცხენი შემოატრია-
ლა. — განა ყველაფერი თქვენ უნდა იცოდეთ? თქვენი საქმეა არშინი, თყა
და რაც შეიძლება მეტი ტყუილი. ტყუილი, ბაბა, ვაჭრობის კირივით გამა-
მაგრებელია.

— ხა, ხა, ხა! — ჩაიცინა ფარნამ. — შენ კი არავის არ ატყუილებ, მაძინია?

— აბა ერთი მიჩვენე, ვინ არ ატყუილებს ახლანდელ დროში, დიდი, პატარა,
ერი, ბერი... ვინც ხერხიანი ტყუილი იცის, ქვეყანაც მისი სახარავია და ვინც
არ იცის, სასმელ წყალსაც ვერ იშოვნის. არ ვატყუილებ კი არა, ისე ვატ-
ყუილებ, როგორც ლამაზი ცოლი მოხუცებულ ქმარს.

ფარნამ გადიხარხარა.

— მაშ, მე ეხლა შემიძლია საბანაოდ წავიდე?

— ღმერთმა გაამოს და ჩიტებიც დაგაჭერინოს.

— რომელი ჩიტები?

— რომელი იქნება! ჩიტები, როგორც მოგეხსენება, ყველა ორფეხიანია,
მაგრამ ზოგი ფრთებით დაფრინავს და ზოგიც თვალებით.

— თო! — წამოიძახა ფარნამ, საჩქაროდ სიშინდებში შევიდა და დანიშ-
ნულ ადგილისაკენ გაეჩქარა. სიშინდებში ფრთხილად მიდიოდა, თუმცა ხან-
დისხან ძალაუნებურად ბელტებს წააწყდებოდა და სიშინდის ღეროს დაეტა-
კებოდა, რომელიც თავის მხრივ შრიალს მოახდენდა ხოლმე.

სიშინდები მშვიდობით გაიარა და ქუჩუმელა ძეწნას გულის თახთახით მი-
უახლოვდა. იქაც არავინ დახვდა. ბასილის სახლისაკენ ჯერ მორიდებით, მე-
რე თამამად მიიხედა და ერთი-ორი ნაბიჯი კიდევ წარსდგა წინ.

— კა, კა, კა! — მოისმოდა კრუხის კაკანი ბასილის ეზოდან. — ჰვიტ,
ჰვიტ, ჰვიტ! — დაიქყვილა კვინჩამაც მახლობელ ტყეში.

ფარნა ძეწნის ძირში ჩამოჯდა, სწორედ იმ ადგილას, სადაც იმ ღირსსახ-
სოვარ დღეს იყო წამოწოლილი. ფარნამ ლოდინი დაიწყო: მცირეოდენი ტყა-
ცუნ-შრიალი ბასილის სახლიდან მთელ მის გულისყურს იქცევდა.

უეცრად ფოთლებში რაღამაც შრიალი მოადინა. ფარნას გააფრტოლა, საჩ-
ქაროდ მიიხედა. ხშირი თხმელონიდან ბელურები ჰვიკვივით გამოფრინდნენ.
ერთი წინ მიჰქროდა, სხვები კვალ-და-კვალ მისდევდნენ. „ჰვი-ჰვი!“ — იძახდა
მოწინავე, ხან აღმა ასხლტებოდა, ხან დაღმა დაინავარდებდა და ცის ლავარ-
დში ოსტატურად ცურაობდა.

„ამ ერთბეწო არსებებს შორისაც არის, ალბათ, შური და მტრობა. ესე-
ნიც, ალბათ, გრძნობენ სიხარულს და სიმწუხარეს, სიძლილს და სიყვა-
რულს“, — გაიფიქრა ფარნამ და ისევ ღობისკენ მიიხედა, მაგრამ არავინ
სჩანდა.

„სწორედ დამიგვიანდა. ალბათ, მოვიდა და რაკი ვერ მნახა, ცოტას მოიც-
დიდა და ისევ წავიდოდა, — ნაღვლობდა ყმაწვილი კაცი. — ძალიან ცუდად

მომივიდა, მაგრამ რას უზამ მავ ნავრად და ოხრად დასარჩენს, რომ თავს დროზე ეერადვირი ვზით ველარ დააღწევს? ვანა არ მოვდიოდი დროზე? მაგრამ, უჯახ-დაქვეულმა ბიჭიამ გამაჩერა. რომ ვთქვათ, იმას რალა ბრადღე აქვს, უწესფების სასიხარულო საქმისათვის დამარჩინა... მადლობელიც უნდა ვიყო... ვსთქვათ, ორასი ბიჭიასი, — ფიქრობდა ახალგაზრდა ვაჭარი: — ასოცი მისი ძმის, ორ-მოცდაათი მისი ბიძის, ესეც სამას სამოცდაათი. კარგი! ახლა მათი მეზობლის ასი, ესეც ოთხას სამოცდაათი, თითქმის ხუთას ფუთამდე. აგაშენა ღმერთმა! მარტო საათნახევიარი დრო დავკარგე და ოცდახუთი მანეთი ნაღდი წმინდა მოგება. ეს სულ, უკანასკნელი რომ ვსთქვათ, ჯიბაშია. მეტი რალა გინდა? ღმერთმა თუ მშვიდობა ქნა და ამ ერთ წელში...

— ჭეციტა? — მოესმა ამ დროს ქალის ნაზი ხმა თითქმის ცხვირწინ.

ფარნა შეერთა და ასადგომად მოემზადა, მაგრამ ტასიამ მხარზე ხელი დაა-ლო და მიწაზე დაამაგრა..

— ბევრი ხანია, რომ მიციდი?

— არც მაინც და მაინც.

— მე შესამედ მოვედი ახლა, პირველად კარგა ხანი გიცადე, მაგრამ შენ გამოჩენას არ ველირსე.

— ოხ, ღმერთო მომკალი! მერე შინაურების არ შეგეშინდა? არ გკითხეს, სად მიდიხარო?

— ვის უნდა ეკითხა, სულიერი ადამიანი, ჩემს გარდა, დღეს შინ არავინაა. დედა და ბაბა სატირალში წავიდნენ. ძუკუ წუხელ, მგონი, შუალამზე დაბ-რუნდა, დღეს შეიძლება სულაც არ დაბრუნდეს. ირინემ თავის ბიძის სახლში წასვლა გააპირა და მეც სიამოვნებით გაუშვი...

— მოჯამაგირე ბიჭი?

— ვინ? ჩვენი ივაკია? ვაი მისი ცოდო! სად ცალია ივაკიას, ათასი საქმე აქვს, დარბის საწყალი, დაჩანჩალობს, თავს არ ზოგავს, მაგრამ ვერც ერთი ვერ მოიმაღლიერა, ყველა უკმაყოფილოა.

— მე ძლიერ უკაცროდ ვარ, — ბოდიშით გააწყვეტინა ფარნამ, — სამჯერ კი ყოფილხარ. ვერ მოვიცალე, ეგ ოხრად-დასარჩენი, საჩქარო საქმეა. დროზე თუ არ შესრულდა, ზარალი ზარალია და ჩემ აღას ჯარიმაც გადახდება...

— შენ როგორმე საქმე არ გაიფუტო და დაგვიანება არაფერია, — თანაგრ-ძნობით მიუგო ტასიამ. — შეიძლება ახლაც არა გცალია, ჩემი გულისთვის საქმე არ წაგიხდეს. მე ერთი-ორი სიტყვა მინდოდა შენთვის მეთქვა...

— არა, არა, არაფერია, ახლა მე არ მეჩქარება: ამ შუადღეზე, მართლაც და, რკინა ხომ არა ვარ, ცოტა დასვენება მეც მინდა და ცხენი თუ არ დაასვენე...

— მართლა, — გააწყვეტინა ტასიამ, — ცხენი რა უყავი?

— ცხენი მაძინიას მივაბარე!

— მაძინიას? — უკმაყოფილოდ თვალეზი დააპყვიტა ქალმა.

— ჰო, მაძინია მეწისქვილეს, ვითომ რაა?

— მერე სად მივდივარო, უთხარი?

— ფიქრი ნუ გაქვს, ასე და ასე მივდივარ-მეთქი, ხომ არ ვეტყოდი!

— ეჭვი არ აილოს რამე დასაღუპავმა, თორემ მთელ ქვეყანას მოსდებს და მაშინ უყურე...

— არა, ფიქრი ნუ გაქვს, — აღერსით უთხრა ფარნამ, მოსიყვარულე თვა-ლები დაამტერა და ქალის ხელი ფრთხილად ხელში დაიჭირა.

— იმ დღესებურად ხელი არ მატყინო, — ნაზად უთხრა ტასიამ.

— ოჰ, უკაცროდ! — მიუგო ფარნამ და საჩქაროდ ხელი გაუშვა.

— ხელი გამიშვი-თქვა როდი ვითხარი! — სიცილით შეხედდა ტასიამ და თვითონ გაუწოდა ხელი. ვაჟმა მოწიწებით პირთან მიიტანა გოგოს ფუნთუშა ხელი და რამდენჯერმე ზედიზედ აკოცა, მერე გულზე მიიკრა, ქალი კი ძირს დახრილი, დაფიქრებული უყურებდა.

— ტასია, გიყვარვარ? — ძლივს გასაგონად ჩასჩურჩულა ვაჟმა.

ტასიამ მოსაყვედურე თვალებით შეხედა. ფარნამ ხელი წელზე მოხვია და თავისკენ მიიზიდა. გოგო არ ეწინააღმდეგებოდა. ბოლოს ერთმანეთს მაგრა ჩაეკონნენ.

— კარგი, დამშვიდდი, ფარნა, — მიმართა ბოლოს ტასიამ. — მე, იცოდე, კიდე გეტყვი, მიყვარხარ. არავისზე მე შენ არ გაგცვლი, დარწმუნებული იყავი.

ფარნამ კვლავ ხელი დაუჭირა და ხარბად გადაუკოცნა.

— კარგი, ახლა მითხარი, შენი საქმე როგორ მიდის?

— ჯერჯერობით კარგად, თუ ღმერთმა ქნა და ეს საქმე დავაბოლავე, გვარიანად ვავიშართავ წელს: კონსტანტინე მოგების ნახევარს დამპირდა, ჩემი ჯამაგირიც ჯამაგირად დარჩება და...

— ეცადე, ეცადე. შეიძლება ახლა მე გაცდენე?

— არა, მაკდენ კი არა, ერთი წუთი შენთან ყოფნა ჩემთვის დაუფასებელია.

— ოჰ, ფარნა, შენ არ იცი ქალის გულის ამბავი, — მტკიცედ უთხრა ტასიამ, — მე შენზე უფრო მიღელავს გული, მაგრამ, რა ვქნა, ვითმენ და კიდე მოვიტმენ. ხომ გახსოვს სევერიანესთან რომ ვკითხულობდით: ჯერ მწარე ქამე, კვლავ ტბილი, თუ ექმე გემოვნებასო. მასწავლებელმა ქალმაც ბევრი რამე დამასწავლა, ეხლაც რამდენ წიგნს მიგზავნის. მართლა, შენ ძლიერ გიყვარდა წიგნის კითხვა, იქ ბევრი გექნება...

— ჰაი, ტასია, რა ადვილად ლაპარაკობ! წიგნის საკითხავად სადა მცალია, ერთი წამის მოსვენება არა მაქვს. დილიდან შუაღამემდე სულ ფეხზე ვდგევარ ან აქეთ-იქით დავრბივარ. მთელი მალაზია ჩემ თავზეა. ბიჭებსაც თვალყური უნდა ვადევნო, მუშტარსაც უნდა ვეღრიჯო, ანგარიშიც უნდა ვწერო. ერთი-ორი წლის შემდეგ შეიძლება ცოტა მომეშვეს და მაშინ მეც არ დავაყოვნებ. ახლა მხოლოდ გაზეთს ვკითხულობ და რა კარგია, რომ იცოდე, გაზეთის კითხვა? ქვეყანაზე რაც ამბები ხდება, ყოველდღე გაიგებ...

— მე მინდა წერილები მოგწერო. შენ გარდა, სხვა ვინმე ხომ არ გახსნის? — გააწყვეტინა ტასიამ.

— რავე შეიძლება, პირდაპირ მე მომივა. მე კი ვერ მოგწერ?

— მოშითმინე, სანამ მე არ მოგწერო. ჯერ მასწავლებელ ქალს მოველიპარაკო და მაშინ შეგატყობინებ, როგორც უნდა მოიქცე.

— მასწავლებელი ქალი? — იეჭვა ფარნამ.

— მასწავლებელი ქალის გეშინია? არა, ის საიმედოა, პატიოსანია. მეც გოგონა არა ვარ, მეცხრამეტე წელში ვდგევარ. მე ყოველისფერს მოგწერ და როგორც მოგწერო, ისე მოიქცევი. ახლა, იცი, რა ვითხრა...

ამ დროს ხშირ სიმინდში ვილამაც მიაკიჟინა.

ახალგაზრდები გაფითრდნენ.

— აქეთკენ ხომ არ მოდის ვიღაცაა? — სიტყვა შეწყუხებული ხმით ტასიამ.

— რა ვიცი, დასწყევლა ღმერთმა!

— თუ ერთად გვანახა, შენი მტერი... შენი ჰირიმიე, ფარნა...
ვალ, რა ვიცი, ეშმაკს თვალი დაუდგება!

ერთმანეთს განშორდნენ, ტასია ეზოში შევიდა, ფარნა კი — სიმინდებში.

— ნახე თუ არა? — მოისმა ისევ მაღალი ხმა.

პასუხი ძლივს აღწევდა ფარნამდე. ბავშვის ხმას ჰგავდა, მაგრამ რას ამბობდა, გარკვევით არ ისმოდა.

ფარნა ფრთხილად მიდიოდა სიმინდებში. წისქვილის წყალში ხელ-პირი დაიბანა, თავიც დაისველა, რომ ტანნახანს დამსგავსებოდა და შუა სიმინდში მიშავალ გზაზედ გავიდა. იქ, გზის პირად, იმავე სოფელელი, გლეხი ივა ბურთია შენიშნა. იგი რქებზე ბაწარ-მობმულ ხარს გზის პირად აძოვებდა.

— ყვე, დაილოცა შენი სახელი! ეს აქეთ სად ყოფილა? — გაიკვირვა ივამ. — შე დამწვარო, გოგო ხომ არ გყავდა მოპრიანებული? არ დამლუპო კაცი და ყანა არ გამიუპატიურო, თორემ თუ ღვარი მოვიდა და სოფელი ვაასწორა, ათასობით კი არა, ძლიერაც რომ მოინდომო, ასობითაც ვერ იყიდი სიმინდს.

ფარნა გაწითლდა. ბედზე ივა შორს იდგა მისგან.

— სად არის, ჩემო ძმაო, ასე ოხრად გოგოები? სიმინდებში კი არა, სახლებშიაც სანთელით ვერ მოსძებნი! — მშვიდად მიუგო ფარნამ.

— ჰეი ვიდი! რჯულძაღლი სადაა აღლაკი? თორემ არ არის კი არა, ისეთებია, რომ... — ხალისიანად, მოკლე წვერ-ულვაშზე ხელის ჩამოსმით მიუგო ივამ, დაგლეჯილი კრავის ქუდი მოიხადა, კუჭყიანი თავი ძალზე მოიფხანა და ქუდი ისევ დაიხურა. — ეხ, არ არის კი არა, ზოგიერთი ისეთია, როგორც მზე და მთვარე ერთმანეთში არეული... აქვე, ახლოს, — გაიშვირა ხელი ბასილის სახლისაკენ, — ერთი ისეთი მტრედია, კალამ ხანტილიო¹⁾ რომ იტყვიან, სწორედ ისაა. მაგას თუ ხელი წაავლე, ძმაო, მერე ოხრად დარჩეს შენი ყანაც და შენი ბოსტანიც!..

„ამ კაცმა ხომ არ დაგვხვერა, ნეტავი? — შიშით გაიფიქრა ფარნამ და ერთ წუთს საშინელი სიძულელი იგრძნო ამ კაცისადმი, მაგრამ ჩქარა დარწმუნდა, რომ ის უდანაშაულო იყო. ივა მხოლოდ ისე ლაპარაკობდა.

ფარნა მიუახლოვდა. უცნობის დანახვაზე ხარმა თავი მაღლა აიღო და გაკვირვებით შეაჩერდა ფარნას.

— კაცო, ეს ხარი ხელში რად გიჭირავს? — დაეკითხა ფარნა.

— აბა რა ვუყო?

— ვაუშვი.

— სად?

— მინდორში.

— რომელ მინდორში?

— საცა მინდვრებია, ყველგან! — ფარნამ ხელი სერებისაკენ გაიშვირა.

— მერე იქ რა სჭამოს? გვიმრა? ეპ, ჩვენი ცხოვრება! ასეთ ტანჯვას, მართლაც და ღმერთი გამიწყარეს, თუ სიკვდილი არ სჯობდეს. ერთი ეს და მეორე ამისთანა მოხვერი ახლახან ვიყიდე. ორივე თუ ასე ხელში არ დაიჭირე,

¹⁾ კალმით დანატლი.

შიმშილით მოკედება. საბალახო, საბალახო, საყანვე ნაკლებად გვექვს. სადა, ბატონო? სოფელი აივსო. ახლა ზოგიერთები რომ ესახლეებიან, ესევე ადგილას კაცი კვამლს გაუშვებდა, არ მეგონა. აბა, რა ქნას გვერდებზე?

— მოსავალი კი რიგიანია წრეულ, თუ ღმერთმა მშვიდობა ქნა? — გააწყვეტინა ფარნამ.

— თუ ღმერთმა არ მოგვიძულა და ერთი-ორი კვირა ასეთი დარები დიქირა. მაგრამ რა გინდა: დღე და ღამე არ გაგაჩნია. სულს და ხორცს ყანაში სტოვებ და შენი მარტო ნახევარია. რაც მე წრეულს მიწები დავამუშავე, — რიხიანად სთქვა ივამ, — ყველა ჩემი რომ იყოს, რა მიჭირს! მტერსაც გავუძლებ და მოყვარესაც, მაგრამ ნახევარით რა გამოვა. აი მარტო ეს იყოს ჩემი საკუთარი, — ივამ ხელი წისქვილის წყლისკენ გაიშვირა. — ხომ ნახე მალალი სიმინდი, დიდტარობიანი? მაშინ შეიძლება ეს პერანგიც გამოიკვალო.

— შენი დამუშავებულია?

— ჩემია, ადგილი კი ბასილისაა. სამი ქცევა ადგილია იქ, მე რომ ვამუშავებ. ის სამი ქცევა ჩემი იყოს და რაც ხანი მაქვს, შუაში გამოიყოს. სალაპარაკო არაა, თუ რიგიანად დამამუშავე, სამასი ფუთი თუ გინდ ხელში გქონდეს, ისეთი მიწაა. კიდევ იმ მიწით მიდგია სული.

— მაინც რჩეული მიწები აქვს ამ ბასილს, — სთქვა ფარნამ. — ზოგიერთს, ძმომ, ასეთი მიწების სანახევროდ შოვნაც უჭირს. შენ ბედი გქონია, თორემ მე მახსოვს ამ მიწის გულისათვის ერთი-ერთმანეთს აკლავდენ...

— ვმუშაობ, ბატონო, რაც შემიძლია, ჯაფას არ ვაკლებ, მაგრამ მიწის პატრონი კი სხვანაირად ფიქრობს, და არ ვიცი, მე და მავას როგორ მოგვივა საქმე. თუ იმდენი უსინდისობა იხმარა და წამართვა, ქე მაინც თავის ხელთ ყელი გამოშვრას და ის იქნება! ღმერთი არ იცის: ადგილი ჩინებულად დამუშავებულია, ჩალა-სიმინდს ნახევარს უკლისად ვაძლევ, სხვა რა უნდა? — ამბობდა ივა.

მაგრამ აქ ფარნამ სიტყვა გააწყვეტინა ენაწყლიან ივას, გამოემშვიდობა და თავის გზას გაუდგა.

— ჩემო მადინა, მაგიერი პატივისცემა როგორ გადაგიხადო? — ეუბნებოდა რამდენიმე წუთის შემდეგ ფარნა მეწისქვილეს და მართლა რომ მაძლარ და რიგიანად დასვენებულ ცხენს სიამოვნებით ათვალეირებდა.

— ეს რა დიდი პატივისცემაა, შე კაცო, მე პატივისცემად ისიც მეყოფა, რომ შენ ასეთ კაი ბიჭს გხედავ. ღმერთმა ხელი მოგიმართოს! ძლიერ მოხარული ვარ, ვხედავ, რომ წარმატების გზას ადგიხარ. ესლანდელ ამბებს რომ ვუკვირდები, — მცოდნე კაცის კილოთი გააგრძელა მადინამ, — სულ სხვა დროებაა მოსული. მოგიკედეს მადინა, თუ მავას სხვაზე ნაკლებ ან თვალი, ან ყური უჭრიდეს, მაგრამ უბედურად გაჩენილი კაცის საქმეს რა გამოაკეთებს? პატრონი რომ მყოლოდა, შეიძლება მეც კაცური კაცი გამოვსულიყავი. მაგრამ ეშმაკებთან გავიზარდე და ეშმაკებთან, აბა რა სახეიროს დავისწავლიდი! ჩემზე ბევრი რამე გექნება გაგონილი. ტყუილსაც ურევენ, მაგრამ ბევრი მართალიცაა. კაცი არ მომიკლავს, — მადლობა უფალს! — დაპრით და გალახვით, რითაც გინდა — ხმლით, ხანჯლით, თოფით, ხელით, ტუკით, ანგარიში არაა. ეს სამოდღროსავით მითქვამს შენთვის. სხვა, ქურ-

დობას რაც შეეხება, ეს ხომ სათქმელი არაა. ჩემი მოპარული ცხენები, ხარები და ძროხები ერთად რომ მოაგროვო და ამ სიმინდებს შეუსწო, ორი საათის განმავლობაში, მგონია, ერთი ღერი საწამლოდ ვერ შეგტეხავს. არ გამომიცდია, რა არ გადაამხდენია. საათობით წყალში ვმჯდარე... ისე არ მექნა ახლა ან ციმბირში ვიქნებოდი, ან ორნახევარ ადღ მიწის ქვეშ...

ისინი წისქვილის წინ მუსაიფობდნენ. ფარნა შეკაზმული ცხენის გვერდით იდგა, ცალი ხელი უნავიგრზე დაედო, მეორეს ფაფარზე უსვამდა. მაძინია კი ფარნას პირდაპირ მადლობზე იდგა.

წისქვილიდან ვიღაცა დაკონკილ ტანსაცმელში, ფეხშიშველი, თმა-წვერ აბურძგვნილი, შავ-შავი კაცი გამოვიდა და მაძინიას მოუთმენლად მიუბრუნდა.

— დიდი დოლაბი ჩამოვიდა, წინა გიორგის მადლივე, ეხლა ჩემი დამყრევიწე!

— კარგი, კარგი დააყარე, იცოდე, მეორეჯერ დოქით თუ მაქარი არ მომიტანე, ისე არ დამენახო! — მიუგო მაძინიამ და ისევ ფარნას მიუბრუნდა: — ამას იმიტომ გუუბნები, ფარნა, რომ შენ თუმცა ჯერ ახალგაზრდა ხარ, მაგრამ ამ თავითვე გეტყობა, სახეირო გზას ადგეხარ. შე აქ იაქესავეთ ვდგევარ, არც ერთი, სულ უბრალო წვრილმანი ამბავიც, რაც სოფელში მოხდება არ გამომეპარება. მთელი სოფელი აქ იყრის თავს და თავის ჭირ-ვარამს და გულის დარდებს ამ ჩემ ოღრო-ჩოღრო კერას უზიარებს. შენზე ბევრს კარგს ლაპარაკობენ, ხშირი ქება მესმის. ღმერთმა იცის, შესიამოვნება, მაგრამ ამ თავიდან უნდა გაგაფრთხილო: მოერიდე ქებას, თუ გადაგებენ, მაშინ გიხაროდეს, შენი საქმე უეჭველად წინ არის. ხალხი, ჩემო ბაბაია, ისეთია, როგორც ბორბალი, აღმაც ტრიალებს და დაღმაც. თუ კარგად მიდის შენი საქმე, შენი ყურმოკრილი მონაა და ქუდმოგლეჯილი შენ წინ ქედს იხრის. გულში კი, იცოდე, შურიანობის ალი უგუნგურებს. ვინცობაა, თუ უცაბედად ფეხი სადმე ამოკარი და წაჩოთირდი, მორჩა და გათავდა, კბილებით დასაგლეჯად არ დაგზოვავს. ეს შენ დაიმახსოვრე, ახალგაზრდა კაცი ხარ. ღმერთმა იცოდეს, რომ ისე გულწრფელად გუუბნები, თორემ მე, აბა, სხვა რა აზრი უნდა მქონდეს?..

— ეს რავე გეკადრება: მეორე სოფლიდან მოესულვარ, მთელი დღე აქ ვარ, ახლა მაინც ჩემი სიმინდი დაიყრებოდა, მეგონა, — საყვედურით გამოვიდა წისქვილიდან მალალ-მალალი გლეხი: — მეტკეა ის კაცი, თავის ძანგას პირი მოუსხნა და სასიმინდეში ჩაყარა. მაძინია შენი ჭირიმე...

— არიქა ბაბა, შენ საქმეზე გაეჩქარე, მადლობელი ვარ! — უთხრა ფარნამ და ცხენზე შესაჯდომად მოემზადა.

— რის მადლობა, უკაცრაოდ! ამ სიმინდის დაყრას ხომ მუდამ უსიამოვნება მოსდევს! — უკმაყოფილოდ ჩაილაპარაკა მაძინიამ და წისქვილისკენ გასწია.

შუაღლე იყო. მაძინია მეწისქვილე და ორი ვიღაც სოფელი წისქვილის წინ მომალლო ადგილზე ისხდნენ და მუსაიფობდნენ.

ამ დროს მათ თავზე წაადგა ჩვენი ნაცნობი თემა ბოკოკია თავისი მუდმივი ნაბდის ქუდით და დაფლეთილი ჩოხით.

მაძინია დღეს მხიარულ გუნებაზე იყო, შეიძლება იმიტომაც, რომ ცოდვა გამოძედავებული სჯობს! — ამ გარეშე სოფლელების გვირგვინი წითელი წვენი საკმაოდ ჰქონდა გადაკრული. კუდას დანახვედგა და დასჯდა და ხუმრობით მიეგება:

— ჩემს თემას ვახლავარ ოცდა ხუთი ცხენოსანი შინაყმით! მელაკუდას ფეხებზეა მის, ვინც კუდა დაგარქვა, თორემ შენისთანა ბიჭი...

თემამ იგარძნო, რომ მაძინია სახეიროს არაფერს იტყოდა. გარეშე სოფლელებს დინჯად გადახედა, მაძინიას უქმყოფილო თვალები გადაუჭროლა და წისქვილში შეიხედა.

— იქითკენ რას იყურები? — განაგრძო მაძინიამ. — ჩვენზე უკეთეს იქ ვის ნახავ? ლამაზ ქალებს და განსაკუთრებით ახალგაზრდებს იქ ადგილი არა აქვთ!

თემამ უქმყოფილოდ გადახედა მაძინიას.

— რას მებღვირები? — სიცილით მიმართა მაძინიამ. — მე რა ბრალი მაქვს, არ მოდიან ის გასაწყვეტი ლამაზი ქალები! მოხუცი მაძინია ვის რათ უნდა, ბაბაია? აა, მართლა, თემა, სული ნუ წაგიწყდება, გვითხარი: ის როგორ იყო, გვიმრონ-გვიმრონით, ღობე-ღობე მოფარებით ნიკოიას სახლს რომ ეპარებოდი?

— დაიკარგე იქით! — გააწყვეტინა გულმოსულმა კუდამ.

— ჰო, ახლა გაიოცე, მამა გიცხონდა! რას მალავ, შეილო? აბა სხვა რა დამალულა, რომ ეს დიდიმალს! მაგისთანა საქმე ხომ თავისით დაიძახებს: აქ ვახლავარო. აა, თემა, სული ნუ წაგიწყდება, მოაკვარაქინე რალა საქმე, თუ კი გერგო, ბეჩა, რამე, ერთი-ორი ლუკმა მაინც. ჩვენი ხელი კაცის საქმე, ხომ იცი, ბაბაია, ნაბოლარაა: სუკებს არ მოგაშავეებენ, ეს კი ვიცი, მაგრამ არტალას მაინც თუ დაავლე ხელი ამ ქესატობაში, ესეც დიდი ნუგეშია. აა, ჩემო თემაია, ხი, ხი, ხი! — ხითხითებდა თვალებ-შეწითლებული მეწისქვილე.

— რაებს ბოდავ, მაძინია? — წყენით მიუგო კუდამ. — ამბავი რომ არ იცის, იმისთანა კაცი რას არ იფიქრებს? ისეთი უნდა ილაპარაკო, რომ მართლა რასმე ჰგავდეს, თორემ...

— ჰაი, ჩემო თემაია, როგორ ბალღივით ტიკტიკობ, ძუკუს ამბავი ამათ კი არა, მთელმა დღნიამ იცის.

— ძუკუ მძებრაძეზე ამბობთ? — გაერია ლაპარაკში ერთი გარეშე სოფლელი.

— მართალია, — შეეკითხა მეორე, — ვილაც გლეხის ქალს ირთავსო?

— აი, აი, აი! — ხელების ქნევით წამოიძახა მაძინიამ. — შენ კი ურა ცხენივით კიშმიშზე დგები. აგერ ამ პატიოსან პირსაც სცოდნია.

— არა, ცოდვა პირველ მთქმელს და, რა ვიცი, ამბობენ, ჯვარს იწერსო, — სთქვა პირველმა სოფლელმა.

— ჯვარს იწერს თუ არა, ჩემო ბატონო, — დინჯად მიუგო მაძინიამ, — რა მოგახსენო, ამის ლეპეშა ჯერ წისქვილში არ მოსულა, მარა მართალი კი ის არის, რომ აი ეს, ჩვენი თემაია ბოჭოკია, ძუკუსაგან მოციქულად გაგზავნილი, ნიკოიას სახლს რომ ეპარებოდა გვიმრონში თავი გამოუჩნდა, არა, თავი კი არა, ნაბდის წაწყვიტინებული წვერი გამოუჩნდა, მერე თავი და ჩოხა. ისიც გამოცხადდა, თუ რისთვის ეპარებოდა, და ხომ მოგახსენებთ ცოდვი-

ლი ქვეყნის ამბავი: რამე საყბო თუ ჩაუვარდა, მთელ ქვეყანას მოკლდეს... ა, თემა, გული რად მოგდის? მითხარი, თუ კაცი ხარ, თუ რიგვიანდ დეფტხე, ბეჩა? სხვას რას დაეძებ, მძებრადის უსამართლოდ შექენილუ კლხეზარაბა გენაღვლება!

— ფუი, რანაირებს ბოდავს ეს დაქცეული! — წაიდუღუნა გულმოსულმა თემამ, გულიანად გადააფურთხა და იჭაურობას განშორდა.

— მაგისთანა თარნაკი ყაზახი თელ სოფელში არ მოიძებნება, — უთხრა მადინამ გარეშე სოფლელებს, როცა თემა წავიდა. — დიდი ზარმაცი, დიდი ხელმწიფე...

— რაც არის, ჩემო ძმავ, იმ გოგოს საქმე კი გაურიგებია და, — შენიშნა ერთმა.

— ისე გაურიგდა მაგას ოხვამერი და ბენი, რაც იმან ის წესიერად გაარიგა! საბრალო გოგოსაც სახელი გაუტეხა: ყოველ დღე ახალ-ახალი ამბები მოდის წისქვილში...

— ეო, გოძია! — მთქნარებით მიმართა ერთმა გლეხმა მეორეს: — ხარებისთვის რამე საქმელი ვიშოვოთ, ფალაგებში ბალახი მოესჭრაოთ, თორემ ცოდეა, დღეს სულ პირადმა იყურებიან საწყლები...

— პა-პაი! — გაიზმორა თავის მხრივ მეორეც, — წავიდეთ, წავიდეთ! კისერიც მოუტეხია იმასაც და იმასაც. მაგათ არსიყობა ახსოვთ, მე კი გულში ათასნაირი ცეცხლი მეკიდება!

და ამ სიტყვებით ფალაგესკენ გაემართნენ.

მადინას სიტყვებმა თემა ბოჭოკია ძალიან გააბრაზა. მაგრამ რას იზამდა: მადინას ის პირდაპირ ვერ გაუსწორდებოდა. გადასწყვიტა, ყოველივე ძუკუსთვის გადაეცა და იმის მეოხებით შური ეძია. ასეც მოიქცა და როცა წისქვილიდან გაბრუნდა, მაშინვე ძუკუს საძებნელად გაემართა. ძუკუ ღუქნებისკენ ეგულებოდა, და მართლაც იქ დაუხვდა. ღუქანში, ძუკუს გარდა, სხვა უსაქმურებიც შეგროვილიყვნენ, იყო ერთი სიმღერა, ლაზლანდარობა, ნარდის და ბანქოს თამაში.

ძუკუს ხმამალა სიცილი კუდას შორიდანვე მოესმა. უქმადენი მეფართლის ღუქნის აივანზე შეგროვილიყვნენ. კუდა აივანზე არ ასულა, მხოლოდ ახლო გაუარა და ყველას გამარჯვება უსურვა, ძუკუს კი თვალით გააგებინა, საქმე მაქვსო. იქ მყოფთ კუდას ნიშანი არ გამოეპარათ და ერთმანეთს ღიმილით გადახედეს.

რამდენიმე ხნის შემდეგ ძუკუ ვითომ ცხენის დასახელად წავიდა, ღუქნის წინ სიმინდის ყანას მოუარა და თემას შეეფეთა, რომელიც იქვე უცდიდა.

— ამას მოვეკდე როგორ არ მიჩვენია?! მაგ ბუში, მაგ ტრიკი, მაგ განაყიდი! — ბრაზით მიამახა კუდამ.

— რა ამბავია? ვინ? რა მომხდარა? — გაიოცა ძუკუმი.

— ბატონო, რა კარგად მიმყავდა საქმე. მადინას, ქოსა გაცრუებულს, თურმე ქვეყანაზე ჩვენთვის ხის დანით კისერი გამოუღადრია... რა და რა ჭორები არ გაუვრცელებია. დღეს წისქვილში შევიარე. მომდგა და მომდგა, შენ ხარ ჩემი ბატონი, მლანძღა და მლანძღა. მაგრამ ჩემ ლანძღვას, ვინ მამძღალი იტყვის, შენც რომ გარეშე სოფლელებთან სამახსროდ არ აეგდე. რას არ პოდავდა, შენი ჭირიმი: თოზიტარიას ქალს მძებრადე გაურიგე თუ არაო...

ძუკუს სახეზე აღმური მოედო.

— მე მართლა მაგ ღობეზე მიგდებულის, მაგ ვირისშვილის სანახაროდ ასაგდები ვყოფილვარ, თუ მაგას კბილები არ ჩავამტკრიე. ჩემს საქმეს მაგას ვინ ეკითხებოდა, ჩემ მედიატორედ მაგი ვინ დააყენა ნეტავინ? — მკაცრად დასაძახა — მე ძუკუ არა ვყოფილვარ, თუ მაგას რიგზე არ დავასწავლე, როგორ უნდა მიჰორ-მოჰორვა! — ბრახმორეულმა უღვაშების გრეხით წამოიძახა ძუკუმ და ხანჯალზე ხელი დაიდო. — შენ ერთი, გესმის! — მიუბრუნდა კუდას, — ჩქონისკენ გაიარე და ცხენი დაათვალიერე, ნახე, ბაწარში ხომ არ გაიხლართა, და მაგ ყურუმსალის სეირს მე გაყურებიებ. კორი კი არა, შგონი, ჯორიც დაეავიწყო! მამაძალი! — გულღვარძლიანად დაუმატა ძუკუმ და მოშორდა კუდას.

გარეშე სოფლელებმა გოძიამ და ბახვიაიმ ხარებს საქმელი მიუტანეს და მაძინიასთან ერთად მწვანეზე დასხდნენ. ძუკუმაც ბევრი არ დააყოვნა; ჩქარის ნაბიჯით წისქვილისკენ გაეშურა. როცა მათ დაუპირდაპირდა, ერთ წაძს შეჩერდა, თითქოს არ იცის, როგორ მოიქცესო. მერე უცბად მიტრიალდა და ისარივით მაძინიასკენ წავიდა. მაძინიამ და სოფლელებმა ადგომაც ვერ მოასწრეს, რომ ძუკუ მათ წინ იდგა:

— შენა ხარ მაძინია, რომ ჩემზე სოფელში ჰორებს აერცვლებ და მასხარად მიგდებ? — შეეკითხა ძუკუ და მრისხანედ თვალეზი დაუბრიალა.

მაძინია მიხვდა, რაში იყო საქმე. რაც შეიძლებოდა ღმობიერად მიუგო:

— ვინ მოგახსენა, ძუკუ, მაგეთი ამბები...

— კიდევ თავს იმართლებს ეს ტრიკი, ესა? — დაიჟყვილა ძუკუმ, ხანჯლის ტარზე ხელი წაივლო, მაგრამ ისევ გაუშვა და, რაც ღონე ჰქონდა, ბარძაყში ქუსლი ჩასცხო მაძინიას.

მაძინია წაბარბაცდა. საუბედუროდ, წისქვილის თხრილის ციკაბოზე იდგა. წინ გადახრა მოინდომა, მაგრამ ღონიერის ვაეკაცის ფეხმა უკან გადახარა. ხელის მოსაფლები, ჰაერის გარდა, სიახლოვეს არაფერი იყო, თავი ველარ შემოგრა და წისქვილის წყალში შლაპანი მოადინა.

ძუკუს ეს არ ესიამოვნა: მეტი მომივიდაო, — გაიფიქრა და წყალში ჩაიხედა, — ხომ არ შემომაკვდა ოჯახდაქცეულიო. მაძინია, წყალში ამოვლებული, სასაცილოდ ფართხალობდა და ამოსასვლელად თხრილის კიდეს ებლაუქებოდა. ძუკუ საჩქაროდ გაბრუნდა. ეს ისე სწრაფად მოხდა, რომ გარეშე სოფლელებმა „ჰაიტ“-ის დაძახებაც ვერ მოასწრეს, მხოლოდ წაეშველნენ და შეწყვეტილ თხრილიდან ამოიყვანეს.

მაძინიას ცხვირიდან სისხლი სდიოდა, შუბლიც ერთ ადგილას გაფხაქნოდა და იქიდან გამოსული სისხლი ცხვირისას უერთდებოდა. მიუხედავად ამისა, მაძინია წისქვილში შეიჭრა და თოფი გამოარბენინა. თოფის დანახვანედ ძუკუმ იკადრა სიმიწებში შესვლა. სოფლელებმა მაძინიას ხელი სტაცეს და თოფი წაართვეს.

— ეს უნდა მიქნას მაგან?! კარგი, კარგი, მოგიკვდა ჩემი თავი, თუ მაგიერი ტაბაკი წინ არ დავიდგი, შე მესოფლე ძაღლო შენა. შე გაფუჭებულო, შე ძუკანო შენა! — ყვიროდა მაძინია, მაგრამ მომხდარი საქმის გამობრუნება შეუძლებელი იყო.

(დასასრული შემდეგ ნომერში).

ზ. ელილი

ს ა ი ნ გ ი ლ ო ბუნება და ადგილმდებარეობა

საზოგადო მიმოხილვა. — გზები და ხეივანები. — ტერიტორიის სხვადასხვაობა. — ტყეები, ნადირები, ფრინველები. — საზამთრო და საზაფხულო საძოვრები. — მდინარეები და თევზები. — დაღესტნის გზები და მათი მდგომარეობა. — თავშესაფარები და გამოქვაბულები. — მადნეულობა. — სამკურნალო წყლები. — ჰავა. — ზაფხულის სიციხეები. — ქაობები. — ტექნიკური მცენარეები.

მდინარეა და თვალწარმტაცი ბუნება საინგილოსი. მთის კალთებიდან დაქანებულ, ქაფად ქცეულ მდინარეებს, კაკლის, წაბლის, ლელვის ატეხილ ქალებს, რომელთა შორისაც ტურფად გამოიქცირებიან წითელი კრამიტით გადახურული, მთლად მწვანეში ჩაფლული სოფლები, ზღაპრულ წალკოტად გადაუქცევიათ აქაურობა. ამას დაუმატეთ სახტად აღმართული უღელტეხილი კავკასიონისა თავისი უღრანი ტყეებით, რომელთაც ზევიდან მედიდურად გადმოსცქერიან თოვლით განსპეტაკებული მწვერვალები, ნელად მოდუღუნე, გველივით დახლავნილი ალაზანი თავისი ასწლოვანი უზარმაზარი ვერხვებით და ატეხილი ქალებით და თვალწინ წარმოვიდგებათ საინგილო მთელი თავისი სიტურფე-სიდიადით, ეს სწორუპოვარი თვალმარგალიტი მთელი საქართველოსი.

ეს მხარე, რომელსაც სილამაზით ვერც ერთი კუთხე საქართველოსი ვერ შეედრება, იწყება იქ, სადაც დღევანდელი კახეთი თავდება და საზღვრად მას უძვეეს პატარა მდინარე მაზინმაი (ისტორიული მაჰისწყალი). აქედან მისდევს კავკასიონის მთაგრეხილს ყოფილ შექის ანუ ნუხის მიჯნამდის, იქამდის, სადაც პატარა მდინარე ფანიკ-ყობის (სისხლის ლელე) ჩამოწანწკარებს და ერთვის უფრო, დიდ, საკვირველად მიხლავნილ-მოხლავნილ მდინარე ეგრი-ჩაის. მთელი ეს სიგრძე, დაწყებული მაჰისწყლიდან ყანიყობ-ეგრიჩაიმდის, 80 კილომეტრს არ აღემატება. ესევე კავკასიონის მთაგრეხილი საზღვრავს მას თავისი ბრწყინვალე მწვერვალებით ჩრდილოეთით, ზოლო სამხრეთით — ალაზანი, რომელიც აქ ზანტად მიიზღაზნება. მთელი სიგრძე მთაგრეხილიდან ალაზნამდის 25-30 კილომეტრს არ აღემატება. მთელი ფართობი საინგილოს დღევანდელი ტერიტორიისა 3.497,5 კვ. კილომეტრს უდრის.

საინგილო დასერილია მშვენიერი გზატკეცილებით. ასეთია არა მარტო მთავარი გზა, რომელიც ლაგოდებიდან პირდაპირ ნუხაში მიდის და საინგილოს შუაზე სჭრის, არამედ სოფლიდან სოფელში მიმავალი მოკლე გზებიც. ამ გზატკეცილს ორივე მხრივ ჩამწყრივებული აქვს კაკლის დიდრონი ხეები და კაკლის ერთიან ხეივანს წარმოადგენს აქაურობა. ეს ლამაზი ხეივანი იწყება გასცილილებით თუ არა კახეთის უქანასკნელ სოფელს ლაგოდებს და მიდის

ქალაქ შექის მიჯნამდის, ე. ი. გაკომულია 120 კილომეტრის მანძილზე, ეს ოდესღაც მწყობრად ჩარიგებული პატარა კაკლის ხეები ესტუმრებოდა ხეებად გადაქცეულან და ორთავ მხრივ დაუბურავთ, დაუჩრდილოდ დაუკუბურავთ, ისე რომ ზაფხულის პაპანაქება-სიცხეშიაც სიგრილეში გინდებათ მგზავრობა.

მეტად მომხიბლავია ეს ხეივანი, მეტადრე გაზაფხულზე, როცა ბუნება ზამთრის ღრმა ძილისაგან იღვიძებს, და კაკლის ნორჩი ყლორტების მძლავრი სუნით ვაღვინთილია მთელი ეს გზა.

ამ გზებს თან მოსდევენ აქა-იქ პატარა საჩაიები (აზერბეიჯანურად ჩაიჩი), სადაც შეგიძლიანთ ეტლიდან ჩამოხვიდეთ, ცოტა შეისვენოთ და გემრიელი ჩაი მიირთვათ. ჩაიჩი ჩრდილში გამართულ გრძელ ფარდულს წარმოადგენს, შიგ უბრალო გრძელი მაგიდა დგას, იქვე გვერდით გრძელი სკამებია ჩამწყობებული, მაგიდის ბოლოს დიდი სამოვარია.

ჩაის იქ წყაროს წყლით ამზადებენ, რომელიც იქვე ახლოს სადმე გამოჩნჩიალებს. ამ საჩაიებს, გარდა გამველე-გამომველთა, ესტუმრება ხოლმე მინდორში მომუშავე ხალხიც. ზაფხულის პაპანაქება სიცხეში გულს აქ იგრილებს იგი და წყურვილს აქ იკლავს. აქაურთა რწმენით, ჩაისავით არაფერი უკლავს ადამიანს წყურვილს. ამასთანავე უნდა ესთქვათ, რომ აქ ჩაის არაჩვეულებრივად ბევრს სვამენ.

მთელი საინგილოს ტერიტორია ორი ერთმანეთისაგან განსხვავებული ნაწილისაგან შესდგება, რომელნიც ძალზე განირჩევიან ერთმანეთისაგან ჰავით, ბუნებით და ადგილმდებარეობით. პირველი მთავანი მთიანია, კავკასიის მთაგრეხილის ნაწილს წარმოადგენს, რომლის მწვერვალებიც თეთრ ჩაღრ წამოსხმულნი, ზევიდან გადმოსცქერიან მიდამოს. ეს მწვერვალები არიან: გუდურდალი (3. 400 ფ. სიმაღლით), დინდიდა (3. 366), გუტანი (3.668), ჩუჩუქი, ბეშლამიში, ბოლვალდალი, გუბახი, მოვრალდალი, დინგლია. დგანან უძრავად ეს მწვერვალი კავკასიონისა და მედიდურად გადმოსცქერიან მთ ფეხთქვეშ ფიანდაზად გადაშლილ, ბარის მწვეანედ აფერადებულ ველ-მინდორს და ალაზნის ვაღმა ჩამწყობებული შირაქის მქლე, ხრიოკ და უნაყოფო გორაკებს.

მეორე უდიდესი ნაწილი საინგილოსი ბარია — თაიგული მთელი მხარისა, მისი სიმიდრე და დოვლათი. ადგილი აქ, მთის ფერდობიდან დაწყებული ვაკეა და სწორი, მცირედის დაქანებით სამხრეთისაკენ. ეს დაქანება რაც უფრო შორდებათ მთის კალთებს, მით უფრო მატულობს, იზრდება და უადრეს წერტილს აღწევს ალაზნის სანაპიროებთან, საქართველოს დღევანდელ საზღვრამდე.

პირველის ნიადაგი მწირია, ღარიბი, მთიან-კლდიანი, მეორესი — ნაყოფიერი, მძლავრი და ზღვა მოსავლის მომცემი.

მთა მდიდარია ტყეებით. თუმცა საინგილოში ყველგან მოიძებნება საკმარისი ტყეები, მაგრამ მთა განსაკუთრებით მდიდარია საუცხოვო, პირველხარისხოვანი ტყეებით. აქ ვერ ნახავთ ვერც ერთ მთას, ვერც ერთ მცირე გორაკსაც-კი ტიტველს და ტყის მწვეანე ხავერდს მოკლებულს. მთის მიუვალი უფესკრული ნაპრალებიც, სადაც ფეხმარდ ჯიხვსაც კი ვერ გაუვლია, სავსეა ძვირფასი ტყეებით. უღრანი ტყეები, რომელთაც კაცის თვალი ჯერ ვერ მისწვდომია და მისი უღმობელი ხელი ჯერ არ შეხებია, მრავალზე მრავა-

ლია. მერე რა მშვენიერია და მრავალფეროვანი აქაური ტყეები! ნახვით აქ კავკასიის ფლორის ყველა წარმომადგენელს, მხოლოდ იმ განსხვავებით, რომ ყველა მათგანი უზომოდ მსხვილია და ძალზედ გაღაღებულნი არიან. აქაურ ტყეში ბლომად არის წიფელი, მუხა, ცაცხვი, ნეკერჩხალი, თეთრი არყისხე, არჩანი, კევისხე, ხურმა, წაბლი, ლეღვი. ბევრია აგრეთვე ბროწეული, მსხალი, თხილი, შინდი, მკაელო, პანტა და სხვა.

აქვე უნდა აღვნიშნოთ აქაური ხალხის მშვენიერი ჩვეულება: არა იშვიათად შეხედებით ნამყენ თუთასა, ვაშლს, მსხალს და სხვა ხეხილს. ასევე ნახვით მთელს საინგილოში ცემენტით ამოყვანილ, გაკეთებულ წყაროებს ან ცემენტისავე ბოგირებს მდინარეებზე და არხებზე.

აქაურ ტყეებში გამოჩაჩივრის შეადგენენ წიწვიანი ხეები. იმოგზაურებთ აქ მთასა და ბარში, მაგრამ მთის განუყრელ შვილს წიწვიან ხეებს ვერსად შეხედებით. მთელი საინგილოს ტყის დიდს ტერიტორიაზე მხოლოდ ერთ ადგილას შეხედებით მას, სახელდობრ, ბალნურის ხეობაში, ისიც მარტო-მარტო ნაძეს. ნაძვი აქ ძალზე პატარაა, წვრილი, უშნო და ულამაზო.

მთასთან ერთად ბარიც მდიდარია ტყეებით. აქ თითქმის ყოველ სოფელს აქვს ტყე. ბარის ტყეები უმთავრესად ნოტიო ადგილებშია. ხე, რომელიც მთაში ერთი ბეწვაა, აქ უშველებელ ხედ არის გადაქცეული. ტყე ბარად ხშირია და გაუვალი.

აუარებელი ხეხილი დიდძალ ნოყიერ საკვებს იძლევა გარეული ცხოველებისათვის და აკი ისინი ძალზე გამრავლებულნი არიან აქაურ ტყეში. გარეული ოორი, მელა, ტურა, ჯიხვი, ფსიტა, შველი, დათვი, მგელი მრავლად მოიპოვებიან აქაურ ტყეში. ჩვენ გვინდა მივაქციოთ მკითხველის ყურადღება მხოლოდ ზოგიერთს იშვიათ ნადირს, რომელიც საქართველოს სხვა ადგილებში უფრო ნაკლებადაა გვხვდება.

ასეთია, მაგალითად, შავი მელა. ეს ძალზე იშვიათი ცხოველია საქართველოში. ის კუნაპეტით შავია და მხოლოდ კუდის ბოლო აქვს თეთრი. ამგვარი მელა მეტად ძვირად ფასობს. იყო შემთხვევები, რომ ამერიკაში ასეთი დედალ-მამალი მელა 2.000 დოლარად გაიყიდა. ეს მელები ძვირფას საექსპორტო საქონელს წარმოადგენენ. შავ მელასთან ერთად არა იშვიათად შეხედებით ვერცხლისფერ მელასაც. ამ იშვიათი და ძვირფასი ცხოველების ხოცვა ამჟამად სრულიად აკრძალულია მათის გამრავლების მიზნით. საინგილოში საბჭოთა ხელისუფლების დროს დაარსებული ნაკრძალი დიდ ყურადღებას აქცევს ამ საქმეს და დიდი ჯარიმა არის დაწესებული მათზე ნადირობისათვის.

ასეთივე ძვირფასი ცხოველია კვერნა. მთის უღრანსა და მივარდნილ ხეობებში კიდევ მოიძებნება ეს ცხოველი. მონადირე ამ უღრან ადგილებშიაც შესდგომია მათ განადგურებას. კვერნას, როგორც ცნობილია, არ უყვარს წყალში გასვლა და წყლის ერთი ნაპირიდან მეორეზე გადასასვლელად ხიდს ან წყალზე წამოქცეულ ხეს ეძებს. აი სწორედ კვერნის ამ ჩვეულებით სარგებლობენ აქაური მონადირეები: ისინი ხელოვნურ საცალფეხო ხიდებს აკეთებენ, იქვე მიუდგამენ ხაფანგებს და იჭერენ. ასე უწყალოდ ნადგურდებოდა ეს ძვირფასი ცხოველი და სრულიადაც ამოვარდებოდა, რომ დროზედ არ მოესწრო საბჭოთა ხელისუფლებას და სასტიკად არ აეკრძალა მათზე ნადირობა.

ავაზა, დღეს იშვიათი ცხოველია ეზლა აქ, ერთ დროს კი თურმე ბლომად მოიპოვებოდა. ძველად ცნობილი მილიონერი დემილოვი, რომელსაც იჯარით,

ჰქონდა აღებული სანადიროდ აჭაური ტყეები, ყოველწლივ 5-8 ცალი ავაზას მაინც ჰკლავდა. უკანასკნელად ეს ცხოველი მოჰკლეს 1912 წელს და მას შემდეგ თითქმის აღარავის შეჰხვედრია. მაგრამ მონადირენი დასწრე მთებში ამბობენ, რომ ესლაც არის ავაზა საინგილოს ტყეებში, რადგან მას მსგებსურებს დღესაც ხედებიან მონადირეები თოვლზე. მონადირეების სიტყვა მართალი გამოდგა: კატეხის ტყეში 1920 წელს მოჰკლეს ერთი ავაზა, რომლის ტყავიც საჩვენებლად გამოკიდებული იყო ზაქათლის სასტუმროსთან, ამ ცხოველს, როგორც მონადირეები ამბობენ, დიდად აქვს განვითარებული ყნოსვა და მეტის-მეტად ფრთხილია, ამიტომ ადამიანისათვის ძნელია მისი პოვნა.

წავე, წინაღ დიდად ყოფილა გავრცელებული მთელს საინგილოს ტყეებში. მთის პაწია, წმინდა მდინარეები საესე ყოფილა ამ საუცხოვო ცხოველით. ცნობილია, რომ წავეს უთევზოდ არ შეუძლიან ცხოვრება. მთის ანკარა წყლები კიდევ თავის მშვენიერი და გემრიელი კალმახით ხელსაყრელ პირობებს უქმნიან მის გამრავლებას. მაგრამ რადგან მათი ტყავი ძვირად იყიდება, ძალიან შემცირებულა მათი რიცხვი. ამჟამად მათი უმნიშვნელო რაოდენობა გადარჩენილა მდინარე კატეხაის სათავეში, ყაბიზდარას ზემოთ. მათზე ნადირობაც სასტიკად აკრძალა საბჭოთა ხელისუფლებამ.

გაწყდა, მაგრამ ჯერ კიდევ მოიპოვება საინგილოს ტყეებში ფოცხვერი. სამაგიეროდ ძალზე ბევრია საინგილოში თხილისა და კაკლის მოყვარული ციყვი, რომელიც ისე შესჩვევია ადამიანს, რომ არც-კი ერიდება მას.

მოიპოვება აგრეთვე პიტალო კლდის შვილი ჯიხვი. მივარდნილსა და უშიშარ ადგილებში ჯიხვები ჯოგებად დაიარებიან, 30-40 ცალი ერთად. ჯოგს ხელმძღვანელობს გამოცდილი ხნიერი ჯიხვი. ზოგ ადვილას ბევრი იცის ჯიხვი. სარუბაშსა და დინდილას მთებში მცხოვრებნი ხშირად იმდენსა ზოცავენ, რომ ზამთრისათვისაც კი ინახავენ ზორცს მარილ-წყალში გამოსულსა და გამშრალს. ძველს დროში აქ ჯიხვებზე სანადიროდ შორეულ კუთხეებიდანაც კი მოდიოდნენ — ბაქოდან, როსტოვიდან და მოსკოვიდან. მათ არა იშვიათად უცხოელებიც მოსდევდნენ.

ირემიც მოიძებნება საინგილოს მთაში. ამ ბოლო დროს ირმის რიცხვმა საგრძნობლად იმატა ნაკრძალის დაარსების წყალობით. გამოანგარიშებით, მარტო ნაკრძალში მათი რიცხვი 300-ს აღემატება.

საინგილოში ირმის ბუნაგად და მუდმივ სამყოფელ ადგილად ითვლება ვერტიკალის მთების მიდამოები, პატარა მდინარე კალაჩაიმდის და ჩარიგელის ხეობები.

ჯეირანის სამშობლოდ და საცხოვრებელ ადგილად საინგილოში აღიაზლოს, სარიჯასა და აჯინაურის ველ-მინდვრების მცირე გორაკები ითვლება. ეს უწყინარი, მშვიდი ცხოველი მოსალოდნელი საშიშროების დროსაც არ დაფრთხება და ბაწარალებით მისდევს ერთი მეორეს, თითქოს ვანგებ უცდის მონადირის ტყვიას.

1921 წლის ზამთარში, როცა დიდი თოვლიანობა იყო და მთელი ველ-მინდორი თოვლ-ყინულით გაიკსო, ჯეირანი საკვებს ველარ შოულობდა, დამშუეული, ლასლასით მიადგებოდა ხოლმე სოფლებს და მცხოვრებნი ხელით იჭერდნენ. მას შემდეგ ძალიან შემცირდა მათი რიცხვი.

საინგილო მდიდარია გარეული ღორით. ბლომად მოიპოვება იგი როგორც მთაში, ისე ბარში. მაგრამ განსაკუთრებით უყვარს მას ჯავნარი და აღაზნის 6. „მნათობი“. № 5.

ჭალები. მუსულმანობა გაურბის ღორის ხორცს და ეს ხელს უწყობს მის გამრავლებას.

აქაური ღორი მეტად ავია და დაუნდობელი. ბოლო დროს საქართველოში გამო, მათმა რიცხვმა შესამჩნევად იკლო. ხალხი ებრძვის მას იმიტომ, რომ ის არ ინდობს საკმელად არა მარტო ბრინჯის ნათესს, არამედ საინგილოში ახლად შემოსულ კულტურასაც — არახისსა და სიმინდს.

ტყეები და ჭალები სავსენი არიან გარეული ფრინველებით, რომელთა შორისაც არ შეიძლება არ აღვნიშნოთ ზოგიერთი იშვიათი ფრინველი, რომელიც დანარჩენ საქართველოში ან სრულიად არ არის, ან ძალიან შემცირებულია. ამგვარად მათზე გახშირებული ნადირობისა და ტყეების შემცირების გამო კოტალა დარჩენილა გარეული ინდოური. იგი დიდი ფრინველია, მთის მწვერვალების პირში შეილი, იქ დაბადებული და გაზრდილი. მისი ხორცი უგემრიელესი რამ არის და სხვა არავითარ გარეულ ფრინველის ან ნადირის ხორცი მას ვერ შეედრება. საუბედუროდ, ძალიან ძნელად მრავლდება, მისი მოკვლა ან დაჭერა ძნელია, ისინი ყნოსვა-განვითარებულნი არიან და ძალზე ფრთხილნი. დიდს მანძილზედ იგრძნობს ხოლმე ადამიანის მიახლოვებას, ხმაშალა დაუსტვენს, მას ბანს მისცემენ სხვა ინდოურებიც და ერთი თვალის დახამხამებაზე ისე გაჭკრებიან, რომ მონადირე მათ კვალს ველარ მიაგნებს.

ხოხობის სამშობლო კავკასია და ამიტომ გასაკვირველი არ არის, თუ საინგილოში ჯერაც კიდევ ბლომად მოიპოვებიან ისინი. ხოხობი თურმე პირველად საქართველოში გაჩენილა და აქედან გავრცელებულა საბერძნეთში, რომსა და მთელს ევროპაში. თვით მისი ლათინური სახელი — phasianus მიუთითებს მდ. ფაზისზე (როინზე), იმ ქვეყანაზე, სადაც ხოხობი წარმოშობილა. ხოხობის საყვარელი მავკლით საინგილო სავსეა და აი სწორედ ეს მავკალია მთავარი მიზეზი იმისა, რომ ხოხობი მრავლად ბუდობს საინგილოში.

ლაკლას (Coconik — ciconia) ქართლში ლამიტობის ეძახიან, ალბათ, იმიტომ, რომ უფრო ჭაობიანსა და წყლიანს ადგილებში ხვდება ადამიანს. ეს უშნო ფრინველი საინგილოში წმინდა ფრინველად არის აღიარებული. ინგილო მუსულმანთა სიტყვით, იგი მექადან არის მოსული, სადაც ყოველ შემოდგომაზე დაიარება სალოცავად. ინგილოები მოკრძალებით ექცევიან და ყოველ მხრივ ხელს უწყობენ მათ გამრავლებას. მათ ბუდეს ხელს არავინ ახლებს, პირიქით, მცხოვრებნი პირველ გაზაფხულზე თბილ ქვეყნებიდან დაბრუნებისას მიუზიდავენ ხოლმე თივას და ჩინჩხვარს ბუდის შესაკეთებლად.

საინგილოს სოფლები სავსეა ყოველგვარ-ქვეწარმავალით. მათ სქამს და ანადგურებს ფრინველი ლაკლავი და ამიტომ იგი მახლობელი მეგობარია გლენჯაკისა, თუ შხამიანმა გველმა მიასწრო და უტბინა, ლაკლავი იავადმყოფებს 3-4 დღეს და შემდეგ თავის თავად მორჩება.

აქაურ ლაკლავს კიდევ ერთი კარგი ჩვეულება აქვს, — დედალ-მამალი ერთმანეთს არა შორდებიან, არ უღალატებენ ერთმანეთს და სხვას არ მიეკედლებიან. თუ რომელიმე მათგანი მოკვდა ან მოჰკლა ვინმემ, მაშინაც-კი ცალად დარჩენილი ლაკლავი სხვასთან არ წაეა და არავის მიეკედლება.

საინგილო უზომოდ მდიდარია საძოვრებით, განსაკუთრებით განთქმულია მისი საზამთრო საძოვრები: სარიჯა, აჯინაური, ალიაზლო.

თვალუწედნელი საძოვრები დასერილია პატარა-პატარა ერთმანეთის მიმდევნო გორაკებით, რომელნიც ადგილ-ადგილ სწყდებიან და იკარგებიან, მაგრამ პატარა დაშორებით ისევ ჩნდებიან და ასე დაუსრულებლივ...

ამ მინდვრებს ერთი დიდი ნაკლი აქვთ, — არსად ამ უზარმაზარ თარაობზე წყალი არ მოიძებნება, თუ მხედველობაში არ მივიღებთ პატარა ტბებს, რომელნიც სიციხეებისა და გვალვის დროს სრულიად შრებიან. ესენი ყოფილა თურმე ძველადაც. გეოგრაფი სტრაბონი, რომელსაც ეკუთვნის პირველი გეოგრაფიული აღწერა საქართველოსი, ამბობს: «გაივლით უზარმაზარ, თვალუწვდენელ მინდვრებს — კამბეზინას, ე. ი. კამბეჩოვანს — დღევანდელ შირაქს, რომელიც სრულიად უწყლო არისო. ასეთსავე სურათს წარმოადგენს დღევანდლამდე აქაურობა. ამის გამო მცხოვრებნი იძულებულნი არიან დღის სავალზე ატარონ ცხვარი წყლის დასალევად.

ამ ადგილებში ქარი არ იცის, ფარეხები მყუდრო ადგილებში აქვთ გაკეთებული და ცხვარს ზარალი არსაიდან არ მოელის. ზამთარი აქ თითქმის სრულიად არ იცის, წამოსთოვს ცოტას და იმავე დღეს აიღებს, რომ ცხვარი არც ერთ დღეს შშიერი არა რჩება და მუდამ ბლომად შოულობს საკვებს მთელი ზამთრის განმავლობაში. მაგრამ იცის ხოლმე, თუმცა ძალიან იშვიათად, ყინვიანი და თოვლიანი ზამთრები, რომელსაც თითქმის სრულიად მოუმზადებელნი ზედებიან ხოლმე მეცხვარეები, ცხვარი კი, რომელსაც მთელი კვირათობით შიმშილი უხდება, უწყალოდ იელიტება. ამისთანა ზარალიან ზამთრის თავიდან ასაცილებლად წინანდელი მეცხვარე სრულიად არა ზრუნავდა და იმ თვალუწვდენელ საძოვრებში, სადაც თავზე საყრელია ბალახი, ერთი ბეწვა თივასაც არ იმარაგებდა ამ შავი დღისათვის.

ზაფხულობით აქაური მინდვრები პირწმინდა უდაბნოს მოგაგონებენ. ყველგან გადაზრუკულ-გადაშწვარი მინდვრებია.

მაგრამ აი შორს რაღაცამ გაინავარდა და უცებ სადღაც გაჰქრა. ეს ჯეირანია, პირწმინდა შვილი ამ უდაბნოებისა, რომელიც ზამთარ-ზაფხულ არ შორდება აქაურობას. ის ფეხაკრეფით მირბის წყლისაკენ, ან ნამიან ბალახის საძებნელად მივარნილ-მიყრუებულ ადგილებში. ის მხოლოდ ეხლა გრძნობს თავისუფლად თავს მამეზარ მონადირეთაგან, რომელნიც მთელი შემოდგომა — ზამთარი მოსვენებას არ აძლევენ.

ორი ცხოველი, ჯეირანი და კურდღელი, მუდმივი მობინადრეა ამ უდაბნოებისა. მაგრამ მთავარი მობინადრე აქაურობისა მაინც ნაცრისფერი გულყვითელა შხამიანი გველია. ხალხში გადმოცემაა დარჩენილი, რომ ძველ, უხსოვარ დროში აქაურობა ისე იყო საესე შხამიანი გველებით, რომ ადამიანს გავლა არ შეეძლოო. მცხოვრებლებმა შემდეგ ხერხს მიმართესო: უცხო ქვეყნიდან მრავალი გველხოკერა მოიყვანეს და გაუშვეს ამ საძოვრებში. გველხოკერა, როგორც ცნობილია, სჭამს გველს, უფრო მეტ წილს კი ჰკლავს და ჰყრის. ამ ხერხმა ნაყოფი მოიტანა, — გველების რიცხვმა შესამჩნევად იკლო. თუმცა უნდა ვსთქვათ, რომ მეცხვარეებისათვის გველს არავითარი ზარალი არ მოაქვს, რადგან ცხვარი აქ ზამთრის განმავლობაში არის, როცა გველს არხეინად სძინავს თავის სამყოფელში.

ამ საძოვრების ნაწილს, მცხოვრებნი სახნავ-სათესად ხმარობენ. აქ ნიადაგი ძალიან ნოყიერია და არახვეულებრივი მოსავალი იცის, თუ გაზაფხული წვიმიანი შეხვდა და სიციხემ არ მოტრუსა და არ წაახდინა ნათესი. ხალხი ასე ამბობს, გინდ ერთ-ორ წელიწადს არაფერი მოსავალი მოგვევიდეს, შესამეშუოთზე წელიწადს გაზაფხული აუცილებლად წვიმიანი იქნება და მაშინ ისეთი უხვი მოსავალი მოგვეივო, რომ წინა წლების ხარჯს დაძვარავს და დიდი მოგებაც დაგვრჩებაო.

ასეთია ეს საძოვარი ზაფხულობით, მაგრამ დადგება თუ არა შემთავრებულა, სურათი სრულიად იცვლება, უდაბნო ცოცხლდება, იწყებს ცხოვრებას. მთაში აცივდება თუ არა და წვიმებს დაიწყებს, ცხვრის ფარგლებს და ზამთრის საძოვრებისაკენ გაეშურებიან.

მაგრამ განა მართო ცხვარი ესტუმრება ხოლმე აქაურობას ამ დროს? ფრინველებიც დაიძვრებიან და აქეთკენ მოეშურებიან. ალაზნის შორეული სანაპიროები და დაქობებული ადგილები ფრინველებით ივსება. ზოგჯერ იმდენი ფრინველი გაჩნდება ხოლმე აქაურობაში, რომ სავსებით იფარება მიდამო.

ცხვარი საძოვრად აქ მოჰყავთ წახურელებს (დალესტანელი ლეკები არიან), აზერბაიჯანელ თათრებს და ჩვენ თუშებს. ყველა ამათ აერთებს ეს საძოვრები, მთელი ზამთრის განმავლობაში მეგობრულად სცხოვრობენ და კეთილმეზობლურ დახმარებას უწყვენ ერთმანეთს. ბალახს აქ არავენ თიბავს, ამიტომ აუარებელი ბალახი რჩება გამოუყენებელი, ხმება, ლეება და ოხრდება.

გაზაფხულზე აქ დაინახავთ უშველებელ ცეცხლის კოცონებს, — ცეცხლი მინდვრის გამოუსადეგარ ბალახს უკიდია. მომხიბლავია ეს არაჩვეულებრივი სურათი, მეტადრე ღამ-ღამობით, როცა შავ ფონზე უფრო მკვეთრად გამოკრთიან ცეცხლის ალები.

კავკასიონის მაღალი ქედები თავიანთი ალბიური ზონით საუკეთესო საზაფხულო საძოვრებს წარმოადგენენ. ათასნაირად აფერადებული სურნელოვანი ბალახი ისეთ შემარგო, ნოყიერ საკვებს იძლევა, როგორსაც ბარში ვერა ნახავთ. ამგვარ შემარგო, ნოყიერ და სურნელოვან ბალახს თავისი გავლენა აქვს. აქაური საქონლისა და ცხვრის ზორცი ძალზე გემრიელია, ხოლო რძე მეტის-მეტად ცხიმოვანი.

საინგილოს საძოვრები მეტად ხელსაყრელია მესაქონლეობისათვის და განსაკუთრებით მეცხვარეობისათვის. მთელი წლის განმავლობაში საქონელი გარეთ შოულობს საკვებს და წინასწარ საკვების მომარაგება-დამზადება საჭირო არ არის. ამითი დიდად სარგებლობენ განსაკუთრებით ლეკები. გასაბჭოების შემდეგ ყველგან ამ ადგილებში მოეწყო მესაქონლეობის მძლავრი ფერმები, სადაც მშვენიერი ჰიგიენურად მოწყობილი ბინებია გამართული.

საინგილოს უხვ მოსავლიანობას ხელს უწყობს მდინარეთა სიმრავლე. ეს მდინარენი კავკასიონის ქედის პირშო შვილებია არიან. ყოველ ხეობას, ყოველ მთას თავისი მდინარე აქვს, რომლის სიგრძეც მთის სათავედან დაწყებული ალაზნამდის 25-30 კილომეტრს არ აღემატება. ეს მდინარეებია: მაზიმჩაი, მუხახჩაი, ბელაქანჩაი, კატეხჩაი, მაწეხჩაი, თალაჩაი და ქურმუხი. ესენი არიან მთავარი მდინარეები, რომელთაც უდიდესი მნიშვნელობა აქვთ საინგილოს ყოფა-ცხოვრებაში. გარდა ამ მთავარი მდინარეებისა, მრავალი პატარა, უმნიშვნელო მდინარეც არის, რომელნიც მთის პატარა ხეობებიდან მოიხრობილებენ და მთავარ მდინარეებს უერთდებიან. ესენი არიან: აახჩაი, კუშჩაი, ბალუდარაჩაი, კაშკაჩაი, ლეჭითჩაი, სუვაგილოჩაი, წლირანჩაი, კაზიმჩაი, სარტიკელჩაი, ვერტიკელჩაი, ყაბიზდარაჩაი, დალიჩაი და სხვა მრავალი. გარდა ამისა, ბარში ბევრია ფშანებიდან გამომდინარე წყალი და დიდი ნაკადი.

ამ მდინარეებიდან ყველგან არის გაყვანილი უამრავი არხი და პატარა რუ. არც ერთი სოფელი, არც ერთი ბინა და ფეხის დასადგმელი მიწაც კი მოურწყავი არა რჩება, ყველგან ხშირი ქსელია გაყვანილი არხებისა.



ამ არხების წყალზე აგებულია წისქვილები და ბრინჯის საცეხები დიშგები. საინგილო ბრინჯის ქვეყანაა და არსად მთელს საქართველოში არაა ბრინჯის არა ხმარობენ, რამდენსაც საინგილოში.

ამ მდინარეებს დიდი ზარალიც მოაქვთ მცხოვრებთათვის. ყველა ისინი გამოვლენ თუ არა მთის ვიწრო, შეხუთულ ხეობიდან, დიდი დაქანებით ვარბიან ალაზნისაკენ. ეს პატარა მდინარეები პირველ გაზაფხულზე, როცა თოვლი დნობას იწყებს ან როცა მთაში თქეში მოდის, საშინელებად გადაიქცევიან ხოლმე.

უდიდესი სისწრაფით მიექანებიან ბარისაკენ, თან მოაქვთ კლდე და ღრე, უმთავრესად კი რიყის სიბი ქვა. უბედურება უფრო ის არის, რომ ეს მდინარეები ხშირად იცვლიან ხოლმე კალაპოტს. როცა ერთ ადგილას იმდენ კლდე-ღრესს მიაყრიან, რომ იქაურობას გაავსებენ, პირს იბრუნებენ და სულ სხვა მხარეზე გადაეარდებიან, სწორედ იქითკენ, საითკენაც სრულიად არ მოვლოდება ადამიანი. აზვირთებული მდინარეები იტაცებენ ყველაფერს: ბაღს, ვენახს, სახნავ-სათესს, სახლკარს, ყოველივე ქონებას. მარტო საწყალ კაცელებს, რამდენი ასეთი აწიოკება ახსოვთ მდინარე ქურმუხისაგან. 1934 წელს მდინარე თალაჩაი ისე საშინლად მოვარდა, ისეთ სტიქიად გადაიქცა, რომ მთლად წალეკავდა და ამოაგდებდა დიდ სოფელ თალას, ხელისუფლებას დროზე რომ სასწრაფო ზომები არ მიეღო. მდინარეთაგან გავერანებული ეს ადგილები უკვე რიყეებად გადაიქცნენ (ინგილოურად ჩეილალები). ხშირად ერთი კილომეტრის სიგანეზეც და უფრო მეტადაც იფანტებიან ხოლმე. ჩეილალები დიდ უბედურებას წარმოადგენენ მცხოვრებთათვის, ხშირად მშვენივრად მოვლილი ბაღ-ვენახი რამდენიმე საათის განმავლობაში რიყედ ქცეულა. მოგზაურობთ საინგილოში და გაკვირვებთ ამ რიყეების სიმრავლე და სიფართოვე. მსგავს რამეს იშვიათად შეხვდება ადამიანი სხვაგან სადმე.

რამდენადაც მოუსვენარნი, დაუდევარნი, შფოთიანნი არიან ეს მთის კალთებიდან გამოვარდნილი მდინარენი, იმდენად მშვიდია და წყნარი ალაზანი, რომლის შენაკადებიც ისინი არიან. ალაზანი, რომელიც სამხრეთით საზღვრავს საინგილოს და შირაქს და მის შუა გაწოლილა, ისე წყნარი და უჩინარია საინგილოში, რომ შეტბორებული წყალი გვეგონებათ. მას აქ არც კი ეტყობა, თუ საით აქვს პირი მიცემული და საით მიემართება. წყნარად, აუჩქარებლად მიიზღაზნება თავის რბილ კალაპოტში, სადაც არც ერთი კლდე არ უშლის, არ აფერხებს მის მოძრაობას. მიდის ეს წყნარი მდინარე და ორთავ მხრივ აღმართული უზარმაზარი ვერხვები და ქალები წყნარად უკრავენ ტაშს, როცა კი პატარა სიო წამოუბერავს ამ უქარო ქვეყანას. მაშინ ხომ თვით ალაზანიც იშმუშნება, მისი ზედაპირი ცოტათი შეირყევა, გაიღიმება და საერთო ფერხულში ჩაებმება. სხვა დროს კი ეს დარაჯად აყულებული ვერხვები ყოველ მზის ამოსვლისას ალაზანში იჭყიტებიან, თითქოს კოხტა პატარაძალი თავს იკეკლუცებსო. ალაზანი არაფრით გამოსადეგი არ არის საინგილოსათვის, ერთი მტკაველი მიწაც კი არ ნოყიერდება მისგან. ტყუილ-უბრალოდ, უსარგებლოდ მიდის და მიიპარება.

საინგილოს მდინარეებში ძალიან ნაკლებად არის თევზი. ამოდენა ქვეყანაში არის ისეთი მდინარეებიც, სადაც თევზის ხსენებაც კი არ არის. ასეთებს ეკუთვნის ქურმუხი, მუხარჩაი, სუვაგელჩაი და სხვანი. იქნებ ეს იმიტაც იბნსნებოდეს, რომ ეს მდინარეები მეტის-მეტეი სისწრაფით მიჰქუხ-მიშხუიან მთე-

ბიდან და თვალის სისწრაფით მიეჭანებთან ალაზნისაკენ, რის გამოც თევზს ფეხი ვერ მოუკიდებია, ვერ გაჩერებულა, ბინა ვერ დაუდგევს. მდინარეებში კი თუმცა ნაკლებ, მაგრამ მაინც მოიძებნება კალმახი, ქაჩაყა, ქურჭა და ლოქო.

კალმახი ბინადრობს უმთავრესად ლეჩითიანში, ლუდარაჩაიში, კატერჩაიში და კემტიკელჩაიში.

მურწა გვხვდება უმთავრესად საინგილოს იმ პატარა მდინარეებში, რომელნიც ფშანებიდან გამომდინარეობენ. მურწა საინგილოში ხშირად 80 სანტიმეტრამდის აღწევს. ქაშაპა ბევრია სოფ. კავახჩიოლის ფშანებში. იქ განსაკუთრებით მარტო ეს თევზი ბინადრობს. მცხოვრებნი მისგან მშვენიერ საჭმელს ამზადებენ. თევზს ჯერ ფუფქავენ, მერე წყალს გადაასხურებენ, ზედ ბროწეულის მამარაფს მოასხამენ და ხელახლად შუშავენ. ასე დამზადებული ქაშაპა ძალზე გემრიელია და შემრგო.

ლოქო ბუდობს მარტო ალაზანში. იქ მისი ნამდვილი სამეფოა. სხვა თევზი ალაზანში იშვიათად მოიპოვება. ლოქო იქ ძალიან მსუქანი იცის, ისეთი მსუქანი, რომ კაცი სისუქნით ზოგჯერ ვერ შესჰამს. ლოქოს სიმრავლე უფრო იმით აიხსნება, რომ აქ ალაზანი ძალზე წყნარათ მიდის და მისი კალაპოტი ლამით, ქვიშით არის სავსე. მთელი შემოდგომა და ზამთარი ლოქო ამრბილ ლამზეა გაწოლილი და ნებივრობს. ლოქო უმთავრესად ბაყაყებით და წვრილი თევზით იკვებება და ალბათ ამიტომ თუ არის ალაზანში სხვა თევზების სიმცირე. ვაზაფხულზე როცა წყალი იმღვრება, ლოქო მხოლოდ მაშინ დაიძვრის თავის ბუნაგიდან წმინდა წყლის საძებნელად. მისდევს წყალს ზევით, და აი სწორედ მაშინ მოედებთან ხოლმე მეთევზეები ალაზანს ლოქოს დასაძვრად.

მდინარეებს შესდევს დაღისტანში მიმავალი საცალფეხო გზები, რომლებიც ზამთრობით დიდი თოვლის გამო გაუვალნი ხდებიან და იკეტებიან. ეს გზები: ბელაქნისა, კატეხისა, ქალიალისა, ჰარისა, სამუბაშისა და სუვაგლისა.

მრავალმხრივ შესანიშნავი და საყურადღებოა ეს გზები, საქართველოსათვის ხომ მათ საბედისწერო მნიშვნელობა ჰქონდათ. მრავალი მწარე კაბადონია დაკავშირებული საქართველოს ისტორიაში ამ გზების მოგონებასთან. ეს ის ვიწრო თერმოპილები იყო, საიდანაც ლეკთა უამრავი ბრბო შემოდინოდა დაღესტნიდან საქართველოს ასაკლებად და ასაწიოკებლად.

გათამამებული და თავგასული ლეკები რუსეთის დამკვიდრების შემდეგაც კი არ ისვენებდნენ. შემოიჭრებოდნენ საქართველოში, განსაკუთრებით საინგილოში, და იკლებდნენ იქაურობას. საინგილოს მაშინდელი მმართველი პოეტი გრ. ორბელიანი იძულებული იყო ბრძოლა ეწარმოებინა მათ წინააღმდეგ. 1853 წ. მუხახის ხეობაში შემოჭრილი ლეკები სასტიკად დაამარცხა ორბელიანი, რის შემდეგაც აღარ გაუტკპანებიათ დაღესტნის ლეკებს საინგილოში.

ამავე გზით მიჰყავდათ გატაცებული ტყვე ქართველები, მიჰქონდათ ნადავლი ჭონება, საქონელი და სხვა. ამავე გზით გაიტაცეს პოეტი დავით გურამიშვილი. ბედშავ ქართველებს ვისაც კი გამოუსყიდვა არ შეეძლო, ყმებად იყენებდნენ და მთელ ახალშენებს აარსებდნენ მათგან. ასეთი ახალშენები იყო დაღესტანში მარტო გუნბის ყოფილ ოლქში სოფელი დათუნა, მალარო, ჩოხა და სხვა.

მაგრამ დავუბრუნდეთ ისევ ჩვენს საგანს.

გზები მისდევენ მთის მწვერვალებში შეჭრილ მდინარეებს, ადიან უღელტეხილზე და დაღესტანში გადიან. მეტად მიმზიდველი და არაჩვეულებრივი

სილამაზისაა ასეთი ცალფეხა ვიწრო გზა, ვიდრე ტყის ფარგლებს გასცილდება. ასწლოვანი წიფლის ხეები, ულრანი ტყეების შვილნი, აქვედგებენ ამ ბილიკებს და დაუბურავთ, დაუფარავთ იგი. კლდე-ლრით სავსე ზეობაში მიჰქრის მთლად ღვართქაფად ქცეული მთის ჩანჩქერები. მეტად ლამაზია ზოგიერთი ასეთი ვარდნილი. მდინარე კატეხის ერთი პატარა შენაკადი, 20 მეტრის სიმალიდან გადმოჰქუხს, მთლად წინწყლებად ქცეული იფანტება პაერში და მზის სხივებით გაბრწყინებული ცისარტყელის ფერად ელვარებს.

მეორე ასეთი თვალწარმტაცი წყალვარდნილი არის მდინარე ქილისაჩაიზე. ეს პატარა მდინარე კარგა დიდ სიმალიდან გადმოსრიალებს ძალზე ვიწრო კლდის მაღალ ნაპრალებიან ხევში. მთლად ქაფად ქცეული სპეტაკი თოვლის ზოლივით მიჰქრის გვერდით აყუდებულ პიტალო კლდეთა შორის. მის თავზედ გადმოჰკიდებულ დიდრონ ხეებს ჩარდახსავით გადაუხურავთ იგი და მზის სხივებისაგან დაუფარავთ.

მიღიხართ ზევით-ზევით, მთის მწვერვალებისაკენ მიჰყევხარ ამ საცალფეხო გზებს. ხეობა უფრო ვიწროვდება, მდინარეები უფრო მრისხანე ხდებიან, ჩანჩქერები მრავლდებიან, ხან სულ ჰქრებიან, ჰქვამსა და ჰქვებში ძვრებიან, ჰქვესკნელში იკარგებიან, მერე კი ცოტა მოშორებით ხელახლა ჩნდებიან და თავპირის მტვრევით მიეჭანებიან ბარისაკენ.

თავდება ტყე, მწვანედ აფერადებული მთის ფერდობები, და სურათი მთლად იცვლება. აქ უკვე შიშველი მთებია, მთები, მთები, საითაც კი გაიხედავთ და სადამდისაც თვალი მიგაწვდებათ. ირგვლივ პირღია უფსკრულებია, ნაპრალები, ფრიალო კლდეები და ღრეები, პირდაღებული ღრეები. ამ კლდეთა და მიუვალ მთათა წიაღში საცოდავად მიიკლაცნება საცალფეხო გზა, რომელიც ხშირად ისეთ ციცაბო მთის მწვერვალს მისდევს, რომლის ორთავ მხრივ თვალუწვდენელი, პირღია უფსკრულებია. მარტო ჩახედვაც კი ამ უძირო ნაპრალებში დიდს საშინაობას წარმოადგენს. ამ გზების ორთავ მხრივ, მარჯვნივ და მარცხნივ, საშინელი უფსკრულებია, ვერც აქეთ, ვერც იქით ვერ გადიხედავთ. საკმარისია ერთი ფეხის დაცდენა, ერთი წაბორძიკება, რომ უფსკრულში გადაიხეზოთ, სამუდამოდ დაიღუპოთ. უფრო ხშირად კი ასეთი სურათი გხვდებათ: ბილიკი უმადლეს, მთის ფერდობს გვერდით მისდევს, ეს ფერდობი ხელოვნურად გამოჭრილია, გამოთხრილია ისეთნაირად, რომ გზას ზევიდან უზარმაზარი კლდის ნაპრალები გადმოჰკიდებიან და ჩამოქცევა-ჩამონგრევას აპირებენ. ვზის მეორე ნაპირას კიდევ თვალუწვდენელი უფსკრულია, რომლის უჩინარ ძირშიაც გველივით მიიკლაცნება პატარა ანცი მდინარე. ასეთია ეს გზები, რომელნიც ყოველ გაზაფხულზე კვლავ ფუჭდებიან თოვლისა და ნიაღვრისაგან, ასე რომ ხელახალ შეეკეთებას საპირობენ.

სახიფათოა ამ ვიწრო საცალფეხო გზით მოგზაურობა, მით უმეტეს, რომ შათ სიახლოვეს არავითარი მოსახლეობა არ მოიძებნება. მაგრამ ღამის გასათევი ადგილები, სადაც შეგიძლიანთ დაისვენოთ და უზრუნველი იყოთ წვიმათოვლისაგან, ყველგან მოიპოვება. ბევრგან ეს დასასვენებელი ადგილები მეტის-მეტად ლამაზნი და თვალწარმტაცი არიან, ბუნებრივ სასტუმროებს წარმოადგენენ და, ეკვი არ არის, პირველყოფილი ადამიანის საცხოვრებელი ადგილები უნდა ყოფილიყვნენ. ასეთია პიჩრიგლის გამოქვაბული მდინარე ქილისაჩაიზე, რომლის წინ-წამოწეული უზარმაზარი კლდის ქიმი ნახევრად გადმოჰკიდებია მის მორაკრაკე მდინარეს. წინიდან კიდევ (მდინარის მხრი-

დან) ამ კლდეს სქლად ჩამოჰკიდებია სურო და ფათალო, თითქოს განგებას ხელუხლებელი ფარდა ჩამოუფარებია დიდებული დარბაზის კუთხეებისა ან შეშაბანდისათვის. ზევიდან ამ კლდეს ამშვენებს, ალამაზებს ქვეყნისა თვის დიდი ტყე, რომლის საუცხოო სუნი მთელს არემარეს მოსდებია და სურნელოვან თავივლად გადაუქცევია აქაურობა. გამოქვაბული ისეთ დიდ ფართობს წარმოადგენს, რომ აქ თავისუფლად მოთავსდება ასოდე კაცი ან ცხვრის პატარა ფარა. მდინარე პიჩიველთან კიდევ ასეთს თავშესაფარს წარმოადგენს უძველეს დროიდან დარჩენილი პატარა ეკლესია, რომელსაც თალი ნახევრად აქვს ჩამონგრეული და ბოლო დრომდე მშვენიერს თავშესაფარს წარმოადგენდა თუშ მონადირეთათვის, რომელნიც აქ შემოდგომით იყრიდნენ თავს სანადიროდ. ეს ეკლესია საქართველოს მეფეთაგან ან დიდებულთაგან იქნებოდა აგებული და ახლა დიდ სტუმართმოყვარეობას უწევს როგორც მონადირეებს, ისე ყოველ მგზავრს. რამდენიმე გამოქვაბული თავშესაფარი მოიპოვება მდინარე კატეხჩაისა და ვერტიკელჩაის ხეობაშიც. ერთს მათგანს სახელად თავის ქალა (ლეკურად ბუგუ ნუნო) ჰქვიან, ალბათ, იმისაგან, რომ მის მახლობლად ოდესღაც მგზავრი დალუბილიყო თურმე და მისი თავის ქალა და ჩონჩხი დიდხანს ამ გამოქვაბულის სიახლოვეს ყოფილიყო გაფანტული. ასეთსავე გამოქვაბულებს ვხედავთ ქალიალსა და ქურმუხის ხეობაში, რომელთაც ხალხი დაციწვთავს გულხადრების (დადესტნის ღარიბი მოსახლეობა ძველად) სასტუმროს ეძახის. ასეთ გამოქვაბულში მგზავრს შეუძლიან დაისვენოს, ცეცხლი დაინთოს, გათბეს თუ სცივა და ტანისამოსი შეიმშრალოს, თუ გზაზე წვიმამ და თოვლმა დაასველა.

საინგილო, ეს ყოველმხრივ უმდიდრესი ქვეყანა, მეტისმეტად ღარიბია მადნეულით. მისი უღრანი მთები და მიუვალი მწვერვალები ჯერ-ჯერობით არავის გამოუკვლევია და იქნებ ამიტომაც დაუვარდა სიღარიბის სახელი. შეუძლებელია, რომ ამდენ მთათა და კლდეთა შორის არაფერი მადნეული არ მოიძებნებოდეს. საბჭოთა ხელისუფლების დამყარებამდე საინგილოს მადნეულის გამოკვლევა-შესწავლას სრულიად არავინ აქცევდა ყურადღებას და ისე ბედის ანაბარად იყო მიგდებული ეს მდიდარი ქვეყანა. ერთად-ერთი მადნეული, რომელიც ფართოდ არის ცნობილი საინგილოში, არის ბელაქნის სპილენძის მადანი, რომელიც უძველეს დროშიც იქცევდა მოსახლეობის ყურადღებას. მადანი მაღალ მთებში მდებარეობს, კავკასიონის უღელტეხილზე. ბელაქანს იგი დაშორებულია 30 კილომეტრით. ძველ დროშივე უწარმოებიათ იქ მუშაობა, რასაც მოწმობს ის პრიმიტიული ღუმელები, რომელნიც დღემდე არიან დარჩენილნი.

1900 წლებში ექსპლოატაციის მიზნით ამ საბადოების კვლევაიება აწარმოა ვინმე კონდუროვმა, მაგრამ ჩქარა მიატოვა, რადგან ხელსაყრელად ვერა სცნო მათი დამუშავება. 1911 წელს ფართო მასშტაბით შეუდგა მის შესწავლა-გამოკვლევას ცნობილი მილიონერი ფოგაუ. მას უნდოდა საფუძვლიანად შეესწავლა ეს ძველიდანვე ცნობილი მადნეული და შესდგომოდა მის ექსპლოატაციას. მთელი წყება სამთო ინჟინრებისა სამი წლის განმავლობაში დაწვრილებით სწავლობდა და იკვლევდა საბადოებს, ბევრგან მთელს მიდამოში აწარმოეს გათხრა-გამოკვლევა, მაგრამ სასურველ შედეგს ვერ მიღწიეს. მათის გამოკვლევით ბელაქნის სპილენძის საბადოები წარმოადგენენ არა ერთიან მასივს, არამედ პატარ-პატარა საბადოებს, ხშირად დიდის მანძილით ერ-

თმანეთისაგან დაშორებულს, მივარდნილს უგზო-უკვლო ადგილებში, რის გამოც ერთიანი მძლავრი ლუმელის მოწყობა მის დასამუშავეებლად ვერ მოხერხდა.

კვლევა-ძიება მადნეულისა დღესაც არ შეწყვეტილა, 1927 წლიდან ადერბაიჯანის მთავრობამ ხელახლა მოჰკიდა ხელი და ყოველ ზაფხულობით განაგრძობს კვლევა-ძიებას, რაზედაც მუშაობს კარგად ბლომად ხალხი ინტ. პეტაფენგოლცის ხელმძღვანელობით.

ამ მადნეულის დამუშავებას და წესიერ ექსპლოატაციას ბევრი ხელშემშლელი გარემოება უცარავს ხელს. მადანი მეტის-მეტად უხერხულ ადგილას არის, მას უჭირავს კავკასიონის მთაგრეხილის მეორე წყება 3.000 ფუტის სიმაღლეზე, სადაც მთელი მიდამო ისეა დასერილ-დაღარული ვიწრო ხეობებით, რომ ერთი ბეწვა სწორე ადგილიც კი არ მოიძებნება შენობის ასაგებად. მკაცრი ზამთარი იცის, ისეთი, როგორც კავკასიონის უმაღლეს მთაგრეხილებს სჩვევიათ, როდესაც გარეთ მუშაობა შეუძლებელია დიდი ყინვებისა და ქარბუქის გამო, დიდი უგზობაა — მადნეულობადის მხოლოდ ერთად-ერთი საცალფეხო გზა მიდის, ხეე-ხეუვებით დასერილი, რომელიც ძნელი სავალია ზაფხულშიც კი, ზამთარში ხომ ისე ივსება თოვლ-ყინულით, რომ სრულიად გაუვალი ხდება. ძნელია არა თუ კვალიფიკაციური, არამედ უბრალო შავი მუშის შოვნაც კი.

სოფ. კუმის (კახის რაიონია) მთებშიც მოიძებნება სპილენძის საბადოები, მაგრამ ისინი უფრო უფარვის პირობებში არიან, ვიდრე ბელაქნისა. აქაც საბადოები მიუვალ ადგილებშია, რომლებსაც უბრალო საცალფეხო გზაც კი არ უდგება, ამიტომ მის გამოკვლევა-შესწავლაზე ჯერჯერობით არავენა ზრუნავს. აშბობენ კი მცოდნე პირები, რომ კუმის მადნეულობა ღირსებით ბევრად უფრო მაღლა დგას ვიდრე ბელაქნისა.

ერთ დროს სოფ. ელისუს ხეობაშიაც აღმოაჩინეს ოქროს მადნის ნიშნები. დიდ იმედებს ამყარებდნენ მასზე. მაგრამ ისეთი უმნიშვნელო რაოდენობა აღმოჩნდა, რომ მისი დამუშავება არა ღირდა, რის გამოც კვლევა-ძიება სრულიად მიტოვებულ იქმნა.

საინგილოში ბევრი სამკურნალო წყალია. ყველაზე განთქმული თავისი სამკურნალო თვისებებით არის შესანიშნავი აბანო ჰამადარად წოდებული. გაივლით თუ არა სარაიონო ცენტრის სოფ. კახს და ქურუხის ხეობას შეჰყვებით, 6 კილომეტრის სიშორეზე შეხვდებით სოფ. ელისუს სულთანების ყოფილ რეზიდენციას. აი ამ სოფლის სამხრეთ-აღმოსავლეთით, რომ ხეე-ხეე წახვალთ ძალზე ვიწრო ხეობის ჩიხში დაგხვდებათ ეს შესანიშნავი აბანო. იქ ორ ადგილას პირდაპირ კლდის ნაპრალიდან გადმოჰქუხს ცხელი წყალი, რომლის სითბოც 40 გრადუსს აღწევს. ერთი მთვანი 8 მეტრის სიმალიდან გადმოჰქუხს, ხოლო მეორე 1½ მეტრის სიმალიდან. ორივე სამკურნალო წყარო დღე დამეში 1½ მილიონ ვედროზე მეტ წყალს იძლევა. უმთავრესად წყლები ნაცარტუტისა და გოგირდისაგან შესდგებიან.

მომხმარებელთათვის მოწყობილია სამი აბაზანი, რომელთაგან ერთი ლამითა და ქვიშით არის ამოვსებული, ორით სარგებლობა კი მშვენიერად შეიძლება. აბანო რგებს რეემატიზმით დაავადებულებს და კანის ყოველგვარ ავად-

მყოფობას. ამ წყლებიდან პირველს ჰქვიან ოლან ჰამამ, ხოლო მეორეს — ყიზ ჰამამ. ხალხის რწმენით, თუ ქალმა პირველში იბანავა ვაჟი, მკვლევე ეყვლება, თუ მეორეში — ქალიშვილი.

ზ ი ზ ლ ი მ ი თ ე ჯ ა

ჰამამდარა მეტის-მეტად მიუვალ ალაგას მდებარეობს, სოფელ ელისუდან შვიდი კილომეტრის მანძილზე. სულ ხევ-ხუვ და წყალ-წყალ უნდა იაროთ ცხენით. აბანოსთან არავითარი შენობა არ მოიპოვება და არც ადგილ-მდებარეობა უწყობს ხელს, რომ იქ რაიმე შენობა აიგოს. ამიტომ არა ერთხელ აღიძრა საკითხი, რომ წყალი მიღებით ჩამოეყვანათ სოფელში, მაგრამ ამის განხორციელებას მუდამ აბრკოლებდა ის, ვითომ წყალი გზაში გაცივდება და თავის სამკურნალო თვისებას დაკარგავსო. არ ვიცი, რამდენად სწორია ეს მოსაზრება, მაგრამ, თუ რამდენად დაკარგავს სამკურნალო თვისებას, ეს დღემდე არავის გამოუტყვევია. რამდენიმე წლის წინად ამ სამკურნალო წყლის თვისებების შესასწავლად და გამოსაკვლევად ბაქოდან მოვიდნენ ინჟინერ-ქიმიკოსი და ექიმი-თერაპევტი, მაგრამ რა დასკვნა გამოიტანეს მათ და, საზოგადოდ რას ფიქრობენ ამ წყლების შესახებ, ადგილობრივ არავენ იცის.

კარგი სანახავია ეს აბანო ზამთარში. აქვე უნდა აღვნიშნოთ, რომ აბანოთი ხალხი სარგებლობს მარტო ზაფხულობით, ვიდრე თბილა და პატარა, სახელდახელოთ გამართულ ქოხებში ნაბანავეებს გაცივება არ მოელის. აბანო შედარებით მაღალ ადგილას მდებარეობს, ამიტომ ცივი, თოვლიანი ულიანი ზამთარი იცის მის ირგვლივ, მით უმეტეს, რომ მის თავზე წამომდგარ მთებს ადრე ჩამოსთოვს ხოლმე. ირგვლივ სიცივება, თოვლის თეთრი სუდარა გადაკვრია მიდამოს, ბუნებას კრიჭა შეჰკვრია, ჰამამდარა-კი ბუნების სიმკაცრეს გამოჰპარვია, იგი ჩვეულებრივად სჩქეტს და გადმოჰქუხს. მისი მძლავრი ოხ-შივარი, როგორც დიდი ქარხნის ბუხრის ბოლი, ცას სვეტივით ებჯინება, ნელ-ნელა ზევით-ზევით მიიწეეს და ჰაერში იფანტება.

ჰამამდარში ზაფხულობით სამკურნალოდ დიდძალი ხალხი იყრის თავს. შორს არის გავარდნილი მისი სახელი, როგორც ზემოდაც მოვიხსენიეთ, და აი ეს სახელი და სამკურნალო თვისება ბევრს იზიდავს აქეთკენ. ამიტომ აქ ნახავთ როგორც ნუხა-ველახიდან, ისე შორეულ ბაქოდან, დერბენდიდან, განჯიდან და აზერბაიჯანის სხვადასხვა ადგილიდან მოსულელებსაც.

ციმურლუს აბანო სოფ. კახის მახლობლად მდებარეობს, ციმურლუს ბინებთან. აბანო გოგირდოვანია, ცივია. აქ ბანაობა ნავეებში ხდება. სამკურნალო წყალს ჯერ ნავეებში ასხამენ, შემდეგ შიგ გახურებულ ქვებს ჰყრიან, რის გამოც დიდი აორთქლება ხდება. ავადმყოფი ნავეში ზის, ზედ წარმოსხმული აქვს ნაბადი. ქვებს თანდათან უმატებენ. ავადმყოფი იძენხანას ზის ნავეში, ვიდრე შესძლებდეს, შემდეგ ამოდის და ლოგინში წევს. ავადმყოფს ზევიდან თბილად ჰხურავენ, რომ ოფლი მოუვიდეს. ამას იმეორებენ ორჯერ-სამჯერ დღის განმავლობაში. ბანაობა მეტის-მეტად უხერხულ პირობებში ხდება. არსად სახლი ან ქოხი არ მოიძებნება, რომ იქ შეაფაროს თავი ავადმყოფმა. ამ აბანოთი სარგებლობენ მხოლოდ ისინი, ვინც უილაჯობისა და მოუცლულობის გამო ელისუს აბანოს ვერ მისწვდომია. ეს აბანო რგებს ქარიანებს და დახუთულებს.

ნაეარტუტიანი სამკურნალო წყალია ყაინათმაე. იგი მდებარეობს სოფ. ალიბეგლისა და ყორაღანის მიჯნაზე. წყალი ცივია და გათბობას საჭიროებს. მკურნალობა აქაც ნავეების საშუალებით ხდება, ისევე, როგორც ციმურლუს აბანოში. ეს აბანო უხდება კანის ავადმყოფობით დაავადებულებს.

ხევანდარას აბანო ყველაზე უფრო შორს არის მოსახლეობაზე. მდებარეობს იგი ქალაქ-ჯიმიჯიმახის ხეობაში, სადაც პატარა მორაკტარე მდინარე ხევანას მართლა რომ ხავილი გაუღის. თუმცა ეს აბანო და მდინარე მდინარე მოსახლეობას, მაგრამ ძალიან ხელსაყრელ ადგილასა მდებარეობს. იგი მოფარებული, მყუდრო ადგილას არის, ჰავა მშვენიერია, შეშა კიდეც გამოუღეველი, რადგან აბანო შიგ ტყეშია მოთავსებული და მისი ცივი სამკურნალო წყლის გასათბობად შორს არ უხდება ადამიანს შეშისათვის სიარული. აბანო ძალზე გოგირდოვანია. შეხვალთ თუ არა იმ ვიწრო ხეობაში, სადაც აბანოა, უკვე ორი ეერისის სიშორიდან მოვლით მისი სუნი. ღირსებით იგი ბევრად სჯობია ორ წინა აბანოს. სამკურნალოდ უმთავრესად ქარ-მუხახის ხალხი დაიარება, როგორც მახლობელ აბანოში. ბანაობა იმავე წესით ხდება, როგორც წინა აბანოში, ე. ი. ვეჯებში ჩასმულ წყალში გახურებულ ქვებს ჰყრიან. ეს აბანო არჩენს კანის ყოველგვარ ავადმყოფობას და რევმატიზმს. ზაფხულობით დიდძალი ხალხი ეტანება.

ბელაქნის მთებშიაც ბევრ ადგილას შეხვდება კაცი მინერალურ წყლებს. მდინარე ჩარიგელასა და ქილასაჩაის შესართავთან მდებარეობს გოგირდის წყარო მცირედის დებეტით. თვით ბელაქნის წყლის სათავეშიაც, იქ, სადაც ტყეები თავდება და ალბიური ზონა იწყება, მშვენიერი მგავე წყლებია. ბელაქანჩაისთან კიდეც ორ ადგილას გამოდის გოგირდის წყარო. ასეთივე წყაროება გამოდის კატხჩაისა და ქალაჩაის შესართავის სიახლოვეს.

ბელაქნის ეს მინერალური წყლები პირველყოფილ მდგომარეობაში არიან და უყურადღებოდ მიტოვებულნი. ხალხი ან სრულიად არ სარგებლობს ამ სამკურნალო წყლებით მათი სიშორისა და მიუვალ ადგილებში მდებარეობის გამო, ან ძალიან მცირედ. სამაგიეროდ დიდად სარგებლობენ ამ მინერალური წყლებით, მონადირეების გადმოცემით, ირემები, შვლები, ჯიხვები. ისინი მთელი ზაფხულის განმავლობაში ამ წყლების ირგვლივ ტრილებენ, ხარბად სვამენ მას.

საინგილოს მთელი ტერიტორია ორი ერთმანეთისაგან განსხვავებული ნაწილისაგან შესდგება — მთისა და ბარისაგან. ამიტომ ჰვაც და ბუნებაც სხვადასხვანაირია და ერთმანეთს არაფრით წააგვანან. ვარდა ამისა, მთაში მოსახლეობაც კი სხვანაირია. მთა ნაკლებად არის დასახლებული, სულ ათიოდე სოფელი შექცელებია მის კალთებს და ისიც სულ წახურიდან გადმოსახლებული ლეკები არიან. კალალი, ჯიმიჯიმახი, აზგილოუ, კასი, კარკაი, სუვაგილი, ახბაი, საშუბაში, ელისუ, — აი ეს არის მთის მოსახლეობა. საინგილოს ამ სოფლებში და, საზოგადოდ, მთაში მშვენიერი ზაფხული იცის, როცა თოვლი ჩამოდნება, მთა ზამთრის ძილისაგან გამოფხიზლდება, თვალებს მოიფშვნეტს და ახალ ცხოვრებას დაიწყებს. მისი გრილი, გამაცოცხლებელი სიო, ანკარა წყაროები, იისფრად აფერადებული მთა დიდძალ ხალხს იზიდავს ბარიდან. ბარი სიციხით იწვის, აქ-კი მთის ლეღებში ჩაზვავებული თოვლი ჯერ კიდევ არ გამქრალა, — გამაგრებულია, გაქვავებული, ნელ-ნელა დნება, მთლად ცრემლად ქცეული. მის ძირიდანვე გამოქუხს ბროლი, ანკარა ნაკადი. ბუნება ზეიმობს და ისეთი საამური ჰაერით ავსებს მიდამოს, რომ გარინდებული დგეხარო და გინდათ დაუსრულებლად სუნთქავდეთ. ყველგან სიცოცხლეა, სიცოცხლე განახლებული და გაბრწყინებული. „მთის კერძნი კეთილ-აგარაკნი და მშვენიერნი“ ამბობს ბატონიშვილი ვახუშტი საინგილოს ამ ნაწილზე.

აქაური ზაფხულის სიმშვენიერე მთელ ბარს აქეთკენ იზიდავს. ცხვირის ფარები ერთი-ერთმანეთს გზას ვერ უქცევენ, მეჯოგეები გასაქმებულნი იმზადებენ ადგილებს. აქეთკენვე მოისწრაფვიან მალარიითა და ქვუჩით დასაქადებულნი. აქეთკენვე გამორბოდნენ ძველად ბარში სიცხით შეწუხებულნი, განებერებული ბევები. მთაშივე გადააქვს თავისი სკები გამოცდილ მეფუტკარეს, რათა უფრო მეტი ღალა აიღოს.

ყველა ამით ფეხდაფეხ მისდევდა გულხადარი. გულხადრებს ძველად დაღესტნის ბოგანო ხალხს ეძახდნენ. ეს ხალხი ძველად მთელი ოჯახობით ჩამოდიოდა შემოდგომობით საინგილოში და აქ ეწყობოდა სამუშაოზე. ზოგი მთგანი მწყემსად დგებოდა, ზოგი სახლში ხელზე მოსამსახურედ, ზოგი დღიურ მუშად და ასე ვინაჩობით ატარებდნენ მთელ ზამთარს. ქალები ვისიმე გომურში ბინავდებოდნენ, მცხოვრებლებს ეხმარებოდნენ საშინაო საქმეებში, — უჭრიდნენ და უკერავდნენ ტანისამოსს, უცხვავდნენ ჩალთუყს (ბრინჯს), ურჩევდნენ კაკალსა და თხილს და სხვ. საინგილოს ეკონომიური ცხოვრებისათვის მათ დიდი მნიშვნელობა ჰქონდათ, რადგან ისინი კარგ დამხმარე ძალას წარმოადგენდნენ საინგილოელთა მეურნეობისა და შინამრეწველობისათვის. რა საქმის გაკეთებასაც ინგილო ვერ ასწრებდა, იმას გულხადების დახმარებით შემოდგომა-ზამთრობით ამთავრებდა.

ამ ხალხის მთელ სიმდიდრეს ვირი ან ბებერი ცხენი შეადგენდა, რომელსაც აკიდებდნენ თავიანთ მწირ ქონებას და გაზაფხულზე, გაიხსნებოდა თუ არა დაღესტნისაკენ მიმავალი გზები, მყისვე იქითკენ იზამდნენ პირს. მოუვიდოდა თუ არა გულხადარს გაზაფხულის სუნი, ბარად ვერავითარი ძალა, ვერავითარი სასყიდელი ვერ დაიჭერდა. ბაჯადლო ოქრო რომ დაგეთვალიათ და ჯაჭვითაც დაგებათ, იმას საინგილოში ვერ გააჩერებდით ზაფხულობით. ის ძალა მთების შვილი იყო, ძველად ეკონომიურად ძალზე შევიწროვებული. დაღესტნის ტიტველა, მშვიერი მთები მას ვერ აძლბდნენ, პრიმიტიულად დამუშავებული მიწის მოსავალი ორ თვესაც ვერ ჰყოფნიდა და ამიტომ მობოდა ბარში.

გასაბჭოების შემდეგ გლეხკაცებიც კარგად მოეწყვნენ და თუ ზოგიერთნი კიდევ ჩამოდიან ბარად, ეს უფრო მამაკაცები, რომლებიც საბჭოთა მშენებლობაზე ეწყობიან, კარგა ფულს შოულობენ მთელი ზამთრის განმავლობაში და გაზაფხულზე უკან ბრუნდებიან, ცოლშვილში.

ასეა მთაში. ზაფხულობით, მაგრამ ბარად სულ სხვა სულისშემზუთავი სურათია. „გარნა ჰავა ცხელი, მზამიანი ზაფხულის,“ — ამბობს ვახუშტი საინგილოს ამ ნაწილის შესახებ. ვახუშტის ეს სიტყვები უაღრეს ქეშმარიტებას შეადგენენ. დაღება თუ არა თიბათვე, ისეთ უზომო, გაუთავებელ სიცხეებს დაიჭერს ზოლმე, რომ საშინელებაა. მიწა ყაშა-ყაშა სკდება ურწყავ ადგილებში.

ყველაზე უფრო კარგი და მომხიბლავი დრო საინგილოში შემოდგომაა. თუ საინგილოს ნახვა გინდათ და მისი სიდიადით დატკბობა, შემოდგომით უნდა ნახოთ იგი. ისეთი კაშკაშა მზიანი დღეები იცის შემოდგომობით, რომ მსგავსს სხვაგან ვერსად შეხვდება ადამიანი. ყველგან სიმშრალეა, მთიდან მსუბუქი ნიავი მოჰქრის, ირგვლივ მოჭანტული გაყვითლებული ფოთლები შრიალბენ. გრილა, სულის ჩამდგმელი, სასიამოვნო ამინდია. გზების პირად ჩამწყრივებულ კაკლის ხეებზე დარჩენილი ნივთი გზებზე ცვივა. ბალები

სავსეა თბილის ნარჩენით. ალაზნის ქალებში ბროწეული მეტი სიმწიფისაგან სკდება და იფანტება. ზაფხულის სიცხით შეწუხებული ხალხი მინდვრად იშლება, მთებში შეხიზნული მოავარაკენი ბარად ჩამოდიან ფეხქვეშაობით მისდევენ ერთმანეთს. ყველგან გაისმის მთიდან მოზღვრებულნი სიხერის ბღაილი. შირაქი, ალიაზლო, აჯინაური ცოცხლდებიან. ბუნება ისეთ ელფერს ღებულობს, თითქმის იგი საქორწილოდ ეშადებაო. მონადირე თოფს იღებს ხელში, — მთიდან ჩამოვარდნილი ღორი ქალებს მოსდებია, ხოხობი დღესასწაულობს, შამბში აღარ იმალება, ჯეირანი, ტრიალი მინდვრების განუყრელ შველი, ფეხაკრეთით მირბის ახმაურებულ მინდვრიდან და მიყრუებულ ადგილებს ეფარება.

ზაფხულობით მოფრენებული მავა ბარისა ეხლა მეტ ინტენსივობას იჩენს. გლეხკაცი გამალებული მუშაობს, რომ წლის მოსავალი ჩქარა სახლში შეიტანოს, გარედ არ დარჩეს, არ წაუხდეს. ბრინჯის მინდვრებში გახურებული მუშაობაა, რიგი სქრის ბრინჯს, რიგი უკვე გამხმარს ქეთუქებით კალოზე ლეწავს. დიდი და პატარა არახისს დაჰხვევია. იღებენ მიწიდან მშვენიერად მსხმოიარე ამ მიწის თბილს, ამრობენ, არჩევენ. თამბაქოზე მუშახელი არა ჰყოფნით, — ეხლა სწორედ გახურებული მუშაობა.

ზამთარი საინგილოში საზოგადოდ თბილი იცის. თოვლს ძალიან იშვიათად დასდებს და თუ დასდო, მეორე დღესვე აიღებს. „ზამთარი კეთილ ჰაეროვანი, თბილი უთოვლო, უყინულო“, ამბობს იგივე ვახუშტი საინგილოს შესახებ. მართლაც, ზამთარი ისეთი წყნარი, უთოვლო და უქარო იცის, რომ ადამიანი არც კი გრძნობს, რომ ზამთარია. თავისუფლად შევიძლიანთ მთელი ზამთარი მსუბუქ საშემოდგომო ტანისამოსში იარათ. ამ თბილ ზამთარში ხშირად ნახეთ მყუდრო ადგილას, ბუჩქის ძირას, მშვენიერად გაფურჩქნილ იას.

საინგილო ასეთი მსუბუქი ზამთრით ხარბად სარგებლობს. ის გულხელდაკრეფილი არა ზის: ახლა ამზადებს ფიჩხს, შეშას, ჭიგოს, ცხევავეს ჩალთიქს (ქერქიან ბრინჯს) და ათას სხვა სამუშაოს ასრულებს ვენახსა და ბაღში. ახლა იხდის ქორწილს, დაიარება ნათესავეებსა და ნაცნობებში სტუმრად, სოფლიდან სოფელში. ზამთარი ის დროა, როცა მინდვრის მძიმე სამუშაოსაგან თავისუფალი ინგილო ლაღობს და მხიარულობას ეძლევა. ახლა მიდის სანადიროდაც, განსაკუთრებით ღორებზე. მოგვხსენებთ, რომ ალაზნის ქალებში ბლომად ბუდობს ზამთრობით გარეული ღორი. ამ ღორებს ემატებიან ზამთრისსიცივისაგან შეწუხებული მთიდან ჩამოვარდნილებიც. სწორედ ამ გარეულ ღორებზე სანადიროდ იცლის ხოლმე ახლა ინგილო. შეიყრებიან მონადირეები, — რამდენიმე კაცი, წაიყვანენ თან ძაღლებს და წაველენ სურაქში. სურაქს აქ ღორზე ნადირობას ეძახიან. ძალიან ხელსაყრელია ეს ნადირობა. იშვიათად დაბრუნდებიან ხოლმე ხელცარიელი ნადირობიდან. ღორს გარდა, სხვა ცხოველებზედაც ნადირობენ ზამთრობით, განსაკუთრებით კი ჯეირანებზე და კურდღლებზე. მაგრამ ინგილო განსაკუთრებით მაინც ღორის მტერია.

ასეთი ამბავია ზამთრობით ბარში, მთა კი ამ დროს სულ სხვა სურათს წარმოადგენს. ის რამოდენიმე სოფელი, რომელიც მთას შეკვედლებია, სრულიად იცლება ამ დროს მამაკაცთაგან, ყველა სხვაგან მიდის, სახლში ზამთრობით მამაკაცთაგან არაინა რჩება. როგორც ზემოთაც მოვიხსენიეთ, ეს სოფლები მიწის დიდ სივიწროვეს განიცდიან, ბარს კი, სადაც ბევრი ადგილ-მამულია დამამუშავებელი, ვერ ეგუებიან როგორც მთის ჰაეას შეჩვეულნი.

ამიტომ ისინი უძველეს დროიდანვე ხელობას მისდევენ და ამით ირჩენენ თავს. ყველა აქაური კალატოზია, ან დურგალი, მექვაბე, მკალავი, ხაფხულს ეს ხალხი სახლში ატარებს, თავის თჯახსა და ცოლშვილში. მინტანამ მკვა თუ არა შემოდგომა, ერთ კაცს ველარ ნახავთ სოფელში, ყველს იჭრებენ და სამუშაოდ მიდის, სოფელი მარტო ქალების ამარა რჩება. სოფელი თითქოს კვდება, სიცოცხლე ეკარგება, ის ეხლა მითიური ამორძალების სოფელს ემსგავსება, სადაც ყოველგვარ საქმეს, შინ და გარეთ ქალები აკეთებენ, მომსვლელის მიმღებნი და პასუხის გამცემნი ისინი არიან. აი ასეთი ამორძალების სოფელს მოგვაგონებენ მამაკაცთაგან მიტოვებული ეს სოფლები მთელი 7—8 თვის განმავლობაში. საითაც გაიხედავთ ამ სოფელში ყველგან ქალები და ქალები... არასად კაცები, გარდა ბავშვებისა.

როცა ჩამოსთოვს ყველანი სახლებში ჩაიკეტებიან და გარედ ფეხს აღარა სდგამენ. ამ მთის ფერდობზე შეფენილ სოფლებში დიდი თოვლი და ყინვები იცის. ამიტომ გარედ არავინ გადის. სხედან ქალები ბუხრებთან და შორს სამუშაოდ წასულ ქმარ-შვილზე ფიქრობენ, ან კიდევ საჩოხე და საჯეჯიმე მატყლს სჩეჩავენ და ართავენ და საზაფხულოდ სამუშაოს იმზადებენ. ზოგნი კიდევ, უმთავრესად სოფელ ელისულში, დაზგაში ჩასმულ ხალიჩებსა და ფარდაგებსა ქსოვენ. ასე უფერულად მიმდინარეობს მთელი ზამთარი სოფელში, ვიდრე სამუშაოებიდან არ დაბრუნდებიან და ჩვეულებრივ სიცოცხლესა და მხიარულებას არ შეიტანენ სოფლის ცხოვრებაში მამაკაცები.

თუ საზოგადოდ გაზაფხული ტურფაა და კეკლუცი, მამ რაღა უნდა იყოს გაზაფხული საინგილოში, სადაც უიმისოდაც ბუნება მდიდარია და მომხიბლავი! გაზაფხული საინგილოში მეტად თვალწარმტაცია. მთა და ბარი აზურმუხტებულ სამოქელს ისხამს, სურნელოვანი ყვავილებითა და ათასნაირად აჭრელებული ხეხილის თაიგულებით იმოსება. ამას დაეუმატოთ მთიდან გამოქცეული მოჩუხჩუხე ნაკადები, ყველგან გაუთავებელი სტვენა-ჭახჭახი ბულბულისა, რითაც სასეა საინგილო და ადვილად წარმოიდგენთ, რა წარმტაცია ეს კუთხე.

სოფლად ყველგან გაცხარებული მუშაობაა, მამაკაცები ბალ-ვენახებს მოსდებიან, ბავშვები და ქალები ნაფუზრებში თავიანთ საყვარელ საგაზაფხულო საქმეებს ღანძილს დაეძებენ. გემრიელი ღანძილი იცის საინგილოში, თუმცა მას არასასიამოვნო სუნი აქვს, მაგრამ საინგილოში მას ისე ამზადებენ, რომ სუნი მთლად ეკარგება. გაფუფქნილ ღანძილს თუშვალანგზედ წამოჰყრიან და როცა დაიწურება, რამდენჯერმე ცივ წყალს გადააელებენ. ღანძილს სუნი ეკარგება, შემდეგ ერბო-კვერცხში ხრაკავენ, ისევე როგორც სატაცურს.

აქაური ღანძილის სახელი შორს არის გავარდნილი, ის ფოსტით აუარებელი იგზავნება, ისეთ შორს ადგილებშიც კი, როგორც ბაქოა, ერევანი, ნახიჩევანი, ლენინაკანი და ორდუბაი. აბა შედით გაზაფხულზე ზაჭათალის ან კახის ფოსტის კანტორაში, თუ ღანძილის სუნმა არ დაგზნიდათ. კანტორა ამ დროს ღანძილის ამანათებით არის სასე. ღანძილი უმთავრესად კახის რაიონიდან იგზავნება.

იმ დროს, როცა საინგილოს ერთ განაპირა რაიონში ღანძილის გაცხარებული კრეფაა, მეორე რაიონში, ბელაქანში, სხვაგვარი საზაფხულო სამუშაო სწარმოებს. ეს გახლავთ ჯონჯოლის კრეფა. ბელაქანის მახლობელი ტყეები სასეა ჯონჯოლით. აქ ჯონჯოლის უამრავი ბუჩქია. ადგილობრივი მცხოვრებნი, ლეკები, მას ვერ ეწყობიან. ძველად თბილისის ბაყლების სათარეშოდ იყო გადაქცეული აქაურობა.

ამ დროს ალაზანიც ცოცხლდება, მის სანაპიროებზე მეთევზეები ჩნდებიან. სხვა დროს მიყრუებული ალაზანი, თითქოს ზამთრის ძილისაგან იღვიძებს, მოჭარბებულ წყალდიდობისაგან თითქოს ზღვად გადაქცეულს ჩანს. იცხება. აქ თევზაობა მარტოდ-მარტო გაზაფხულობით არის მიღებული. სხვა დროს ალაზანს სათევზაოდ კაცი არ ეკარება. თევზს უმთავრესად ჩანგლით იჭერენ.

გაზაფხულზე აქ ზოგჯერ ხშირი წვიმები იცის, ხანდახან ისე ატყდება, რომ მთელი კვირაობით არ გადაიღებს. მაშინ ამინდი იცვლება, საინგილოს თავზე წამოყუდებული კავკასიონის უზარმაზარი მწვერვალები ნისლში ეხვევიან, და მოულოდნელად დათოვს და მოჰყინავს სწორედ ისეთ დროს, როცა ხეხილია აყვავილებული, ვაზი და კაკალი ახალ ყლორტებ-ამოყრილი. ჰხედავ, მშვენიერად აყვავებულ ბუნებას უცრად ყინულის სარტყელი გადაეკრა, შებოჭა, შეხუთა იგი, სადღესასწაულოდ გამზადებული სასიკვდილოდ გასწირა. გაყინულ-გათოშლილი ყვავილი და ყლორტი სცვივა ხეებს, და იმ წელს მოსავალზე ხელი უნდა აიღოს მცხოვრებმა, არც ყურძენი, არც ხეხილი იმ წელიწადს არ იქნება.

სამაგიეროდ სეტყვის მხრივ საინგილო იშვიათი ქვეყანაა, — აქ სრულებით არ იცის სეტყვა. არ ვიცი, რით აიხსნება ეს ბედნიერი მოვლენა, მაგრამ ეს კია, როცა დაიძრება მთებიდან სეტყვის მომყვანი შავი ლევა ღრუბელი და ბუნება აირევა, ის საინგილოს მშვიდობით გადაუღლის, ასცდება მის ვიწრო და მოკლე ტერიტორიას და ალაზნის ვალმა საძოვარ მინდვრებს დასცემს თავზარს. აღიაზლო, აჯინაური, ხარიჯა, — აი ესენი წარმოადგენენ მის სამეფოს, იქ მინდვრებში დასცემს ზოლზე სეტყვა თავის ბანაკს. ამ საძოვარ მინდვრებში კი იმ დროს წასახდენი არაფერია, ევნაზები და ხეხილის ბალები იქ არ არის და არც ცხვრის ფარები იმ დროს საძოვრებზე. ასე რომ სეტყვას საინგილოსათვის არავითარი ზარალი არ მოაქვს. ბედნიერია ამ მხრივ საინგილო. თუ აქაური მცხოვრებს ამ საძოვარ მინდვრებში არ უვლია და იქ არ უნახავს სეტყვა, თვით საინგილოში, სადაც მოსახლეობაა, ვერას დროს ვერა ნახავს.

აქ ქარი იცის საინგილოში, იგი უქარო ქვეყანაა. ქარიან ადგილებში შეჩვეულ ადამიანს აქ მოენატრება ქარი. ხანდისხან ისე გაივლის წელიწადი, რომ ქარი არსაიდან არ დაიძვრის. ამიტომ ძველად კალოებს უმთავრესად მდინარეების ნაპირებთან მართავდნენ, რომ განიაგების დროს მდინარის ნიაემო მაინც გაიტანოს ბზე და ბრინჯის ბუჩო. ნიაეი ისევე ხეობებში თუ ჩამოიქროლებს ათასში ერთხელ, ან კიდევ ალაზნის პირზე ხამუშ-ხამუშ თუ შეათამაშებს მოწყენილ ქალებს და ვერხვებს, თორემ სხვაგან ძალზე იშვიათია. საინგილოს აღმოსავლეთ-სამხრეთიდან კავკასიონის მთავრებილი აქვს აფარებული თავის გრძელი ქიმიებით და ალბათ, ეს გარემოება ჰქმნის აქ უქარობას. ეს უქარობა, სხვა ხელის შემწყობ პირობებთან, იმის ერთი მიზეზთაგანია, რომ ხეები აქ უზარმაზარი სიმაღლისა და სიმსხოსი იზრდებიან. აქაური ცაცხვი, მაგალითად უზარმაზარი კაკლის სიმსხო იზრდება და ვეებერთელა ფართობი უქირავს მას. მაგრამ ამ უქარო ქვეყანაში, თუ ბუნება განრისხდა და საიდანძვე ქარი შემოიჭრა, იგი მთელ გრიგალად გადაიქცევა და საშინელებას დაატრიალებს. სახლებს სახურავებსა ჰგლეჯს, თივის ნამჯებს იტაცებს და უზარმაზარ ხეებსაც ძირიანფესვიანად ამოაგდებს ზოლზე. მაგრამ ასეთი მოვლენა ძალიან იშვიათად 15-20 წელიწადში შეიძლება ერთხელ მოხდეს.

საინგილოს ქაობები და პატარა ტბები სავსეა ქვეწარმავალით. საინგილო, საზოგადოდ, მდიდარია ქვეწარმავალით, განსაკუთრებით კი გველებით. ბარ-

ში და ავინაურ-სარიჯის ველ-მინდვრებში ფებს ვერ გადაადგამ, რომ ადგილ-ადგილ გველები არ შეგეფეთნონ. ისინი ისე ბევრი არიან, რომ შარი ვაზუ-დაც კი მოსვენებას არ აძლევენ ადამიანს და ხან აქ, ხანეკუცადუტრეწენ ხოლმე ორ-ორი ერთად.

საინგილოში

საინგილოს მდიდარ ბუნებას ბევრი ნაკლიცა აქვს. ასეთ ნაკლად უნდა ჩაით-ვალოს პატარა ტბები და ჭაობები, რომელიც უმეტესად ალაზნის სიახლოვეს მდებარეობენ. ეს ჭაობები სავსეა ქვეწარმავალით — გველებით და კუეებით. მაგრამ ეს კიდევ არაფერი ისინი ზაფხულობით სავსენი არიან კოლოებით და ქინკლებით. ისე მრავალია აქ კოლო, რომ შორიდანვე ისმის მათი ზუზუნნი, რის გამოც ეს ადგილები მალარიის ბუდეებად ითვლებიან. აქაური კოლო მეტად შწვავედ იკბინება და აერცელებს ერთგვარ მალარიას, რომელიც მაღალი სიც-ხით იწყება და რომელსაც ტროპიკულს მალარიას ეძახიან. საინგილოში არა ერთი და ორი სოფელი ამოვარდნილა ძველად მალარიის წყალობით.

ამ ჭაობიან ადგილების ამოშრობა ადვილად შეიძლება. ამისათვის საჭიროა არხის გათხრა და ამშორებული წყლის ალაზანში ჩაშვება.

საინგილოს დიდ ნაკლს ძეძვიანი ადგილებიც შეადგენენ. ნახავთ დიდ ფარ-თობს, რომელიც მთლად ძეძვს უჭირავს და ხენა-თესვისათვის და, საზოგადოდ რაიმე კულტურისთვის გამოუსადეგარია. ასეთი ადგილები ყველგან არის საინგილოში.

ზოგჯერ ისე ხშირია ეს ძეძვი, ისეა გადაბმული, რომ კაცს გავლა გაუჭირ-დება. ჯერ-ჯერობით ამას ყურადღებას არავენ აქცევს და არავენა სწმენდს ამ გამოუსადეგარ და მავნე ჩირგვებისაგან ნიადაგს.

ალაზნის სანაპიროზე ლამიანს ადგილებში გაზაფხულზე მთელი ტყე ჩნდე-ბა სატაცურისა. დაჯექით და ჰკრიფეთ, რამდენიც გინდათ! აქაურები ისე უცქერიან სატაცურს, როგორც სარეველა ბალახს და ახლოსაც კი არ ეკა-რებიან — ჩხირებიანო, გაიძახიან.

სოკოც დიდძალი მოდის საინგილოში. ტყეებსა თუ ქალებში ყველგან ნა-ხავთ მშვენიერ საკმელ სოკოს. ბარში, ნოტიო ადგილებში ხშირად მთელი ტყეა ხოლმე სოკოებისა.

ადგილობრივი მცხოვრებნი ამ ძვირფას სოკოებს არაერთარ ყურადღებას არ აქცევენ, არც ახმობენ, არც სხვა გვარად იყენებენ. მათი მომხმარებელი მხოლოდ მოსული ხალხია, უმთავრესად რუსობა. ისინი კიდევაც ახმობენ და კარგს წნილსაც ამზადებენ მისგან.

საინგილოში მოიძებნება ტექნიკური მინდვრის მცენარეც. დღეს დღეობით ისინი უყურადღებოდ არიან მიტოვებული. ასეთია ძირტებილა, კანაფი-თრიმლი, თუთუბო. ბლომად არის საინგილოს ზოგიერთ ტყეში, განსაკუთრე-ბით კი ათალარის ტყეში თრიმლი. მისი გამხმარი და დაბეგვილი ფოთოლი და ნორჩი ყლორტები ბოლო დრომდე იხმარებოდა ტყავის წარმოებაში.

საინგილოში იზრდება გარეული კანაფა-ბალახი, რომელიც თავისთავად ამოდის ალაზნის ქვიშიან ადგილებში. მისი სიმაღლე ზოგჯერ სამ მეტრს აღე-მატება. მდიდარ ბუნებას და ნოყიერ ნიადაგს ის ძალზე გაუგიეებია. ამასთან არც მოვლას საჭიროებს და არც პატრონობას. მისგან მზადდება ტილოები, ტომარები, თოკი. საუბედუროდ, ამ მდიდარ ქვეყანაში კანაფის მოხმარება-სრულიად არ იციან, ტყუილად მიდის და იღუპება ეს ძვირფასი სიმდიდრე. მას არც საქონელი სჭამს და არც ნადირი ეკარება.

(გაგრძელება იქნება).

მოსე გოგივაძე

ზენაესი არსების ცნება „ვეფხისტყაოსანში“

სტალინური დიადი ეპოქის სამართლიანმა ხელმა რუსთაველი მსოფლიო გენიოსთა კრებულში მოათავსა. ველარავითარი გარემოება მომავალი ისტორიისა რუსთაველს ამ საკრებულოდან ვეღარ გამოიყვანს. თუ ჩვენს დრომდე რუსთაველი ქართველი ხალხის უებრო გენიოსი იყო, სოციალიზმის შუქით განათებული ჩვენი მზიანი ქვეყნის საზღვრებს ახლა იგი გასცდა და საკაცობრიო გენიოსთა ოჯახს მიეკუთვნა.

დღეს დადგენილია, რომ საშუალო საუკუნეების მიჯნაზე რუსთაველის სახით პირველად ამოვიდა გონებისა და ადამიანური სიყვარულის ძალით გამთბარი სხივი და მომავალი კაცობრიობის სავლელი გზა გაანათა. დღეს რუსთაველისათვის საბოლოოდ უზრუნველყოფილია სახელი პირველი 3 უმანისტი ა.

მე-12 საუკუნის საქართველოში უსათუოდ არსებობდა ყველა საჭირო ობიექტური პირობაც რუსთაველის გენიის წარმოშობისათვის. საქართველო იყო გზაჯვარედინი ორი უდიდესი იმ დროინდელი ცივილიზაციისა, არაბულისა და დასავლეთურისა. რუსთაველში მოხდა ამ ორი ცივილიზაციის სიმფონია. მეტიც: რუსთაველის გენიაში მარტო შეხვედრა კი არ მომხდარა შაჰმადიანურ-არაბულისა და ქრისტიანულ-დასავლეთური მსოფლმხედველობისა, არამედ ორივეს გადასალახავი გზაც აღმოჩნდა. რუსთაველს არც ქრისტიანული ღმერთისათვის უცია თავყვანი და არც შაჰმადიანურისათვის. მაგრამ რუსთაველი არც ათეისტი ყოფილა და არც წარმართი. მის შემოქმედებაში ოფიციალური ღმერთი არ არის, ღმერთზე კი საერთოდ ძალიან ბევრად ლაპარაკია, ღმერთი ძალიან ფართოდ არის იქ წარმოდგენილი, და ამ შრომის მიზანია გამოიკვლიოს ღვთაების ცნება, რუსთაველისა და აჩვენოს, რომ ეს ცნება ერთგვარი ხიდი და გზა იყო რუსთაველის მსოფლმხედველობისაკენ.

რუსთაველი ისეთი ეპოქის კაცი იყო, რომ საკითხი რელიგიურ მსოფლმხედველობასთან დამოკიდებულებისა გადამწყვეტი უნდა ყოფილიყო თვის მისი საკუთარი გზებისა და მსოფლმხედველობისათვის. იმ დროს ამ საკითხს გვერდს ვერ აუხვევდა ვერც პოეტი და ვერც მოაზროვნე. იმ დროინდელი მსოფლმხედველობის დადგენისათვის ღმერთის ცნებაზე უფრო დიდ რაკალი არ არსებობს.

გაკვირვებას იწვევს ის გარემოება, რომ რუსთაველი, XII საუკუნის ქრისტიანული სახელმწიფოს კაცი, ისიც უსათუოდ წარჩინებულთა გვარის შვილი, მღერის უკვდავ საგალობელს და ქრისტიანულ ღმერთს არც ერთხელ

არ უგალობს. ყოველივე ქრისტიანული, აზრისა და შემოქმედების იმ დროინდელი არეოლი, ღმერთი სამპიროვანი და ერთარსებინი, ქრისტიანულ მესიანიზმში, ღმერთი კაცად ქცეული და სხვა არსად არა გვხვდება რუსთაველთან; არსად არავითარი პატივისცემით არ არის მოხსენებული არც ოფიციალური მაჰმადიანური ღმერთი, თუმცა, პოემის მხატვრული რეალიების თანახმად, რუსთაველს სჭირდება სცენაზე გვიჩვენოს მაჰმადიანური ღმერთი.

ამევე დროს აღსანიშნავია ის გარემოებაც, რომ ღმერთს, როგორც ცნებას, თუ ერთგვარ *façon de parler*, რუსთაველი თავის პოემაში შეიდასჯერ მიმართავს.

იმდროინდელ თეოლოგიასა და ფილოსოფიაში ცნობილი ცნება უმაღლესი არსებისა უკლებლივ გვხვდება რუსთაველთან. რუსთაველის ღვთაება დაჯილდოებულია მონოთეისტური რელიგიებისათვის ყველა დამახასიათებელი პრედიკატით, არა გვხვდება მხოლოდ უსასრულობის პრედიკატით დაჯილდოებული ღმერთი. როგორც ცნობილია, უსასრულობის პრედიკატი პირველად ნიკოლოს კუზანელმა (XV საუკუნე) მიაკუთვნა ღმერთს; რენესანსის ეპოქის ეს ცნება ჯერ კიდევ უცნობი იყო რუსთაველისათვის, სამაგიეროდ რუსთაველი უკვე აყენებს რენესანსის ეპოქის მეორე დამახასიათებელ ცნებას უმაღლესი არსებისას, ე. ი. ღმერთს, როგორც განგებას.

მართალია, რომ განგების ცნება ოფიციალურ ქრისტიანულ თეოლოგიაშიც გვხვდება, მაგრამ იქ ეს ცნება ძალიან მკრთალად არის წარმოდგენილი და დაქვემდებარებულია პერსონალიზმთან. ქრისტიანული, თუ ვინდ მაჰმადიანური ღმერთი, უპირველეს ყოვლისა არის პერსონა, პირი, ე. ი. არის ნაყოფი ანთროპომორფისტული ფანტაზიისა. რუსთაველის ღმერთი პირი კი არ არის, არამედ ძალა, რომელიც ადამიანის მიმართ განგებად ეღინდება და მისდამი მორჩილება ადამიანს ექცევა აუცილებლად.

იმ გარემოებამ, რომ რუსთაველი თავიანთს არა სცემს ოფიციალური სარწმუნოების ღმერთებს, ზოგიერთებს აფიქრებინა, ვითომ რუსთაველი წარმართობას დაბრუნებოდეს, ე. ი. პრიმიტიული ანთროპომორფიზმის მიმდევარი გამხდარიყოს. ეს ყოველივე აზრს მოკლებული ფიქრია. წარმართობა ამ შემთხვევაში ან პოლითეიზმს ნიშნავს, ან და უღმერთობას. რუსთაველის პოლითეიზმზე ლაპარაკი აბსურდია. იგი გაუსწორებელი და პრინციპიალური მონოთეისტია. რუსთაველის აზრით, როგორც სახელმწიფოს უნდა ახასიათებდეს ერთმეფობა, ასევე ზეცას ახასიათებს ერთი ძალა. ამ მიმართულებით რუსთაველი არ უშვებს არავითარ კომპრომისს. აბსოლუტიზმისა და ერთმპყრობელობის მომხრეა იგი მიწისათვისაც და ზეცისათვისაც. მეთორმეტე საუკუნის საქართველოში პოლიტიკური მოწინავე აზრი, და სოციალური პროგრესი საერთოდ, აბსოლუტური მონარქიის დაცვაში უნდა გამოხატულიყო, და რუსთაველიც უდიდესი იდეოლოგი იყო აბსოლუტიზმისა. წარმართობასა და პოლითეიზმს რომ დაპბრუნებოდა რუსთაველი, ეს იდეოლოგიური რევრესი იქნებოდა და არა პროგრესი. ვინ დაამტკიცა, რომ წარმართობა, როგორც რელიგიური მსოფლმხედველობა, ბერძნული ვინდ ქართული, მონოთეისტურ რელიგიებზე უფრო პროგრესულია? ასეთი რაიმეს მტკიცება ისტორიული სანტიმენტალიზმიდან გამოდის და არა ისტორიული მატერიალიზმიდან. წარმართობა, წარმოშობილი პრიმიტიული ეკონომიკის იდეოლოგიად, მოკლებული იყო იმ ორგანიზირებულ ძალებს, რომლე-

ბიც აუცილებელია უფრო განვითარებული ეკონომიური და პოლიტიკური ბრძოლებისათვის. ქრისტიანული რელიგიის კრიტიკოსი წარმართული რელიგიისაკენ დაბრუნებით ვერავითარ პროგრესულ სიტყვას ვერცხვოდ დაძველი ღმერთების აღდგენით ჯერ არც ერთი პროგრესული საქმე ისტორიაში არ გაკეთებულა. ოფიციალური ქრისტიანული რელიგიის უარყოფა რომ არც წარმართობას ნიშნავს და არც ათეიზმს, ამის ჩინებული მაგალითი არის რენესანსისა და მისი მომდევნო ევროპის ისტორიის იდეოლოგია.

რუსთაველის ათეისტობაზე რომ ვილაპარაკოთ, ეს მოწაფური ვარჯიში იქნება და არა მეცნიერული აზროვნება.

ქრისტიანული ეკლესიის და მისი ოფიციალური ღმერთების არარობაში რომ დარწმუნებული იყო რუსთაველი, ამას დიდი მტკიცება არ უნდა და ეს გარემოება სვამს სწორედ საკითხს, თუ ვისი ღმერთის თაყვანისმცემელი იყო დიდი პოეტი. ამ საკითხზე ბევრი აზრია გამოთქმული. არსებობს ისეთი შეხედულება, რომელსაც რუსთაველი ორთოდოქს ქრისტიანად სურს დასტოვოს. ქრისტიანულ ორთოდოქსიას, მის ლიტერატურას და მის მსოფლგაგების მანერას რომ კარგად იცნობს პოეტი, ქართული საეკლესიო მწერლობის ერთგვარ გავლენასაც რომ განიცდის იგი, ამის უარყოფა, რასაკვირველია, არ შეიძლება. მაგრამ ქრისტიანული ორთოდოქსიისა რომ მას ბევრი რამ არა სწამს, მისი მესიანიზმისა და გამოცხადების სარწმუნოებისაგან რუსთაველს რომ არაფერი მიუღია, ამის ჩინებული დასაბუთება უკვდავი პოემის მხატვრული კომპოზიციითაა.

მაგრამ ისინიც, რომლებიც ამ უკანასკნელ დებულებებს იზიარებენ და რუსთაველში სხვა ღმერთებს დაეძებენ — მაჰმადიანურს, მანიქეველურს, მითრულს, ნეოპლატონურს, ის კი არა ძველ ინდურსა და ძველ ქართულ-წარმართულს, სწორი ისტორიული მეთოდით ვერ ხელმძღვანელობენ.

რუსთაველის განახლება და ევოლუცია, მისი ჰუმანიზმი და სიბრძნე ძველი ღმერთებით არ გაკეთდებოდა. ღმერთის ძიებაშიც რუსთაველი განახლების გზას დაადგა. როგორც მხატვრულ შემოქმედებაში, აქაც თავის ეპოქას წინ გაუსწრო ქრისტიანობიდან ამოსვლით და იმავე დროს ქრისტიანული ოფიციალური დოგმის დაძლევათ, ღვთაების ცნებაც ახალი წამოაყენა მან.

რუსთაველის ფილოლოგიის შემქმნელმა აკად. ნიკო მარმა პირველად მიუთითა რუსთაველის შემოქმედების ანტიქრისტიანულსა და ანტიეკლესიურს ბუნებას. მან სამართლიანად აღნიშნა რუსთაველის მსოფლგაგების პრინციპიალურად მონოთეისტური ხასიათი, მაგრამ, სამწუხაროდ, უსამართლოდ გაამაჰმადიანა „ვეფხისტყაოსნის“ ავტორი. „ჩვენი საკითხისათვის ვაღამწყვეტია, — სწერს აკად. ნ. მარი, — რომ პოეტმა არც ერთს ადგილზე არ უღალატა თავის წარმოდგენას მუსულმანურს ერთღმერთობაზე, ე. ი. ერთია ღმერთი და არავინ არ არის გარეშე მისსა; ის კი არა ეს ასე რჩება იქაც, სადაც თვითონ გამოდის; პოემის მთელს მანძილზე ვერ ვნახულობთ ვერც ერთს მითითებას ვერც ერთ დასახელებას სამებისა. პოემაში არსად არ არის დასახელებული ქრისტიანული წმინდანი, არც ღვთისმშობელი“³⁾.

³⁾ Н. Марр: „Грузин. поэма „В. в. т. шк.“ Шоты из Руставы и новая культурно-историческая проблема“. „Известия академии наук“, 1917, гв. 497.

ნ. მარის ამ დებულებიდან ზოგიერთებმა რუსთაველის მაჰმადიანობა გამოიყვანეს. უდავოა, რომ შოთა მკაცრი მონოთეიზმის მოქმედნი იყვნენ მაგრამ ეს მონოთეიზმი არავითარი მუსულმანურ-რელიგიურ ~~მნიშვნელობას~~ არ უოფილა. გარეშე ყოველივე ამისა, ისიც უნდა აღინიშნოს, რომ მაჰმადიანობას ქრისტიანობიდან მთლიანად დამოუკიდებელი ცნება ღმერთისა არ გააჩნია, მაჰმადიანური თვალსაზრისი ამ სფეროში ქრისტიანულ სექტანტურს უფრო ჰგავს, ვიდრე ორიგინალურს; მაგ., მაჰმადის ცნება ღვთაებისა არიანული ღვთაებისაგან თითქმის არ განსხვავდება. ამას ისიც ემატება, რომ ოფიციალურ-მუსულმანურ რელიგიას რუსთაველი ისე აღმაცერად უყურებს, როგორც ქრისტიანულს. მართალია, მისი გმირები მაჰმადიანები არიან, პოემის მთელი მოქმედება მაჰმადიანურ სახელმწიფოებში მიმდინარეობს, ამიტომ ხშირად მისი გმირები ტარიელისგან განსხვავებული არიან ყურანის წამკითხველებით და მუსულმანური სწავლულებით.

„სრულნი მუყრნი და მულიმნი მე გარეშემო მცვიდიან;

მათ ხელთა ჰქონდა მუსაფი, ყველანი იყითხვიდიან“ (351).

ნესტან-დარეჯანსაც სასთუმალს ეს მუსაფი (ყურანი) უდევს. მაგრამ, მიუხედავად ყოველივე ამისა, პოემაში ქრისტიანულ-ლიტერატურული ელემენტი გაცილებით მეტია, ვიდრე მუსულმანური. როცა პოემის გმირები ღმერთს ევედრებიან, ან ლოცულობენ, ადვილი დასაანახავია, რომ ამ „მუსულმანებს“ ქრისტიანული ლოცვა და ვედრება აკერიათ პირზე.

პოემის მხატვრული აქსესუარი ავტორისაგან მუსულმანური კოლორიტის დაცვას მოითხოვს, მაგრამ ქრისტიან პოეტს აქა-იქ ეს ავიწყდება და ქართული ქრისტიანული მწერლებიდან აღებული ენით ალაპარაკებს და ალოცებს თავის გმირებს. სამაგიეროდ პოემაში არსად არ არის გამოყენებული მუსულმანური თეოლოგიური და საეკლესიო მწერლების ენა. ასე რომ ზედმეტია ლაპარაკი პოემის ავტორის მუსულმანობაზე (ახირებული და კურიოზული აზრების მომხრეებმა იგი ქართველი მუსულმანადაც კი გამოაცხადეს). იქ, სადაც ავტორი იძულებულია მიმართოს მუსულმანურ რიტუალსა და წესს, ძალიან გარეგნული გარემოების შთაბეჭდილება რჩება.

გარეშე ყოველივე ამისა რუსთაველი მორწმუნე მუსულმანივით სრულიად არ არის დარწმუნებული იმაში, რომ მაჰმადის ერთი ღმერთის მსახურის სიტყვა და შთავონება ყველაზე უმღიერესი ჭეშმარიტება იყოს ამ ქვეყანაზე. ხშირად ოფიციალური მუსულმანობა კომიკურ სიტუაციაში ვარდება პოემის მოქმედების განვითარებისას და მუსულმანობის განსწავლული და სასულიერო პირნი ძალიან უფერულად არიან პოემაში წარმოდგენილნი. ასე, მაგალითად, ტარიელი პირდაპირ ამასხარავენს მუსულმანთა უმაღლეს განსწავლულებსა და სასულიერო პირებს. როცა მას სიყვარულისაგან დაბნედილს ავადმყოფად მიიჩნევენ და განსაკურნავად თავს ეხვევიან „მუყრნი“ და „მულიმნი“ „მუსაფით“ ხელში, უკითხავენ წმინდა წიგნებს, ულოცავენ და ჰკურნავენ, ტარიელი შენიშნავს: „მტერ-დაცემული ვეგონე, არ ვიცი, რას ჩმახვიდიან“ (351). მორწმუნე მუსულმანი „მჩმახველთა“ როლში რომ არ გამოიყვანდა მუსულმანური სარწმუნოების უმაღლეს ქურუმთ და მათ რესპექტს ასე სასაცილოდ არ აივდებდა, ეს თავისთავად ცხადი უნდა იყოს.

როგორც კი სარწმუნოებრივი რესპექტი ცხოვრების რეალურ განონებს დაეჯახება, მყისვე ეს უკანასკნელი იმარჯვებენ, და შოთასე მტყუალმორწმუნე მუსულმანები იეიწყებენ ალაჰსაც და ფიცსაც მის მსახურებას: წყნეჲსე, მაგ.; მართლმორწმუნე მუსულმან ვაჰარს, უსენს, მისი ცოლი ფატმანი დაადებინებს მტკიცე ფიცს, მაჰმადის რჯულის თანახმად, აჩავის უთხრას საიდუმლოება ნესტან-დარეჯნის მის სახლში ყოფნისა. მაგრამ როცა ეს უსენი ნადიმად იყო ხელმწიფესთან:

„რა მეფემან უსენს წინა სვა მრავალი დოსტაქანი,
კვლა შესევს და კვლა აივსნეს სხვა ფარჩნი და სხვა ქიქანი.
დააიწყედეს იგი ფიცნი, რა შესაფნი, რა მაქანი!“ (66)

ე. ი. უსენს დააიწყდა ფიცი, ცოლისთვის მოცემული. ყურანის და მექას ძალა სუსტი აღმოჩნდა და მან მეფეს თავის საიდუმლოება გაუმხილა. ბუნებრივია, რომ ვაჰარმა ღმერთს სიტყვა გაუტეხა, რათა მეფისათვის ესიაშოვნებინა¹⁾.

თუ შოთას, განახლებისა და ჰუმანიზმის გზაზე დამდგარს, თავისი შემოქმედების საგნად გაუხდია ხელობანი ქვეყნანი, რომელნი ზორცთა ჰხედებიან (21) და ამის გამო ქრისტიანული ზეცისათვის უარი უთქვამს, ცხადია, რომ მას მუსულმანური ზეცისათვისაც უარი უნდა ეთქვა. რით სჯობდა მუსულმანური ზეცა ქრისტიანულს? რასაკვირველია, არაფრით. შოთას ვენიას არ შეეძლო არ შეემჩნია, რომ მუსულმანობა თავისი შინაგანი ბუნებით არავითარ დამოუკიდებელ სარწმუნოებას არ წარმოადგენდა, რომ იგი, პარადოქსალურად თუ ვიტყვით, ქრისტიანობის ნიადაგზე წარმომდგარი სექტა არის. მუსულმანური ზეცა ქრისტიანულისაგან ძირითადად იმით განსხვავდება, რომ ქრისტიანობის მორალის ნიადაგზე წარმოდგენილი სამოთხის მაგივრად, იგი მორწმუნეს გულუბრყვილოდ ჰპირდება იმ ქვეყნად აანაზღაუროს ის მატერიალური დოვლათი, რომელიც მას ამ ქვეყნად დააქვს.

მეორე განსხვავება უფრო პრინციპული და მნიშვნელოვანია. მაჰმადიანობა ქრისტიანობა გასწინდა ბერძნულ ნიადაგზე წარმოშობილი მრავალღმერთიანობისა და ანთროპომორფიზმისაგან. მაჰმადიანობა პრინციპული მონოთეიზმა და თვით მაჰმადი ღმერთის შვილი კი არ არის, არამედ მხოლოდ ღმერთის წინასწარმეტყველი. მართალია, შოთაც დარწმუნებულ და უკომპრომისო მონოთეისტად გვევლინება, მაგრამ მისი გონიერებითა და სიბრძ-

¹⁾ აქად. ნიკო მარს არ უნდა დაუშვას, რომ შოთა მუსულმანობას ისე უარყოფითად ექცეოდა, როგორც ქრისტიანობას. ნ. მარი ისე აყენებს საკითხს, რომ რუსთაველი ქართველ მუსულმანდაც კი შეგვიძლია მივიჩნიოთ. და როცა ნ. მარი პოემის სხვადასხვა მუსულმანური ზნაითის რეალიებს ჩამოსთვლის, ასახელებს ზემოთ მოყვანილ ადგილსაც. მაგრამ გამოჩინებულ მეცნიერს აქ მოსდის ისეთი ლაღსუსი, რომელიც სწორედ რომ ვასაკვირველია.

„В третьем государстве с приморским городом—სწერს მარი—когда царь нарушает клятвенное обещание купцу Усену, т. е. Хусейну, закрепленное упоминанием в присяге священнейших мусульманских имен“, поэт говорит:

„დააიწყედეს იგი ფიცნი, რა შესაფნი, რა მაქანი?“ „Царь забыл все клятвенные свои заверения: ни до Корана, ни до Мекки ему не было уже дела“ (იხ. „Вест. Акад. Наук“, 1917 г. გვ. 496). მეფეს კი არ გაუტეხნია ფიცი, არამედ შესვინმა გასტეხა ფიცი. მიცემული თავის ცოლისადმი. ყოველ შემთხვევაში „ვეფხისტყაოსანში“ მხოლოდ ეს სწერია.

ნით გამართლებული, მონოთეიზმი არ არის ოფიციალური მაქმადიანობის რელიგიური მონოთეიზმი. ეს უკანასკნელი არა ნაკლებ მტკიცე იყო სიბრძნისა და გონებისა, ვიდრე ქრისტიანული დუალიზმი დეტრინეტურები.

მარტო მონოთეიზმი რომ საკმარისი არ არის ოფიციალურ მაქმადიანობასთან სოლიდარული დამოკიდებულებისათვის, ამის ჩინებული მაგალითია თვით არაბული ფილოსოფია. არაბული ფილოსოფიაც მონოთეისტური იყო, მაგრამ, როგორც ცნობილია, გამოჩენილი არაბი ფილოსოფოსები მუდმივი ომის მდგომარეობაში იმყოფებოდნენ ოფიციალურ მაქმადიანობასთან. შოთას მონოთეიზმიც სულ სხვა წყაროებიდან საზრდოობდა და სხვა პრინციპებიდან ამოდიოდა, ვიდრე მონოთეიზმი ოფიციალური მაქმადიანობისა. ოფიც. მაქმადიანობას მონოთეიზმის გვერდით და მასთან ერთად ბნელეთისა და ფანატიზმის სალაროდან აღებული იმდენი ელემენტი ახლდა, რომ წარმოუდგენელია რუსთაველის ჰუმანიზმი და სიბრძნე მას რაიმე გზით დაუკავშიროთ.

რაც შეეხება ქრისტიანულ ღმერთს, ამის შესახებ განსაკუთრებულ მდგომარეობაში ვიმყოფებით. იმაზე არც კარგია ნათქვამი და არც ცუდი. იგი უბრალოდ იგნორირებულია შოთას გენიალურ შემოქმედებაში. და თუ ჩვენ შოთას ანტიქრისტიანობაზე ვლაპარაკობთ, ეს კარგად უნდა იქნას განმარტებული. გარეგნულად რომ შეხედოთ „ვეფხისტყაოსანს“, იფიქრებთ, რომ მისი დაწერის დროს ქრისტიანობა შეიძლება არც კი არსებობდაო. ნამდვილად კი იგი იწერებოდა ქრისტიანულ გარემოცვაში, ქრისტიანულ ქვეყანაში, რომელიც შოთას დროს ჯვარის სახელით თავისი მეზობლების მიწა-წყალსაც იპყრობდა, და იმავე ჯვარის სახელით თავის-გავლენას მთელს წინა აზიაზე ავრცელებდა. შოთა რომ ძალიან გატაცებული ყოფილიყო ჯვარის მესიანიზმით, მას რომ ქრისტიანობაში გონების და სიყვარულის სარწმუნოება დაენახა, ცხადია, ეს გამოხატულებას ნახავდა მის პოემაში. მისი გმირები ინდოეთიდან „ზღვათა სახელმწიფომდე“ რომ დადიან და მოქმედებენ, ცხადია, მრავალ საშუალებას ნახავდნენ ქრისტიანობის გონიერებისა და მაღალი სამართლიანობის გამოსათქმელად. მაგრამ ასე არ ხდება. რუსთაველი გვერდს უხვევს ქრისტიანობასთან შეხვედრას, მასთან კამათს და ურთიერთობას. ეს რუსთაველური იგნორირება ქრისტიანობისა უდიდესი არგუმენტია ქრისტიანობის წინააღმდეგ.

ყოველივე ამის გამო ვფიქრობთ, რომ უკვე პოემის დაწერამდე რუსთაველი დიდს კონფლიქტში იმყოფებოდა ქართული ქრისტიანული ეკლესიის იმ დროინდელ მოღვაწეებთან. მათზე კარგის თქმა არ უნდოდა და ცუდის თქმაც არ შეიძლებოდა. ამიტომ იყო, რომ რუსთაველი ქრისტიანობის სრული იგნორირების გზას დაადგა.

რას შეეძლო გამოეწვია ეს ანტიქრისტიანული განწყობა რუსთაველისა? ორ რაიმეს: ან რუსთაველი მიემხრო იმ დროს მოქმედ რომელიმე სექტას, მაშინ ამ სექტის ღმერთს უნდა ენახა გამოხატულება მის შემოქმედებაში, ანდა მას, გონებისა და სიბრძნის სინათლის განმცდელს, გული გაუტყდა ქრისტიანულ მორალიზმზე და მესიანიზმზე.

ხშირად იმაზე მიუთითებენ, რომ რუსთაველის პოემის გმირთა სამოქმედო ასპარეზი მაქმადიანური ქვეყნებია, ავტორი თუმცა ნამდვილი ქრისტიანი იყო, მაგრამ, იცავდა რა მხატვრულ რეალიებს, მაქმადიანობის ფარგლებს ვერ განშორდებოდაო. ეს ფორმალური არგუმენტია. რუსთავე-

ლის გმირები წლების მანძილზე შემოვიღიან ხმელეთით და ზღვით ამ დროს ცნობილ ყველა ქვეყანას და ვინ დაუშალა რუსთაველს შეეყვანა ისინი, რომელიმე ქრისტიანულ კათედრალში? ქაჯების და დევების ფაქტობრივად გამოშვით თუ კი იყვნენ პოემის გმირები, ქრისტიანული ტაძრების არხიტექტურით რათ არ შეიძლება დაინტერესებულყვენ ისინი.

გარეგნულად პოემაში ვითომ ყველგან მუსულმანური გარემოცვაა დაცული. ფაქტიურად კი ქრისტიანული რიტუალები და დღესასწაულებია აღწერილი: ავტორს ზშირად თითქოს დავიწყებია თავისი გმირების „მუსულმანობა“. აბა რით უნდა ავსხნათ, რომ „მუსულმანი“ ტარიელი გვიყვება:

„მოედანს დავღვი კარვები წითლისა ატლასებისა.

მოვიდა სიძე, გარდახდა, დღე ჰგვანდა არ აღესებისა“ (552)

აღსება ქრისტიანული აღდგომაა, წითელი ფერებით ქრისტიანები სწორედ ამ დღესასწაულს ამკობდნენ და ტარიელიც სწორედ ასე მოგვითხრობს: სიძის მისაღებად მოედანზედ დავღვი კარვები წითელი ატლასებით, სიძე მოვიდა, ეგონა აღდგომის წინაღლებიაო. ქრისტიანული განცდები და ემოციები დასახელებული სტრიქონების დამწერისა უსათუოდ ნათელია, და ეს პოემის ერთად-ერთი ადგილი როდია, — ასეთი ადგილები ბევრი მოინახება. სამაგიეროდ არც ერთი ნამდვილად მუსულმანური რიტუალი, არც ერთი მუსულმანური გართობა პოემაში აწერილი არ არის. ეს გაუთავებელი ღვინის სმა და ლხინი, ცხადია, ქართული ფეოდალიზმის აღწერილობაა და არა არაბეთისა და მუსულმანური ზღვათა მეფისა. ტყუილად შეეცადა აკად. ნიკო მარი ცნობილი „მაჰარისა“ და „მაჰარის“ მაგალითი განემარტა ისე, რომ ირონია არ გამოსულიყო მაჰმადიანობისათვის ჩვეულ ღვინისაგან თავის შეკავებაზე.

ავიღოთ უბრალო რიტუალის დამახასიათებელი ერთი სცენა: გაიგებს რა როსტევენ მეფე ავთანდილის გაპარვას ტარიელის საქმენელად, დიდს გოდებასა და მწუხარებას მიეცემა. რუსთაველი ავკიწერს ტირილისა და გოდების ისეთ სცენას, რომელმაც ტირილის ცერემონიის სახით მე-20 საუკუნემდეც კი მოაღწია ჩვენში:

„ზარი გაისმა, შემოკრბა ჯარი მრავალი კაცისა,

დარბაზს ზასთავან ჯარია ხელითა წვერთა ტაცისა

იგლეჯს და იცემს ყველაი, ზმა ისმის თავსა ტკაცისა“ (825)

ამ სტრიქონების დამწერი შეიძლება ყოფილიყო მხოლოდ ქართველი, აღზრდილი ქართული საეკლესიო და საერო ცერემონიალის მიხედვით. აქ შესანიშნავადაა აღწერილი ჩვენებური ტირილი, რომელიც საუკუნეების მანძილზე უცვლელი დარჩენილა. აქ ნათლად ვხედავთ ქართულ მასობრივ ტირილს, ზარით ტირილს, რომლის დროსაც ყველა მონაწილემ (ეტირება თუ არ ეტირება) უშუალო მონაწილეობა უნდა მიიღოს მწუხარებაში და როცა ცრემლი, მესაიდუმლე გულისა, აღარ ექვემდებარება მოთხოვნილებას, გაჭირვების გარეგნული გამოხატულების სახით, ისმის ზმა „თავსა ტკაცისა“, ე. ი. გასაგონად იტკაცუნებდა ხელს შუბლზე ზარის მონაწილე ყოველი მამაკაცი.

ვინც აჩქარებულ დასკვნას გააკეთებს „ვეფხისტყაოსნის“ ავტორის მაჰმადიანობაზე, ანდა იტყვის, რომ იგი ქართველი მაჰმადიანი იყო, მან უნდა გაჩვენოს მაჰმადიანური მსოფლგაგება და მაჰმადიანური რელიგიური ლიტე-

რატურის ზეგავლენა რუსთაველზე. ყველაფერია, მაგრამ მაჰმადიანური მსოფლგაგების არაფერი არ ახლავს გონების წარმომადგენელს რუსთაველის პოემაში, ე. ი. ავთანდილს. აბა რაა მაჰმადიანური მსოფლგაგების გავლენა ავთანდილის ანდერძში:

„მაქვს საქონელი ურიცხვი, ვერვისგან ანაწონები,
შიეც გლახაკთა საქურჭლე, ათავისუფლე მონები,
შენ დაამდიდრე ყოველი, ობოლი, არასმქონები:
შიღვწიან, მომიგონებენ, დამლოცვენ, მოვეგონები“ (803).

ეს გვიან-რომაელი სტოველებისაგან მომავალი მორალიზმი, ქრისტიანობის პუმანიზმის მანტიაში გამოწყობილი, მაღალი საშუალო საუკუნეების დამახასიათებელი თქმაა და მას, საერთო არაფერი აქვს მაჰმადიანობასთან.

მეორეს მხრივ, თუ პოემას გულდასმით წაეკითხავთ, შიგ ალმოვაჩნებთ უამრავ აფორიზმს, გამოთქმას და ცნებას, რომელიც პირდაპირ აღებულია ქართული საეკლესიო ენიდან და სტილიდან. პოემაში ათჯერ კი არა, ასჯერ გვხვდება ქართული საეკლესიო მწერლობიდან აღებული ისეთი ქრისტიანული ეპიტეტები, როგორც არის მოციქულნი (791, 1045), „კურთხეულ არს“ (272, 1454) და სხვ.

მეტის თქმაც შეგვიძლიან: როცა პოემის გმირები ღმერთს მიმართავენ, ყველგან ისინი თავიანთ აზრს თუ ვედრებას ქრისტიანული საეკლესიო ენით გამოსთქვამენ. ასეთი მაგალითის შედეგს წარმოადგენს „ლოცვა ავთანდილისა“, რომლისათვის რუსთაველს თუ რომელიღაც ინტერპოლატორს კიდევაც მიუწერია „მიზგიას“. გარეგნულად ყველაფერი რიგზეა, ცხადია, მაჰმადიან ავთანდილს თავისი უკანასკნელი ლოცვა ჯამეში უნდა ეთქვა. მაგრამ როცა ვკითხულობთ

„ილოცავს, იტყვის: „მაღალო ღმერთო, ხმელთა და ცათაო.
ზოგჯერ მომცემო პატივთა, ზოგჯერ კეთილთა მზათაო,
უცნაურო და უთქმელო, უფალო უფლებათაო,
მომეც დათმობა სურვილთა, მფლობელო გულის-თქმათაო!“ (809),

მაშინ უფრო ცხადი ხდება, რომ ეს არ არის მაჰმადიანური ლოცვა. ამ ლოცვის ენა და ტონება ქრისტიანულ საეკლესიო მწერლობას ეკუთვნის. ღმერთი დახასიათებულია, როგორც უცნაური, უთქმელი, უფლებათა უფალი. წაეკითხოთ მეორე ადგილი, რომელიც ასე ვთქვათ, უფრო პოპულარულია:

„ასმათ თქვა: „ღმერთო, რომელი არ ითქმი კაცთა ენითა,
შენ ხარ სავსება ყოველთა, აგვავსებ მზეებრ ფენითა;
გაქო, ვით გაქო, რა გაქო, არ საქებელო სმენითა!
ღიდება შენდა, არ მომკალ, ამათთვის ცრემლთა ღენითა!“ (917)

ქრისტიანული ბუნება ამ ლოცვისა, ქართული საეკლესიო ენა მისი იმდენად ცხადია, რომ მტკიცებაც არა სჭირდება. ცნობილი ქრისტიანული დოგმატი ახასიათებდა ღმერთს, როგორც „სავსებას ყოველთა,“ რომელიც „არ ითქმოდა კაცთა ენითა,“ ქებასა და სმენაზე მაღლა იდგა. გადაშალეთ, თუ გნებავთ, იოანე დამასკელის „წყარო ცოდნისა“, მეორე დოგმატური ნაწილი, რომელზედაც ახალგაზრდობაში შეიძლება აღიზარდა თვითონ რუს-

თაველი და რომელიც ქართული დოგმატიკონის საფუძველი იყო, წაკითხეთ მისი „მართლმორწმუნე სარწმუნეობის ზუსტი დალაგება“ და ნახავთ იმ ღმერთს, რომელიც არის „უცნაური“, „უთქმელი კაცთა ცნებათა“, „სავსება ყოველთა“, „უფალი უფლებათა“, და სხვა, დამასკელთან „ქმის“ შემადგენელ პსევდო-დიონისე არეოპაგელის ნეოპლატონურ ცნებათა ენისაგან მოდიოდა; მაგრამ აიღეთ უფრო ძველი ქრისტიანული წყარო, ღმერთზე უშუალოდ პლატონის ენით მოსაუბრე ნეოპლატონიზმისაგან ჯერ კიდევ დამოუკიდებელი ორიგენედან ამოსული კაპადოკიელი მამები ან და აგრეთვე უშუალოდ პლატონიდან ამოსული „ნეტარი“ ავგუსტინე და ნახავთ ამავე ღმერთს, უკვანტიტეტოდ უდიდესს, უკვალიტეტოდ უღირსესს, უსინათლოდ უნათლესს, უცნაურს და უთქმელს კაცთა ენითა, მთლად სიტყვას და მთლად სავსებას ყოველთა, ე. ი. ნახავთ იმავე ღმერთს, რომელსაც რუსთაველის გმირები ევედრებიან.

ზოგიერთები, რომლებიც სტატიების წერისას სხვისგან განაგონი არგუმენტებით ვარჯიშობენ, „ავთანდილის ლოცვის“ შესახებ ამბობდნენ, რომ ეს ნეოპლატონური წარმართული ლოცვააო. არგუმენტად მოტანილია ის, რომ აქ ღმერთი დახასიათებულია, როგორც მიუწვდომელი ადამიანის აზრისა და ენისათვის. როგორც ვთქვით, ასეთი „ნეოპლატონიზმი“ მოიპოვება ყოველს ქრისტიანულს დოგმატიკონში; მეოთხე სახარება და აპოკალიპსისი მთლიანად ასეთს მსოფლგაგებაზეა აგებული.

ამრიგად, ნათელია, რომ რუსთაველის ამოსავალი გზა ქრისტიანობაა, ქრისტიანული მისი სტილი და მწერლობა, მაგრამ ქრისტიანობა არ არის რუსთაველის მსოფლმხედველობის ნაცსაყუდელი. ქრისტიანული ღმერთი არ არის ის გონებისა და განგების სინთეზი, ის მონოთეისტური სინათლე, რომელსაც რუსთაველის შემოქმედების სიმპატია და იღვა ეკუთვნის.

იცავს რა თავის გმირების გეოგრაფიასა და გარემოცვას, იგი მოქმედებას გამოუკლებლივ მამამდიანური კოლორიტის მიხედვით ანვითარებს, მაგრამ ავტორის ქრისტიანული ამოსავალი წერტილი თავს იჩენს იქ, სადაც მის გმირებს ლოცვა და სარწმუნოება სჭირდებათ, ისინი ამისათვის ქართული საეკლესიო ენით ლაპარაკობენ, ეს ენა კი იყო ენა ქართული ქრისტიანობისა. ლოცვის ცნებაც კი რუსთაველს ქრისტიანული აქვს.

მაგრამ რუსთაველური ლეტაების ცნება არ არის ქრისტიანული. აი ეს გარემოება გვაიძულებს ვეძებოთ სხვა წყაროები რუსთაველის ღმერთისათვის. რადგან ქრისტიანობის იგნორირება რუსთაველის შემოქმედებაში ავტორის ოპოზიციონერობაზე მიუთითებს, ცხადია, ვიკითხავთ ამ ოპოზიციონერობის წყაროების შესახებ.

როგორც ცნობილია, მე-11-12 საუკუნეში ოფიციალური ქრისტიანობის შიგნით დიდი ოპოზიციური მოძრაობა არსებობდა. ეს იყო ქრისტიანული მანიქეველობა. ბიზანტიის მოხუცებული სხეული, მისი დრომოქმული ეკლესია, შიგნიდან დაჯიშული და გადაგვარებული, დიდს გასაჭირსა და ვიკვალახში ჩაავდო მანიქეველური სექტის მოძრაობამ. მთელი ბიზანტია ძრწოდა მანიქეველობასთან ბრძოლის გამო. მანიქეველობა ბიზანტიაში ხშირად პოლიტიკური ბრძოლის სარჩული იყო; მას ლებულობდნენ უცხო ხალხები, ექსპლოატირებულნი დრაკონული იმპერიის მიერ. ასე, მაგ., მე-12 საუკუნეში იგი ბულგარეთის ნაციონალური მოძრაობის იდეოლოგიას წარმოადგენდა.

ჩვენი საისტორიო წყაროებისა და ქრონიკების მიხედვით, შემდეგში გამოჩენილი ზოგი ქართველი საეკლესიო მოღვაწე, გელათის მონასტრისა და „აკადემიის“ დიდებულო, ჯერ კიდევ კონსტანტინეპოლში ცხოვრობდნენ. ერთ-ერთი მათგანი მე-12 საუკუნის დასაწყისში მანიქეველობამ დაუფლება დაუწყო ბიზანტიის დედა-ქალაქსაც. 1111 წლის დიდი ტრაგედია და ამის მომდევნო ამბები იოანე პეტრიწმა თუ არსენ იყალთოელმა ჯერ კიდევ კონსტანტინეპოლში საკუთარი თვალებით ნახეს. ბრძოლას მანიქეველობის წინააღმდეგ მეთაურობდა თვით იმპერატორი ალექსი კომნენი. სხვა საშუალებით რომ ვერ ჩააქრო არასასურველი მოძრაობა, ამ „ბრწყინვალე“ იმპერატორმა შემდეგ მუხანათურ ხერხს მიმართა: გაიციო მანიქეველობის ბელადი. ვინმე ექიმი ბასილე, მოტყუებით ეზიარა მისგან მანიქეველურ სექტანურ საიდუმლოობას, შეისწავლა ახალი მსოფლმხედველობა, ამასთან ერთად გაიციო სექტის ორგანიზაცია და გამოსტყუა ამ ბასილეს მთელი საიდუმლოება. ყველაფერი რომ გაიგო, უეცრად შეიპყრო ბასილე და ორგანიზაციის ყველა მეთაური. 1111 წელს ასიათასი მაცურებლის თანდასწრებით კონსტანტინეპოლის გამოჩენილ ჰიპოდრომზე დასწვეს ეს ბასილე და შემდეგ გაანადგურეს მათი ორგანიზაცია უსასტიკესი ზომებით. ეს დევნა ქრისტიანობის შიგნით წამოჭრილი სექტისა მთელი საუკუნის მანძილზე გრძელდებოდა ბიზანტიაში.¹⁾

შეუძლებელია ამას და ამის მომდევნო ამბებს ქართველი მოღვაწეების და თუ გინდ რუსთაველის მხედველობის გარეშე ჩაეგლოთ. როგორც ცნობილია, ბიზანტიური ეკლესია და, ცხადია მასთან ერთად ქართულიც მე-12 საუკუნეში ყოველნაირ ოპოზიციურ მოძრაობასა და სექტანტობას მანიქეველობას უწოდებდა. შეიძლება რუსთაველი მანიქეველურ მოძრაობას თანაუგრძნობდა და თავისი ოპოზიციონერობა ოფიციალური ქრისტიანობის მიმართ აქედან აიღო. რუსთაველს, როგორც სპარსულ-არაბული ენისა და ლიტერატურის მცოდნეს, შეიძლება არა მხოლოდ მანიქეველობის ჭურჭში ნებით თუ უნებლიეთ გახვეული ქრისტიანული სექტანტობა, არამედ თვითონ ნამდვილ მანიქეველობაც, მისი ისტორია და მსოფლმხედველობაც სცოდნოდა. მან ნამდვილად იცოდა თავისი დროის სპარსულ-არაბული ნეომანიქეზმიც. იმ ეპოქის არაბული ფილოსოფიური მწერლობა ხომ დღემდე უდიდესი და უებრო წყაროა მანის მსოფლმხედველობისა და მოღვაწეობის გასაცნობად.

ამიტომ შეიძლება პატივცემული მკვლევარი პავლე ინგოროყვა მართალი იყოს, ე. ი. რუსთაველის ოპოზიციური მსოფლმხედველობა მანიქეველური წყაროებიდან საზრდოობდეს. ისტორიულად აქ შეუძლებელი არაფერია. მაგრამ ამ შემთხვევაში მანიქეველობა „ვეფხისტყაოსანში“ უნდა აღმოჩნდეს. არის თუ არა იგი იქ? ამ საკითხის გადასაწყვეტად სწორედ უდიდესი მნიშვნელობის მქონეა ღმერთის ცნება: თუ რუსთაველი მანიქეველია, ცხადია, მისი ღმერთი უპირველეს ყოვლისა მანიქეველური უნდა იყოს.

მანიქეზმი არის მკაცრი დუალიზმი. სამართლიანად უწოდებს მის ჰარნაკი „დუალისტურ მსოფლიო რელიგიას“.²⁾ თვითონ მანის მოძღვრების

¹⁾ იხ. V. Döllinger: „Beiträge zur Sektengeschichte des Mittelalters. I Teil.

²⁾ იხ. Ad. Harnack: Lehrbuch der Dogmengeschichte. ტომი I, გვ. 738.



თანახმად, დასაბამიდან არსებობს ორი ღმერთი: ღმერთი სარკვან — ღმერთი სინათლისა და გონების, მეგობარი სიკეთისა, ღმერთი მანბედი — ღმერთი ბნელეთის და ბოროტებისა¹⁾.

მანიქვეელობის ყოველი გამოვლინება საშუალო საუკუნეებში ინარჩუნებს პრინციპული დუალიზმის სახეს. პირველად სომხეთში წარმოშობილი (VII) მანიქვეელოურ-ქრისტიანული სექტა პავლიკიანებისა ასწავლის აგრეთვე არსებობას ორი ერთმანეთისაგან მთლიანად დაშორებული ღმერთისას. ამას ემატება გნოსტიკური მოძღვრება ორი სამყაროს არსებობის შესახებ და პოლიტიკური დუალიზმი ორი სწორუფლებიანი მეფის შესახებ. პრინციპულად ამასვე იმეორებს მე-XI საუკუნეში ბულგარეთში წარმოშობილი ბოგომილობა და შემდეგ ბიზანტიასა და დასავლეთში ფართოდ გავრცელებული მანიქვეელოურ-ქრისტიანული სექტანტობა.

მე-12 საუკუნეში ეს ნეომანიქეიზმი ანუ კათარობა, როგორც ცნობილია, მთელს დასავლეთს მოედო. მოძრაობა ისე გაფართოვდა, რომ მანიქვეელოური პაპა ვინმე ნიკეტაც კი იქნა არჩეული. მანიქვეელობის ისტორიკოსი საშუალო საუკუნეებში დოლინგერი სწერს, რომ მე-12 საუკუნის დამლევს ევროპის ყოველ ქალაქში არსებობდა მოზრდილი მანიქვეელოური საიდუმლო საზოგადოებაო და „რომ იგი ხმლით არ აღმოეფხვრათ, მთელს ევროპას დაიბყრობდაო“²⁾, ვიცით ისიც, რომ ასეთი სექტა მე-12 საუკუნის საქართველოშიც არსებობდა.

რით აიხსნება ამ მოძრაობის ასეთი მიმზიდველობითი ძალა? მხოლოდ იმით, რომ ეკლესიის მიერ შეწუხებული და შევიწროებული კაცობრიობა მანიქვეელოურ სექტანტურ მოძრაობაში ხედავდა ოპოზიციის ოფიციალური ეკლესიის წინააღმდეგ. მასებისათვის მიმზიდველი იქნებოდა, ცხადია, ეს ახალი მოძღვრება, რომელიც ამტკიცებდა, რომ ზუცობა მთლიანად სატანაიოლს, ე. ი. ეშმაკის ღმერთს ემსახურება და ამიტომ ჩვენი ინტერესის გამომხატველი არ არისო.

არსებითად ეს მოძრაობა მანის გნოსტიკურ დუალიზმს ემყარებოდა; გარეგნულად იგი ქრისტიანობის ქურქში იყო გახვეული. მაგრამ ამ სამოსელშიაც მოძღვრების მკაცრი დუალისტური ბუნება შენარჩუნებული იყო. მანიქვეელოური გნოსტიკა დასაბამიდანვე ორი სწორ-უფლებიანი ღმერთის არსებობის შესახებ ქრისტიანულ ენაზე გადმოითარგმნა ასე: სატანაიოლი, ე. ი. ბნელეთის და ბოროტების ღმერთი არის ღმერთი ძველი აღთქმისა, სინათლისა და სიკეთის ღმერთი კი არის ღმერთი ახალი აღთქმისა, ღმერთი ქრისტეს სახით გამოცხადებული.

X-XI საუკუნეებში მაჰმადიანობის შიგნითაც დაიწყო სექტანტური მოძრაობა. საინტერესოა აღინიშნოს, რომ აქაც ეს მოძრაობა მანის დროშით მიმდინარეობდა. მაჰმადიანური ოფიციალური კლერიკალობა აქაც ხმლითა და ცეცხლით გაუმასპინძლდა არაბულ ნეომანიქეიზმს. მსოფლმხედველობრივად არაბული ნეომანიქეიზმიც მკაცრ დუალიზმს იცავდა.

ერთის სიტყვით, რა სამოსელშიც არ გამოეწყო მანიქვეელობა საუკუნეების მანძილზე, იგი მაინც პრინციპულ დუალიზმად დარჩა, და ვინც რუს-

¹⁾ იხ. Döllinger: Beiträge zur Sektengeschichte des Mittelalters. Erster Teil. Geschichte der gnostisch-manichäischen Sekten გვ. 125.

²⁾ იქვე.

თაველის მანიქეველობაზე ლაპარაკობს, მან რუსთაველის დედას გაგებაში ეს დუალიზმი უნდა აღმოაჩინოს. ამის აღმოჩენა კი შეუძლებელია, რადგან რუსთაველი პრინციპულად საწინააღმდეგო პოზიციებზე იგი დუალიზმის მოწინააღმდეგეა, როგორც ქვეყნიური ისე ზეცურის მანიქეველობის საქმეებში.

ამ საერთო ხასიათის შენიშვნის გარეშე ჩვენს განკარგულებაში არის კონკრეტული ფაქტი, რომელიც ნათლად ამტკიცებს, რომ რუსთაველს საერთო არაფერი ჰქონია მანიქეველობასთან, არც კლასიკურთან და არც მის ქრისტიანულ-სექტანტურ სახერხასთან.

ჩვენ მხედველობაში გვაქვს სახელგანთქმული ასტრალური ხორალი შვიდი პლანეტის სადიდებლად, რომელსაც ვალობს ფრიდონისაყენ მიმავალი ავთანდილი. ეს შექება შვიდი პლანეტისა პირველად, როგორც ცნობილია, ბაბილონიაში წარმოიშვა. შემდეგ იგი მთელს აღმოსავლეთში გავრცელდა. მითრას სარწმუნოების გზით დასავლეთშიაც გადავიდა და ნეოპლატონურს მისტერიებშიც ნახა გამოძახილი. მანის მოძღვრების როგორც გნოსტიკურ, ისე ლიტურგიულ ნაწილში ეს შვიდი ღმერთისა და შვიდი მნათობის სარწმუნოება ცენტრალურ მომენტს წარმოადგენს.

შვიდი ღმერთისა და შვიდი მნათობის მისტერიას მანი უერთებს შვიდი ადამიანური სიბრძნისა და ქეშმარიტების ლეგენდას. „მანის მიხედვით, — სწერს შეფტელოვიჩი, — არსებობდნენ შვიდი მალაღებელი ქეშმარიტებისა, ადამი, სეთი, ნოე, ბუდდა, ზარატუსტრა, იესო, და მანი¹⁾. თავის თავს მანი აცხადებდა იესოს მოძღვრების დამამთავრებლად, მის პარაკლეტად, თუმცა ფიქრობდა, რომ მეშვიდე ადამიანური სიბრძნე, გამოშხატველი შვიდი ღვთაების საიდუმლოებისა, ერთ მთლიანობას წარმოადგენდა. ერთის სიტყვით, მანის მოძღვრება იყო რელიგიური სინკრეტიზმის იშვიათი სახე.

მაგრამ, მიუხედავად ამისა, მანი ცდილობს თავის მოძღვრებას ერთგვარი ორიგინალური სახე მისცეს და გარკვეულად განასხვავოს იგი სხვა მოძღვრებებისაგან. განსაკუთრებით ცდილობს იგი გარკვეულად გაიმიჯნოს ბაბილონური მანდივიზმისაგან და ირანული მითრას კულტიდან, ე. ი. სწორედ იმათგან, რომლებსაგანაც მან ყველაზე მეტი ისესხა. და გამიჯვნას იგი სწორედ შვიდი პლანეტის კულტის თავისებური გადამუშავებით აღწევს. მანის მოძღვრების თანახმად, შვიდ ღვთაებას შორის მთვარე მთავარი ღვთაებაა. თვითონ მზე ექვემდებარება მთვარეს. თვითონ მზე მთვარისაგან სესხებულობს სინათლესა და ძალას. მართალია, მთვარის შემდეგ იგი მზეს უთმობს პირველობას, მაგრამ მზის ძალა და სინათლე მაინც მთვარის მეშვეობით არსებობს. მანის ერთ-ერთ ტექსტში მთვარე მოხსენებულია, როგორც „მთვარე-ღმერთი, მკვდართათვის სიცოცხლისა უკანვე მზოდებელი“ და სხვ. თუ რუსთაველი მანიქეველი იყო, ცხადია, მას მანის მოძღვრება უნდა გაეზიარებინა, და აუცილებლად შემთხვევა ჰქონდა გამოემყდენებინა ეს ავთანდილის დასახელებულ ასტრალურ ვალობაში. მაგრამ ავთანდილი ამ ხორალს ვალობს სწორედ ანტიმანიქეველური გაგებით. რუსთაველს პირველ ღვთაებად მზე გამოჰყავს:

¹⁾ იქვე. გვ. 36.



„მიმავალი ცასა შესტირს, ეუბნების, ეტყვის მზესა:
 „აჰა, მზეო, გააჯები შენ, უმძლესთა მძლეთა მძლესთა, მძლესთა
 ვინ მდაბალთა გაამალღებ, მეფობასა მისცემ, სვესაჲ მისცემსა
 მე ნუ გამყრი საყვარელსა, ნუ შემიცვლი ღამედ ღღესა“ (957).

მთვარეს კი ავთანდილი ეუბნება მხოლოდ:

„მო, მთვარეო, შემობრალე, ვილევი და შენებრ ვმჭლდები,
 მზე გამაქვებს, მზევე გამლევს, ზოგჯერ ესხლდები, ზოგჯერ ვწვლდები“
 (963).

ავთანდილი თავის თავს მთვარეს აღარებს, ზოლო თავისი სიყვარულის საგანს, ე . ი. თინათინს—მზეს. სხვა ადგილს იმავე ავთანდილის შესახებ რუსთაველი სწერს: „მთვარესა ეტყვის: „იფიცე სახელი ღმრთისა შენისა“ (839)

ერთის სიტყვით, წარმოუდგენელია, რომ მანიჭველ პოეტს მთვარე ასე უმნიშვნელო და ძლიერებისა და ძალის მზისაგან მიმღებ ღვთაებად დაესახა. მანიჭველურ მოძღვრებაში „უმძლესთა მძლეთა მძლე“ იყო მთვარე და არა მზე, მთვარე თვითონ იყო უმაღლესი ღვთაება და წარმოუდგენელია მანიჭველს მთვარისათვის მიემართა: „იფიცე სახელი ღმრთისა შენისაო“. მზე ასე მაღლა მდგომი იყო ირანულს მსოფლმხედველობაში და განსაკუთრებით მოგვიანო სასანიდების ეპოქის პარსიზმში. შეფტელოვიჩი სწერს, რომ „მოგვიანო სასანიდების ეპოქაში შეიღი მნათობის გაღმერთებამ საპატიო ადგილი მოიპოვა პარსიზმში“-ო¹⁾ და ბუნებრივია, თუ ვიფიქრებთ, რომ მოგვიანო სასანიდების პარსიზმში თავისი მზის კულტით და სპარსული შამადიანობის დიდი მწერლების ლიტერატურული მეგვიდრეობა იყო დასაყრდენი რუსთაველის ხორალისათვის და არა მანიჭველობა.

საინტერესოა აღვნიშნოთ კიდევ ერთი გარემოება. რუსთაველთან ხშირად გვხვდება სინათლის კულტი. იოანე პეტრიწის პროკლეს კომენტარებშიც უხვად არის გამოყენებული სინათლის მეტაფიზიკა. შეიძლება ვინმემ პირველი დაუკავშიროს მანიჭველობას და მეორე ნეოპლატონიზმს. ბევ-

¹⁾ სპეციალურ ლიტერატურაში იმ საკითხის შესახებ, თუ საიდან აიღო მანამ მთვარის კულტი, დიდი დავა სწარმოებ. რაიტცენშტაინი (იხ. Die Vorgeschichte der christlichen Taufe) ამტკიცებს, რომ იგი ირანული მსოფლმხედველობიდან მომდინარეობდაო. როგორც ცნობილია, რაიტცენშტაინმა ქრისტიანული აღდგომის ორჯულიც ირანულში აღმოაჩინა (იქვე, გვ. 72).

წინააღმდეგ ამისა აჩვენებს შეფტელოვიჩი, რომ მთვარის კულტი მანამ სულის გაწმენდას და მაცხოვრობის იდეის გასამართლებლად გამოიყენაო. როგორც ჩანს, — განაგრძობს შეფტელოვიჩი, ეს იდეა საბოლოო ანგარიშით ბერძნების კოსმოგონურ წარმოდგენებამდე დაიყვანება და „მანამ, ვადმოილო რა ბერძნებისაგან იგი, უსათუოდ ბაბილონური ზეგავლენის დამატებით მზეს მიანიჭა მთვარისადმი დაქვემდებარებული მდგომარეობა“. ასეა თუ ისე, ფაქტი ის არის, რომ ძველს რელიგიურ ენოსტიკურ ლიტერატურაში მანის მოძღვრება ერთადერთია, რომელიც მთვარეს პირველობას ანიჭებს ორჯეოსის ღვეწდიდან ნასესხებ ისტორიულ მისტერიაში.

ინტერესს მოკლებული არ არის აღვნიშნოთ, რომ თანახმად პროფ. ივ. ჯავახიშვილის გამოკვლევებისა ძველს ქართულს წარმართობაში მთვარე მთავარ ღმერთად ყოფილა მანინელი. „ყოველგან, სადაც ქართველებს უცხოვრიათ, მთვარის თავყვანისცემის კვალი შერჩენილია; ამის გამო მთვარის, ვითარცა მთავარ-მეუღლისა და ღვთაების თავყვანისცემა, ყველა ქართველი ტომების უძველეს რწმენად უნდა ჩაითვალოს“, „მხოლოდ ასურელებს, ქარანელთა ქართველებს მოაწინაო მთვარე მთავარ ღვთაებად და ამასთანავე შამაკაელ“ (იხ. ი. ჯავახიშვილი: „ქართველი ერის ისტორია“, წ. I, გვ. 54-55). ასე რომ ეს ფაქტები რაიტცენშტაინის შეხედულებას ადასტურებენ. გამოდის, რომ მანამ წინა აზიური წარმართობიდან ისესხა თავისი მთვარე—ღვთის კულტი.

რად უფრო მეტის უფლებით ორივეს დასაბამად იყო ქრისტიანული გნოსტიციზმი, იოანეს სახარება. მართალია, რომ მანიქვეელობა მუდმივ სინათლის კულტს, სინათლის ღმერთებს თავს დასტრიალებს¹⁾. ნეოპლატონიზმი არა ნაკლებად ეყრდნობა სინათლის კოსმოგონიას, მაგრამ ნუ დაიწყებთ, რომ ქრისტიანობაც მთლიანად იზიარებდა სინათლის მეტაფიზიკას.

მეოთხე სახარების ავტორი მაცხოვარს პირდაპირ „ქვეყნის სინათლეს“ (8,12) უწოდებს, და ქრისტიანულ ფილოსოფიას მომდევნო საუკუნეებში არა ერთხელ განუახლებია სინათლის მეტაფიზიკა. ხოლო მე-19 საუკუნეში მოხუცმა ფისტემ სინათლის მეტაფიზიკა, იდეალიზმის ეს უკიდურესი სახეობა რომ განაახლა, არც ნეოპლატონიზმს დაყრდნობია და არც მანის მოძღვრებას, არამედ მხოლოდ და მხოლოდ მეოთხე სახარების ქრისტიანულ დოგმატიკას. ე. წ. ალექსანდრიელი „მამები“, ე. ი. კლემენსი და ორიგენე ქრისტიანული დოგმის პლატონიზმზე აშენებისას უხვად იყენებდნენ სინათლის მეტაფიზიკას და არა იმიტომ, რომ ისინი მანის მოძღვრებას იცნობდნენ ან ნეოპლატონიზმს, არამედ მხოლოდ იმიტომ, რომ ქრისტიანული დოგმისა და გნოსტიკის შემქმნელები, მანიქვეელობა, ნეოპლატონიზმი და კიდევ ბევრი რამ დასახელებული ეპოქაში ამოდიან ერთი საერთო სათავეიდან.

როგორც ვიცით ქრისტიანობის, მანიქვეელობის, ნეოპლატონიზმის, მითრაიზმისა და სხვა რელიგიური მსოფლგაგებისა და გნოსტიციზმის წყარო იყო „უძველესი ბაბილონური რელიგია, ეს პირველი წყარო წინააზიის ყველა რელიგიური გნოსტიციზმისა“²⁾, რუსთაველისათვის კი „სინამდვილის ფილოსოფიის“ უშუალო წყარო შეიძლება ყოფილიყო არა მანიქვეელობა, არამედ ქართული საეკლესიო ფილოსოფიური მწერლობა, მაგ., იოანე პეტრიწი. ქრისტიანული თეოლოგიაზე და ფილოსოფიაზე განათლებულ კაცს არ შეეძლო გვერდი აეგლო სინათლის მეტაფიზიკისათვის³⁾.

¹⁾ ერთ-ერთ ძველ მანიქვეელურ ლოცვაში ნათქვამია მანის შესახებ: „ერთხელ არს ჩვენი ბელადი, პარაკლეთი, მაცხოვარი სინათლისა“ იხ. Kessler: „Mani und Manichaer,“ Real-Enzyklop. für protestantische Theol. und Kirche, Bd. XI. გვ. 246.

²⁾ იხ. Kessler-ის დასახელებული შრომა, გვ. 256.

³⁾ პატივ. პავლე ინგოროყვა „ვეფხისტყაოსნის“ სათბილყო გამოცემის წინასიტყვაობაში სწერს: „შოთა ჭიდაგებს სინათლის მატერიალიზმს“. სამწუხაროდ, უნდა აღვნიშნოთ, რომ ტერმინი „სინათლის მატერიალიზმი“ ყოველივე აზრს მოკლებული გამოთქმაა.

რამდენადაც ვიცით, რუსთაველის სინათლის ფილოსოფია პატივ. პავლე ინგოროყვას მანიქვეელური თეორიიდან გამოჰყავდა. გამოდის, რომ მაინც სინათლის მატერიალიზმს ჭიდაგებთ! „სინათლის მატერიალიზმი“ წინააღმდეგობის შემცველი გამოთქმაა, რაც შეეხება სინათლის ფილოსოფიას, ეს კი მოეპოვება რუსთაველს, მაგრამ ეს ხომ ქრისტიან მწერალს ყოველივე მანიქვეელობის გარეშე თვითონ ქრისტიანობისაგან შეეძლო აეღო.

მეტის თქმაც შეიძლება. ეტყობა როცა ქართული ეკლესია და ქართული თეოლოგიური მსოფლგაგება ყალიბდებოდა, ქრისტიანობის სინათლის კულტად გაგებას მოეპოვებოდა, ამა რით ავსნათ საბელწოდება ერთ-ერთი მოთავარი ქრისტიანული საკრამენტისა, ე. ი. მონათვლისა. ეს სიტყვა ხომ სინათლის მეტაფიზიკის განცდის ნიშანდგება არის წარმოშობილი. ადამიანი ხდება ქრისტიანი სინათლის მიშვევებით, მასზე გადმოდის ნათელი, ეს არის მისი მონათვლა. ფიქრობ, ქრისტიანებში მეორე საეკლესიო ენა არ მოიხატება, რომელიც ასე გამოხატავდეს სინათლის ქრისტიანული მეტაფიზიკის ბუნებას.

ამიტომ უმართებულად მიგვაჩნია ის გარემოება, რომ პ. ინგოროყვას სინათლის ფილოსოფია სერს გამოიყენოს რუსთაველის ქრისტიანული მსოფლმხედველობიდან განდგომის საფუძვლად. ქრისტიანობა თვითონ შეიცავდა ამ სინათლის ფილოსოფიის, სინათლის ფილოსოფიიდან ნატურალიზმამდე და მატერიალიზმამდე არავითარი პირდაპირი გზა არ არსებობს.

მაგრამ არა ქრისტიანული წყაროებიდან მანიქეველობაზე მეტი მნიშვნელობა სინათლის კულტის შეთვისებაში შეიძლება ჰქონოდა ნეოპლატონიზმს. შეიძლება ნეოპლატონური ღვთაების და რელიგიის მორწმუნე ეპოქა რუსთაველი. განვიხილოთ ეს პრობლემაც, თუმცა იგი მოდალობის არც ერთი კატეგორიის არეში არ შემოდის, ე. ი. ის არ ყოფილა არც შესაძლებელი, არც აუცილებელი და არც ნამდვილი. შეუძლებელი იყო ეს იმიტომ, რომ რუსთაველის ეპოქაში ნეოპლატონიზმს თავისი საკუთარი ღმერთი აღარ ჰყოლია, მე-5-6 საუკუნიდან მან კათოლიკური ქრისტიანობის ღმერთი მიიღო და თავისი დიალექტიკითა და სქოლასტიკით ამ ღმერთის ცნების ირგვლივ ჩხირკედელაობდა.

ღმერთის ცნებასაც რომ თავი გავანებოთ, საერთოდ ბევრი თქმულა და დაწერილა რუსთაველის ნეოპლატონელობაზე. და როცა ჩვენ ეს ლიტერატურა გულდასმით გადავიკითხეთ, გაკვირვებულნი დავრჩით. ერთხელ აკად. ნიკო მარის მიერ ჰიპოთეზურსა და პრობლემატურს ფორმაში გამოთქმულს აზრს, იგიც არა რუსთაველის ნეოპლატონიკობაზე, არამედ ნეოპლატონურ-ქრისტიანულ მწერლობის ზეგავლენაზე, შემდგომი ავტორები კატეგორიულ დებულებად გადააქცივეს და ყოველივე დამტკიცების გარეშე რუსთაველს ნეოპლატონურ ფილოსოფიურ სკოლის ადვკატად აცხადებენ. არგუმენტის მაგივრად იმეორებენ იმ ორ სტროფს პოემიდან, რომელიც ნიკო მარმა დაასახელა, მაგრამ ვიმეორებთ, არა რუსთაველის ნეოპლატონიკოსობის დასამტკიცებლად, არამედ იმის საჩვენებლად, რომ ნეოპლატონურ-ქრისტიანულ ქართულ მწერლობას რუსთაველი იცნობდაო¹⁾. არც ერთს და არც მეორე სტროფში, როგორც ეს ჩვენ უკვე ვაჩვენეთ, არავითარი ნეოპლატონური ფილოსოფია არ არის მოცემული. საინტერესოა აღვნიშნოთ, რომ ნეოპლატონიზმის ცოდნას მართლაც გვიჩვენებს „ვეფხისტყაოსნის“ რამდენიმე ადგილი, მაგრამ დღემდე ეს ადგილები არავის დაუსახელებია ლიტერატურაში. იგი გამოჩნა ნიკო მარს, და ბუნებრივია, რომ სხვებსაც გამოჩნებოდა!

მაგ., ასეთი ადგილია 836 და 837 სტროფი უკვდავი პოემისა, სადაც ტარიელისაყენ მეორედ მიმავალი ავთანდილის შესახებ სწერს რუსთაველი:

„იტყვის: „ჰე, მზეო, ვინ ხატად გოქვეს მზიანისა ღამისად
ერთ-არსებისა ერთისა, მის უფამოსა ჟამისად,
ვის ხატად ღმრთისად გიტყვიან ფილოსოფოსნი წინანი,
ბედსა ნუ მიცვლი, მიაჩე შეყრამდის ჩემად და მისად
ვის ხატად ღმრთისად გიტყვიან ფილოსოფოსნი წინანი,
შენ მიშველე რა ტყვე-ქმნილსა, ჯაჭვი მამიან, რკინანი!“

ვინ არიან ეს „ფილოსოფოსნი წინანი“, რომლებსაც მზე გამოუტყხადე-ბიათ „ღმერთის ხატად?“ ვინ არიან ისინი, რომლებიც ასწავლიდნენ, რომ მზე არის ხატი „ერთ-არსებისა ერთისა, მის უფამოსა ჟამისა“-ო. ცხადია, რომ ეს ნეოპლატონიკოსები იყვნენ. ნეოპლატონური მეტაფიზიკა ასწავლიდა, სახელდობრ, რომ მზე არის კოსმიური ხატი უმაღლესი ღვთაებისა, რომელიც არის მთლად გონება და მთლად სული, ერთი და განუყოფელი, ამიტომ

¹⁾ იხ. Н. Марр: „Вступительные и заключительные строфы, Витязь в барсовой шкуре“, 1910 г.

მატერიალური პრედიკატების მიმართ, როგორც არის სინათლე და ეამი და სხვა—ნეგატივი. რუსთაველი გენიალურად ახასიათებს ამ უცნაურ, ნეგატიურ დიალექტიკას: იგი, ე. ი. ღმერთი არის ერთ-არსება ერთისა და მეორისა და ეამი უეამო.

მზე ღმერთი კი არ არის, ნეოპლატონიზმის თანახმად, არამედ მხოლოდ მატერიალური ხატი და ამიტომ დაბალი ფორმა ღვთაებისა. თვით ეპიტეტი „ფილოსოფოსნი წინანი“ ნათლად მიგვითითებს აქ დალაგებული მსოფლმხედველობის ბერძნულს წყაროზე. მე-12 საუკუნის ქრისტიანი ავტორისათვის „ფილოსოფოსნი წინანი“ ბერძნები იყვნენ.

მაგრამ საჭიროა ვიკითხოთ, ამ სტროფებიდან გამომდინარეობს თუ არა ის, რომ რუსთაველი ღვთაებასა და მზეზე იმავე შეხედულებისა იყო, როგორისაც ეს „ფილოსოფოსნი წინანი“, ე. ი. ნეოპლატონიკოსები? რასაკვირველია, არა. აქ გამომქვადებულია არა საკუთარი რწმენა და მსოფლმხედველობა პოემის ავტორისა, არამედ მისი მრავალმხრივი ერუდიცია. რუსთაველი სრულიად არ ამტიკეებს, რომ, მისი აზრით, მზე ღვთაების ხატია, ე. ი. მზიანი ღამის და უეამო ჟამის მატერიალური ორეულია, არამედ რუსთაველი აქ მხოლოდ იმას ამბობს, სხვებმა „გთქვეს, მზე“, ასეთადო, ე. ი. მან ბევრი რამ იცის მზის სადიდებლად და, სხვათა შორის, იგიც, რომ ძველად ფილოსოფოსებმა სთქვეს, მზე ეს და ეს არისო. ეს ადგილი ამქვადნებს ნეოპლატონური ფილოსოფიის მშვენიერ ცოდნას რუსთაველის მიერ და არა მის ნეოპლატონიკოსობას.

ნეოპლატონური „ერთ-არსება ერთისა“ არ ყოფილა რუსთაველის ღმერთი. ნეოპლატონურ ერთ-არსებას დამოუკიდებელი ღვთაების სახით რუსთაველამდე აღარ მოუღწევია. ახლა იგი იყო სამპიროვანი ერთარსება ქრისტიანული კათოლიციზმისა და რამდენადაც ნეოპლატონური ინტერპრეტაცია ერთ-არსებისა ღმერთის პირების დროში თანდათანობითს წარმოშობას სცნობდა, იგი შეიძლება ქრისტიანიზმის ძირითად დოგმატს, დადგენილს ნიკეის კონცილზე, ეწინააღმდეგებოდა, — გარემოება, რომელიც ოპოზიციასა და ბრძოლას იწვევდა ქრისტიანული ეკლესიის ოჯახში, — მაგრამ ამოა იქნებოდა თეოლოგიის ეს სადაო საკითხები რუსთაველთან გვეძენა.

ნეოპლატონური დემონოლოგია ისე შორსაა რუსთაველისაგან, რომელმაც ქართული დემონური ზღაპარი ქაჩების შესახებ უარპყო და ქაჩები კაცთა მოდგმად გამოაცხადა, როგორც ცა დედამიწისაგან. და თუ ასტრალურ პლანეტ-ღვთაებათა მიმართ ვალობისას რუსთაველი გარკვეულად მზის პრიორიტეტის მსოფლმხედველობას წარმოადგენს, ამის წყარო ნეოპლატონიზმზე უფრო მეტად შეიძლება რუსთაველის დროის არაბული ასტრონომია და პარსიზმი ყოფილიყო. ეს გარემოება თავისთავად ბადებს საკითხს რუსთაველის დამოკიდებულებების შესახებ ირანის ძველ და ახალ მსოფლმხედველობასთან.

არის მართლა მზე რუსთაველის უმაღლესი ღვთაება? ამ საკითხზე ბევრი აზრი გამოთქმულა. ზოგიერთებმა სპარსული მითრის ძველ ინდურ ორეულს მიტრასაც კი დაუწყეს ძებნა და რუსთაველი ძველს ინდოეთში წიყვანეს ღმერთებისა და მსოფლმხედველობის საძებნელად.

მაგრამ ყველაზე გადაჭრით მზე რუსთაველის ღმერთად გამოცხადებულია პავლე ინგოროყვას მიერ „ვეფხისტყაოსნის“ საიუბილეო გამოცემის წინასიტყვაობაში, სადაც შოთას ფილოსოფიური მსოფლმხედველობის შე-

სახებ ვკითხულობთ: „ვეფხისტყაოსანში ჩვენ გვაქვს პოეტური რელიგია ღვთაება-მზისა, რომელიც აღიარებულია კოსმიური წყობის დასაბამად“ (გვ. XXIX). წინასიტყვაობის ავტორი გარკვეულად ამტკიცებს, რომ რუსთაველის ღვთაება მზე არის. ამაში ხედავს იგი რუსთაველის მანიქველოზობასაც. ინგოროყვას რომ გაეთვალისწინებინა მანიქველოზობის პირველი წყაროები, მაშინ ყოველ შემთხვევაში იგი იძულებული იქნებოდა მზე მთვარით შეეცვალა. რადგან მანიქველოზობა, როგორც ითქვა, მთვარის პირველობას ნიშნავს და არა მზისას.

ჩვენ აქ უფრო გვიანტერესებს, რასაკვირველია, საკითხი იმის შესახებ, თუ როდენ არის წარმოდგენილი მზის კულტი რუსთაველთან. მართლაც გაუიფიქრებია მზე და ღვთაება „ვეფხისტყაოსნის“ ავტორს?

თავისი აზრის დასამტკიცებლად პ. ინგოროყვას მოჰყავს ორი ადგილი პოემიდან. პირველი ცნობილი ადგილი ნესტან-დარეჯანის წერილიდან. ეს ის ადგილია, რომლითაც სხვები რუსთაველის ნეოპლატონელობას ამტკიცებდნენ. ჩვენ თავის დროზე დავამტკიცეთ, რომ აქ სპეციფიურად ნეოპლატონური მეტაფიზიკა მზისა და სულის დამოკიდებულებისა არ არის მოცემული. მაგრამ არ შეგვიძლიან არა ვცნოთ, რომ ეს ადგილი შეიძლება ქრისტიანულ-ნეოპლატონური ლიტერატურის ზეგავლენითაც იყოს დაწერილი. მაგრამ პირდაპირ წარმოუდგენელია აქ მანიქველოზობაზე ლაპარაკი. რუსთაველის თქმა „მზე უშენოდ ვერ იქნების, რათგან შენ ხარ მისი წილი“ ან ჩვეულებრივი პოეტური მეტაფორაა, ანდა, თუ იგი მეტაფიზიკაა, წარმოუდგენელია იყოს მანიქეიზმი. მანიქეიზმის აზრით, უმაღლესი სამყოფელი გაწმენდილი და განთავისუფლებული სულისა იყო მთვარე. მანიქველ რუსთაველს მთვარე-ღმერთზე უნდა ელაპარაკანა, რომლის „წილი“ ადამიანის სული იყო, და არა მზეზე.

„მეორე ადგილი პოემისა, სადაც ჩვენ ვეცნობით შოთას ამ ფილოსოფიურ კონცეფციას ღვთაება-მზის შესახებ, ეს არის მნათობთა ლოცვა ავთანდილისა“, სწერს პ. ინგოროყვა და იწყებს „ციტირებას“:

„მიმავალი ცასა შესტირს, ეუბნების, ეტყვის, მზესა:

„აჰა, მზეო, გეაჯები, შენ უმძლესთა მძლეთა მძლესა“.

გამოდის, რომ ყველაფერი რიგზეა, აქ ვითომ რუსთაველს პირდაპირ უწოდებია მზისთვის სახელწოდება ღმერთი, კიდევ რაღა არგუმენტია საჭირო, ყველაფერი დამტკიცებულია. მართლაც, თუ რუსთაველი მზეს ღმერთსაც კი უწოდებს, მაშინ რაღას ვედავებით დასახელებული წინასიტყვაობის პატრეცემულ ავტორს? საიდუმლოება გაიხსნება, თუ ამავე საიუბილეო ტექსტს გადავშლით და მე-200 გვერდზე წავიკითხავთ მე-957 სტროფს:

„მიმავალი ცასა შესტირს, ეუბნების ეტყვის მზესა:

„აჰა, მზეო, გეაჯები, შენ უმძლესთა მძლეთა მძლესა“.

რაშია საქმე? ჩვენც გვიკვირს. გადავშლით ვახტანგისეულ გამოცემას, მე-19 საუკუნის ოციოდე ბეჭდვით გამოცემას, ასიოდე ხელნაწერს „ვეფხისტყაოსნისას“ ყველგან ვნახავთ: „აჰა, მზეო“ და სხვ. საიდან აიღო წინასიტყვაობის ავტორმა „აჰა, ღმერთო“ და სხვ. ნამდვილად ერთ-ერთი ხელნაწერის გადაშწერს მე-17 თუ მე-18 საუკუნეში lapsus calami პოუვიდა და ამისათვის რუსთაველს აგებია პასუხი მისი საიუბილეო გამოცემის წინასიტყვაობის ავტორმა, იგი დაუმსახურებლად გახდა მანიქველად და მზისა თუ სინათლის მატერიალისტად...

გარეშე ყოველივე ამისა უნდა ითქვას, რომ უხერხულადაა უცნაური ლიტერატურული გამოგონებანი. წინასიტყვაობა იმისათვის იწერება, რომ მკითხველს ხელმძღვანელობა გაუწიოს. აქ კი ერთ-ერთი უხერხულესი და ღრმა პრინციპიალური საკითხის შესახებ წინასიტყვაობაში მოყვანილ სტროფში ერთი სწერია, ხოლო ტექსტში — მეორე.

მაშასადამე, არსად და არასდროს მზესა და ღმერთს შორის რუსთაველს არავითარი იგივეობის ნიშანი არ დაუწერია. როდესაც რუსთაველი შვიდი პლანეტის კოსმიური კრებულის საგალობელს ათქმევინებს ავთანდილს, აქ მსოფლიო პარმონიის სათავედ მზე გამოჰყავს და მზეს შესაფერისად შეამკობს. მაგრამ აქ არსად არ არის ნათქვამი, რომ მზე რუსთაველისათვის უმაღლესი არსება ანუ ღვთაება იყოს.

„ვეფხისტყაოსნის“ ვახტანგისეული რედაქციის შემდგენელს, როგორც სჩანს, ძალიან კარგად ესმოდა თავისი საქმე. მას ავთანდილის მნათობთა ლოცვისათვის გაუკეთებია სათაური: „აქა ავთანდილ ვარსკვლავთა ეუბნების თავის ბუნებას“. საქმე სწორედ ამას შეეხება. ლოცვა ეხება არა ღმერთს, არამედ ბუნებას. ვარსკვლავთა სამყაროს სათავედ კი რუსთაველს მზე მიანიჭია. ვარსკვლავთა ქვეყანაში რუსთაველის ეპოქის მოწინავე მეცნიერულ აზრს მზე სწორედ „უმაღლესთა მძლედა მძლედ“ ჰქონდა მიჩნეული. რასაკვირველია, ისიც დასაშვებია, რომ ამას იქით რუსთაველი არა სცნობდა არავითარ სხვა ღმერთს, მაგრამ ასეთი დაშვებისათვის „ვეფხისტყაოსნის“ ტექსტი არავითარ საბაბს არ იძლევა. ათჯერ და ასჯერ მიმართავს „ვეფხისტყაოსნის“ ავტორი მზესა და მის ძლიერებას, ადარებს მას თავის საყვარელ გმირებს, მაგრამ ყველა ამ შემთხვევაში საქმე გვაქვს არა რაიმე მზის თეოსოფიასთან ან მე-17-18 საუკუნის პანთეისტურ ნატურალიზმთან, არამედ მხატვრულ სახეებთან და მეტაფორებთან. მაგ., ავთანდილი და ფრიდონი ერთმანეთს რომ გაიცნობენ, ამის შესახებ რუსთაველი წერს:

„მოეხვივნეს ერთმანერთსა, უცხოობით არ დარიდონ;
თვით უსახოდ ფრიდონს ყმა და მოეწონა ყმასა ფრიდონ;
რა მკვრეტელთა იგი ნახონ, მზე მათთანა გააფლიდონ“ (988).

ეს ჩვეულებრივი პოეტური სახეა. მაგრამ მხატვრულ მეტაფორასაც თავისი საზღვრები აქვს. იტყვის, მაგ., რუსთაველი, რომ ავთანდილის მშვენიერებამ ღვთაება გააფლიდაო ან ავთანდილის გონიერებამ ღვთაების გონება დააბნელო? — ანდა მზე რომ რუსთაველისათვის ღვთაება ყოფილიყო, მაშინ იგი იტყოდა: „თინათინ მზესა სწყუნობდა, მაგრამ მზე თინათინობდა“-ო? რასაკვირველია, ამას რუსთაველი ღვთაების მისამართით არ იტყვის და რადგან ასეთს რაიმეს მზის მიმართ იგი ათჯერ და ასჯერ ამბობს, ამიტომ მზე არც მის შეგნებაში და არც მის ინტელიციაში ღვთაების სახით არ ყოფილა წარმოდგენილი.

რომ მზე რუსთაველური მონოთეიზმის საფუძველი ყოფილიყო, მაშინ ყოველივე ამას იგი არ იტყოდა. და რადგან რუსთაველი ყოველივე ამას ამბობს, ამიტომ მზე მისთვის არავითარი ღვთაება არ არის. მზე მასთან წარმოდგენილია, როგორც ბუნების სათავე, მნათობთა შორის მთავარი, მაგრამ გონიერებისა და არსებობის სათავე იგი არ არის, ე. ი. იგი არ არის ღვთაება. ამიტომ რუსთაველი არავითარი სოლარისტი არ არის, არც პაგა-

ნისტური და არც სხვა რომელიმე. ამერთი რუსთაველს განგებნისა და გონების სათავედ აქვს წარმოდენილი და არა ბუნებისა და ვარსკვლავებისა.

„ვეფხისტყაოსანში“ მზეზე ლაპარაკი ძალიან ბევრია, მზეზე, მთებზე, ყველა შემთხვევაში პოეტი მზეს მიმართავს, როგორც მეტაფორას და არა მეტაფიზიკას. პოემაში არის ორიოდ შემთხვევა, სადაც მზისადმი ბუნებაში მიკუთვნებულ ადგილზეა ლაპარაკი, სადაც მზე ვარსკვლავთა სათავედ არის გამოცხადებული, ამიტომ ყოველივე აზრს მოკლებულია რუსთაველის სოლარიზმზე ლაპარაკი.

ეთქვათ, „ვეფხისტყაოსნის“ ავტორი რაღაც პაგანისტური სოლარიზმის მომხრე იყო. მერე რა? ეს რაიმე დიდი მოვლენისა და დიდი გენიის მომასწავებელი იქნებოდა, ეს უფრო პროგრესიული იქნებოდა, ვიდრე ქრისტიანობა? ვინც ასე ფიქრობს, მას ერთობ პრიმიტიული წარმოდგენა აქვს რელიგიებზე და მათ ისტორიებზე. პაგანისტური ელემენტი ქრისტიანობაში ბევრია და მაჰმადიანობაშიც, მაგრამ ეს ამ რელიგიების პროგრესულ ელემენტს კი არ შეადგენს, არამედ რეგრესიულს და განდგომა ქრისტიანობიდან, თუ პაგანიზმისაკენ დაბრუნებას მოასწავებს, ეს ნიშნავს არა ქრისტიანობის და რელიგიური მსოფლმხედველობის დაძლევას, არამედ გაპრიმიტივებას.

რუსთაველის მიერ იგნორირება თავისი დროის ოფიციალური ქრისტიანობისა, ჩვენის აზრით, გამოწვეულია არა პაგანიზმისაკენ დაბრუნებით, არამედ ქრისტიანობაზე უფრო მაღალი მსოფლმხედველობის გზების ინტუიციური ხედვითა და წინაგზნებით.

ამრიგად, უდაოა, რომ „ვეფხისტყაოსანი“ ქრისტიანი ავტორის მიერ არის დაწერილი, რომ პოემის ავტორი თავისი დროის ქრისტიანულ მწერლობის დიდ გავლენას განიცდის, რომ ხშირად იქ, როდესაც პოემის მხატვრული სინამდვილე მუსულმანური გარემოს დაცვას მოითხოვდა, სინამდვილეში ქრისტიანულ-ქართული ფეოდალიზმის გარემოა დახატული, — ყოველივე ეს საბოლოოდ დადგენილად უნდა ჩაითვალოს. მაგრამ ქრისტიანული კათოლიციზმის სამპიროვან ერთარსებაზე რომ არ ჩერდება რუსთაველის მსოფლმხედველობა, რომ რუსთაველი შეგნებულად ეწევა ოფიციალური ქრისტიანობისა და მისი ეკლესიის იგნორირებას, ესეც ანბანური ჭეშმარიტებაა.

საინტერესოა ვიკითხოთ, რას უნდა გამოეწვია ეს უკანასკნელი გარემოება, ე. ი. იგნორირება ქრისტიანობისა რუსთაველის მიერ? ერთ-ერთი, რასაკვირველია, არა ერთად-ერთი მიზეზი ამისა შემდეგი გარემოება უნდა ყოფილიყო: გაბატონდა თუ არა საბოლოოდ ქრისტიანობა აღმოსავლეთისა და დასავლეთის ხალხებზე, მან ყველგან მოსპო ყოველივე თავისუფალი აზრი და ხელოვნება. ადამიანის შემოქმედებას ყოველმხრივ უნდა ედიდებინა ღმერთი; ხელოვნება და შემოქმედება ადამიანის ბუნებისა და ზრახვების შესახებ, ხელოვნება, ცხოვრებასა და ეროსს რომ ემსახურება, აღმოფხვრილ და განადგურებულ იქნა. ადამიანური და ერთგული ხელოვნება ქრისტიანობის ცრუ მორალიზმის მიერ „მრუშობად“ იქნა გამოცხადებული. აიღეთ და შეხედეთ ლიტერატურას ადრინდელი ფეოდალიზმის ბიზანტიისა და რომში და აბა თუ სადმე ნახოთ ე. წ. ხელოვნება და მისი ნაწარმოები, რომლის საგანი ადამიანთა რომანი და ადამიანთა სოციალური ზრახვა იყოს! შემოქმედების ადგილს ჰაგიოგრაფიული ლეგენდა იჭერს ან ისეთი რომანი, როგორც არის ჩვენი „სიბრძნე ბალაჰვარისა“.

ერთის სიტყვით, ბერ-მონაზონის ცრუ სათნოება და ასკეტიზმი ადამიანისათვის იდეალად გამოცხადებული და ნებადართული. რეჟორც კაცობილია, მაჰმადიანიზმმა ვერ შესძლო თავისი უფროსი ძმისაგან, ელ. ქრისტიანობისაგან ეს ცრუ მორალიზმი ესესებინა. მაჰმადიანობის ქვეყნებში ადრინდელი ფეოდალიზმის ეპოქის ე. წ. საერო მწერლობის აყვავების მოწმენი ვართ. დიდი პოეტები და მწერლები სპარსული მაჰმადიანობისა ჩინებულად ადასტურებენ ამ გარემოებას.

საქართველო, როგორც ქვეყანა, გეოგრაფიულად მდებარე საქრისტიანო და სამუსულმანო მსოფლიოს შორის, სულიერადაც ამ ორ მსოფლიოს შორის დევს. ქრისტიანულ საქართველოზე არაბული ცივილიზაციის ზეგავლენა იმთავითვე საგრძნობია და დიდი. ამით აიხსნება ის უცნაური გარემოება, რომ ქართველ ხალხს უკვე ადრინდელი ფეოდალიზმის ეპოქიდან ორი მწერლობა აქვს, საერო და სასულიერო. ნუ დაივიწყებთ, რომ, მაგ., მე-10-11 საუკუნეში თვითონ ბიზანტიელ ბერძნებსაც კი არ მოეპოვებოდათ ორი მწერლობა, მათ მხოლოდ ერთი ჰქონდათ, — ხორციის მოძულე ქრისტიანული სასულიერო მწერლობა. მაშინ, როცა ჩვენი სასულიერო მწერლობა ფეხდაფეხ მიჰყვება სირიისა და ბიზანტიის ამგვარ მწერლობას, იმეორებს კაპადოკიელ და ანტიოქიელ-სასულიერო მამების სიბრძნესა და მორალს, ჩვენი საერო მწერლობა მთლად მიწაზე დადის, იგი მთლად ხორცია და მთლად ადამიანი, იგი სრულიად არ არის ბერ-მონაზონური ასკეტიზმით დამძიმებული და გამსჭვალული. ეს მწერლობა, თარგმანია, გადმოკეთებულია, თუ ორიგინალურია, თავის სიუყვტად მაინც სპარსულ ამბებს იღებს, რადგან იქ არის ამგვარი მწერლობა. და როცა რუსთაველი მოახდენს განახლებას, შექმნის რომანს ადამიანის, მიწიერ საქმისა და ვნების შესახებ, რასაკვირველია, იგი ამბობს, რომ ეს სპარსული ამბავიაო. ეს იმას ნიშნავს, რომ იგი საფარს იკეთებს ქრისტიანული კლერკალიზმის წინააღმდეგ. თავის გამირებად გამოჰყავს იმ დროს არსებული თუ არარსებული, ე. ი. პოეტის ფანტაზიით შექმნილი მუსულმანური ქვეყნების ადამიანები, ასე ის იმიტომ იქცევა, რომ საკუთარი ქვეყნის ადამიანებზე ამდაგვარად წერა და ლაპარაკი აკრძალულია. ეკლესია იმას კიდევ მოითმენს, თუ ეს რომანი სხვა ქვეყნის ხალხსა და რჯულს შეეხება, მაგრამ წარმოუდგენელია ასეთი რამის ნებადართოს თვით ქრისტიანობაზე. მაგ., როცა მე-11 საუკუნის ბიზანტიაში რაღაც ლიტერატურული რენესანსის მაგვარი მოძრაობა დაიწყო, ეკლესია ითმენს ძველი ბერძნული პოეზიის წაკითხვას, მაგრამ წარმოუდგენელია ვინმემ გაბედოს და ბიზანტიურ ბერძნულზე წაბადოს ჰომეროსისა და სოფოკლეს, სოფოსა და ევრიპიდეს. ასეთი იყო ქართული ეკლესიის კულტურული პოლიტიკაც. ასე თუ ისე, იგი ეროტიულ რომანს არაბებისა და სპარსელებისა, ე. ი. „ურჯულთა“ შესახებ კდევ მოითმენს, მაგრამ ქრისტიანულს ქურქში ასეთი ამბავი ვერ გამოეწყობა.

აი ისტორიის რომელ კულუარებშია მოთავსებული რუსთაველის „სპარსული ვერსია“. ამოდ დაეძებდა მას აკად. ნიკო მარი ბრიტანეთის მუზეუმში, ამოდ ეძებს მას აქა-იქ მოუმიწიფებელი ფანტაზია, თურქესტანულ თუ ირანულ ლეგენდებში. იგი ქართული ამბავია, ქართველის მიერ თქმული იმ დროინდელი საქართველოს დამსურათებელი. ქართულია მისი ღმერთიც და მისი ზეცაც.

პოემის შესავალში, სადაც რუსთაველი თავის შემოქმედების პრინციპულ საფუძვლებს ამკვიდრებს, გარკვეულად მითითებულია ორს „მიჯნურობაზე“. პირველი არის „საქმე საზეო“ და „ტომი გვართა ზნეაჲსა ქნელად სათქმელი“. ეს არის იმ დროს ნებადართული საგანი შემოქმედებისათვის. მაგრამ რუსთაველის „ქება“ მიჯნურობისა ამ გვარს არ ეხება. პოეტს თავისი შემოქმედების საგნად აუღია „ხელობანი ქვენანი, რომელნიც ხორცთა ხედებიან“. რუსთაველი გრძნობს, რომ მას ამისათვის დაიწუნებენ, დევნას დაუწყებენ, მრუშობას დააბრალებენ, ამიტომ აფრთხილებს მკითხველს:

„მიჯნურობა არის ტურფა, საცოდნელად ძნელი გვარი;
მიჯნურობა სხვა რამეა, არ სიძვისა დასადარი:
იგი სხვაა, სიძვა სხვაა, შუა უზის დიდი მზღვარი,
ნურვის გარეეთ ერთმანერთსა, გესმას ჩემი ნაუბარი“. (24)

ამ განმარტებამ ვერ უშველა „ვეფხისტყაოსნის“ ავტორს. „მისი ნაუბარი“ არ ესმოდა მისი ეპოქის კლერიკალურ სულისკვთებას. რუსთაველს იმ თავითვე დევნა დაუწყო ეკლესიამ. მე-18 საუკუნის დამთავრებამდე გრძელდება ეს დევნა. და ჩვენი ამოცანისათვის დიდად საინტერესოა აღინიშნოს, რომ მას სდევნიან არა ათეისტობისათვის, არა მაჰმადიანობისათვის, არამედ „მრუშობისათვის“, ცრუ ქრისტიანული მორალიზმის პრინციპებიდან ამოსვლით. სწორედ ამ ფრონტზე გაურღვია რუსთაველმა ქრისტიანულ ეკლესიას მისი სიმაგრეები. სცენაზე გამოიყვანა ცოცხალი ადამიანი თავისი ვნებითა და ზრახვებით, გვიჩვენა დაუშრეტელი ძალა მიწიერი სიყვარულის და მეგობრობისა, დაძლია და უკუაგდო „ხორცის მოძლე“ ქრისტიანული ასკეტიზმი. პირიქით, თავისი სიყვარულისა და მეგობრობის თეორია ააშენა როგორც „ხელობანი ქვენანი, რომელნიც ხორცთა ხედებიან“.

პირდაპირ კონფლიქტის თავიდან ასაშორებლად რუსთაველმა თავისი გმირები უცხო ქვეყნის სამოსელში გამოაწყო და უცხო ღმერთს შეავედრა. მაშასადამე, თავისი გმირების ინდურ-არაბულ ადამიანებად დასახვა და მოქმედების არედ სამაჰმადიანო ქვეყნების აღება გამოწვეული იყო ეპოქის სულისკვთებით და არა იმით, რომ რუსთაველი მართლაც სამაჰმადიანო ქვეყანას უკეთ იცნობდა, ვიდრე თავის საშობლო ქრისტიანულ საქართველოს. მიუხედავად ამისა, მან ეკლესიას თვალი ვერ აუხვია, „ვეფხისტყაოსანი“ ეკლესიას არც სპარსულ ამბად მიუჩნევია და არც არაბულ ლეგენდად. რუსთაველისათვის არავის უთქვამს საყვედური მაჰმადიანობის გამო. ეკლესიას კარგად ესმოდა, რომ მაჰმადიანობა არაფერ შუაში იყო. მას შეეზრძოლნენ, როგორც ქართულ საქმეს, როგორც „მრუშობისა“ და „გოგობიჭობის“ მწერლობას.

მაგრამ რუსთაველს საკუთარი მსოფლმხედველობრივი მოტივები ამოძრავებდნენ ძირითადად, როცა იგი შემოქმედების ასეთს ხერხს მიმართავდა. იგი ხომ თვითონვე გვასწავლის, რომ „შაირობა პირველადვე სიბრძნისა ერთი დარგი“-ო. ქრისტიანობის იგნორირებაზე აშენებული შაირობა უსათუოდ რუსთაველური სიბრძნის შედეგი იყო. ჩვენ გვინდა გამოვიკვლიოთ რუსთაველური სიბრძნის გამოვლენა პოემაში მოცემული უმაღლესი არსების გაგების საკითხში, გვინდა ვნახოთ, თუ რა სახის და რა წარმოშობისაა რუსთაველის ლეთაება.

უპირველეს ყოვლისა უდავოდ არის დადგენილი ის, რომ რუსთაველი უკომპრომისო მონოთეისტია. იგი ყოველთვის „ერთს ღმერთს“ მიმართავს, არ იცნობს არც მის თანამეუბნე ძეს, არც სამს პირს ერთ არსებაში. რუსთაველი პირდაპირ ილაშქრებს ღმერთის ბუნების დანაწევრება-დაყოფის წინააღმდეგ. ღმერთი მისთვის არის „ერთ-არსება ერთისა“. მონოთეიზმი პირდაპირ მონარქიანზმში გადადის. იგი ნამდვილი სურათია მიწიერი თვითმპყრობელობისა და, თუ გნებავთ, ამ მიმართულებით რუსთაველის ღმერთს არაფერი აუღია ქრისტიანულ-ნეოპლატონური ღვთაებისაგან. ნეოპლატონური ღმერთი არ შეიძლება ყოფილიყო უკომპრომისოდ მონოთეისტური, ნეოპლატონიზმისათვის სრულიად არ ყოფილა საჭირო ტრინიტეტის უარყოფა ერთღმერთობის ცნებაში, პირიქით, მას ეს ესაჭიროებოდა.

მეორეს მხრივ, რუსთაველის დაზნისათვით, ღმერთი არის ძალა, „ძალითა მით ძლიერთა“ შექმნა მან სამყარო. ღმერთი, რუსთაველის გაგებით, არის იმავე დროს სიკეთის სათავე, იგი მხოლოდ კარგსა და კეთილს წარმოშობს, ბოროტება უცნობა მისი ბუნებისათვის:

„ღმერთი კარგსა მოავლინებს და ბოროტსა არ დაბადებს“ (1492)

ასე ფიქრობდა, ასე მსჯელობდა ღმერთის შესახებ იოანე პეტრიწი. ამ ლექსით რუსთაველს გამოთქმული აქვს პეტრიწის აზრი იმის შესახებ, რომ ბოროტებას არ აქვს საკუთარი არსება და ამიტომ ბოროტება, როგორც სუბსტანცია არ არსებობს ღვთაებაში. არსება და ძალა აქვს მხოლოდ კეთილს, მხოლოდ კეთილია მარადიული:

„ბოროტსა სძლია კეთილმან არსება მისი გრძელია“.

ყოველივე ამის მთქმელი არ შეიძლება ყოფილიყო მანიქეველი, ეს უარყოფა ვნოსტიკურ-მეტაფიზიკური და ეთიკური დუალიზმისა შეუზღებელი მანიქეველურ მსოფლმხედველობასთან. ნეოპლატონურად შეფარდებული ქრისტიანი კი შეიძლება ამის მთქმელი ყოფილიყო, და რუსთაველის ღმერთიც ძალიან ბევრ ქრისტიანულ ელემენტს შეიცავს, მაგრამ ორთოდოქსალური ქრისტიანული იგი მაინც არ არის. ქრისტიანული რედაქციით, როგორც ეტყობა, იოანე პეტრიწის ხელით მოწოდებული, ნეოპლატონიზმის პოზიტიური ზეგავლენა რუსთაველზე სჩანს აქ და არა იქ, სადაც ამას დღემდე ეძებდნენ. აბა მოუესმინოთ, რას სწერს ამავე საკითხზე პეტრიწი: „ვითავე პირველი სიტყუა კეთილობა მყოფთა შორის... და ზესთა ყოველთა კეთილობათა კეთილობისაგან გაკეთილდებიან“, ეს კეთილობა არის „კეთილობაი ღმერთისა ბუნებისა“ და ამიტომ „არა არს რა ბუნებით ბოროტი“. აქედან პეტრიწიმ თავისთვის საჭირო დასკვნა გამოიყვანა: „ღმერთი თვინიერ და ერთი მიზეზი ყოველთა“¹⁾.

აქ ფილოსოფიურ ცნებათა ენაზე იგივეა ნათქვამი, რაც რუსთაველმა მხატვრული სახით გამოსთქვა. ჩვენ თავის ადგილზე დავასაბუთებთ, რომ ეს პეტრიწონული მოძღვრება „ბოროტთა უარსობისათვის“ ქრისტიანობაში გადმოსული იყო პროკლეს ეთიკიდან და ეტყობა იგი რუსთაველმა იოანე პეტრიწის მეშვეობით შეითვისა. პოზიტიურად ეს არის და ეს რუსთაველის შეხედვრა ნეოპლატონიზმთან. მაგრამ დაუშვებელია აქედან აჩქარებული დასკვნა გამოვიყვანოთ და რუსთაველი ნეოპლატონელად ან პეტრიწის მოწაფედ მივიჩნოთ.

¹⁾ იოანე პეტრიწი: „შრომები“, ტ. II, გვ. 212—214.

იოანე პეტრიწიმ მთელი გენია თავისი აზრმახვილი დიალექტიკისა შეა-
ლია ერთარსების სამობად ყოფნის დასაბუთებას. რუსთაველის ღმერთი კი
იყო მხოლოდ და მხოლოდ „ერთ-არსება ერთისა“. მაშასადამე, მრუჭიდან
იმისა, რომ ღმერთის ერთ-ერთი ატრიბუტის — კეთილობის გავრცელებაში რუსთა-
ველი ამოდის პეტრიწისაგან და ამ გზით ნეოპლატონიზმისაგან, იგი მაინც
უმთავრესში მთლიანად განსხვავდება იმათგან. რუსთაველის მონოთეიზმი
მონარქიული ბუნებისაა და საერთო მას არაფერი აქვს პეტრიწის ტრინი-
ტეტისტულ ღვთაებასთან. ტრიადისა და სამების გარეშე წარმოუდგენელია
პეტრიწის აზრმახვილი სქოლასტიკა. რუსთაველთან ასეთ რაიმეს ვერ
ვნახულობთ.

მრავალჯერ ღმერთი დახასიათებულია აგრეთვე როგორც გონიერების
სათავე, მაგრამ ნოოლოგიური პრინციპი იგი მაინც არ არის. რუსთაველი
არც ერთს შემთხვევაში არ ივიწყებს, რომ ღმერთი არის:

„ყოფილი, მყოფი, უთქმელი, ყურთაგან მოუსმენელი“ (1250).

თუმცა, რუსთაველის გაგებით, გონების მიხედვით მოქმედება ღვთაე-
ბის მიხედვით მოქმედებაც არის, მაგრამ ყველა ასეთს შემთხვევაში ღვთაე-
ბა გვევლინება განგების სახით, ღმერთი უღრის განგებას.

უღმრთოდ ვერას ვერ მოვაწევ, ცრემლი ცუდად მეღინების,
განგებასა ვერვინ შესცვლის, არ საქმნელი არ იქმნების“ (190)

ამბობს აეთანდილი, ეს გონების და სიბრძნის განხორციელება, კაცი,
რომელშიაც, რუსთაველის გაგებით, გაერთიანებულია რაინდული სული და
ანტიკური ბრძენის ზომიერება და გონიერება.

საერთოდ უნდა ითქვას, რომ რუსთაველის მსოფლმხედველობაში გან-
გება უდიდეს როლს თამაშობს. ამ შემთხვევაში მისი აზრი სტოიციზმიდან
ნაზიარებს უფრო ჰეგეს, ვიდრე ქრისტიანობას. მაგრამ ანტიკურ სტოელთა
ფილოსოფიური ტრადიციის გავლენასთან კი არა გვაქვს საქმე, არამედ
ისეთს გარემოებასთან, როგორც გვქონდა დასავლეთელ რენესანსის სახით.
რენესანსის ადამიანთა მსოფლმხედველობაშიც ღმერთის ადგილი განგებას
ეკირა. და იგივე მოუვა უსათუოდ, თითოეულ მოაზროვნეს, რომელიც
პერსონიფიციკრებული ღმერთის საქართლიანობაში დაექვდება, რაციონალი-
ზმის გზებზე შესდგება, ღვთაებასა და კოსმიურ გონებას გააიგივებს.

რუსთაველის ღმერთი განგებისა და გონების სინთეზია. რამდენადაც
ადამიანი უზენაეს არსებასთან დამოკიდებულებას იკერს, იმდენად იგი
ადამიანისათვის განგების სახეს ღებულობს. „ვეფხისტყაოსანში“ ღვთაება,
როგორც განგება, ცხრაჯერ არის ნახმარი და ყველა შემთხვევაში ამ აზრით:
მეორეს მხრივ, სიტყვა „განგება-განგებიანი“ რუსთაველის ლექსიკით ბრძენ-
სა და გონიერს ნიშნავს. ამიტომ ადამიანისათვის ღმერთი გონებისა და გან-
გების სინთეზია. გონიერად იმოქმედო, ეს იმას ნიშნავს, განგებას მოუსმინო
და მისი განაჩენი შეასრულო. გონიერება, შოთას აზრით, არ ეწინააღმდეგე-
ბა განგებას, რადგან, როგორც ვიცით, „ღმერთი ბოროტს არ დაბადებს“ და
ამიტომ განგების მიერ ადამიანისათვის განკუთვნილი არ შეიძლება სიბრძენე-
სა და სიკეთეს ეწინააღმდეგებოდეს. პირდაპირ ანტიკური ბრძენის ენით ლაპა-
რაკობს აეთანდილი, რომ ვინც განგების ეს მალალი ძალა გაიგო, იმას აქვს

ყველა უმაღლესი სიყვითე ადამიანისა, იგი მისებრ არის ვაქანცი, გულოვანი, გამძლე და პირდაპირი:

ქართული

„უგანგებოდ ვერას მიზმენ, შეცამებნენ ხმელთა სპინჯოლინიჲსა განგებაა, არ დაერჩები, ლახვარნია ჩემთვის მზანი; ვერ მიხსნიან ვერც ციხენი, ვერ მოყვასნი, ვერცა ძმანი; ვინცა იცის ესე ასრე, ჩემებრვეა გულოვანი“ (1039)

მამასაღამე, ყველა შემთხვევაში განგება გაგებულთა, როგორც უზენაესი ძალა, ისე აუცილებელი, როგორც კოსმიური ძალები, ამიტომ მის გაგებას ადამიანი აღწევს სიბრძნითა და გონებით. განგება უბრალოდ ადამიანის ბედი კი არ არის, სიბრძნის წინაშე ბედი და უბედობა, ლხინი და ჭირი სრული არარაობაა. რუსთაველმა ჩინებულად იცის, რომ ბრძენ კაცს „ვით ზღაპარი, ასრე ესმის უბედობა, თუნდა ბედი“ (1184). განგებისადმი დამორჩილება კი სიბრძნის პირველი სათავეა.

უზენაესი არსება, გაგებულთა როგორც განგების ძალა, მთლიანად მოგვაგონებს ღმერთის იმგვარ გაგებას, რომელიც წამოაყენა მე-15 საუკუნის დასაველთმა. რენესანსის ეპოქის ადამიანისათვის ღმერთი აღარ იყო ადამიანის მსგავსი „მამა“, არამედ მხოლოდ და მხოლოდ უმაღლესი კოსმიური ძალა, ადამიანისათვის განგების სახით მოვლენილი. ეს იყო დასაწყისი ღმერთის თვითმპყრობელი ავტორიტეტისაგან ადამიანის განთავისუფლებისა, ეს იყო რელიგიური მსოფლგაგების პირველი სერიოზული კრიტიკის დაბადება. რუსთაველის ღმერთი რენესანსის ეპოქის ღმერთია.

საინტერესოა აღინიშნოს, რომ ღმერთის ცნებაში ასეთი რევოლუციის მოხდენისათვის რუსთაველის განკარგულებაშიც თითქმის იგივე წყაროები იყო, რაც რენესანსის ეპოქას მოეპოვებოდა. ეს იყო ე. წ. მაღალ სქოლასტიკაში გაერთიანებული არისტოტელურ-ნეოპლატონური ინტერპრეტაცია სარწმუნოების დოგმისა, ამავე დროს გაცნობა არისტოტელესთან უშუალოდ, ერთის მხრივ, და არაბული ფილოსოფია მეორეს მხრივ. პირველი წყარო რუსთაველს იოანე პეტრიწის ფილოსოფიამ მისცა, მეორე, ე. ი. არაბული ფილოსოფია, იმდროინდელი საქართველოს კულტურულ-ისტორიულმა მდგომარეობამ. უდავოა, რომ რუსთაველს მოეპოვებოდა ავიცენას სკოლიდან გამომდინარე ბუნებისმეტყველურ-ფილოსოფიური განათლება, მეცნიერულ-ცნებათა რეალიები. ყველგან, სადაც პოემის ავტორს ასეთს რაიმეზე ლაპარაკი უხდება, არაბული წარმოშობის კვალს ვხედავთ.

არაბული ფილოსოფიიდან რუსთაველის დამოკიდებულება ყველაზე ნათლად ამავე ღმერთის ცნების მთავარი ნიშნის დახასიათების დროს ჩნდება. ღმერთი, როგორც შემოქმედი ძალა, რუსთაველთან მოცემულია არაბული არისტოტელიზმის მიხედვით. რუსთაველის ცნობილი თქმა „ჰე, ღმერთო ერთო, შენ შექმენ სახე ყოვლისა ტანისა“ ავიცენას ფილოსოფიური დოგმის მხატვრულ გადმოცემას წარმოადგენს. მონოთეიზმის აღიარების გვერდით აქ გამოთქმულია აზრი, რომ ღმერთმა შექმნა ფორმა (სახე). ყოველი მატერიისათვის მას მხოლოდ სახე ანუ ფორმა მიუცია. უნდა ვიგულისხმოთ, რომ შემოქმედების მასალა, ე. ი. მატერია ყოველთვის იყო და იქნება. არ შეიძლება რუსთაველს ავიცენას სკოლიდან გამომდინარე არაბული ფილოსოფია არ სცოდნოდა და ისე დაეწერა ეს.

ბაღდადელი დიდი ფილოსოფოსი აეიცენა (გარდაიცვალა 1037 წ. ქამადანში, ეს ქალაქი შეიძლება თამარის სახელმწიფოს ფარგლებშიც. კი შემოდით) არისტოტელზე დაყრდნობით ასწავლიდა, რომ ღმერთი არ არის ძალა, რომელმაც „ტანი“ ანუ მატერია გააფორმა, თვითონ ტანი კი არის პირველადი არსებობა, იგი არ შეუქმნია ღმერთს, იგი არც სულის ემენაციაა, იგი არის ის, რაც ყოველთვის იყო და იქნება.

ნამდვილად არაბული ფილოსოფია და მეცნიერება იყო ის წყარო, რომელმაც საშუალება მისცა რუსთაველს კრიტიკულად შეეხედა ორთოდოქსალურ ქრისტიანულ კაცადქცეულ ღმერთისათვის. არაბული ფილოსოფიის ზეგავლენით წარმოდგინა რუსთაველმა უზენაესი არსება კოსმიურ ძალად, აღამიანის სიბრძნისათვის განგებად მოვლენილად და ამით ქრისტიანობის გადამუშავების ნიადაგზე შექმნა ახალი ცნება უზენაესი არსებისა. ორიოდე საუკუნის შემდეგ დასავლეთურმა ქრისტიანობამ იმავე არაბული ფილოსოფიის ზეგავლენით რევიზია გაუკეთა თავის არისტოტელიზმსა და კაცადქცეულ ღმერთს და წარმოშვა ცნება უზენაესი არსებისა, როგორც უსასრულობისა, და გააფორმა ეს აზრი ჯეზანელის დიალექტიკის სახით. უზენაესი არსება რუსთაველის უსასრულობის პრედიკატი არ ყოფილა დაჯილდოებული. სხვა ყველა ნიშანი მოგვოვებოდა მას რენესანსის ეპოქის ღვთაებისა.

გიორგი ჯიბლაძე

გიორგი ნაკათელი*)

დიდალი ხალხი მიჰყვება ნაბატონარის გაცივებულ ცხედარს, მაგრამ მათ შორის არაა არც ერთი „ნამდვილი გულშემატკივარი და თანამგრძნობელი“. მათი მოსვლის მიზეზია მხოლოდ ცნობისმოყვარეობა და უფრო მეტად წაპხედურობა. „ყველანი აცილებდნენ დიდებული მებატონის გვამს და ისინიც ფეხის ხმას აყოლიან“. ეს ხასიათები და ყოფა-ცხოვრებითი დეტალები თვალსაჩინო რელიეფურობით ასახავენ იმ დროს. ეს ირონია თავისში შეიცავდა არსებული სინამდვილის კრიტიკას და არ კმაყოფილდებოდა მოვლენებისა და ფაქტების „შეუფერავი“ გადმოცემით. აქ „შეუფერავი“ რეალიზმი თავისუფლდებოდა „შეუფერავობის“ მანტიისაგან და სინამდვილის ფოტოგრაფიული რეგისტრაციის ადგილს იკავებდა მოვლენის სიღრმეში შეჭრა. მაშინ გ. წერეთლის პროზა გამოდიოდა „ვიწრო ნაკუჭიდან“. მოსაბეზრებელი და მშრალი ადგილები იცვლებოდა ცოცხალი ხასიათებით, დიდი მხატვრობით და დამაჯერებლობით, ერთის სიტყვით, ბრწყინვალედ მართლდებოდა აკაკის მოხდენილი დახასიათება: „ოქროს მადნეულის ძარღვი იშორებდა სილა-ტალახს და დღის სინათლეზე გამოდიოდა „ოქროს მარცვალი“. ²)

ამ სინამდვილის მრავალი არსებითი დეტალი მოხდენილად აისახა „შეუფერავი“ რეალისტის მხატვრულ შემოქმედებაში. ის ადამიანები, რომლებიც გვიჩვენა ამ თვალსაჩინო რეალისტმა, ყველანი თითქმის ტიპიური არიან. ისინი არ არიან ერთეული ადამიანები. ისინი აერთიანებენ საზოგადოების გარკვეული ნაწილის დამახასიათებელ ფსიქო-იდეოლოგიას. ისინი გვევლინებიან, როგორც ტიპები ისტორიის გარკვეული მონაკვეთისა, ყველა რომანი თუ მოთხრობა ამ შემოქმედებითი პრინციპზეა აგებული. ჩვენი დებულების საილუსტრაციოთ „გულქანიც“ საკმაოდ თვალსაჩინო მასალაა.

„გულქანში“ რელიეფურადაა დახატული 60-იანი, 70-იანი და 80-იანი წლების ქართველი ინტელიგენცია. თერგდალეულები გ. წერეთელმა დაგვიხასიათა რუსეთუმეს სახით, რომელსაც „დიპლომიც ხელში ეჭირა, მაგრამ მაინც იმ რჯულის კაცი იყო, რომელიც შინაურ წესწყობილებას და თავის ქვეყნის წარსულს პატივს არ სცემდა“. რასაკვირველია, ასეთები არ იყვნენ საერთოდ თერგდალეულები, მაგრამ რუსეთუმეს ეს დახასიათება არ ატარებს ტენდენციურობის ბეჭედს, რუსეთუმე წარმოადგენს თერგდალეულების ისეთ ტიპს, რომელსაც სინამდვილის საზომად მხოლოდ საკუთარი პიროვნული „მე“ მი-

*) დასასრული. იხ. „მნათობი“ № 4.

²) აკაკი წერეთელი—„ჩრეთლი ნაწერების“ ერთგომეული, 1936 წ. გვ. 426.

აჩნდა. მისი ყოველი ნაბიჯი ამ პრიზმის ჩარჩოებს არ ცილდება, სურს საზოგადოებაში პირველობა მოიპოვოს და ამიტომაც მიისწრაფის ჩინებისა და ორდენებისაკენ, რაც აუცილებელი იარაღია იმისთვის, რომ წინააღმდეგობა და პატივისცემა დაიმსახუროს. ის საზოგადოებრივი წყობის უარყოფითი მხარეების საფუძველს ეძებს მამების, „მოხუცებული კაცების“ არსებობაში და ამიტომ, მისი აზრით, ქვეყანა მხოლოდ მაშინ გათანაწივრდება, ამ ქვეყნად მხოლოდ მაშინ დამკვიდრდება სამართალი და პატიოსნება, „როცა ეს მოხუცებული კაცები გაწყდებიან“. მას „ძლიერ უყვარს“ დაჩაგრული ხალხი. გლეხკაცობას სიტყვით თანაუგრძნობს, მაგრამ მისი ლიბერალობა არასოდეს იქამდე არ მისულა, „რომ გლეხისათვის ხელი ჩამოერთმია, ან ეტლში გვერდით მოესვა და წინ სკამიეკაზე არ ეჩვენებინა ალაგი, თუნდაც ის ნასწავლიც ყოფილიყო“. მართალია, რუსეთუმეს უყვარს სამშობლო, მაგრამ ეს სიყვარული კონსერვატიული ინდივიდუალიზმის პრიზმაშია გადატეხილი. ის ხშირად მღერის ჩონგურზე:

„მე სამშობლო მისთვის მიყვარს,
რომ პირველი ვიქნე მეო“...

შეიძლება ითქვას, რომ აქ ირონიაა, მაგრამ თერგდალეულების ნაწილისათვის უდაოდ დამახასიათებელი.

რუსეთუმე, გ. წერეთლის აზრით, წერილი თავად-აზნაურობის წინამძღოლი და იდეოლოგია. თავად-აზნაურობის კენჭის სიას იგი იწუნებს სწორედ იმიტომ, რომ წერილი თავად-აზნაურობის წარმომადგენლები, მიუხედავად მათი დამსახურებისა, სიის ბოლოში არიან მოქცეულნი, იმ დროს, როცა დაუმსახურებელი, მაღალი თავად-აზნაურობა სიის თავშია მოქცეული. რუსეთუმე შეუპოვრად იბრძვის წერილი თავად-აზნაურობის ინტერესებისათვის. ამ ბრძოლაში მან გამარჯვებასაც მიიღწია, ვინაიდან მოხერხებულად გამოიყენა ყველა ხელსაყრელი მომენტი. ბოლოს ცოლად შეირთო დიდი მამულის პატრონი ქალი, ჯახდა ჩინებანი მოხელე და მთელი თავისი მოღვაწეობა, დაწყებული პირადი კეთილდღეობისათვის ბრძოლის ნიშნით, მისი ლოგიკური დასასრულით დააბოლოავა.

რუსეთუმეების გვერდით გ. წერეთელმა დაგვიხატა ბურჟუაზიის ინტერესების გამომხატველი „ახალი ახალგაზრდობის“ წრე, რომელიც დაუპირისპირდა ლიბერალური თავად-აზნაურობის იდეოლოგებს — რუსეთუმეებს. ბანკი, რომელიც 70-იან წლებში გაცხარებული დისკუსიისა და შეიძლება ითქვას, კლასობრივი ბრძოლის ასპარეზად გადაიქცა, წარმომადგენს ამ ორი საზოგადოებრივი კლასის ინტერესთა გამწვავებული კონფლიქტის ერთ ყველაზე უფრო თვალსაჩინო უბანს. „ახალი ახალგაზრდობის“ წრეს, ¹⁾ როგორც ვიციით, ეკუთვნოდა თვით გ. წერეთელიც. „ახალი ახალგაზრდობის“ წრე ფაქტიურად იყო მეორე დასი, დაპირისპირებული თერგდალეულებთან ანუ რუსეთუმეებთან.

გ. წერეთელი, როგორც იდეოლოგი ბურჟუაზიისა, ე. ი. მეორე დასისა, პათეთური სახეებით გვიხატავს „ახალი ახალგაზრდობის“ წრის მოღვაწეობას.

¹⁾ 1873 წ. ეურნ. „კრებულში“ მოთავსებულია ნ. ნიკოლაძის სტატია: „ახალი ახალგაზრდობა“. აღნიშნული წერილი წარმომადგენს არა მარტო თერგდალეულების კრიტიკის, არამედ „ახალი ახალგაზრდობის“ პროგრამასაც.

ის კრიტიკის ქარცეცხლში ატარებს რუსეთუმეგობის იდეებს და „შეკარად გამოდის ბურჟუაზიის იდეოლოგად. „გულქანში“ ბანკის საკითხში მარჯობა და მეორე დასის ბრძოლა, ე. ი. ბრძოლა თურგდალეულებსა და „ახალი მხარე-გასრდომის“ წრეს შორის, რელიეფურადაა მოცემული. სამწუხაროდ, „გულქანის“ მესამე ნაწილის პირველი, მეორე და მესამე თავები უფრო პუბლიცისტურია, ვიდრე მხატვრული. უბრალოდ შეიძლება ამ ფაქტის მიზეზის ახსნა: გ. წერეთელს, როგორც ბურჟუაზიის იდეოლოგს, პირდაპირ სურს გამოსთქვას და დაამტკიცოს, თუ რამდენად ყალბია პირველი დასის — ლიბერალური თავადაზნაურობის ინტელიგენციის — მისწრაფება. ამიტომ ის არჩევს, მხატვრული სახეების ნაცვლად, ყოველივე გამოხატოს მშრალი პუბლიცისტური დებულებებით.

მიუხედავად ქარბი პუბლიცისტისა, „გულქანში“ მკვეთრად, მხატვრულადაა მოცემული ლიბერალური თავადაზნაურობის ინტელიგენციის გადაგვარება და ახალი დასის მთელი მოღვაწეობა მეტად თვალსაჩინო ისტორიულ მონაკვეთზე: 70-იან—80-იან წლებში. ეს რომანი ნათლად გვიხატავს ამ მნიშვნელოვან პერიოდს ჩვენი საზოგადოებრივი ცხოვრების ისტორიისას.

რეალური სინამდვილის ტიპიზაცია, — ასეთია გ. წერეთლის შემოქმედებითი სპეციფიკა ჩვენი განზილვის წინაშე ამჟამად მღვარი საკითხების სფეროშიც. 70-იანი და 80-იანი წლების სინამდვილეს იგი გვისურათებს არა განყენებული ადამიანების ჩვენებით, თუნდაც მარტოოდენ ტიპებით, არამედ ეპოქისათვის დამახასიათებელი მთელი რიგი ტენდენციებით. ჟურნალისტიკა, პოლიგრაფიული წარმოება, ვაჭრობის განვითარება, ერთის სიტყვით, მთელი ეპოქა, მე-19 საუკუნის მეორე ნახევრისათვის დამახასიათებელი საზოგადოებრივ-ეკონომიური და პოლიტიკური მოვლენები, ორიგინალური მხატვრული ზერხებითაა ასახული მის თვალსაჩინო მოთხრობაში — „მგზავრის წერილებში“. ამ ეპოქის წარმომადგენელია „მგზავრის წერილების“ ცენტრალური გმირი კიკოლიკი. ეს უქანასკნელი, როგორც ტიპი, იმდენად საინტერესოა, რომ ჩვენ ცალკე გვინდა მისი ინდივიდუალობის პერსონალური დახასიათების მოცემა არსებით და მნიშვნელოვან საკითხებთან დაკავშირებით.

კიკოლიკი უაღრესად რეალური ტიპია. პირადი თავმოყვარეობა, ეგოცენტრიზმი, ზოგჯერ ონეგანისტური სიამაყე მისთვის გაუგებარი და ღრმად შეუსწავლელი საკითხების გადაწყვეტის დროს, — ასეთია კიკოლიკის სულიერი ქვეყანა. პოლონელ ხ...სკისთან მას საერთო არაფერი არა აქვს, არც თავისი შეხედულებებით და არც ინდივიდუალობით. ხ...სკი მზადაა საკუთარი თავი მამულის მსხვერპლად მიიტანოს, ისევე, როგორც ტურგენევის ინსაროვი მზადაა მთელი თავისი ცოდნა, ენერგია, ნიჭი, უნარი ბულგარეთის განთავისუფლებას შესწიროს. კიკოლიკის აზრით, საჭიროა მეფის მთავრობის წინაშე მონური ქედის მოხრა. იგი პეტერბურგის ახალგაზრდა სტუდენტს ეუბნება: „ნევსკის პროსპექტზე ნუ დაიწყებ სიარულს. ბევრია აქ ისეთი ყმაწვილი, რომელთაც მხოლოდ ქეიფი, სიმღერა და ღამით დროს გატარება უყვართ. ნურც იმისთანა კაცებს გაიცნობ. ამ ცოტა ხანში უნივერსიტეტი გაიხსნება, სწავლა დაიწყება, იქნება რაიმე უკმაყოფილეობა მოხდეს. შენ მონაწილეობას ნუ მიიღებ, თუ რაიმე შეკრებულება მოხდეს უნივერსიტეტის ზალაში, შენ აიღე ქუდი და შინ გამოსწიე, გამოიქეცი, რომ იქ უნივერსიტეტის მთავრობამ არა

1) ე. ი. გ. წერეთელს.

შეგნიშნოს რა“. ესაა კიკოლიკის მთელი პრაქტიკული ფილოსოფია. თუ სტუდენტების არეულობა მოხდა, საჭიროა ქუდი აიღო და სახლისაკენ გასწიო, რომ არავინ შეგნიშნოს. ამ იდეას ემსახურება კიკოლიკის მშენებლობით, „გონიერი კაცი, მცოდნე, მეცნიერი კაცი“ ხალხს სძულს. მისი უწყვეტი კაცობა მდიდარი და მთავრობასთან საქმით გამტანი. ამიტომ ფლიდი ავეუსტოსი და იულოოს კეისარი მისთვის იდეალური ცხოვრების განსაზიერებას წარმოადგენენ. კიკოლიკს ათიათასჯერ უფრო მეტად უყვარს ნაპოლეონ მესამე, ვიდრე ნაპალეონ ბონობარტე, რადგან ნაპალეონ პირველმა, ე. ი. ბიძამ ხმლით დაიმორჩილა მთელი ქვეყანა და ამან (ნაპალეონ მესამემ.— გ. ჯ.) სიტყვივით. ერთად-ერთი იდეალი, რომლის წინაშეც ქედს იხრის კიკოლიკი, არის პირადი კეთილდღეობა, და როცა მას მიაღწევს, შემდეგ უნდა იზრუნოს ადამიანთა საზოგადოებისა და ქვეყნისათვის. მას სისულელედ მიაჩნია, თუ პიროვნებას, ადამიანს საკუთარი პიროვნული კეთილდღეობა არა აქვს, ის საზოგადოებრივი კეთილდღეობისათვის იბრძვის. კიკოლიკის სამოქმედო დევიზია: საკუთარი ნივთიერი მდგომარეობის უზრუნველყოფა და მხოლოდ შემდეგ ზრუნვა საზოგადოებრივი საქმისათვის. „ჯერ უნდა ვიშოვნოთ ნივთიერი კეთილმდგომარეობა და მერე ქვეყანასაც სიკეთე მოვფინოთ“, — ამბობს კიკოლიკი, რომელიც ღრმად და რწმუნებულად, რომ თუ სამსახურში კარგი ადგილი იშოვა, ის შემდეგ ქვეყანასაც სიკეთეს მოუტანს. უნივერსიტეტის დამთავრების შემდეგ კიკოლიკი მართლაც ბრუნდება თავის სამშობლოში და მთელი მისი ზრუნვა, მთელი მისი თავდადება მიმართულია მხოლოდ და მხოლოდ პირადი კეთილდღეობის მოპოებისაკენ. კიკოლიკი ხედავს, რომ საჭიროა სტამბა და ისიც სტამბის ერთერთი აქტიური ორგანიზატორია. მაგრამ ეს სტამბა მას უნდა მხოლოდ იმდენად, რამდენადაც უზრუნველყოფს თავის მატერიალურ მდგომარეობას, თუმცა ოფიციალურად აცხადებს, რომ მხოლოდ და მხოლოდ სამშობლოს სიყვარული ამოქმედებს მას მოაწყოს სტამბა. კიკოლიკი გრძნობს, რომ საჭიროა გაზეთი და ისიც გაზეთის ერთ-ერთი აქტიური დამაარსებელია, მაგრამ არავითარი სხვა განზრახვა მას არ ამოქმედებს, გარდა პირადი კეთილდღეობისა, და თუ ის მონაწილეობას იღებს გაზეთის დაარსებაში, მხოლოდ იმიტომ, რომ გაზეთისაგან მოეღოს პირად მატერიალურ კეთილდღეობას, პირად ბედნიერებას, თუმცა ოფიციალურად, როცა გაზეთზე ლაპარაკობს, ლაპარაკობს ყოველთვის საზოგადოებრივი კეთილდღეობის აზრით. კიკოლიკის მიზანია — დიდი სამსახური ჩაიგდოს ხელში. კიდევაც აღწევს თავის მიზანს და ბოლოს გახდება ისეთივე ჩინოსანი მოხელე, როგორც რუსეთში.¹⁾ კიკოლიკი ყველასთან პირფერი და არაპირდაპირია. მას სისულელედ მიაჩნია სიმართლის გაბედულად და პირდაპირ თქმა. პოლონელ ნ...სკის ის ყოველთვის ლანძღავს და აგინებს, დასკინის კიდევ, მხოლოდ უკან, ზურგს უკან, მაშინ, როცა პირში ეფერება და ელაჭუტება.

ასეთსავე დამოკიდებულებაშია ყველასთან, საღათასთანაც კი, ამ კეთილშობილ, დიდი ცოდნის დემოკრატ მოქალაქესთან, მხოლოდ და მხოლოდ საზოგადოებრივი საქმისათვის თავდადებულ ადამიანთან. საღათა ანსაზიერებს იმ ადამიანის ტიპს, რომელსაც საკუთარი თავი გაბედულად მიაქვს საზოგადოებრივი კეთილდღეობის სამსხვერპლოზე, რომელიც პიროვნულს ყოველთვის უკანა პლანზე აყენებს, ხოლო საზოგადოებრივს — წინ. საღათამ გლეხთა

¹⁾ იხ. „გულჭანი“.

ბავშვებისათვის სკოლაჲ კი მოაწყო ერთ-ერთ სოფელში, ასწავლიდა გლეხთა ბავშვებს სრულიად უსასყიდლოდ მანამდის, სანამ მას აზნაურებმა არა სკუმეს და არ გამოავდეს სოფლიდან იმისთვის, რომ მან გაბედა ესწავლებინა გლეხთა ბავშვებისათვის. რას წარმოადგენს საღათა? ის უნივერსიტეტიდან ახლად დაბრუნებული ახალგაზრდაა, დაბრუნებული, რადგან არა ჰქონდა ეკონომიური სახსარი—დაემთავრებინა უნივერსიტეტი. მიუხედავად ამისა, საღათა ისე ღრმა მცოდნეა და საუკეთესოდ მომზადებული, რომ უნივერსიტეტდამთავრებული კიკოლიკი მასთან შედარებით გაცილებით დაბლა ღვას თავისი ცოდნითაჲ და გამოცდილებითაჲ.

ახლადდაარსებული გაზეთის რედაქტორად საღათა მიიწვიეს, და მიუხედავად მცირე ხელფასისა, მიუხედავად დამცირებისა, რომელსაჲ მას აყენებს კიკოლიკი თავისი ფილისტერულ ხიზბითთ, დაქნვით, უადგილო, მხოლოდ და მხოლოდ საკუთარი თავის გამოჩენის მიზნით გამსჭვალული შენიშვნებით, ის მაინც თავდადებულად მუშაობს გაზეთის ინტერესებისათვის, იტანს ყოველივე ამას და სრულებით არ ცდილობს გამოაჩინოს საკუთარი თავი, როგორც გაზეთის ფაქტიურმა რედაქტორმა და მთელი გაზეთის ერთადერთმა ცენტრალურმა ძალამ. საღათა ჯერ კიდევ ბატონყმობის სინამდვილეში აგონებდა გლეხებს, ნუ ემსახურებიან ბატონებს, ვინაიდან ისინი არ არიან ამ სამსახურის ღირსნიო. საღათა წარმომადგენელია ქართველი ინტელიგენციის იმ ნაწილისა, რომელმაც მიზნად დაისახა,—საკუთარი ცოდნა, ენერჯია და გამოცდილება მთლიანად შეეწირა საზოგადოებრივი სიკეთისათვის. კიკოლიკი საღათას ანტიპოდია თავისი სოციალური მდგომარეობით და შეხედულებებით. კიკოლიკი ყოველივეს ზომავს პირადი კეთილდღეობის, საკუთარი მატერიალური მდგომარეობის საზომით, საღათა კი საზოგადოებრივი კეთილდღეობის ასპექტით. კიკოლიკი ქარვასლების წინ გავლისას ყოველთვის ფიქრობს: „ესეები თუ ერთ დროს ჩემი გახდენ, მაშინ უყურე რაებს ვიზამ. ჩემი სალონი საუკეთესო ახალგაზრდობის სალონი იქნება. მე ვიქნები იმათი მოთავე და მფარველი, მე ვიქნები, მე, მე...“¹⁾ საღათა სულ სხვა თვალსაზრისით უყურებს სინამდვილეს. ეგოცენტრისტული ტენდენციები საღათას ინდივიდუალობისათვის შეუფერებელია. როცა ის რედაქტორად მოიწვიეს, ოდნავდაც არ უფიქრია, რომ ამით დიდი კაცი გახდებოდა, ბევრი ფული ექნებოდა ან ყველა პატივისცემით მოიხსენიებდა თუ დააფასებდა. როცა მიიღო ცნობა რედაქტორად მიწვევის შესახებ, საღათამ აღტაცებით წამოიძახა: როგორც იქნა, ზოლოსდაბოლოს, საჩემო საქმე გამოჩნდაო. კიკოლიკი სტამბას და გაზეთს, როგორც ვთქვით, საკუთარი კეთილდღეობის თვალსაზრისით უყურებს და ოცნებობს, რომ დადგება დღე, როცა შეირთავს ს...ს ქალს, რომელსაჲ ხუთი ათასი თუმანი აქვს მზითვად, ქალიც ლამაზია, ხოლო როცა ინსტიტუტში შევა, პირველად ის შემოვეგებება და ცოცხლად ეტყვის: „Здравствуй г. учитель, Здравствуй!“²⁾, როგორც ხედავთ, საღათა და კიკოლიკი ორი, სხვადასხვა იდეებით გატაცებული, სხვადასხვა ქვეყნის ადამიანები არიან. კიკოლიკის და საღათას დახატვაში გიორგი წერეთელი იყენებს კონტრასტების მეთოდს, ისევე, როგორც მთელი რიგი სხვა ტიპების დახატვაში. „მგზავრის წერილებში“ კონტრასტების მეთოდი ყველაზე უფრო ფართოდ და დიდი დია-

¹⁾ იხ. „კიკოლიკი, კიკოლიკი და კლდამზიკა“, 1935 წ., გვ. 110. სხვათა შორის, წიგნის ეს გამოცემა საესეა კორექტურული შეცდომებით.

პაზონით არის გამოყენებული. კიკოლიკი ლიბერალია არამარტო თავისი სტუდენტობის პერიოდში, არამედ, მთელი ცხოვრების მანძილზე. ამ გადაჭრით შეიძლება ითქვას, რომ კიკოლიკისებური ლიბერალიზმმა უადრესად დამახასიათებელი სახეა სამოციანი წლების ლიბერალური ქართველი ინტელიგენციის გარკვეული ნაწილისა.

პოლონელი ხ ... სკი კიკოლიკის ანტიპოლია, მაგრამ საღათაზე უფრო გაბედული და მებრძოლი. ხ ... სკი არ მიდის დათმობაზე კიკოლიკთან. ხ ... სკი ვერ იტანს კიკოლიკის ლიბერალიზმს და უეციობას. ვერ ურიგდება მის ფუყე დემაგოგიას, მის მამლაყინწურ ყოყლოინობას, ხოლო საღათა ბრძოლის უნარმოკლებულია, უმრავლეს შემთხვევაში დათმობაზე მიდის კიკოლიკთან და, გარდა ორიოდ შესიტყვებისა, ასრულებს მის სურვილს. თუ საღათა გლეხთა ბავშვებისათვის ხსნის სკოლას, ასწავლის მათ და უნერგავს გლეხებს სიძულვილს ბატონებისადმი, ხ ... სკი აქტიური მონაწილეა სტუდენტთა მოძრაობისა და მან „პირობა დაადებინა კიკოლიკს და იმის ამხანაგებს, რომ უნივერსიტეტის ყოველ საქმეში თქვენც ჩვენთან იყავითო“. მართალია, ხ ... სკი დარწმუნდა, რომ კიკოლიკი სრულებით არ იყო ისეთი, როგორც მას ჰყავდა წარმოდგენილი, მაგრამ არც იოლად დაანება თავი კიკოლიკს და ამხანაგების მისდევდნენ, არ გაუწვევტია კავშირი. ხ ... სკი ღრმა მცოდნეა სოციოლოგიისა და პოლიტიკისა. ხოლო დანარჩენ ამხანაგებთან, რომლებიც ხ ... სკის გზას მისდევდნენ, არ გაუწვევტია კავშირი. ხ ... სკი ღრმა მცოდნეა სოციოლოგიისა და თუ კიკოლიკი თავყანს სცემს ავგუსტოსს და იულიოს კეისარს, ხ ... სკის იდეალია გარიბალდი და ვაშინგტონი.

პოლონელი ხ ... სკი თავისი შეხედულებებით და ინდივიდუალობით ძალიან ახლოა ტურგენევის ინსაროვთან. მათი მხატვრული ჩვენების ზერზიც თითქმის განუსხვავებელია. ინსაროვი პირად ბედნიერებას უყურებს, როგორც განუყოფს სამშობლოს ბედნიერებისაგან, და თუ ეს უყანასწელი არ არსებობს, მისთვის პირველიც შეუძლებელია არსებობდეს. მას უკვირს კიდევ, თუ როგორ შეიძლება ადამიანი იყოს ბედნიერი და კმაყოფილი, როდესაც მისი სამშობლო განსაცდელშია და მხატვრელთა უღელს ატარებს. ამ მიზნით იგი სწავლობს მოსკოვის უმაღლეს სასწავლებელში, ამიტომ ამყარებს ურთიერთობას მოსკოვის მოწინავე ახალგაზრდობასთან, ამიტომ სთარგმნის ბულგარულ ლექსებს რუსულ ენაზე, ადგენს ბულგარული ენის გრამატიკას და გრამატიკას რუსული ენისას ბულგარელებისათვის, რომ მოამზადოს აჯანყება თავის სამშობლოში და ეს უყანასწელი გაანთავისუფლოს მონობისაგან. ის მზადაა საკუთარი თავი გასწიროს სამშობლოს ბედნიერებისათვის. მაგრამ „Накануне“-ში არა ჩანს ინსაროვის სხვა პრაქტიკული საქმიანობა ბულგარეთის განთავისუფლებისათვის. მართალია, ის მიდის თავის სამშობლოში, მაგრამ მოულოდნელად იღუპება გზაზე და ჩვენ სრულებით არ ვიცით, ინსაროვის განზრახვას ჰქონდა თუ არა მომზადებული რაიმე პრაქტიკული წინასწარი საფუძველი. გ. წერეთლის ხ ... სკი პოლონელი ინსაროვია არა მარტო თავისი იდეური შეხედულებებით, არამედ მხატვრული სახითაც. ის დასცინის კიკოლიკის ლიბერალიზმს, გატაცებულია ევროპაში დანთებული განმთავისუფლებელი მოძრაობით, ჯუჯუპე გარიბალდის სახელოვანი ბრძოლით იტალიის განთავისუფლებისათვის და აღტაცებით ამბობს, რომ ახლოა ის დრო, როცა დაჩაგრული ერების განთავისუფლებისათვის ამდგარი ტალღა, რომელიც დასავლეთიდან მოდის, მალე მოადგება აღმოსავლეთს აღელვებული ოკეანეს სახით. სახელო-

ვანი გიორგი ვაშინგტონის ბრძოლები ამერიკის განთავისუფლებასათვის სკის-
მაჩნია, როგორც ერთი უძლიერესი საბუთი ვარიზალდამდე დრავარული
ერების განთავისუფლების სრული შესაძლებლობისა. ის ისევე, როგორც და-
გატაცებით მსჯელობს სოციოლოგიის, პოლიტიკისა და ეთნიკის სკისებზე,
როგორც ინსაროვი. ხ... სკიმ საესებით სწორად, მართებულად განმარტა-
თუ რატომ აღწევდა ვარიზალდი გამარჯვებას იტალიის ჯარებზე. ვარიზალ-
დების სოციალური ბუნებისა და იტალიის ოფიციალური ჯარის კლასობ-
რივი სახის, მათი მიზნებისა და მოვალეობის ანალიზი, რომელიც ხ... სკიმ მო-
იხდინა კიკოლიკის წინააღმდეგ, ნათლად მეტყველებს, რომ ხ... სკი 60-იანი
წლების ისეთივე ღვიძლი შვილია, როგორც ბულგარელი ინსაროვი. ჩვენ არ
ვამბობთ, თითქოს „მგზავრის წერილები“ დაწერილი იყოს ტურგენევის
„Накануне“-ს ვავლენით ან მას რაიმე საერთო ქონდეს ამ უკანასკნელთან,
თუ მხედველობაში არ მივიღებთ პოლონელ ხ... სკის, რომლის პროტოტიპიც
ბულგარელი ინსაროვია.

„მუფერავი“ რეალისტის მხატვრული პალიტრისათვის უაღრესად დამახა-
სიათებელია ფართო სოციალური სანამდვილის ჩვენება. ჩვენ ეს ნათლად და-
ვინახეთ „მგზავრის წერილების“ ანალიზისას. ჩვენ დავინახეთ, რომ კიკოლი-
კის პიროვნება ავტორმა არ დავიხასიათა სინამდვილის გადმოცემის მეტა-
ფიზიკური ან ვიწრო ემპირისტული მეთოდით. კიკოლიკის პიროვნული „მე“
მან გააშიშვლა ჯერ ხ... სკის დაპირისპირებით, შემდეგ საკუთარი თავისა და,
ბოლოს, არანაკლები რელიეფურობით, საღათას სულეით ქვეყნის გახსნით.
ბურჟუაზიის წარმომადგენლებსაც კონტრასტების მეთოდით გვიჩვენებს ავ-
ტორი. ბურჟუაზიას ის უპირისპირებს გადაგვარებულ თუ გადაგვარების გზაზე
დამდგარ ფეოდალურ არისტოკრატას. მათი ურთიერთდაპირისპირების სფე-
როში ყველგან მკლავდება ინტერესთა მძაფრი კოლიზია, რომელიც ბოლოს-
სასიკვდილო ბრძოლაში ხორციელდება. ამ ბრძოლის კანონზომიერი საფუძ-
ვლები თითქმის ყველგან მითითებულია. ამ ბრძოლას თავისი სოციალური,
ეკონომიური და პოლიტიკური გამართლება აქვს. ის არ არის ნაჩვენები სქემა-
ტიურად, მოვლენათა კანონზომიერი ჯაჭვის გარეშე, თუმცა ავტორის შემეც-
ნება თვალსაჩინო ნაწილში მინც ატარებს სინამდვილის ვაგების ყალბ ტენ-
დენციას იმდენად, რამდენადაც ის წარმომადგენელია ახლადფეხადგმული
ბურჟუაზიის კლასობრივი ინტერესებისა.

ბურჟუაზიის წარმომადგენლებს გ. წერეთელი გვიხატავს არა მარტო მათი
სავაჭრო ოპერაციების პროცესში, არამედ, წარსულის დახასიათებითაც. სა-
ვაჭრო ბურჟუაზია მის რომანებსა და მოთხრობებში ყველგან წარსულის და-
ხასიათებითაა მოცემული. პეტრ ივანიჩი, რომელიც ბაკურაძის ყმობას თავს
აღწევს ადლერისაკენ ვაჭრებით, რათა იქ ფული ჩაიგდოს ხელში, ნათლად
ადასტურებს ამ დებულებას. ნიკოლაი ნიკიფოროვიჩის წარსულიც ისეთივე
უიმედობის წყვილიადაა მოცემული, როგორც პეტრიელასი. მართალია, ის
არ არის ყმა, მაგრამ შეიპერად მუშაობს გემზე და ეკონომიურად ისეთივე ლა-
ტაკია, როგორც პეტრიელა. ნიკოლაი ნიკიფოროვიჩმა, გამოიჩინა რა დიდი-
ნიჭი ალემ-მცემობაში, — დიდძალი ფული იშოვნა და სავაჭრო კაპიტალის
განვითარების ეპოქისათვის მეტად დამახასიათებელი საშუალებებით გადაიქცა
დიდძალი ქონების მფლობელად. ბურჟუაზიის დახატვაში გ. წერეთელი დი-
დი რეალისტია. ის ყველგან აღნიშნული კლასის ინტერესების, ფსიქოლოგიის
ღრმა მკოდნედ და მის იდეოლოგიად მოსჩანს. მის მიერ დახატული ბახვა ფუ-

ლავა, პეტრ ივანიჩი, ნიკოლაი ნიკიფოროვიჩი დასრულებული უკლესად რელიეფური ტიპები არიან. ნიკოლაი ნიკიფოროვიჩი ნათლად გრძნობს, რომ დადგა დრო, როცა ბურჟუაზია „მარილია ქვეყნის. ის არჩენს გარსს. ზოდის წარმოებას და თვითონაც მდიდრდება“. ნიკოლაი ნიკიფოროვიჩი უკლესად განვითარებული სახეა საქართველოს ბურჟუაზიისა და თუ ბახვა ფულავას ოჯახი ვერ აღწევს მიზანს, იღუპება პეტრ ივანიჩის ავლადიდებაც — ნიკოლაი ნიკიფოროვიჩი თავის ცხოვრების რთულ გზას აგვირგვინებს დიდგვარიანი არისტოკრატია ქალის — გულქან ბაკურაძის შერთვით და საბოლოოდ მკვიდრდება ბურჟუაზიული ოჯახის იმ პერიოდისათვის დამახასიათებელ იდილიურ ატმოსფეროში. ამგვარად, ფულავებისა და პეტრ ივანიჩების ცხოვრების დაღუპვა ნიკოლაი ნიკიფოროვიჩის გამარჯვებით გვირგვინდება, ხოლო ის ტრაველია, რომელიც ბახვა ფულავასა და პეტრ ივანიჩის სახით გაიარა ბურჟუაზიულმა კლასმა საქართველოში, ნიკოლაი ნიკიფოროვიჩს აღარ აწუხებს. ნიკოლაი ნიკიფოროვიჩი ცხოვრებას უფრო ღრმა პრაქტიკოსის თვლით უცქერის. მის ნებისყოფასა და აზროვნებაში ღრმად გაუღვამს ფესვი აღმავლობის პერიოდში მყოფი ბურჟუაზიისათვის უკლესად დამახასიათებელი ტენდენციებს. ამიტომაც, რომ იგი მწარედ დასცინის სულმოკლეობას და მწუხარებას, ამიტომაც, რომ იგი ასე ზმირად გაიძახის: „ადამიანების მოვალეობაა მოთმინება და სულგრძელობა, რადგან მწუხარება სულმოკლეობის დედაა და სულმოკლეობას კი უძროოდ სამარისაკენ მივყავართ, თუ იგი სულგრძელობით არ ვკურნეთ“. როგორც მივეუთითეთ, ჩრდილოელი ვაჭარი ნიკოლაი ნიკიფოროვიჩი ბურჟუაზიის უკლესად დამახასიათებელი და რეალისტური ტიპია. მისთვის ცხოვრება არ არის მოცული არც გაურკვეველი ნისლით და არც გამოუვალი წყვილიადით. ის ნათლად გრძნობს, რომ მომავალი მის ხელშია. მომავალი მას ეკუთვნის, ბედნიერი ცხოვრება მისთვის წინაა. მისკენ სწორედ ამიტომ მიისწრაფის მაღალი არისტოკრატის წრეებში მორალურად დასუსტებული, ნებისყოფა დამცხრალი და მამაკაცებისადმი ზიზლით ანთებული გულქანი. და როცა ეს უკანასკნელი სთხოვს ნიკოლაი ნიკიფოროვიჩს მისი წარსულის გადმოშლას, ხოლო როცა შემდეგ თვით გულქანი მოუთხორობს მას საკუთარი ცხოვრების ისტორიას, ფაქტიურად აქ ორი საზოგადოებრივი კლასის ურთიერთ ინტერესთა დაპირისპირებაა: ნიკოლაი ნიკიფოროვიჩი წარმომადგენელია ბურჟუაზიისა, რომელიც დათმობაზე მიდის ფეოდალურ არისტოკრატისთან, მისი საგანძურის მიღებისათვის, ხოლო გულქანი — ლიბერალური არისტოკრატისა, რომელმაც ქედი მოიხარა ბურჟუაზიის წინაშე და საკუთარი ცხოვრებაც მას შეუერთა, რომ წარსულის კომპარია უკან მოიტოვოს და ახალ ცხოვრებას მაგრად ჩამოართვას ხელი. სინამდვილე ასე ეხატებოდა გ. წერეთელს.

ამ რთული სოციალური დიფერენციაციის ჩვენებით, როგორც აღვნიშნეთ, „შეუფერავი“ რეალისტი არ სტოვებს სავაჭრო კაპიტალის განვითარების სინამდვილის თითქმის არც ერთ დეტალს.

სავაჭრო და სამრეწველო კაპიტალის განვითარების შედეგად ფეოდალური მეურნეობის რღვევის თვალსაჩინო სურათები გვიჩვენა გ. წერეთელმა თავის მოთხრობებში: „რუხი მგელი“ და „მამიდა ასმათი“. ეკონომიურად დაუძლეობელი ფეოდალური არისტოკრატია მაინც არ ივიწყებს თავისი ტრადიციულ ჩვევებს, და, მიუხედავად ეკონომიური ხელმოკლეობისა, მაინც თავისებურად მისდევს სიზარმაცეს, მუქთახორობას, ქედმაღლობას. ეს კლასი გა-

აფთრებულია ეკონომიური სივიწროვის გამო და არავითარ ღონეს არ იშურებს, ოღონდ შეინარჩუნოს პირადი კეთილდღეობა, კვლავ უჭირბოლოდ და უზრუნველად გაატაროს ცხოვრება. ასეთია ავთანდილ კეჭეჭაძის რწმუნული ავიწროებს გლეხობას, ამასთან იმ ზომამდის, რომ ეს უკანასკნელი კვლავინ კიდევ მას. „მამიდა ასმათში“ უფრო მწვავედაა დასმული ეს საკითხი. ილაგ-გაწყვეტილი წვრილფეხა აზნაურობა ნათესაური დამოკიდებულების საუკუნობრივ ტრადიციებსაც კი არღვევს პირადი ეკონომიური კეთილდღეობისათვის. ასმათი ძმას როსაფს შემკვიდრებით მიღებული ქონებისათვის სახლს დაუწევას, გლეხობას მიუსყეს და, ბოლოს, ცრუ დაბეზღებასაც არ მოერიდება, ოღონდაც ხელში ჩაიგდოს მამის მიერ დატოვებული ქონება. ასეთია ფეოდალური არისტოკრატის გახრწნის, დეგრადაციის დამახასიათებელი სურათები ბატონყმობის გაუქმების შემდეგ.

„პირველი ნაბიჯი“ დიდი მხატვრული ნაწარმოებია, სადაც სავაჭრო ბურჟუაზიის განვითარების გვერდით ავტორმა მოხდენილად დაგვიხასიათა ფეოდალური არისტოკრატის გახრწნაც. იერემია წარბა წარმომადგენელია დეგრადაციის გზაზე დამდგარი ფეოდალური არისტოკრატისა. მართალია, მას დიდი ხანია გამოეცალა ეკონომიური სარჩული, მაგრამ ის მაინც უშრომლად და უზრუნველად ატარებს დროს განუწყვეტელ ქეიფში კონტრაბანდისტობით თუ ავანაკობით მოპოვებული ფულით. მას ეხმარება და ყოველმხრივ ხელს უწყობს დიდგვარიანი და ობსკურანტული რუსეთის მონარქიის მოხელეებთან ახლო მდგომი ნათესავი ვალიდა. გლეხთა წრიდან გამოსული, მაგრამ ვაჭრობით ეკონომიურად მოღონიერებული ბახვა ფულავა დაპირისპირებულია იერემია წარბასთან, და არსებითად აქ ორი ძირითადი საზოგადოებრივი კლასია წარმოდგენილი: კლასი დეგრადაციის გზაზე მდგომი ფეოდალური არისტოკრატისა და კლასი ახლადფეხადგმული ბურჟუაზიისა. ვალიდა და ესმა განასაზიერებენ ორი საზოგადოებრივი კლასის — დეგრადაციის გზაზე მდგომი ფეოდალური არისტოკრატისა და უფლებრივად დაჩაგრული, მაგრამ ამ დროს მორალურად და ეკონომიურად ძლიერი ახალი საზოგადოებრივი კლასის ხასიათებს. ამ კონტრასტების მეთოდით „პირველ ნაბიჯში“ ნათლადაა წარმოდგენილი დეგრადაციაქმნილი ფეოდალიზმისა და ახლად ფეხადგმული კაპიტალიზმის ბრძოლა. „პირველ ნაბიჯში“ დახასიათებულია რუსი ჩინოვნიკებია მექრთამეობა და სასამართლო თავისი გახრწნილებით, როგორც იარადი პოლიტიკურად უფლებამოსილი საზოგადოებრივი კლასისა. „პირველი ნაბიჯი“ დიდი მხატვრული ტილოა, სადაც მძაფრი რეალისტური ფერებითაა დახატული საქარველოს მე-19 საუკუნის მეორე ნახევარი, ის დრო, „როცა ქალაქ ფოთის ნავთსადგურში პირველად იწივლა ცეცხლის გემმა“, რაც ნიშნავდა სავაჭრო სამრეწველო კაპიტალის მძლავრ იერიშს საქართველოს ეკონომიურ, პოლიტიკურ და კულტურულ სინამდვილეში.

ეს უაღრესად თვალსაჩინო ეპოქა საქართველოს ისტორიაში, შეიძლება ითქვას, ცენტრალური თემატიკური მასალაა გ. წერეთლის მხატვრული შემოქმედებისათვის. „პირველი ნაბიჯის“ ვრცელ მანძილზე ნახვენები ჩინოვნიკების მექრთამეობა, გახრწნილება და გადაგვარება, უფრო ადრე, ჯერ კიდევ „პირველ ნაბიჯამდე“, ნახვენები იყო „გულქანში“ მეტად დამახასიათებელი სურათებით და ცოცხალი ტიპიზაციით. ეს გზა ავტორის კალმისათვის არ არის შემთხვევითი. იგი გვხვდება მისი მხატვრული შემოქმედების დიდ ნაწილში. შეიძლება ამით აიხსნას, რომ მხატვრული ღირსებით აქ ყოველთვის ძლიერია

გ. წერეთელი, როგორც შემოქმედელი და დამკვირვებელი ობიექტურ სინამდვილისა.

ქართული

ობსკურანტული რუსეთის მონარქიის მოხელეთა მექრთამეობის მხარე სახელმწიფო ქონების განაიგება და მათი მორალური ზნედაცემულობა გ. წერეთელმა თავის მხატვრულ შემოქმედებაში მკვეთრად, რეალისტურად დაგვისურათა. ზორხიანეთის გამგე არა მარტო ცუდად მუშაობს, არამედ ითვისებს სახელმწიფო ქონებას, ეწევა მექრთამეობას და ხელგაშლილ ცხოვრებას. ის ათასგვარი ხერხებით ცდილობს სახელმწიფო ქონების მითვისებას და რევიზიისათვის გამოგზავნილ თავად სტაროდუბსკის ჩამოსვლამდე წინასწარ აწყობს გეგმას: თავისი მეუღლისა და გულქანის დახმარებით აუხვიოს თვალი რევიზორს და როგორმე მიჩქმალოს დიდი თანხის ვაფლანგვა. „ერთი რამ სახიფათო საქმე მაქვს და მისი მეშინია, — ეუბნება ზორხიანეთის გამგე თავის მეუღლეს: — არ იცი, რომ სახელმწიფო ფულები, რომელიც რკინისგზის საფენის გასაკეთებლად მქონდა ჩაბარებული, მაკლია, ანგარიშები ამებნა, არ ვიცი ნახევარ მილიონზე მეტი როგორ დაიხარჯა?“. მან ინგლისის ბანკში თავის მეუღლის სახელზე 300.000 მანეთი გაგზავნა. მსგავსი შემთხვევები არ არის ერთეული მის ცხოვრებასა და საქმიანობაში. ასეთია თვითმპყრობელობის, რუსეთის მონარქიის არა მარტო წვრილფეხა, არამედ დიდი ჩინოვნიკების დამახასიათებელი „მოღვაწეობა“, რაც ასე დამაჯერებლად დაგვისურათა გ. წერეთელმა. ეს იყო ერთი უმთავრესი მიზეზი, რამაც „გულქანს“ მზის სინათლე არ აჩვენა ავტორის სიცოცხლეში.

ჩვენ მიუხედავად იმაზე, რომ გ. წერეთლის შემოქმედების და მოღვაწეობის ეპოქა სავსე იყო საზოგადოებრივი და ეკონომიური ხასიათის მოვლენებით. ეპოქის მიერ წამოყენებულმა საკითხებმა თავისი გამოძახილი ჰპოვეს მის შემოქმედებასა და აზროვნებაში. ეს იყო პერიოდი, როცა პიროვნების ვიწრო განსაზღვრულობას რომელიმე დარგით ფრთები ეკვეცებოდა და საჭირო ხდებოდა მრავალმხრივი საზოგადოებრივი მოღვაწეობა. ამ მომენტებმა თავი იჩინეს გ. წერეთლის შემოქმედებასა და მოღვაწეობაში. ამიტომაც, რომ იგი ცნობილია არა მარტო მხატვრად, შემოქმედად, არამედ პუბლიცისტად, ისტორიკოსად, არქეოლოგად, ბუნებისმეტყველად, ჟურნალისტად და რედაქტორად. რასაკვირველია, ყოველივე ამან ხელი შეუშალა და დააქვეითა მისი პროზის მხატვრული მხარე, მაგრამ ეს არ შეიძლება მიჩნეული იქნას საბუთად მისი მხატვრული შემოქმედების დევეალაციისათვის. ის რჩება თვალსაჩინო, დიდი დიაპაზონის მხატვრული კულტურისა და მძაფრი რეალიზმის წარმომადგენლად მე-19 საუკუნის ქართულ ლიტერატურაში. მართალია გ. წერეთლის შემოქმედებაში უზვად არის პუბლიცისტიკა, მაგრამ ეს არ ნიშნავს იმას, რომ იგი პუბლიცისტური მხატვრული პროზის წარმომადგენლად მივიჩნიოთ. მის მიმართ საცესებით სწორია დებულება, რომელიც გ. წერეთელს ახასიათებს, როგორც თვალსაჩინო რეალისტს, რომელმაც უარყო ხელოვნების იდეალისტური გაგება, მშვენიერებისადმი სამსახური და მიზნად დაისახა საზოგადოების ნაკლთა აღმოფხვრისათვის, საზოგადოებრივი კეთილდღეობისათვის ხელის შეწყობა. მისი მხატვრული პროზა, ნეგატიური ნაწილის გამოკლებით (რის შესახებაც ჩვენ ზევით გვქონდა საუბარი), თვალსაჩინო ნაწილად შედის მე-19 საუკუნის მხატვრული პროზის საგანძურში.

იდეოლოგია, რომელიც ვლინდება გ. წერეთლის შემოქმედებაში აშკარად ბურჟუაზიულია. მართალია, 60-იან წლებში გ. წერეთელი თურქულენოვანი იყო, მაგრამ 70-იან წლებში ის საბოლოოდ ჩამოსცილდა ამ ტერიტორიულ-როგარესიულ მიმდინარეობას და ჩამოყალიბდა, როგორც ახლად შექმნილი ბურჟუაზიის იდეოლოგი. ჩვენ არაფერს ვიტყვით იმ შინაგან და გარეგან მიზეზებზე, რომლებმაც გამოიწვიეს ეს გადასვლა, ვინაიდან ისინი საკმაოდ დავაბასიათეთ ზევით. აქ აუცილებელია რამდენიმე შენიშვნა ამ იდეოლოგიის ობიექტური ბუნების დასახასიათებლად, მისი რეალური პროფილის ცხადსაყოფად.

გ. წერეთელი იყო იდეური ბელადი იმ ახალი, ეგრეთწოდებული „მეორე დასისა“, რომელიც 70-იან—90-იან წლებში მოღვაწეობდა და რომლის მიზანიც იყო — ხელოვნებასა და ლიტერატურაში განემტკიცებინა „შეუფერავი“ რეალიზმი, პოლიტიკურ ეკონომიაში გაეტარებინა ჯონ სტიუარტ მილის თეორია, რომელიც უარყოფდა ერის დაყოფას წოდებებად და აყენებდა მთლიანი „ნამდვილი ერის“ იდეალს. დემოკრატიული წესწყობილება მიაჩნდა მას ასეთი ერის სახელმწიფოებრივ სისტემად, უარყოფდა თავად-აზნაურობის საადგილ-მამულო ბანკს და მის ნაცვლად აყენებდა მოკლევადიან სამრეწველო ბანკების იდეას. ეს უკანასკნელი მან მართლაც განახორციელა. ეს ბანკი ნამდვილად იყო კაპიტალიზმის ინტერესების დამცველი. არ შეეცხებით ამ დასში წარმოშობილ ორ მიმდინარეობას, მაგრამ ვიტყვით, რომ ეს დასი არსებითად დარჩა საქართველოს ბურჟუაზიის იდეოლოგიად პოლიტიკაში, სოციოლოგიასა და ხელოვნებაში. ეს ჯგუფი შემდეგ „დაადგა მსხვილი ბურჟუაზიის სამსახურისა და რუსეთის ცარიზმის მხარდაჭერის გზას“. თავის დროზე ამ დასის თვალსაჩინო იდეური ბელადი იყო გ. წერეთელი.

ამხანაგ სტალინისა და ლ. კეცხოველის უახლოესი მეგობარი, როგორც ამბ. ლ. ბერია ამბობს, ალექსანდრე (საშა) წულუკიძე აკრიტიკებდა გიორგი წერეთლის პოზიციას, აშკარად ბურჟუაზიულს. შეუთავსებელს „ცნობილი მეცნიერის სწავლასთან კლასიკურ ანტაგონიზმზე, რომლის მომხრეთ“... სახავდა თავის თავს გ. წერეთელი. ეს კრიტიკა მოცემულია საშა წულუკიძის „ღია წერილში ბ-ნ გიორგი წერეთელს“ (იხ. ა. წულუკიძე „თხზულებანი“, 1927 წ., გვ. 72).

„შეუფერავი“ რეალისტი იბრძოდა ადამიანის მიერ ადამიანის გაძარცვის წინააღმდეგ, მაგრამ ცხადია, ის არ იყო სოციალისტი. პირიქით, დასცინოდა სოციალიზმს და მისი განხორციელება უაზრობად და შეუძლებლობად მიაჩნდა. „მგზავრის წერილებში“ ის აშკარად გამოდის, როგორც წინააღმდეგი სოციალიზმის თეორიისა. მართალია, მის შემოქმედებაში არის ტენდენცია, მიმართული ადამიანის მიერ ადამიანის ჩაგვრის, ერთის მიერ მეორეს დამცირებისა და დამონების წინააღმდეგ, მაგრამ იგი მაინც წინააღმდეგია სოციალიზმისა, ისევე, როგორც ჰაინე, რომელსაც სოციალიზმი მიაჩნდა ხელოვნების, მეცნიერების დაღუპვად და პიროვნების გათქვეფად ერთფეროვნებაში. გ. წერეთლის აზრით, სოციალიზმი გულისხმობს ნაირსახეობის მოსპობას და თუ ეს განხორციელდა, მოისპობა ყოველგვარი ინტერესი. მართალია გ. წერეთელი სოციალიზმის შესახებ არ ლაპარაკობს პირდაპირ და გარკვევით, არ იხსენიებს ამ სიტყვას, მაგრამ ალგორითული სახეებით ის სოციალიზმის შესახებ მსჯელობს. სანამ შეუღდებოდეთ ამ მსჯელობის ანალიზს, მოვიყვანთ თვით მსჯელობას:

„რადაც საშინელ ბოროტ მიდრეკილებას სურს, — სწერს „მგზავრის წერილებში“ ავტორი, — მთელი კაცობრიობა ერთ კალაპოტში ჩააყენოს, ერთგვარი მიდრეკილება მისცეს კაცობრიობა სუბილობს, რომ ქვეყანაზე სულ გაჭრილ ვაშლსავეთ გეაქვს დასაყრდენი, როგორც შინაგანი აგებულების მოძრაობით, ხასიათით, გონების თვისებით, ენით, ისე გარეგანი სახით, მიხერა-მოხერით, ტანსაცმელით. ყველანი ერთად უნდა სკამდნო, ერთად უნდა სემდნო, ერთად, .. არა-მეთქი, ეგ მიდრეკილება ქვეყნის ცხოვრების წინააღმდეგია და ამის გამო მგზავრის მიდრეკილებას დიდი ხანი არ უნდა ჭონდეს-მეთქი. თვისებოდ ძირითადი თვისება ბუნებისა ეწინააღმდეგება მგზავრის მიდრეკილებას. შენ ვერ გზიხვარ-მეთქი, ჩემ თავს უთხარი, მეორე გვარის ძალის ბრძოლას, რომელიც ამ ცუდს მიდრეკილებას ეწინააღმდეგება-მეთქი. აბა შეხედე, ყოველი არსება თავის სიციცხლის გულისათვის როგორ ებრძვის მგ საზოგადო წარდენის მომასწავებელს ძალას, ვერ ხედავ, ყოველი არსება თავის თვისებას, თავის ბუნებას, თავის გარემოებას, თავის ფეხის დასადგმელს ალავს როგორ იცავს-მეთქი? ვერ ხედავ, როგორის ძალდატანებით იმავრებს ხელში თავის ძვირფასს კუთვნილებას? შეხედე სხვა ხალხებს, ფრანციას, შვეიცარიას, იტალიას, საბერძნეთს, ჩეხიას, ამის მოთხოვნს თვით ბუნების კანონი, ბუნების შრავალგვაროვნება. მხოლოდ მრავალგვაროვნებას მოაქვს ერთმანეთის განახლება, ერთმანეთის წინ-წყაენება, ერთმანეთის გამხრევა საუკეთესო მაგალითებით. სანამდის უკეთესი უკეთესი არ დაილევა, მანამდის ეს ძალა თავის ბრძოლასაც არ მოიშლის და ამაშიაც მდგომარეობს საზოგადო კეთილმდგომარეობის ძიება. მაშ აკურთხოს ღმერთმა ყოველი გაცალკევებული საგნის არსებობა, თუნდა რომ ჭინჭველაც იყოს და დასწყველოს-მეთქი ის ძალა, რომელიც იმის უღროვით გასრესვას ნდომულობს.“¹⁾

ეს „საშინელი ბოროტი მიდრეკილება“ სოციალიზმის ის თეორია იყო, რომელიც ისევე აფრთხობდა გიორგი წერეთელს, როგორც სახელოვან გერმანელ პოეტს ჰაინრიხ ჰაინეს, თუმცა მათი იდეოლოგია რადიკალურად განსხვავებულია.

გ. წერეთელს არა აქვს წარმოდგენილი, რომ სოციალიზმი არ ნიშნავდა ადამიანთა ერთგვარობის ქადაგებას, სოციალიზმი არ ნიშნავდა გაჭრილი ვაშლის ნაჭრებივით მსგავსი ადამიანების ტიპების შექმნას, არც მეცნიერებისა და ხელოვნების სიკვდილს, როგორც ფიქრობდა ჰაინრიხ ჰაინე. იგი გამოხატავს ადამიანური აზრის კოლოსალურ განვითარებას, მიზნად ისახავს სრულყოფილი ადამიანის შექმნას, შემეცნებისა და ხელოვნების არანახულ სიმძლევზე აყვანას, მთელი საზოგადოებრივი ბედნიერების პრაქტიკულად განხორციელებას, ისე როგორც ეს უკვე რეალობად იქცა დღეს, ბრძენი სტალინის ეპოქაში, რომლის უდიდესი ნაყოფით ხალხისიანად ცხოვრობს საბჭოთა ხალხი დედამიწის ერთ მეექვსედზე.

როგორც ზეითი დავახსიათეთ, გ. წერეთელი თერგდალეულების ერთი თვალსაჩინო წარმომადგენელი იყო, მაგრამ მათი იდეური პოზიციიდან განსხვავებული თავისი შედარებით მემარცხენე ტენდენციებით. იგი შემდეგ ჩამოყალიბდა, როგორც იდეოლოგი ბურჟუაზიისა. და თუ თერგდალეულები ფეოდალურ-პორაგრესიული დასის წარმომადგენლებად, ლიბერალური თავდაზნაურობის იდეოლოგებად დარჩნენ, გ. წერეთელმა ზურგი შეაქცია ლიბერალურ ინტელიგენციას და აშკარა ბურჟუაზიის იდეოლოგად გამოვიდა. ბურჟუაზია მას ერთადერთ კლასად მიაჩნდა, რომელსაც ეკუთვნოდა მომავალი: „გაფუჭებული და ღონე გამოლეული ჩვენი თავად-აზნაურობა, — სწერდა გიორგი წერეთელი, — დარჩა ყოველად უნუგეშო მდგომარეობაში: შრომა იმათ არ შეუძლია, სწავლა და მოხერხება არ აქვს. ამის გამო ის თანდათან ღარიბდება, საშუალება ხელიდან ეცლება და თანდათან ქრება იმისი

¹⁾ იხ. „მგზავრის წერილები“, 1935 წ., გვ. 134.

სახელწოდებაც“. ხოლო ის ახალი ძალა, რომელიც თავადაზნაურობის ადგილს იკავებს, რომელსაც მომავალი ეკუთვნის, არის მუშა ხალხი, რომელიც წინათ, ბატონყმობის უღელში გაბმული, გამოვიდა ამ არაადამიანურ, ტყვედნად და თავისთვის ჩვეული ენერგიით, თავდადებით დაიწყო ბრძოლა. „ამჟამად მხოლოდ ის შრომობს, ის იგებს, მას გაუღის თავისი ღონისა და გონების ძალა... და იმდენი ბუნებითი კარგი თვისებაც აქვს, რომ აუცილებლად ბურთი და მოედანი იმათ დარჩებათ“—ო...

მაგრამ ეს მუშა ხალხი გ. წერეთლის აზროვნებაში იყო ის ფულავები, პეტრი ივანიჩები, ნიკოლაი ნიკიფოროვიჩები, რომლებმაც თავიანთი სილატაკეს თავი დააღწიეს და ალებ-მიცემობით ხელში ჩაიგდეს დიდძალი ქონება, გახდნენ ქვეყნის ეკონომიური სიძლიერის გამომხატველნი. მათ არა მარტო ხელში ჩაიგდეს ერთ დროს ძლიერი ფეოდალების (თავფქვილაძე, ბაკურაძე) ადგილმამული, არამედ დააგროვეს დიდძალი სავაჭრო-სამრეწველო კაპიტალი. სწორედ ამ კლასის იდეოლოგია გ. წერეთელი. სავაჭრო-სამრეწველო კაპიტალის განვითარება და ფეოდალური მეურნეობის რღვევა ნათელი სინამდვილე იყო მისი მოღვაწეობის ეპოქაში და თავის მხატვრულ შემოქმედებაშიც ეს ორი მთავარი ტენდენცია — ფეოდალიზმისა და ფეოდალური მეურნეობის რღვევა, სავაჭრო-სამრეწველო კაპიტალის განვითარება დაგვიხატა ასე რეალისტურად.

პროფ. მ. ზანდუკელი აღნიშნავს, რომ გ. წერეთლის შემოქმედებაში სამი ძირითადი თემატური მაგისტრალიაო:

1) ძველი ფეოდალური ყოფის აუცილებელი და კატასტროფიული ¹⁾ რღვევა; 2) ახალი კლასის, ბურჟუაზიის, ფეხის აღგმა და გამოსვლა სამოღვაწეო ასპარეზზე; 3) ახალი ცხოვრების პირობებში მოწინავე ახალგაზრდობის დიფერენციაცია ²⁾.

ეს დახასიათება მართებულად მიუთითებს გ. წერეთლის შემოქმედების თემატიურ სპეციფიურობაზე და ჩვენც არაფერი გვაქვს დასამატებელი, გარდა კონკრეტიზაციისა, რომელიც მკითხველს ზევით უკვე მივაწოდეთ. გ. წერეთლის შემოქმედების ლიტერატურულ-კრიტიკული ანალიზის პროცესში ჩვენ შევეცადეთ დაგვეხა და გადაგვეჭრა ისეთი საკითხები, რომლებიც ბუნებრივად გამომდინარეობდნენ გ. წერეთლის შემოქმედების ამ თემატიური ტრიადიდან.

აუცილებელია განხილვის სფეროში შევიტანოთ საკითხი ლიტერატურული გავლენისა გ. წერეთლის შემოქმედებაზე. სანამ უშუალოდ დავახასიათებთ ამ გავლენის ბუნებას, საჭიროა ქართული ლიტერატურის ასტორიაში დამკვიდრებულ მოსაზრებათა წარმოდგენა.

პროფ. მ. ზანდუკელი მიუთითებს, რომ ავთანდილ კვიციანიძის სახლის აღწერაში ილია ჭავჭავაძის გავლენა სჩანსო. იგი სწერს: „ავთანდილ კვიციანიძის სახლის აღწერა გვაგონებს ილია ჭავჭავაძის წერის მანერას. დაახლოებით ამ ფერებში, ამ ტონით აქვს ილიას აღწერილი ლუარსაბ თათქარიძის სახლკარი. ერთგვარ ლიტერატურულ გავლენას ადგილი აქვს.“ ³⁾ მართალია, ილიას გაე-

¹⁾ ცნება კატასტროფიული აქ უმართებულოდაა ნახშირი. შესაძლებელია რ. ბაკურიძის დღეებზე კატასტროფიული იყოს, მაგრამ ფეოდალური მეურნეობის რღვევა კანონზომიერი და ისტორიულია. ამდენად, შეუძლებელია ის იყოს კატასტროფიული.

²⁾ მიხ. ზანდუკელი — „ახალი ქართული ლიტერატურა“, ტომი მე-2, გვ. 463.

³⁾ მიხ. ზანდუკელი — „ახალი ქართული ლიტერატურა“, ტომი მე-2, გვ. 443.

ლენა აშკარად სჩანს გ. წერეთლის შემოქმედებაზე (დაზგა — ლენა — თათქარიძე, დათიყო — იერემია წარბა, ოთარაანთ ქვრივი — როდამე), მაგრამ ჩვენის აზრით ავთანდილ კვიციანიძის სახლის აღწერა გოგოლის „სტუმრების“ გავლენას უფრო განიცდის, ვიდრე ილიას „კაცია ადამიანისას“. ავთანდილ კვიციანიძის ბოდიში სტუმრების წინაშე „უცაცრავად, ჩემო ბატონო, რომ ჯერ ოდა რივიანად არ მაქვს მოწყობილი“, იგივეა, რაც მანილოვის პასუხი სტუმრებისადმი. ავთანდილ კვიციანიძის მოუწყობელი სახლი, მისი მოუთავებელი კიბე და ყოველივე ამის ასე სარკასტულად დახატვა ძალიან უახლოვდება გოგოლის მანილოვის აღწერას და მის პიროვნულ-საზოგადოებრივ ყოფას. მართალია, მანილოვი დიდი მემამულეა, ხოლო ავთანდილ კვიციანიძე გადაგვარებული არისტოკრატიის წარმომადგენელი, მაგრამ მათი დახატვის ხერხი მსგავსია. ყოველივე ეს, ჩვენის აზრით, უმთავრესად გოგოლის მხატვრული შემოქმედების გავლენით უნდა აიხსნას, ვიდრე ილიას ლიტერატურული გავლენით. გ. წერეთელი ილიას „კაცია ადამიანის“ წაკითხვამდე იცნობდა გოგოლის „მკვდარ სულებს“, მანილოვის სახლის მორთულობის აღწერას და, ცხადია, იმ პასუხსაც, რომელსაც მანილოვი განურჩევლად ეუბნებოდა სტუმრებს. კვიციანიძის მოუთავებელი ოდა, განსაკუთრებით მისი კიბე, რომელიც აიძულებდა სტუმარს თიკანივით შეკუნტრუშებულყოფ, რათა ოდაში შესულიყო, იგივეა, რაც მანილოვის სავარძლები.

მანილოვის უღარდულობა, მოუქნელობა და სიბარიტიზმი ძალიან ახლოა კვიციანიძის პიროვნულ-საზოგადოებრივ ყოფნასთან: კვიციანიძის მოუწყობელი სახლი, დაუმთავრებელი კიბე, რომლის ნაცვლად ორი ხეა გადებული, ალევორიული სახეა მანილოვის სავარძლებისა და იმ წიგნისა, რომელშიც ნიშანი ყოველთვის მეთოთხმეტე გვერდზე იყო ჩადებული და რომელსაც მანილოვი კითხულობდა ორი წლის განმავლობაში.

გოგოლის გავლენა, რომელიც უაღრესად ძლიერი იყო რუსეთის ლიტერატურაზე, გასცდა თავის საზღვრებს და ქართულ ლიტერატურასაც თავისი დალი დაასვა. ჩვენ არა ერთხელ მივუთითეთ, რომ ილიას „კაცია ადამიანი“ დაწერილია გოგოლის „Старосветские помещики“-ს გავლენით. თუ ასეა, მაშინ ბუნებრივია, რომ გიორგი წერეთლის და ი. ჰავციანიძის შემოქმედების მხატვრული ხერხების ნათესაობას თავისი პირველი წყარო უნდა მოუუნახოთ. ეს წყარო სათავეს ღებულობს გოგოლის დიდ-მხატვრულ შემოქმედებაში, რომელმაც დიდი გავლენა იქონია რუსეთის ისეთ სახელგანთქმულ მწერლებზე, როგორიც არიან დოსტოვესკი, გონჩაროვი და ტოლსტოი. გ. წერეთელმა რუსეთის დიდი რეალისტის გავლენა განიცადა, თუმცა ამ ორი მწერლის იდეოლოგია ერთი მეორის სრული დაპირისპირებაა: პირველი ბურჟუაზის იდეოლოგია, მეორე თავად-აზნაურობის რეაქციული ინტერესების დამცველი (თუმცა გოგოლის მხატვრულმა შემოქმედებამ უდიდესი როლი ითამაშა მასების რევოლუციური შეგნების განვითარებაში).

შალვა რაღინი

ნიკო ლორთქიფანიძე

ნ. ლორთქიფანიძემ მოღვაწეობა დაიწყო 1902 წელს, როგორც იმპრესიონისტული მინიატურების ავტორმა. ამ მინიატურებში არ იყო დასმული ფართო საზოგადოებრივი პრობლემები, მათში მხოლოდ ცალკეული შტრიხები იყო მოხაზული. ნ. ლორთქიფანიძე ცხოვრებისადმი ასეთი დამოკიდებულების თავისებურ დასაბუთებასაც კი ცდილობდა. ამ მხრივ საყურადღებოა მისი განცხადება: «განა მწერალს, როგორც ყოველს ადამიანს, ცოტა ჰყავს ნაცნობი, რომელიც მზის დაბნელებასავით ერთხელ უნახავს, რომელზედაც გაუტანია ორიოდ სიტყვა და უბრალო შეხვედრაც შეხსიერებიდან ვერ ამოუფხვრია? განა უფლება არა აქვს ბელეტრისტს შემთხვევითი შეხვედრანი, ყურმოკრული ხმები, წუთიერი შთაბეჭდილებანი გადასცეს თავის მეგობარს — მკითხველს?! (ხაზი ჩვენია. შ. რ.) მე სხვადასხვა სურათს მოგაწვდენ ცხოვრებიდან. მათი ერთმანეთთან შეკავშირება შენთვის მომინდვია... მე მაინც მგონია, რომ მკითხველს მეტი ადგილი უნდა დაეთმოს ფანტაზიისათვის, შემოქმედებისათვის... მკითხველს მოსწყინდა ყველაფერი შემუშავებული, თავ-თავის ადგილზე ჰპოვოს. მწერალმა მარმარილო, ტილო, საერთო აზრი, ჩარჩო, ორი-სამი ხაზი უნდა დაამზადოს, დამთავრება, დაბოლოება ნაწარმოებისა მკითხველის გამოვნებასა და სურვილს მიანდოს...» («უილქნოდ»).

უნდა ითქვას, რომ ნ. ლორთქიფანიძე ამ შემთხვევაში არა ყოველთვის გამოდიოდა მკითხველის ინტერესებიდან (როგორც იგი ფიქრობს), არამედ თავისი პირადი ლიტერატურულ-ესთეტიკური შეხედულებებიდან. იმპრესიონისტულ-სიმბოლისტური დამოკიდებულება ცხოვრებისადმი მას არ აძლევდა შესაძლებლობას მოვლენები გადმოეცა ფართო მასშტაბით, ღრმად, ტიპური ნიშნებით. ცნობილია, რომ მწერალი — იმპრესიონისტი სახავს მხოლოდ იმას, რასაც ითვისებს პირველი შეხედვით; მისი მისწრაფებაა გამოხატოს მხოლოდ ცალკეული გარდამავალი მომენტები, რომელიც შეიძლება წარმოსახული იქნას წამიერი გრძნობითი ათვისებით. იმპრესიონისტი არ გვიჩვენებს სინამდვილეს თავის წინააღმდეგობებში, არამედ ახდენს მის ფიქსირებას იმ სახით, როგორც ხედავს სუბიექტურად განსაზღვრულ მომენტში. სწორედ ასეთი თვისებები ახასიათებდა ნ. ლორთქიფანიძის მინიატურებს, რომელზედაც გველენა მოახდინა იმპრესიონისტ-ესთეტიკის ვენის სკოლამ — გ. ბარმა, ა. შნიცლერმა, პ. ალტერბერგმა და სხვებმა.

ნ. ლორთქიფანიძის მინიატურები თემატიურად არ ხასიათდებოდა მრავალფეროვნებით. პირადი განწყობილებანი, სიყვარული და ზოგ შემთხვევა-

ში ფილოსოფიური პრობლემები — აი, მწერლის ინტერესის ფორმები. ცხოვრება ამ მინიატურებში გამოიყურებოდა, როგორც უფერული, რამდენადაც როგორც შემთხვევითობა და საშინელება, მათში იგრძნობოდა სიმძიმე და ხშირად უკიდურესი გულგატეხილობაც. ნ. ლორთქიფანიძეს ამ პერიოდის შემოქმედების დამახასიათებელი მინიატურებია — „გული“, „დაუწერელი მოთხრობა“, „უფერულება“, „შეხვედრა“, „ყელსახვევის ნაფლეთები“, „დაქანა ყვავილი“, „მთვარე“ და სხვ. გარეგნული, თვალხილული ქვეყანა და არა შინაგანად ათვისებული ქვეყანა იყო ამ მინიატურების საგანი. მათში უფრო მეტი იყო სურათოვნება, შთაბეჭდილებები, ვიდრე შინაგანი ხილვა და ორგანიული გააზრება.

მინიატურების განრიდან ნ. ლორთქიფანიძე გადადის ისტორიული ხასიათის მოთხრობებსა და რომანებზე. ძველ ფეოდალურ ცხოვრების მრავალი არსებითი მოვლენა აგვისახა მან ისტორიული განხრით დაწერილ მხატვრულ ნაწარმოებებში. ამ მოთხრობებში მწერალი გვიხატავს ქართველი თავად-აზნაურობის, ფეოდალური არისტოკრატის ყოფას, მათ განცხრომასა და ფუფუნებას, ქეიფსა და ნადირობას, მხეცობას და ვაუტანლობას, აგრეთვე გვაცნობს მათ შორის არსებულ უკუფებს, რომლებიც იბრძვიან გავლენისათვის. ამ ხალხს ახასიათებს ცხოვრება წვრილმანებით, უხეშობა, ველურობა, კარჩაკეტილობა და სხვ. მეფეები, თავადები და აზნაურები — ადამიანურად ყველანი ერთმანეთის მსგავსნი არიან, მათ შორის არავითარი განსხვავება არ არსებობს, ისინი „ერთპიროვნობის“ მრავალი სახენი არიან; მათი იდეები, მათი მისწრაფებანი ისეთივე მოცულობისაა, როგორც მათი ზოოლოგიური ცხოვრება, ისინი იბრძვიან იმისათვის, რომ ბევრი მომხრენი იშოვონ და ძალაუფლება მოიპოვონ; მათ მძალი გრძნობების, ემოციების არავითარი ნასახიც კი არ გააჩნიათ, მხოლოდ ინსტინქტებით მოქმედებენ, ამ მხრივ მეტად დამახასიათებელია „მრისხანე ბატონი“. ეს ნაწარმოები იმავე დროს მწერლის ოსტატობის ყველაზე ნათელი გამომხატველიცაა.

„მრისხანე ბატონის“ სიუჟეტი ფეოდალური ყოფის ფონზე ვითარდება. მართალია, მის პერსონაჟებს ისტორიულად ცნობილი პირები არ წარმოადგენენ, მაგრამ ეპოქის კოლორიტი მაინც ზედმიწევნით სწორად არის გადმოცემული. თავადი ლევანი, უაღრესად თავნება და დაუზოგველი ადამიანი იყო. მის სიმკაცრეს გლეხობის მიმართ არ ჰქონდა საზღვარი. ლევანი არ ზოგავდა მახლობელ-ნათესავეებსაც კი. მან ვერაფერად მოჰკლა თავისი ღვიძლი ძმა და ეძებდა შემთხვევას შური ეძია ძმისშვილზე — ვახტანგზე.

ლევანი ხანში შესვლის ეაშს შეირთავს აზნაურის ახალგაზრდა ქვრივს, ლამაზს, მაგრამ უზნეო ციციოს. ლევანის და ციციოს ოჯახური დამოკიდებულება ნაძალადევი იყო. ციციოში მხოლოდ სქესი მეტყველებდა, იგი გარყვნილ ცხოვრებას ეწეოდა. „ზმირად ციციოს გარყვნილებით ბრახმორეული ლევანი შევარდებოდა ოთახში, მაგრამ ორიოდ სიტყვა, ქალის ღმილი, უნებით გაზმორება... და ლევანი გრძელ უღვაშებს უერთებდა შავს, ტიტველ მკერდზე დაყრილ კავებს“.

გაბოროტებული ლევანი ხელში ჩაიგდებს თავის ძმისწულს — ვახტანგს და ცალკე საკანში ჩაამწყვდევს მას. შემთხვევით ციციო დაინახავს ახალგაზრდა, წარმოსადეგ ვახტანგს და განიზრახავს მასთან ინტიმური კავშირის დაპერას.

ციცინო ფარულად დადის პატიმართან, უცხადებს სიყვარულს, მგვრამ ვახტანგს შორს უჭირავს თავი.

ლევანი გაიგებს ციციანოს დამოკიდებულებას ვახტანგისადმი: *ქრისტეშვილი* მტრისხანებას არ აქვს საზღვარი. იგი გასცემს ბრძანებას: „დააკარით, ორივე პალატის მოზერებს. მერე მიუშვით ერთმანეთზე. ისე დააკარით, რომ ორივე დაფლეთილი იქნეს, დიდხანს კი იცოცხლონ“. ხარების ჭიდილის სცენა და მათზე დაკრული ადამიანთა კენესა-წამება შემზარავ შთაბეჭდილებას სტოვებს მკითხველზე.

ასეთი იყო თავად-აზნაურობა წარსულში. მეცხრამეტე საუკუნის მეორე ნახევარში და მეოცე საუკუნის დასაწყისში კაპიტალიზმის განვითარების შედეგად მდგომარეობა ძირფესვიანად შეიცვლება და ეხლა უკვე დაცემის გზაზე დამღვარ ხალხთან გვაქვს საქმე. თავადაზნაურობის ყოფის ამ პერიოდის ასახვას მიუძღვნა ნ. ლორთქიფანიძემ თავის საუკეთესო ნაწარმოებთა საგრობოში ნაწილი.

განადგურებული ოდების, დანგრეული ჭიშკრებისა და გაღაცების სურათების მოცემით ნ. ლორთქიფანიძე გვიშლის ქართველ ფეოდალების დაცემასა და გადაშენების მთელს ეპოპეას. ეს ის ხალხია, რომლებიც მწერლის სიტყვებით რომ ვსთქვათ, წინად „ცხოვრობდნენ, დროს ატარებდნენ“. ეხლაც ვეღვან მოსჩანს მიტოვებული, დანგრეული სრა-სასახლეები, ბნელი და დაცარიელებული ოთახები, მიტოვებული ბაღები. თავადაზნაურობის საცხოვრებელი მიდამოები „მიცვალებულია კუნძულს“ წარმოადგენს, ირგვლივ მწუხარება, სიჩუმე, უაღამიანობა და სიცალიერება; ბატონები დაიღუპენ, მიატოვეს „თბილი ადგილები“. ნაწარმოებთა ამ ციკლით ნ. ლორთქიფანიძე ქართულ ლიტერატურაში გამოდის უმთავრესად თავადაზნაურების წარსული ცხოვრებისა და განადგურებული კარმიდამოს სურათების შემატინანე — მწერლად.

ნ. ლორთქიფანიძის მოთხრობათა სერია „დანგრეული ბუდეები“ წარმოადგენს თავად-აზნაურობის „დიდი დაღარიბების“, მისი დაქცობის სურათებს, ნეკროლოგს გარდაცვლილი წოდებისა, „დანგრეული ბუდეების“ პერსონაჟები აღარაფერს კარგს არ მოეღიან მომავალში, ისინი მხოლოდ იგონებენ წარსულს, მათ არ იციან პროტესტი, დამორჩილებული არიან თავიანთ ხვედრს და მხოლოდ ფიზიკურ სიკვდილს ელიან. თუ წინად თავადაზნაურები შორეულ მანძილზე ძვირფასად მოკრთული საკუთარი ცხენებით დაქპროდენ, დღეს უკვე დიაკვნისაგან სამ აბაზად უხდებათ დღეში გატყავებული ჯორის დაქირავება, ბალიშ-გამოხეულ უნაგირზე ჯდომა; ის ადგილები, სადაც ერთ დროს თავად აზნაურები „ცხოვრობდნენ“, „დროს ატარებდნენ“ უკვე სხვა სურათს წარმოადგენს. „ორი ცაცხვი წყაროს რომ გადაყურებს დასუსტებულა და დააჩანაკებულა... სასეირნოთ განგებ დატოვებული მინდორისათვის ყოველის მხრით ჩამოეკლოთ და დანარჩენი სივიწროვის გამო ურმებს აეჩხა. ხმა არსაიდან ისმოდა. სანთელი არ სჩანდა. კაცი არ შემხვედრია. მივადექ ბიძაჩემის სახლს. არაფერ გამოგებებია. გაწყვეტილა საძაღლეთიც... აივანზე იველი: სახლი შიგნიდან არის ურდულით დაკეტილი. კარები ღრიკათა დატოვებული. ხელი შევყავი ურდულის გამოსაძრობათ. კარს შერცხვა ძველი სტუმარმოყვარეობის დაეიწყება და ადვილად დამნებდა. რაღაც ფრინველები დაფრთხენ. უსათუოდ ღამის ფრინველები იყვნენ — გატეხილ ფანჯარაში

არ გაფრენილან — იქვე მიიმალენ ჩამონგრეულ ბუხარში. ძვირფასი პარკეტი ნაფავითაა მოყრილი. შუაზე გატეხილ დამტვერიანებულ სფრკვენიან მატერულად გამოიხედება ობობის ქსელით ერთმანეთზე გადაბმული მკაცრების საფლეთები. როიალს სახურავი ახლილი აქვს. კონტრაბასის სიმი გაწყვეტილია და დაპირილის წელივით საცოდავად გადმოვარდნილა, გვერდზე ჰკიდია. კლავიშები სიკვდილის კბილებივით დარჩენილა, დაყვითლებულა... მეორე ოთახში იგივე სურათი. ძვირფასი აბრეშუმის ფარჩა გადაეწიე და ლოგინის მაგიერ ძაღლის მწვირიანი დაგლეჯილი ლეიბი-ლა დავინახე კუთხეში“. ასეთ გარემოცვაში ცხოვრობს დაერდომილი, მომაკვდავი ხალხი, რომელსაც სიკვდილის მეტი აღარაფერი დარჩენია: „ტახტზე დაგებულ ქუჭყიან, დაგლეჯილ ლეიბზე იწვა ახალბიანი მოხუცი და გამოხუნებული პიკის საბანი ეხურა თავს... მოკლე საბანს ვერ დეფარა სახლში ნაქსოვ წინდის ნაფლეთებში გახვეული ფეხები... ფეხებთან ტახტზე ევლო გატეხილი კეხი, აბჯანდები და უკანასკნელი მოწმე ძველი დიდებისა — სევადიანი ვერცხლით გაწყობილი ავშარა“... („დანგრეული ბუდეები“). ამ მომაკვდავ წოდებას მომავალში აღარაფერი წილი უძევს. ისინი წარსულის მოჩვენებანი არიან. ისინი იგონებენ „წარსულს“, „დაუბრუნებელს“, „გუშინდელს“. „წინ აღარაფერია ჩვენთვის, თუ უკანიდან არ შემოგვეყურებს წინაპრის მკაცრი, უღმობელი სახე ტრადიცია“-ო — ამბობს „ალბუმის“ მომქმედი პირი. ამ ყოფილ ხალხს, რომლებიც დანგრეულ, გაპარტახებულ და გაველურებულ ციხე-კოშკებს და სასახლეებს აფარებენ თავს, ისლა დარჩენიათ ნუგეშათ, რომ ამხეურებენ თავიანთი წარსულის „დიდების“ ნაშთებს.

ნ. ლორთქიფანიძე სევდით შეჰყურებს იმათ, „ვისაც სახლ-კარმიდამოში მთელი გვარის ლეგენდები, ზღაპრები, წინაპრების ტანჯვა და სიხარული ჩაუმარბახს და სახლის გაყიდვასთან, წარსულის დაშორებასთან ერთად ეკარგება მომავალი“. ყოველივე ამის გამო გულგატეხილობით შეპყრობილი მწერალი ამბობს: „ფრთოსანი ყვავი სჯობია ათას წილ ყვავს — ადამიანს. შავი ყვავი ამოგორტნის თვალებს და გათავდა. ყვავი ადამიანი კი სძიძნის მთელს სულს, ყველაფერს, რაც კი გაქრა და რაც დარჩა ადამიანისაგან... ეტებს რამეს სასარგებლოს, სახეიროს“.. („ბანაშვიდი“).

ნ. ლორთქიფანიძეს დამოკიდებულება ძველი თავდაზნაურული ყოფიერების წარმომადგენელთადმი ორგვარია. იგი გრძნობს პატრიარქალური კარმიდამოს დაღუპვას, გრძნობს თავდაზნაურობის დანაშაულს ხალხის წინაშე. მაგრამ მიუხედავად ამისა მაინც იმსჯელებს თანაგრძნობით მომაკვდავ თავდაზნაურული სამყაროსადმი. ფეოდალური საზოგადოების რღვევის მიზეზად მას მიაჩნია ცალკეულ ფეოდალთა გადაგვარება, მათი დაჩაივება და უქნარობა.

ნ. ლორთქიფანიძის მრავალი ნაწარმოები წარმოადგენს თავდაზნაურობის ყოფის დაცემის, მისი კარ-მიდამოს განადგურების ლირიკულ პოეტიზაციას, მაგრამ მწერალი აქ არ ჩერდება, იგი გადადის ჩაქრობის, სიკვდილის, დაღუპვის განზოგადოებულ წარმოდგენაზე, საერთოდ ცხოვრების დაღუპვის წარმოდგენაზე, რაც იწვევს უკიდურეს პესიმიზმის და ფატალიზმის, ცხოვრების არარაობისა და ადამიანის მარტოობის მოტივებს. უიმედობასა და სევდაზე აშენებს ნ. ლორთქიფანიძე ნოველების მთელ სერიას („ტაბაკელა“, „ბუნება“, „საფლავის ვარდი“ და სხვ.).

ზოგჯერ ნ. ლორთქიფანიძე ჰუმორისტულ სახეებში გვიჩვენებს ბატონ-ყმობის გადაგარდნის შემდეგდროინდელი თავადაზნაურობის ცხოვრებას და მაშინ თავადაზნაურობა ძალზე გამათრახებელი გამოდის. გვიჩვენებს კვანადგურებული და დაცემული თავადაზნაურები უკვე „შესაბრალის“ არსებას წარმოადგენენ. ისინი კაპიციის გულისათვის თამბაქოს გაყოფის დროს თითებს სჭირან ერთმანეთს („ფეოდალები“), ან მოსჩანან როგორც უფიცები („აზნაურ დევდარიძეების ქარაგმა“), ანდა მანეთნახევარის ღირებული მოზერის ტყაის გულისათვის, არ ერიდებიან ჩხუბსა და დავიდარაბას, სასამართლოში სიარულს, ერთმანეთის გადაკიდებას („რუმბი“). ამ ნაწარმოებში ყველაზე მეტად შეღავნდება კრიტიციზმის ხაზი.

ნ. ლორთქიფანიძეს ახასიათებს ერთგვარი მხატვრული თავისებურებაც. როდესაც გულდასმით ეცნობით ი. ჭავჭავაძის, გ. წერეთლის, ე. ნინოშვილის და სხვა კლასიკოსების ნაწარმოებების შენებას, უსათუოდ შეამჩნევთ, რომ მათში არის ცენტრი, ვმირი, საიდანაც და საითკენაც მიემართება ნაწარმოებში ყველაფერი. ეს გმირი ყოველთვის წინაა წამოწეული. მკითხველიც მას გარკვევით ხედავს. სულ სხვანაირად აშენებს თავის ნაწარმოებს ნ. ლორთქიფანიძე. მკითხველი ვერც ერთ მის ნაწარმოებში ვერ შეხვდება გმირს, ცენტრს (ამ სიტყვის სრული მნიშვნელობით). მას არ ყავს გმირები, რომელთა ევოლუციასაც ვეცნობოდეთ ნაწარმოების მიხედვით. ნ. ლორთქიფანიძე თავის შემოქმედებაში არ აშენებს დიდ ეპოპეებს, არ იძლევა კონკრეტულად დახასიათებულ გმირებს. მთელი მისი ოსტატობა მიმართულია იქითკენ, რომ შექმნას პატარა მოცულობის ნაწარმოებები, რომელშიაც პირველ პლანზე წამოწეული იქნება პასიური სულიერი განცდების ანალიზი, შვრეტიით და სტატიური მომენტები.

ნ. ლორთქიფანიძე არ იფარგლება მარტო თავადაზნაურობის დაცემის მხატვრული სურათების ჩვენებით. მის ყურადღებას იპყრობს სოფლის ცხოვრების მრავალი მოვლენა. ამ მოვლენებს ასახავს „ივერის“ მთელი ციკლი: „ქორწილი“, „ბოროტმოქმედნი“, „სანახავათ“, „მარად და მარად“ და სხვ. მაგრამ ძველი სოფლის და გლეხობის ცხოვრების რელიეფური სახე ნ. ლორთქიფანიძეს ყველაზე ოსტატურად მოცემული აქვს მოთხრობაში „კერიასთვის“.

კაპიტალიზმის განვითარებით გამოწვეული ეკონომიური სიციწროვის ნიადაგზე აღმოცენებული წინააღმდეგობანი ოჯახის წევრებს შორის იწვევს დიდ კონფლიქტს, ძმების გაყოფვას, ერთმანეთზე გადაკიდებას და ბოროტმოქმედებასაც კი. ზაქრაშვილის ოჯახის ისტორია, რომელსაც ნ. ლორთქიფანიძე ებება მოთხრობაში „კერიასთვის“, რევოლუციამდელი სოფლის განზოგადოებულ მოვლენაა.

ნ. ლორთქიფანიძე თავისი დიდი მოთხრობით „ბილიკებიდან ლიანდაგებზე“ არღვევს თავის შემოქმედების ჩვეულებრივ თემატიკას. იგი „დანგრეულ ბუდეთა“ განწყობილებიდან გადაეშვა 1905 წლის რევოლუციის პერიოდში.

რას შეიცავს ეს მოთხრობა? კონკრეტულად რა მოვლენების შესახებ არის მასში ლაპარაკი? მოთხრობის დასაწყისში ნ. ლორთქიფანიძეს გადავყვართ სოფლად. აქ „წელმეგარ“ გლეხ ოდანაია სარეკველამქსთან ერთად მრავლად არიან ღარიბი და საშუალო გლეხები. ფარნაოზის ოჯახში ვეცნობით მის ძმას პარმენას, რომელიც ქალაქიდან არის ჩამოსული, და გაიოზ ღამბარდავას —

მთავარ სახელოსნოების მუშას, ბოლშევიკს, რომელსაც განზრახული აქვს სოფლად მუშაობა.

ფარნაოზა, პარმენა და გაიოზ, ოდონაია სარეჟველადესთან ერთად შიდიან ტყის საჭრელ სამუშაოზე. აქ ფარნაოზა მარგველადე იღუპება. ამ ხანებში ძლიერდება რევოლუციური მოძრაობა როგორც ქალაქად, ისე სოფლად. მასებში აქტიურად ებმებიან თვითმპყრობელობის წინააღმდეგ ბრძოლაში. შემდეგ ავტორს გადაეყვართ ქალაქში, სადაც თავდადებულ რევოლუციონერებთან ერთად ვხვდებით ჯაშუშებსაც (ლადიკო ნორაბიძე), „მორევოლუციონერო“ შემამულესაც და სხვ.

რევოლუციონური მუშაობის ცენტრალურ ფიგურად ავტორი გვიჩვენებს გაიოზ ლამბარდავას და პარმენას, რომლებიც მოძრაობის დამარცხების შემდეგ სატუსალოში მოხვდნენ.

მოთბრობის მოქმედ პირებისაგან განსაკუთრებით გამოიჩინევა გაიოზ ლამბარდავა. ის თავდადებული, უანგარო და უშიშარი მებრძოლი — ბოლშევიკია, ასეთი ლამბარდავები 1905 წლის დროს არც ისე ბევრი იყვნენ, მაგრამ მშრომელი მასების წინამძღოლები და ხელმძღვანელები რევოლუციონურ მოძრაობაში სწორედ ისინი იყვნენ.

მისი სიტყვა ფარნაოზა მარგველადის დასაფლავებაზე მთელი რევოლუციური პროგრამაა. გაიოზა იმდენად გატაცებული და აქტიური რევოლუციონერია, რომ ზოგჯერ აკარბებს კიდევ (მაგ. ლ. ნორაბიძის მკვლელობა და სხვ.).

სიმპატიურ და ენერგიულ პირად გამოიყურება პარმენაც. ისიც რევოლუციონური მოძრაობის აქტიური მონაწილეა.

ნ. ლორთქიფანიძე მხატვრული სიტყვის შესანიშნავი ოსტატია. ენის სიწმინდე, მოქმედების სურათოვნად ჩამოყალიბება, განწყობილების მთლიანობა — მის ნაწარმოებებს ანიჭებს თავისებურ და თვალსაჩინო მხატვრულ ღირსებებს.

ლავროსი კალანდაძე

ახლოს სინამდვილასთან¹

(შენიშვნები ესთეტიკის საკითხებზე)

ჩვენი დროისათვის ბუნებრივია გაცხოველებული ინტერესი ხელოვნებისა და ესთეტიკის საკითხებისადმი. ეს ინტერესი საესეზოით შეესაბამება საბჭოთა ხალხის, სტალინური ეპოქის ვითარებას.

საუკუნებრივი სოციალური ჩაგვრისა, ნივთიერი სიღუბჭიერისა და სულიერი მოწონისაგან განთავისუფლებული ხალხი თავისი ნამდვილი ადამიანური იდეალების მიხედვით აწყობს ცხოვრებას.

შერყენილი და დაჩავებულია მშვენიერებისა და სილამაზის იდეალი იქ, სადაც ადამიანთა სულიერ ძალებს ბოჭავს ვიწრო ბურჟუაზიული ეგოიზმი, მოგების გაშმაგებული წყურვილი, მგლური მეტოქეობა და ინტრიგა ან, მეორეს მხრივ, ლუკმაპურის მოპოებისათვის შეუწყვეტელი და დამამკირებელი ზრუნვა.

მხოლოდ სოციალისტური ყოფა და სოციალისტური შრომა სწმენდს საზოგადოებრივ ფსიქოლოგიას წარსულის ამ მანკიერებათაგან. მკვიდრდებიან ჭეშმარიტი ადამიანური გრძნობები, მისწრაფებები და ვნებები. ეს არის ნიადაგი ახალი, დიადი, ჭეშმარიტი ხელოვნებისა.

არა მარტო მდიდარი და მამდარი, არამედ ლამაზი და მშვენიერი ცხოვრებაც სურს დღეს ხალხს. მუშა, კოლმეურნე, ინტელიგენტი ცხოველი ინტერესით ზრუნავს დღეს თავისი ქალაქის, თავისი სოფლის, თავისი ბინის, მთელი თავისი საყოფაცხოვრებო გარემოს გამშვენიერება-გალამაზებისათვის. ხალხში ვითარდება ახალი ესთეტიკური გრძნობები. ხარბად ეტანება ის ხელოვნებასა და ლიტერატურას, ეძებს მასში ბრძოლისა და შრომის, ახალი ზნეობისა და ურთიერთობის, სილამაზისა და მშვენიერების მასწავლებელს.

და სწორედ აქ არის ლიტერატურისა და ხელოვნების მაღალი დანიშნულება, როგორც ადამიანთა სულის მშენებლისა.

ლიტერატურამ და ხელოვნებამ უნდა გასწმინდოს ახალი ადამიანის სული წარსულის მანკიერებათაგან, აღზარდოს მასში სოციალისტური სამშობლოს სიყვარულისა და ხალხისათვის თავდადების მაღალი გრძნობები, ასწავლოს მას ცხოვრების მორთვა და გამშვენიერება, აღძრას და გამოიძუშავეოს მასში მაღალი გემოვნება, სილამაზისა და მშვენიერების მაღალი იდეალები.

ხელოვნების არსისა და ბუნების საკითხები მკვიდროდ არის დაკავშირებული მის ამოცანებთან. ეს საკითხები ოდითგანვე იპყრობდა ფილოსოფოსების, ლიტერატურათმცოდნეების, ლიტერატურული კრიტიკოსების და სხვათა ყურადღებას. სხვადასხვა ეპოქა, სხვადასხვა მოაზროვნე სხვადასხვანაირად სწავებდა ამ მარად ძველ და მარად ახალ საკითხებს.

¹) მჯელობის წესით. რედ.

საბჭოთა ლიტერატურათმცოდნეობასა და ლიტერატურულ კრიტიკას, მარქსიზმ-ლენინიზმის სახით, და კერძოდ, მარქსისტულ-ლენინურ ლიტერატურული მეცნიერების სახით, მოეპოება მტკიცე საძირკველი ხელშეწყობის ლიტერატურის საკითხების გასარკვევად.

გასული 1940 წლის განმავლობაში საქართველოში დაიბეჭდა რამდენიმე შრომა მხატვრული შემოქმედებისა და ესთეტიკის ზოგად საკითხებზე. მათ შორის აღსანიშნავია კ. კაპანელის „Генезис эстетического чувства“ (გამოქვეყნდა თბილისის სტალინის სახელობის სახელმწიფო უნივერსიტეტის შრომებში). გ. ჯობლასის „პრობლემა ბუნებისა და ხელოვნების მშვენიერებისა“ (გამოვიდა ცალკე წიგნად) და დ. ბენაშვილის „ესთეტიკის საკითხები“ (დაიბეჭდა ეურნალ „მნათობში“)

როგორც პირველ, ისე მეორე შრომაში, ჩვენის აზრით, არის ზოგიერთი სადაო და მცდარი დებულება, მაგრამ ჩვენ აქ მხოლოდ დ. ბენაშვილის წერილზე შევიჩრდებით. ვფიქრობთ, ის მოსაზრებები, რომლებსაც ჩვენ ქვემოთ გამოითქვამთ პირდაპირ თუ არა პირდაპირ, გამოხმაურება იქნება აღნიშნულ შრომებში აღძრულ ზოგიერთ საკითხებზე.

დ. ბენაშვილის წერილები ფრიად საყურადღებოა მტკიცეული საკითხების დასმით, გაბედული მოსაზრებებით და ზოგიერთი საინტერესო დასკვნით. მაგრამ, ჩვენ შევიჩრდებით ამ წერილის მხოლოდ ერთ ფრიად მნიშვნელოვან, მაგრამ ჩვენის აზრით, შემცდარ დებულებაზე. საკითხთან მიდგომისათვის ცოტათი შორიდან დაწყება მოგვიხდება.

ხელოვნებისა და ლიტერატურის მოვლენების მატერიალისტური, მარქსისტულ-ლენინური ახსნისათვის გამოსავალად დებულება მდგომარეობს იმაში, რომ ხელოვნება და ლიტერატურა არის რეალური სამყაროს ანარეკლი, ცხოვრებისა და ბუნების ასახვა-ათვისება სპეციფიურ ფორმაში.

ამ სპეციფიურ იდეოლოგიურ ფორმას გამოხატავს იგი ადამიანთა არსებობის გარეგან თუ შინაგან სამყაროს, არ შეიძლება ჰქონდეს სხვა რამ შინაარსი, გარდა იმისა, რასაც მას ცხოვრების რეალური პროცესი აძლევს.

ცხოვრებისა და ბუნების რეალური პროცესები დაუსრულებლად უფრო მდიდარია, ვიდრე მათი იდეალური გამოხატულება ადამიანთა თავში. ადამიანთა შეგნებას ძალექს მართლად, ზუსტად, სარწმუნოდ შეიცნოს ცხოვრებისა და ბუნების განვითარების კანონები, შეიცნოს რეალური სამყარო. მაგრამ აზრი ვერასოდეს ვერ მოიცავს რეალური სამყაროს მთელ სიმდიდრეს. საზოგადოებრივი შეგნება მუდამ ილტვის, უახლოვდება და სწვდება მოვლენათა არსს, მათ რთულ საყოველთაო კავშირს. მაგრამ ბუნებისა და საზოგადოების მოვლენები, საგნები მუდმივ ცვლა-განვითარებაში არიან, ისინი უსასრულო და უთვალავი ცოცხალი ძაფებით, კავშირით, გადასვლებით და წინააღმდეგობებით არიან აღსაყენი. აზრი იჭერს მოვლენათა ერთ მხარეს, ერთ წინააღმდეგობას, ერთ არსს, შემდგომ მეორეს, მესამეს და ა. შ. მაგრამ აზრის წინაშე ყოველთვის აღიმართებიან ამოსაცნობად მოვლენათა სხვა მხარეები, უფრო და უფრო ღრმა არსი. არსისა და აზრის ურთიერთობის მარქსისტულ-ლენინური შემეცნების თეორიის თვალსაზრისით გადაწყვეტა იმ თავითვე მოასწავებს არსის დაუსრულებლად უფრო მდიდარი შინაარსის აღიარებას, ვიდრე აზრისას. მაგალითად, მატერიალისტისათვის უდავოა ის, რომ რეალური ყვავილი მთელი თავისი რეალური საყოველთაო კავშირით დაუსრულებლად უფრო მდიდარია, ვიდრე აზრი ყვავილზე, ვიდრე ყვავილის იდეა. ჩვენ შეიძ-

ლება ვიცოდეთ ამ ყვავილის მრავალი თვისება, მისი წარმოშობისა და განვითარების კანონები, მაგრამ ჩვენს წინაშე მუდამ იჭნებიან ამოსაცნობად ამ თვისებათა და კანონთა ახალ-ახალი მხარეები, ახალ-ახალი კანონზომიერებანი.

ცნობილია, თუ როგორ სწყვეტს ამ საკითხს ფილოსოფიის იდეალისტური ბანაკი. მაგალითად, ჰეგელისათვის საგნის ცნება უფრო ჰეგმარაღი და მაღალია, ვიდრე თვით საგანი, რადგან საგნის იდეა, მისი აზრით, არის რეალური საგნის სუბსტანცია, მისი შემომქმედი; რეალური ყვავილი იდეის შინაგანი თვითმოძრაობის დადგენა და გამოვლენაა. ჰეგელის აზრით, ლოგიკური კატეგორიების თვითმოძრაობა გარკვეულ საფეხურზე დადგინდება და გამოვლინდება ბუნებად, რეალურ სამყაროდ. მართალია, ჰეგელმა ლოგიკურ კატეგორიათა თვითმოძრაობის მისტიცირებულ ფორმაში მაინც მოგვცა დიალექტიკის საერთო ფორმების ამომწურავი და შეგნებული სურათი, მაგრამ იდეათა თვითარსობის აღიარება ჰეგელის სისტემისა და მეთოდის მკვეთრ წინააღმდეგობაში გამოიხატა. აბსოლუტური იდეათა თვითმოძრაობის მთელი გზა-გეზი იდეიდან მის თვითშემეცნებამდე მდებარეობს. გაივლის რა ბუნებად და ადამიანთა საზოგადოებად დადგენის საფეხურებს, აბსოლუტური იდეა ადამიანთა შეგნების საშუალებით ელტვის თვითშემეცნებას. რეალი ჰეგელის სისტემით იკვრის, რომელშიაც ჰეგელის აზრით, აბსოლუტურმა იდეამ მიაღწია სრულს თვითშემეცნებას. ამრიგად, ფილოსოფიური აზროვნებით იდეა იმცნაურებს თავის უმაღლეს ჰეგმარაღებას. მხატვრული აზროვნებაც (ხელოვნება) სულის, იდეის ჰეგმარაღების თვითშემეცნებაა. იდეა ადამიანის მხატვრულ-შემეცნებით შეჰხარის თავის უმაღლეს არსებას, თავის უმაღლეს ჰეგმარაღებას. მაშასადამე, ხელოვნებაც იდეის თვითშემეცნებაა, მაგრამ ის არის შემეცნება არა სრულიად წმინდა აზრით, არამედ ხელოვნება არის ყოვლადის, ე. ი. იდეიის გამოხატვა ერთეულში (в единичном), კონკრეტში, გარძობადში. ყოველივე სულიდან, აბსოლუტური იდეიიდან წარმოსდგება; ბუნებაც, ადამიანთა საზოგადოებაც და აზროვნებაც, მათ შორის მხატვრული აზროვნებაც; აზროვნება კი სულის უმაღლესი ნაწარმოებია. ამრიგად, ჰეგელი თავისი სისტემის ბოლომდე ერთგული იყო, როცა ასაბუთებდა, რომ მშვენიერება ხელოვნებაში უფრო მაღალია, ვიდრე ბუნებაში, ვინაიდან ხელოვნება, მისი აზრით, აბსოლუტური იდეის განვითარების უფრო მაღალ საფეხურს შეადგენს, ვიდრე ბუნება. ამავე დროს ჰეგელის ესთეტიკური მოძღვრება ეყრდნობა ობიექტიურ სარბიელს — მშვენიერებისა და ესთეტიკური ფენომენის სათავედ მას ობიექტიური, აბსოლუტური იდეა მიაჩნია.

ობიექტიურ სარბიელს ეყრდნობა ყველა თანმიმდევარი მატერიალისტის ესთეტიკური თვალსაზრისიც, მაგრამ სულ სხვა საფუძვლებიდან. თანმიმდევარი მატერიალისტური მსოფლმხედველობა ხელოვნებისა და მისი მშვენიერების სარბიელს ცხოვრებასა და ბუნებაში პოულობს. დიდრომ ბუნება ხელოვნების მოდელად გამოაცხადა, ჩერნიშევსკიმ მშვენიერება ცხოვრებაში დააყენა უფრო მაღლა, ვიდრე მშვენიერება ხელოვნებაში. ეს დიდი მოაზროვნენი ხელოვნების მატერიალისტური, ობიექტური ფუძის დადგენაში საესებით მართლანი იყვნენ. მათი ნაკლი უნდა ვეძიოთ არა იმაში, რომ ბუნება და ცხოვრება იდეოლოგიურ ფორმათა, მათ შორის, ხელოვნების დაუშრეტელ წყაროდ აღიარეს, არამედ იმაში, რომ, მიუხედავად ზოგიერთი გენიალური მიხვედრისა, მათ აკლდათ ისტორიული თვალსაზრისი, აკლდათ ადამიანთა საზოგადოებისა და ბუნების დიალექტიკური განვითარების გაგება.

თანმიმდევარი მატერიალისტიკისათვის არ შეიძლება სადაო იყოს ის, რომ ბუნებისა და ცხოვრების რეალური პროცესები, როგორც წყარო, ეფუძნებიან შემეცნებისა საერთოდ, და მხატვრული შემეცნებისა კერძოდ, ამოცნობისა და უფრო ვრცელი და მდიდარია, ვიდრე მათი გამოხატულება ადამიანთა შეგნებაში.

მაგრამ მარქსამდელ მატერიალისტურ ესთეტიკურ მოძღვრებათა ნაკლი მათს შეტანა მატერიალიზმისა და არაისტორიულობაში მდგომარეობდა.

მარქსისტულ-ლენინური მსოფლმხედველობა გვიჩვენებს, რომ მხატვრულობა და მშვენიერება ისტორიულ-კლასობრივი კატეგორიაა, რომ ადამიანთა ესთეტიკური გრძნობები და მაშასადამე ხელოვნებისა და მშვენიერების სხვადასხვა კრიტერიუმიც ისტორიული განვითარების შედეგია.

მოვიყვანოთ მარქსის ცნობილი გენიალური დებულება ესთეტიკური გრძნობების წარმოშობა-განვითარებისა და მათი საგნების ობიექტური ყოფიერების შესახებ:

„გამოვთქვათ ეს სხვანაირად, სუბიექტიურის მხრივ: — სწერს მარქსი — მხოლოდ მუსიკა აღვიძებს ადამიანის მუსიკალურ გრძნობას; არამუსიკალური ყურისათვის უმშვენიერეს მუსიკას არა აქვს არავითარი აზრი, ის მისთვის საგანი არ არის, იმიტომ რომ ჩემი საგანი შეიძლება იყოს ერთერთი ჩემი არსებითი ძალის დამკვიდრება (утверждение) და, მაშასადამე, საგანი ჩემთვის შეიძლება არსებობდეს მხოლოდ ისე, როგორც არსებობს ჩემი არსებითი ძალა თავისთავად, სუბიექტური ნიჭის სახით, — იმიტომ რომ რომელიმე საგნის აზრი ჩემთვის (აქვს აზრი მხოლოდ მის შესაბამის რომელიმე გრძნობისათვის) ზუსტად შეესაბამება ჩემს გრძნობას; ამიტომ საზოგადოებრივი ადამიანის გრძნობები სხვაა, ვიდრე არასაზოგადოებრივისა; მხოლოდ (საგნობრივად) ობიექტურად განვრცობილი (развернутому) ადამიანური არსის სიმდიდრის მეოხებით მიიღება სუბიექტური ადამიანური გრძნობადობის სიმდიდრე, მიიღება მუსიკალური სმენა, ფორმის სილამაზის შემგნები თვალი, — ერთი სიტყვით ნაწილობრივ პირველად წარმოიშვებიან, ნაწილობრივ ვითარდებიან ადამიანური გრძნობები, რომელთაც დატკობის უნარი აქვთ, გრძნობები, რომლებიც მკვიდრდებიან როგორც ადამიანური არსებითი ძალები, არა მარტო ჩვეულებრივი ხუთი გრძნობა, არამედ ევრეთწოდებული სულეერი გრძნობები, პრაქტიკული გრძნობები (ნებისყოფა, სიყვარული და სხ.), ერთი სიტყვით, ადამიანური გრძნობა, გრძნობათა ორგანოების ადამიანურობა აღმოცენდებიან მათი საგნის ყოფიერების მეოხებით, გაადამიანებული ბუნების მეოხებით. ხუთი გრძნობის აღმოცენება, ეს — მთელი მსოფლიო ისტორიის პროდუქტია“.¹

ამრიგად, გენიალური მატერიალისტ-დიალექტიკოსის თვალსაზრისით ადამიანთა გრძნობები (მათ შორის ესთეტიკური გრძნობებიც) აღმოცენდებიან და ვითარდებიან მხოლოდ მათი საგნების ყოფიერების მეოხებით, ისტორიული განვითარების საფუძველზე.

ისტორიული განვითარების სხვადასხვა საფეხურზე სხვადასხვა კლასობრივი შეგნებისათვის მშვენიერებისა და ესთეტიკურობის სხვადასხვა კრიტერიუმი ისახება, და მათ ყოველთვის შეესაბამება ყოფიერების, ობიექტური რე-

¹) „К. Маркс, Ф. Энгельс об искусстве“ Гиз искусство 1938 г. стр. 43.
10. „მნათობი“, № 5.

ალობის განსაზღვრული პროცესები. ფრანგული კლასიციზტური ესთეტიკის საფუძველს გონების ერთგვარი ურყევი და უძრავი კანონები წარმოადგენდა. მკაცრი ცენტრალიზება, სიმეტრია, ჰარმონია და მთლიანობა შეუძენდა ესთეტიკურობის მთავარ საზომს. ამას კი შეესაბამებოდა აბსოლუტიზმის სამეურნეო და პოლიტიკური ცენტრალიზაციის ტენდენციები. სულ სხვა იყო, ვთქვათ, შექსპირის ესთეტიკური კოდექსი. მის შემოქმედებაში, მკაცრი სიმეტრიის, ჰარმონიისა და მთლიანობის ნაცვლად, მთის აღიდებულ მდინარესავით გადმოჰქუხს ადამიანთა რეალური ვნებები და გრძნობები მთელი თავისი მიხვევ-მოხვევებით, მოულოდნელ გადასვლებითა და წინააღმდეგობებით, მათ გონების ვერავითარი უძრავი კანონების ჩარჩოები ვერ დაიტყვდა.

სუბიექტიურის მხრივ, ადამიანთა ესთეტიკურ შეხედულებათა და მათ საგანთა მდგომარეობა, შეიძლება ასე გამოვთქვათ: მე მშვენიერად ამქუხარებული მდინარე მიმაჩნია, მეორე ადამიანს კი მღორე მდინარე მოსწონს. მაგრამ ჩვენი გემოვნებისა თუ ესთეტიკურობის კრიტერიუმის სხვადასხვაობა სრულიადაც არ აქრობს ჩვენს საგნებსა და მათ ბუნებრივ თვისებებს, ისინი ჩვენი შეგნების მიღმა და ჩვენს დამოუკიდებლად არსებობენ. „არამუსიკალური ყურისათვის უმშვენიერეს მუსიკას არა აქვს არავითარი აზრი, ის მისთვის საგანი არ არის, იმიტომ, რომ ჩემი საგანი შეიძლება იყოს ერთი ჩემი არსებითი ძალის დამკვიდრება“ (მარქსი), მაგრამ ეს იმას როდნიშნავს, — რაკი არამუსიკალური ყურისათვის უმშვენიერეს მუსიკას აზრი არა აქვს, რომ უმშვენიერესი მუსიკა თავისთავად, ობიექტურად არ არსებობდეს. ეს აბსურდია. გარკვეული სოციალური წრის, საზოგადოებრივი კლასის სოციალურ გრძნობათა საგნებს მისი არსებითი ძალების დამკვიდრების საგნები წარმოადგენს. მაგალითად, პროლეტარიატისათვის დიდებული და წარმტაცია სოციალისტური რევოლუცია, რომელიც სპობს ბურჟუაზიასა და ექსპლოატაციის მთელ სისტემას. საზარია ის ბურჟუაზიისათვის. მაგრამ მიუხედავად ამ სხვადასხვა დამოკიდებულებისა, სოციალისტური რევოლუცია ისტორიის უბრწყინვალესი ფაქტია.

დიდროს, ჩერნიშევსკის და საერთოდ მარქსამდელი მატერიალისტების სუსტი მხარე მდგომარეობს სწორედ იმაში, რომ მათ აკლდათ ისტორიული თვალსაზრისი, რომ მათ ხელოვნებისა და ესთეტიკის საკითხები ვერ განიხილეს საზოგადოებრივი კლასების არსებითი ძალების დამკვიდრების თვალსაზრისით.

ამხ. დ. ბენაშვილი კი ჩვენის აზრით, სულ სხვა მხრიდან და უმართებულოდ ელაგება ჩერნიშევსკისა და დიდროს. ამხ. ბენაშვილი სწერს: „ამ თვალსაზრისის (ე. ი. დიდროს თვალსაზრისის ლ. კ.) საწინააღმდეგოდ ყოველ დაინტერესებულ ადამიანს შეუძლია მოიყვანოს შემდეგი ფაქტი: ვთქვათ შეუძვეთეთ პეიზაჟი რომელიმე ნიჟიერ მხატვარს. მხატვარმა თქვენი დავალება შეასრულა და წარმოგიდგინათ უბრწყინვალესი სურათი. მოდის თქვენთან უცნობი კაცი და ამტკიცებს, რომ მხატვრის მიერ განსახიერებული პეიზაჟი არაა სრულყოფილი. — წამომყევით მე, ამბობს თქვენთან მოსული უცნობი, და გაჩვენებთ ბუნებრივ პეიზაჟს, რომელთანაც თქვენი მოწონებული მხატვრის ნამუშევარი გამოჩნდება, როგორც, ყალბი ანარეკლი. თქვენ ფეხბაფებ გაჰყევით უცნობს. ჯერ კიდევ შორი მანძილიდან უცნობმა მიგითითათ მის მიერ ნაქმ ბუნების პეიზაჟზე. თქვენც მოგწონთ შორიდან დანახული სივრცე და ეკვი გეპარებათ მხატვრის ძლიერებაში. მაგრამ აი თქვენ უყვე ათი ნაბიჯილა დაგრჩენიათ ნაქმ ლანდშაფ-

ტამდე. შეხვედით ტყეში. თქვენ ხედავთ დიდიხნის ჭაობს და ყნოსავთ ჭაობის ამშორებულ სუნს. კოლოები დაგიწყებენ კბენას, ფეხს წამოკრავთ, ექვე მოკრილ ხეს; გინდათ გაიაროთ გზა, რომ მოსცილდეთ ამ სისაძველეს, მაგრამ გზა ეკლიან ბარდს გადაულობავს, გზაზე სიარულის დროს ეკლები გიჩხვლეტენ სხეულს. თქვენ ფიქრობთ, ნუ თუ ეს იყო შორიდან ლამაზად მჩინარი პეიზაჟი. ამ ფიქრებში გართულს თქვენ მოგიახლოვდათ მეორე უცნობი და შეგიყვანათ ხელოვნურად გაკეთებულ ბაღში. თქვენ თვალს ახარებს პარმონიულად რიგზე განლაგებული ხეები. იქვე ხელოვნურად გაკეთებული სუფთა ტბა და ზედ მოცურავე გედი; შედიხართ უფრო ღრმად ხელოვნურ ტყეში, თქვენ ხედავთ მოშინაურებულ ირემს, შველს, რომლებიც თავისუფლად დანავარდობენ მოლზე. იქვე კურდღელი, გარეული იხვი და სხვა. აი უკვე ბაღის შუა ნაწილში ხართ და თქვენ თვალწინ აღიმართა ხუროთმოძღვრების შესანიშნავი ძეგლი, — რომელიდაც დიდი მგოსნისა. ბაღის ბოლოს ამშვენებს უზარმაზარი სასახლე. თქვენ შედიხართ სასახლეში, იქ დაგხვდათ მესამე უცნობი და გეკითხებათ: სად უფრო მეტი სიამოვნება მიიღეთ: მხატვრის პეიზაჟში, ხელოვნურ ტყეში თუ ბუნებრივ ლანდშაფტში? თქვენ უპასუხებთ: მხატვრის მიერ დახატულმა პეიზაჟმა უფრო მეტი სიამოვნება მაგრძნობინა“¹⁾.

ეს გრძელი ამონაწერი, როგორც ხედავთ, საჭირო იყო ამხ. ბენაშვილის დასრულებული მოსაზრების მოსაყვანად.

რა დასკვნა შეიძლება გამოვიყვანოთ აქედან? პირველყოვლისა, ამხ. ბენაშვილი, თითქოს აწესებს რაღაც საყოველთაო და სამარადისო კრიტერიუმს ესთეტიკური განცდებისა. ესთეტიკური ფენომენის საკითხს ის არ განიხილავს ადამიანთა არსებითი ძალების დამკვიდრების თვალსაზრისით, ძალებისა, რომლებიც ისტორიულად ვითარდებიან და იცვლებიან და რომლებიც გაშუალებული არიან სოციალურ-ისტორიული პირობებით. მშვენიერი პეიზაჟი შეიძლება იყოს ჩემთვის მშვენიერი, თუ ეს ჩემი არსებითი ძალის დამკვიდრებაა. ამიტომ ჩვენი აზრით უსაფუძვლოა ამხ. ბენაშვილის კატეგორიული მტკიცება, რომ ჩვენ ყველა მხატვრის მიერ დახატულ პეიზაჟს ვამჯობინებთ, ანუ ვიტყვი, რომ მან მეტი სიამოვნება გვაგრძნობინა. ჩვენ კი ვფიქრობთ, რომ ზოგი იმას აირჩევს, რასაც უცნობი შორიდან დაანახევებს, ზოგი თვით ხელთუქმნელი ტყით დატკბება, მიუხედავად იმისა, იქ შეიძლება ჭაობიც, კოლოებიც და ეკლის ჯაგებიც იყოს (ან-და: ნუ თუ არ შეიძლება უჭაობო და უკოლოებო ტყე იყოს?), ზოგი ხელოვნურ ბაღს არჩევს და ზოგიც მხატვრის შესრულებულ პეიზაჟს. ეს სხვადასხვა არჩევანი დამოკიდებული იქნება ადამიანთა არსებითი ძალების ვითარებაზე და იმაზე, რომ „სხვადასხვა ადამიანებს აქვთ და სოციალიზმის დროსაც ექნებათ სხვადასხვა მოთხოვნილებანი. სოციალიზმი არასოდეს არ უარყოფდა განსხვავებას გემოვნებაში, მოთხოვნილებათა რაოდენობასა და ხარისხში“²⁾.

რასაკვირველია, ეს სრულიადაც არ მოასწავებს ხელოვნებისა და ესთეტიკურობის კრიტერიუმის ვიწრო სუბიექტიურობას.

ამხ. ბენაშვილი ერთი ხელის მოსმით მხატვრის მიერ დახატულ პეიზაჟს (ე. ი. მშვენიერებას ხელოვნებაში) მალლა აყენებს ბუნებრივ პეიზაჟზე (ე. ი. მშვენიერებაზე ბუნებაში), რაზედაც რამდენიმე აბზაცით წინ ჰეგელს ედავებოდა.

1) „მნათობი“ № 9, 1940 წ. გვ. 134-135.

2) ი. სტალინი. საუბარი გერმანელ მწერალ ემილ ლუდვიგთან — სახელგამი, 1939 წ., გვ. 16.

„ამ მაგალითიდან სჩანს, — სწერს ამხ. ბენაშვილი, — რომ ხელოვნებისა და სინამდვილის კაუზალურ დამოკიდებულებაში მთავარ როლს *კაუზალური* არა ფორმალური დამოკიდებულება, რომელიც ხელოვნებას ხან *მალს* *მყენებს* ბუნებაზე, ხან კი დაბლა, არამედ იმის განმარტება, თუ სინამდვილისა და ხელოვნების ერთმანეთთან შეხვედრის მომენტში ხელოვანი რა ზომით უახლოვდება, ან შორდება სინამდვილეს“¹⁾

ხელოვნების ხან მაღლა და ხან დაბლა დგომა ბუნებაზე — ფუჭი და უნაყოფო დებულებაა. მთავარია აეხსნათ და გაეარკვიოთ ბუნებისა და ხელოვნების ურთიერთობა, აეხსნათ და გაეარკვიოთ ხელოვნების ფუნქცია და ამით მოიხსნება მალლისა და დაბლის საკითხიც.

რაც შეეხება ხელოვანის მიახლოება-დაშორებას სინამდვილესთან, შესაძლებელია ამ საკითხის ორგვერი გაგება: პირველი — დროისა და სივრცის ე. წ. დისტანციის თვალსაზრისით და მეორე — შემეცნების თვალსაზრისით.

ცხადია, თუ რომელიმე მხატვარი, ვთქვათ, ხატავს სახლს, ის ამ სახლიდან უნდა დადგეს გარკვეულ მანძილზე, რომ მთელი სახლი ექცეოდეს მისი მხედველობის არეში და არა რომელიმე ერთი ნაწილი; თუმცა, მხატვრისათვის ურიგო არ იქნება, კიდევ მეტი: საჭიროც იქნება — წინასწარ ახლოს და დაწვერილებით გაეცნოს სახლის ნაწილებსაც; ანალოგიურია მწერლის შემოქმედებაც: მან თავისი საგნის, გამოსახატავი ობიექტის უშუალო და ნაწყვეტ-ნაწყვეტი შთაბეჭდილებები უნდა გადაამუშაოს, მოამწიფოს, შეჰკრას და მოისაზროს ისე, რომ მთელი საგანი, მთელი ობიექტი ექცეოდეს მისი შემოქმედებითი, გონებრივი მხედველობის არეში. მხოლოდ ამ გზით შექმნის მწერალი მთლიან მხატვრულ ნაწარმოებს. მაგრამ ყოველივე ეს: ნაწილების გაცნობა, წარმოდგენათა მომწიფება, გადაამუშავება და მთელი საგნის მხედველობის არეში მოქცევა არსებითად ნიშნავს საგნის უფრო ღრმად გაცნობას, საგნის არსთან მიახლოებას და არავითარ შემთხვევაში არ მოასწავებს სინამდვილისაგან დაშორებას.

ამხ. ბენაშვილი სინამდვილესთან მიახლოება-დაშორების საკითხს აყენებს შემეცნებითი თვალსაზრისით, ყოველშემთხვევაში, ასე გამოდის მისი მსჯელობიდან:

„ის, რაც პეიზაჟის შესახებ იყო ნათქვამი, — სწერს იგი, — შეგვიძლიან გავაერკელოთ ადამიანზე, როგორც ხელოვნების ცენტრზე. ხელოვნების ქეშმარიტი იდეალს რაკი ადამიანის სულის აშენება წარმოადგენს, ეს სული გაშლილ და გაფართოებული უნდა იქნას იმ დროის მიხედვით, რომელმაც განსაზღვრული მიმართულება მისცა ამ სულს. მაგრამ ხელოვანი ამ სულის გამოხატვის მომენტში ასაწერ საგანს უნდა უახლოვდებოდეს გარკვეული მანძილით. დამლუპველია გამოსახატავი ობიექტისადმი, არამარტო დაშორება, არამედ ზედმეტი დაახლოებაც“²⁾ (ხაზი ჩვენია, ლ. კ.).

მოვიგონოთ რა იყო ნათქვამი პეიზაჟზე?

როცა უცნობმა მხატვრის დახატულ პეიზაჟის ღირსებაში შეგვაეჭვა და შორიდან ნამდვილი პეიზაჟი დაგვანახვა, ჩვენ ეს შორიდან დანახული სურათი ე. ი. მოჩვენებითი სურათი, მოჩვენებითი ტყე თითქოს მოგვეწონა, ლამაზი მოგ-

¹⁾ შათობი № 9, 1940 წ. გვ. 135

²⁾ იქვე.

ვეჩვენა, მაგრამ ტყე როცა ნამდვილად გავიცანით, როცა ვნახეთ იმ ქაობი, კოლოები და ბარდი, ილუზია გაქრა და ვისწრაფოდით ჩქარა გავეცლოდით ამ უსიამოვნო ადგილს. ამ რიგად, ტყესთან ზედმეტად დაახლოვებამ ტყის ნამდვილი შინაარსის გაცნობამ, ბენაშვილის აზრით, დამლუპველად იმოქმედა ლამაზ ილუზიაზე. ე. ი. შორიდან დანახულ პეიზაჟზე. და რაკი, ბენაშვილის მიხედვით, პეიზაჟზე ნათქვამი უნდა გვაეგრცელოთ ადამიანზე, ადამიანის სულზე, როგორც ხელოვნების ცენტრზე, ეს იმას ნიშნავს, რომ მწერალი, მხატვარი ზედმეტად არ უნდა დაუახლოვდეს ადამიანის სულს, ღრმად არ უნდა გაიცნოს ის, თორემ ეს დამლუპველია ხელოვნებისათვის. მწერალი ასაწერ ობიექტზე უნდა იყოს დაშორებული, ასე ვთქვათ, საილუზიო, მოჩვენებითობის მანძილზე. ამხ. ბენაშვილის ამ კონცეპტივიდან გამომდინარეობს ის, რომ როცა ხელოვანი ადამიანის სულს ხატავს, ის მას ძალიან არ უნდა დაუახლოვდეს, ღრმად არ უნდა გაიცნოს, რადგან იმავე კოლიზიის ძალით, როცა ნამდვილ ტყეში ქაობი, კოლოები და ბარდი აღმოჩნდა, ალბათ ადამიანის სულსაც, მის ახლო გაცნობისას სტედასხვა მანკი აღმოაჩნდება და მათი ასახვა ავენებს ხელოვნებას, რადგან ის ეწინააღმდეგება ხელოვნების შინაგან კანონებს, რომლებსაც ამხ. ბენაშვილი ასე გვიმარტავს: „ჰარმონიულობა და მთლიანობა ჰქმნის მშვენიერებას, როგორც ხელოვნების იდეალ“. ეს უკანასკნელი დებულება საკმაოდ ძველის-ძველი და გაცვეთილია. აქ არ გამოვუდგებით ამ დებულების ძირფესვიანად გარჩევას. მხოლოდ აღვნიშნავთ, რომ ჯერ კიდევ ჩერნიშევსკიმ დაასაბუთა საფუძვლიანად, რომ ხელოვნების იდეალი მარტო მშვენიერებით არ იფარგლება. მარჯში სამყაროს მხატვრულ ათვისებაზე მიუთითებდა და მაშასადამე ხელოვნების სფეროს მშვენიერებით არ შემოფარგლავდა; ლენინი დიდ მხატვრულ მოვლენას რევოლუციის საარკედ და ცხოვრების არსებითი მხარეების ასახვად თვლიდა; სტალინი მწერლობასა და მწერალს ადამიანის სულის ინჟინრად სახავს.

მაგრამ, აბა რა ინჟინრობას ვასწევს ის ინჟინერი, რომელიც სახლს აშენებს და მასალას ახლო არ იცნობს, არ იცის მასალის ნამდვილი ღირსება და ნაკლი? ასევე მწერალი, როგორ ვასწევს ადამიანის სულის ინჟინრობას, თუ ამ სულს ახლოს არ იცნობს, თუ არ იცნობს ამ სულის ნამდვილ ღირსებასა და ნაკლს? ვანა შეუძლია მწერალს ებრძოლოს ადამიანის სულის მანკს, თუ ის არ იცნობს ამ მანკს, თუ ის ადამიანის სულიდან საილუზიო მანძილზე დგას და იქედან უჭკერტს?

ყოველ შემთხვევაში, აქამდის თითქმის საყოველთაოდ აღიარებული იყო, რომ რამდენადაც მწერალი ახლოს იცნობდა ცხოვრებას, რამდენადაც ღრმად იცნობდა ადამიანის სულს, იმდენად უფრო მაღალ მხატვრულ ნაწარმოებებს ჰქმნიდა. შექსპირის სილიადე, პირველყოვლისა, იმაში მდგომარეობს, რომ ის ახლოს, ძალიან ახლოს, და ღრმად იცნობდა გარკვეული ეპოქის ადამიანთა სულს. ვანა თანამედროვე საბჭოთა მწერლობისაგან ჩვენ ყოველ ნაბიჯზე არ მოვითხოვთ ცხოვრებასთან ახლოს მისვლას, თანამედროვე ადამიანის სულის ყოველმხრივ და ღრმა გაცნობას?

არა, არავითარი თვალსაზრისით არ არის დამლუპველი ხელოვნებისათვის ადამიანის სულთან მიახლოვება, მისი ღრმა გაგება და შესწავლა. პირიქით, ხელოვნების დაკნინების ორი მთავარი წყარო არსებობს: ბუნების, ცხოვრების, ადამიანის სულის უცოდინარობა და უნიჭობა.

უფრო ახლოს ცხოვრებასთან, უფრო ახლოს ადამიანის სულთან!

ამ მეგობრული კორექტივების შეტანა ამხ. ბენაშვილის ზნეობით მოყვანილ მოსაზრებაში ჩვენ საჭიროდ მივიჩნით¹⁾).

ხელოვნებისა და ბუნების, ხელოვნებისა და ცხოვრების დამოკიდებულებებისა და ამ დამოკიდებულების ხასიათის ნათელსაყოფად ჩვენ მოგვეპოვება მარქსიზმის ფუძემდებელთა გენიალური დებულებები.

„მ რ ე წ ე ე ლ ო ბ ი ს ისტორია და მრეწველობის აღმოცენებული საგნობრივი ყოფიერება, — სწერს მარქსი, — არის ადამიანის არსებითი ძალების გადაშლილი წიგნი, გრძნობადად ჩვენ წინ მდებარე ადამიანური ფსიქოლოგია“²⁾. ცხადია, მრეწველობის საგნობრივი ყოფიერებაში ე. ი. ყოველ მანქანასა, ფაბრიკასა და ქარხანაში არ არის ისეთი რამ, რაც ბუნებიდან, მატერიალური სამყაროდან არ იყოს აღებული, მაგრამ მრეწველობა და ტექნიკა ბუნებისაგან განსხვავდება მით, რომ ის არის ადამიანთა არსებითი ძალების გადაშლილი წიგნი, ადამიანთა გრძნობადი ფსიქოლოგია, ანუ, ის არის ადამიანთა მიერ, ადამიანთა შეგნებაში გარდაქმნილი ბუნება.

ხელოვნება და ხელოვნების ნაწარმოებნიც ადამიანთა ფსიქოლოგიის გადაშლილი წიგნია. ამ წიგნში არ არის და არც შეიძლება იყოს ისეთი რამ, რაც ბუნებისა და ადამიანთა ცხოვრების რეალური პროცესებიდან არ მომდინარეობდეს. მაგრამ ხელოვნება არ არის ცხოვრების პროცესების სარკისებრ-მკვდარი ასახვა, ის ამ პროცესების იდეოლოგიური ათვისება, გარდაქმნა და გადამუშავებაა. ამრიგად, ხელოვნება, ხელოვნების ნაწარმოები არის ადამიანის მიერ (მწერლის, მხატვრის მიერ) წინასწარ გააზრებული, მოფიქრებული და გადამუშავებული იდეოლოგიური ფორმა.

„ობობა ასრულებს ოპერაციას, — სწერს მარქსი „კაპიტალის“ პირველ ტომში, — რაც მოგვაგონებს ფეიქრის ოპერაციას, და ფუტკარიც თავისი ფიჭის უჯრედების აგებით არცხვენს ზოგიერთ ადამიან-არქიტექტორს, მაგრამ თვით ვეღლაზე უარესი არქიტექტორი ყველაზე უკეთესი ფუტკრისაგან იმ თავითვე განსხვავდება მით, რომ სანამ შეუდგებოდეს ფიჭისაგან უჯრედების კეთებას, მან იგი უკვე ააგო თავის თავში. შრომის პროცესის ბოლოს გამოდის შედეგი, რომელიც უკვე ამ პროცესის დაწყების წინ იყო იდეალურად ე. ი. მუშაკის წარმოდგენაში. ის არა მარტო სცვლის იმის ფორმას, რაც ბუნებისაგან არის მოცემული: იმაში, რაც ბუნებისაგან არის მოცემული, ის იმავე დროს ანხორციელებს თავის შეგნებულ მიზანს“.

სწორედ ამის მსგავსად ხელოვანი, მხატვარი, მწერალი თავის ნაწარმოებში ანხორციელებს თავის შეგნებულ მიზანს, თავის შეგნებულ იდეალს. ამ შეგნებულ მიზნის განხორციელების თვალსაზრისით შეიძლება განვიხილოთ ხელოვნების ნაწარმოებისა და ბუნების შესატყვისი მოვლენების ხასიათი. ბუნების საგანი, ბუნების მოვლენა შეგნებულად არავითარ მიზანს არ ისახავს, მითუმეტეს იგი შეგნებულად არც იბრძვის არც არავითარ შეგნებულ აზრს ანხორციელებს. მწერალი და მისი ნაწარმოები კი ისახავს და ანხორციელებს გარკვეულ მიზანს.

ქეშმარიტი ხელოვანი ქეშმარიტი მებრძოლიც არის!

¹⁾ არას ვამბობთ ზოგიერთ სხვა დებულებებისა და ზოგიერთი უზრუნველი გამოთქმების შესახებ, მაგალითად, ასეთის შესახებ: „ფერი მაშინ არის მშვენიერი, როდესაც იგი ადგილობრივ ფორმაში გადმოგვეცემს გამოსახატავი ობიექტის სუბსტანციას, მის სულს“. ობიექტი: სუბსტანციისა და სულის ისეთი იგივეობის განლაგებაში მოცემა, რაღაც მატერიალისტურად არ ისმის.

²⁾ „K. Маркс, Ф. Энгельс об искусстве“ ვ. 41.

დ. უზნაძე — „ზოგადი ფსიქოლოგია“

სტალინის სახ. თბილისის სახ. უნივერსიტეტის გამომცემი
1940 წ.

ამ უკანასკნელი წლების განმავლობაში საბჭოთა კავშირში გამოხლული ფსიქოლოგთა შრომების რიცხვში უსათუოდ საპატიო ადგილი უკავია დ. უზნაძის შრომას „ზოგადი ფსიქოლოგია“.

„ბურჟუაზიულ ფსიქოლოგიის ცალკე აღებულ ერთერთ მიმდინარეობას არ ძალუძს ფსიქოლოგიის ყველა საკითხი იმდენად ერთნაირად „დამაკმაყოფილებლად“ მინც გადაჭრას, რომ ეს მეორე მიმდინარეობისათვის ასე თუ ისე მისაღები იყოს. ბურჟუაზიულ ფსიქოლოგიურ მიმდინარეობათა ცნობილი წარმომადგენლები თვითონვე გრძნობენ ამას და ამიტომ თავიანთ შრომებში საკუთარ აზრებს გარდა სხვა მიმდინარეობათა აზრებსაც სრულიად გარკვეულ ადგილს უთმობენ. მათი თვითეული შრომა არსებითად წარმოადგენს სხვადასხვა ავტორთა აზრებისა და ცალკეული საკითხების გადაჭრისადმი მიდგომის თვალსაზრისთა ვინაგრეტს. მასში წარმოდგენილი და გაშუქებული პრობლემები უფრო ხშირად ურთიერთ საწინააღმდეგო დასკვნებს იძლევა, რაც ზოგიერთ მათგანის მინც, მკდარ და უსუსურ გადაწყვეტას ააშკარავებს.

ფსიქოლოგიის თანამედროვე ბურჟუაზიულ ძირითად მიმდინარეობათაგან — ემპირიულ და ბოჰევიორისტულ ფსიქოლოგიისაგან სხვა შედეგს არც უნდა ველოდეთ, რამდენადაც ორივე ეს მიმდინარეობა ადამიანის შესასწავლად ცოცხალი ინდივიდიდან კი არ გამოდიან, არამედ ერთ შემთხვევაში, „ცნობიერებიდან როგორც ცოცხალი ინდივიდიდან“ (ემპირიული ფსიქოლოგია), ხოლო მეორე შემთხვევაში კი ჰევეიდან (ბოჰევიორისტული ფსიქოლოგია).

აკად. დ. უზნაძე ფსიქოლოგიის პრობლემათა განხილვისას ფსიქოლოგთა იმ რიცხვს გეტყვნის, რომლებიც „...თვით ნამდვილი ცოცხალი ინდივიდისაგან გამოდიან და ცნობიერებას განიხილვენ როგორც მათ ცნობიერებას“ (იხ. K. Маркс и Ф. Энгельс — „Немецкая идеология“ стр. 17).

იმ გარემოების გამო რომ დ. უზნაძე ადამიანის შესწავლას იწყებს ნამდვილი ცოცხალი ინდივიდისაგან, მთლიანი ადამიანისაგან გამოსვლით და არა ჰევეიდან ან ცნობიერებიდან გამოსვლით, შესაძლებლობა მისცა მას თავისი წიგნი თვითონ ბოლომდე ერთი უცვლელი თვალსაზრისით დაეწერა. სარეცენზიო წიგნის „ზოგადი ფსიქოლოგიის“ ყოველი საკითხი ერთი თეორიის მიხედვით უნდა განხილული და ამიტომ სარეცენზიო შრომის განხილვაც ამ თეორიის განხილვით არის დავიწყეთ.

იგივე თვის შრომის შესახებ წინასიტყვაობაში სწერს: „...იგი თვალსაჩინოდ განსხვავდება ფსიქოლოგიის ცნობილ კურსებისაგან. არსებითა და უმთავრესში იგი იმ მასალას ეყრდნობა, რომელიც ჩემისა და ჩემი თანამშრომლების კვლევითი მუშაობის შედეგად არის მიღებული“ — ი. სინამდვილის რა სდეროა ის სდერო, რომელსაც სწავლობდნენ და სწავლობენ დ. უზნაძე და მისი ხელმძღვანელობით თბილისის სახელმწიფო უნივერსიტეტის ფსიქოლოგიური ლაბორატორიის თანამშრომლები და რომლის შედეგად მიღებულ მასალაზედაც ფსიქოლოგიის ყველა ძირითადი პრობლემის გათვალისწინება ნაცადი? სინამდვილის ასეთ სპეციფიკურ სდეროდ დ. უზნაძეს განწყობა მაინცა და ამ უკანასკნელის წარმატებით შესწავლაზე ფსიქოლოგიის მთელ მომავალს აფუძნებს.

დ. უზნაძე ეყრდნობა რა ფ. ენგელსის ცნობილ დებულებას იმის შესახებ, რომ „სიცოცხლე ცილოვან ნივთიერებათა არსებობის ფორმაა, რომლის არსებითს მომენტსაც გა-



არემო ბუნებასთან ნივთიერებათა მუდმივი გაცვლა-გამოცვლა შეადგენდა და სწორედ ამ გაცვლა-გამოცვლის შეწყვეტასთან ერთად ისპობა“ აცთებს დასკვნას, რომ უძველესი ცოცხალი ორგანიზმი ყოველთვის რაიმე მითხრობდა (შეგრძელდა) ნივთიერი მოთხოვნილებას) მატარებელია და განსაზღვრულ ქვეყანაში მხოლოდ იქვე მოთხოვნილება დაიკმაყოფილოს. მაგრამ მოთხოვნილებათა დაკმაყოფილების საშუალებას ხომ გარე ბუნება წარმოადგენს და ცხადია, ამიტომ ცოცხალი არსება იძულებული ხდება, ბუნებასთან სათანადო ურთიერთობა დაამყაროს ანუ გარკვეულ ქვეყნის აქტებს მიმართოს. ამრიგად მოთხოვნილება ორგანიზმის აქტიობის წყაროა, სადაც მოთხოვნილება არ არის, იქ არც აქტიობას აქვს ადგილი.

ბუნებრივად დგება საკითხი: როგორია ის კავშირი, რომელსაც მოთხოვნილების მატარებელი ორგანიზმი გარემო წრესთან აწესებს? დ. უზნაძე ამ საკითხის გათვალისწინებისათვის შემდეგნაირად მსჯელობს.

„როცა ორგანიზმს მოთხოვნილება არა აქვს, მაშინ იგი გარემოსთან ინდივიდუალურ დამოკიდებულებაში იმყოფება. მაგრამ რაიმე მოთხოვნილება უზნდება თუ არა მას, მაშინვე გარემოსთან მისი დამოკიდებულება ან მიმართება იცვლება. ცოცხალი ორგანიზმი ახლა გარემოსთან ისეთ ურთიერთობაში ან კავშირში შედის, რომლის გარეშეც მოთხოვნილების დაკმაყოფილება შეუძლებელია“. ამერიიდან იგი (ორგანიზმი, ე. ბ.) გარემოსთან, როგორც არა ინდივიდუალურ რელაციასთან, არამედ როგორც თავისი მოთხოვნილების სიტუაციასთან აწესებს კავშირს“ (იხ. „ზოგადი ფსიქოლოგია“ გვ. 66).

გარემოსა და ორგანიზმს შორის ეს ურთიერთობა, კავშირი მოთხოვნილების ნიადაგზე შეიქმნა და ცხადია, რომ ასეთ პირობებში გარემოდან ყველაფერი კი არ იმოქმედებს ორგანიზმზე, არამედ მხოლოდ ის, რაც ორგანიზმის მოთხოვნილების დაკმაყოფილების პირობებს შეიცავს ან როგორც დ. უზნაძე სწერს, რაც „მოცემულ მომენტში აქტუალური მოთხოვნილების დაკმაყოფილების სიტუაციას წარმოადგენს“ (გვ. 66) ეს იმას ნიშნავს, რომ ორგანიზმზე გარემოს ცალკეული მოვლენები კი არ აწარმოებს ზემოქმედებას, არამედ მოვლენათა მთლიანი სისტემა, აქტუალური მოთხოვნილებათა შესატყვისი სიტუაცია.

ამრიგად, ორგანიზმის მოთხოვნილების ნიადაგზე გარე სინამდვილე მოთხოვნილების დაკმაყოფილების სიტუაციად იქცევა, ხოლო თვით ორგანიზმი კი ქცევის სუბიექტად.

აქედან გამომდინარეობს, რომ გარე სინამდვილე ცოცხალ არსებაზე, როგორც ინდივიდზე, როგორც მოთხოვნილების სუბიექტზე, ახდენს გავლენას. იგი ორგანიზმზე, როგორც მთლიანზე, მოქმედებს და ცხადია ამ მოქმედების შედეგი ორგანიზმის მთლიანი ცვლილება ან ინდივიდის მთლიანი მოდიფიკაცია ან ინდივიდის გადასატრუტურება? ცხადია, მაშინ, როცა მისთვის მოთხოვნილების ნიადაგზე გარემო აქტუალური მოთხოვნილების სიტუაცია გახდა; ე. ი. ამ სიტუაციასთან ერთად და მის შესატყვისად თვით ორგანიზმიც შეიცვალა, მაშასადამე—სწერს დ. უზნაძე—იგი როგორც მთელი, როგორც ქვეყნის სუბიექტი უკვე მანამდე, სანამ მოქმედება დაიწყებდეს თავის მოთხოვნილების სიტუაციის შესატყვისი მოდიფიკაციას განიცდის და ამიტომ მისი მომავალი მოქმედება მოცემული სიტუაციის შესატყვისად მოდიფიცირებული არსების მოქმედებას წარმოადგენს. მაშასადამე როგორც იმოქმედებს მოცემულ სიტუაციაში ესა თუ ის ცოცხალი არსება, ეს განსაზღვრულ ფაზაზე, უკვე მანამ არის გარკვეული, სანამ მოქმედება დაიწყებოდეს“ (გვ. 68). ორგანიზმის ამ სპეციფიკურ მდგომარეობას დ. უზნაძე „განწყობას“ უწოდებს და ორგანიზმის მთელს ქცევას (ამ სიტყვის ფართო მნიშვნელობით) მის რეალიზაციად სთვლის.

მეტიხველს უსათუოდ დავაბნეა კითხვა: აქ ხომ საზოგადოდ ორგანიზმსა და გარემოს შორის დამოკიდებულებაზეა ლაპარაკი? ნუთუ განვითარების სხვადასხვა საფეხურზე მდგომი ორგანიზმები და კერძოდ ადამიანიც გარემოსთან შვავს ურთიერთობას ამყარებს? სადღა აქ ადამიანისათვის დამახასიათებელი ცნობიერების როლი? რა ცვლილება იჩენს თავს განვითარების პროცესში ისეთს, რომ ადამიანისა და ცხოველის ქვეყნის განსხვავებულობის ფაქტს გასაგებად ხდიდეს?

ეს საკითხი დგას დ. უზნაძის წინაშე და მასზე სათანადო პასუხი არის გაცემული.

დ. უზნაძის აზრით „ესე როგორც ცხოველის ქცევას, ბოლოსდაბოლოს, ადამიანს ქცევასაც მოთხოვნილება უდევს საფუძვლად“ (გვ. 70). ევრონობა რა იგი კ. მარქსისა და ფრ. ენგელსის დებულებებს იმის შესახებ, რომ ადამიანის მოქმედებაც კარგად უნდა განვიხილოთ მატერიალური მოთხოვნილებებიდან გამოსვლით უნდა იხსნას და არა პრაქტიკულად განვიხილოთ, დ. უზნაძე იმ დასკვნაზე მიდის, რომ ყოველი ცხოველის და კერძოდ ადამიანის ქცევასაც საფუძვლად მოთხოვნილებები უდევს და ამ თვალსაზრისით ცხოველსა და ადამიანს შორის განსხვავება არ არსებობს.

ის რაც ადამიანის ქცევის თავისებურებას ქმნის და ამ თავისებურებით ცხოველის ქცვიდან არსებითად ანსხვავებს მას, ეს ადამიანის მოთხოვნილებათა თავისებურება და სიმრავლეა. „...ცხოველის მოთხოვნილებათა ბუნება და წრე — სწორედ დ. უზნაძე — ერთხელ და სამუდამოდ არის განსაზღვრული: ვით ცოცხალი ორგანიზმის ბიოლოგიური თავისებურებები უდევს საფუძვლად, სულ სხვა სურათს წარმოადგენს ადამიანის მოთხოვნილება. ადამიანი ისტორიული არსებაა, და მისი მოთხოვნილება სოციალურ ურთიერთობათა განვითარების ნიადაგზე განუწყვეტლევ ქმედობის პროცესში იმყოფება. ამის შედეგი ისაა, რომ არა მარტო ძველი მოთხოვნილებები იცვლება, არამედ განუწყვეტლევ ახალბადილი მოთხოვნილებებიც ჩნდება, მოთხოვნილებები, რომლის მსგავსსაც კი ევრაფერს ენახავთ ცხოველთა სამკვიდროში: ადამიანი შეუდარებლად უფრო მრავალფეროვანის და მრავალშრივი მოთხოვნილების პატრონია, ვიდრე ცხოველი“ (გვ. 71).

ადამიანში ამ სხვადასხვა მოთხოვნილებათა საფუძველზე სხვადასხვა განწყობები იქმნება. მაგრამ სანამ ერთი განწყობა მოქმედებაში გადავიდოდეს, მანამდე მეორე მოთხოვნილება მას აფერხებს. ადამიანის შემთხვევაში განწყობა უშუალოდ მოქმედებაში კი არ გადადის, არამედ უმარცხელს ყოელისა ცნობიერებაში. სუბიექტი წარმოადგენს და აცნობიერებს შემდეგი მოქმედების აქტების სურათს. წარმოსახული გაეცნობიერებული შესაძლო ქცევა თუ მისაღება სუბიექტისათვის, როგორც სხვადასხვა მოთხოვნილებების მატარებლებისათვის, მაშინ ხდება განწყობის რეალიზაცია, ე. ი. ქცევაში განხორციელება ხოლო. თუ ეს მიუღებელი შეიქმნა, მაშინ სუბიექტი განწყობის რეალიზაციასაც აკავებს. „ცხოველის განწყობას — სწორედ დ. უზნაძე — აქტუალური იმპულსის სიტუაცია ქმნის, ხოლო ადამიანის განწყობას... გაეცნობიერებული წარმოსახული სიტუაცია“ (გვ. 73) „ადამიანის სპეციფიკურა თავისებურება და იმავე დროს მისი უდიდესი მონაბოგარი სწორედ ისაა, რომ მას ძალა შესწევს, თავისი ქცევა განწყობის უშუალო პატრონის ხელიდან გამოავლიჯოს, რათა იგი ცნობიერების აქტივობით გაშუალდებულ გაეწყობას დაუპირიქოს“ (გვ. 95) როგორც ვხედავთ დ. უზნაძე განსაკუთრებულ მნიშვნელოვან როლს მთლიან სუბიექტს ანიჭებს. გარემოსთან ურთიერთობის დაწესებასაც მას მიაწერს. და რაკ დ. უზნაძე მთლიან სუბიექტს ფსიქოლოგიის ამოსავალ ცნებად სთვლის, ამიტომაც ვსაბუძებია, რომ იგი განსაკუთრებით მკაცრ კრიტიკას იძლევა ფსიქოლოგიაში გაბატონებულ უშუალოების თეორიასაც; იმ თეორიისას, რომლის თანახმადაც ფსიქიკური უშუალოდ გავლენას ახდენს ფიზიკურზე ან ფიზიკური უშუალოდ ფსიქიკურზე ე. ი. თითქმის ფსიქიკა უშუალო დამოკიდებულებაში იმყოფებოდეს სინამდვილესთან იმ დროს, როცა — როგორც დ. უზნაძე სწერს „სინამდვილესთან ფსიქიკა კი არა, სუბიექტი ამყარებს ურთიერთობას, რომ არსებობისა და განვითარებისათვის ის იბრძოდა და იბრძვის და არა მისგან მოწყვეტილი და მის გარეშე მყოფი ფსიქიკური სამყარო“ (გვ. 36).

იდეალისტურმა ბურჟუაზიულმა ფსიქოლოგიამ პიროვნების მთლიან არსს, მთლიან ადამიანს მოსწყვიტა ფსიქიკა და სინამდვილესთან უშუალო ურთიერთობაში ის დააყენა, ანდა მთლიანი სუბიექტიც მხოლოდმამოლოდ ფსიქიკად წარმოადგინა (ესე როგორც ეს ჰეგელმა აღიარა) და უშუალობის თეორიის გადარჩენა ამით სცადა.

დ. უზნაძის აზრით „ფსიქიკური განვითარების ძირითად წყაროს სწორედ ცოცხალი ის, რეალური ის, ისტორიული ადამიანის პრაქტიკა, ანუ სინამდვილესთან ურთიერთობა წარმოადგენს. პირდაპირი უშუალო კავშირი მხოლოდ ასეთს რეალურ სუბიექტს და სინამდვილეს შორის არსებობს, და ფსიქოლოგია, რომელიც თავის ამოცანას ადამიანის ფსიქიკის შესწავლაში სჭერტს, თავის ამოსავალ წერტილად შეიძლება მხოლოდ აქტიური სუბიექტის სინამდვილესთან ურთიერთობას, რეალური ადამიანის პრაქტიკას სახედოს“ (გვ. 37). სინამდვილესთან ურთიერთობას ადამიანის ფსიქიკა კი არ ამყარებს, არამედ კონკრეტული სუბიექტი, გარკვეული მოთხოვნილების

მატარებელი ცოცხალი ადამიანი, მთლიანი პიროვნება. მოთხოვნები მატარებელ სუბიექტში გარეშე იწვევს მთლიან ცვლილებას, ჰქმნის განწყობას და სუბიექტის მთელი ქცევა ამ განწყობის რეალიზაციას წარმოადგენს.

როგორც ზემოთაღნიშნული დ. უზნაძე ფსიქოლოგიის ექსპერტის განცხადებით, მატარებელი ადამიანი უნდა იყოს მთლიანი პიროვნება, რომელიც თავისი მთლიანობით იბიძგებს. სანიმუშოდ ავიღოთ ფსიქოლოგიის საგნისა და ამოცანებისა და ცნობიერების განვითარების ეტაპების საკითხები.

დ. უზნაძეს სრულიად შეუძლებლად მიიჩნია ფსიქოლოგიის საგნად სტლის დისახვა, სტლის, როგორც მეტაფიზიკური არისა. უზნაძის აზრით ფსიქოლოგიის საგნის საკითხის სწორი გადგრა ვერც ემპირულმა ფსიქოლოგიამ შესძლო, რამდენადაც მის კვლევის საგნად „შინაგამოცდილების სფერო აქვს აღებული, ე. ი. სფერო, რომელიც ობიექტურად შესწავლის შესაძლებლობას არ იძლევა“ (გვ. 5) და ვერც ბიპევიორიზმმა, რამდენადაც მან ფსიქოლოგიის საგნად ადამიანის ქცევა აღიარა, ქცევა, როგორც გარკვეული სტიმულებით გამოწვეულ მოძრაობათა სისტემა; რაც იმას ნიშნავს, რომ ადამიანის ქცევა, მისი თავისებურება მხოლოდ ფიზიოლოგიური თვალსაზრისით იქნეს განხილული, იმ დროს, როცა ადამიანი სოციალური არსებაა და სოციალურ პირობებში ყალიბდება.

ფსიქოლოგიის საგნის დადგენა არც შეუძლია ემპირიულსა და ბიპევიორისტულ ფსიქოლოგიას, რადგანაც ორივე ეს მიმდინარეობა იდეალისტურ პოზიციას სდგას, რამდენადაც „ფსიქიკურს თავისთავად სამყაროდ სთვლის, რომელიც არსებითად არაფერია აქვს ფიზიკურთან საერთო“ (გვ. 7). ცხადია, ფსიქიკურისა და ფიზიკურის ურთიერთობის ასეთი დუალისტური ვაგვების ნიადაგზე ფსიქოლოგიის საგნის პრობლემის ნაყოფიერი გადაწყვეტა შეუძლებელია.

ფსიქოლოგიის საგნის პრობლემის გადასაჭრელად დ. უზნაძე ახალს, უფრო სწორს მეთოდოლოგიურ წინამძღვარებზე დაყრდნობის საჭიროებას აღიარებს და „ასეთ წინამძღვარებს მხოლოდ დიალექტიკური მატერიალიზმი იძლევა“ (გვ. 8), სწორი იგი, ეყრდნობა რა დ. უზნაძე მარქსიზმის მოქმედებას, რომ მატერია პირველადია და ფსიკიკა, სული მეორადი წარმოებელი, რომ ფსიკიკა ლენინის სიტყვით „განსაკუთრებულად ორგანიზებული მატერიის თვისებაა“, ტენის „პროდუქტია“ ან მისი ფუნქცია; რომ ფსიკიკა ობიექტური სინამდვილს აქტიურ ასახვას წარმოადგენს და რომ სწორ ასახვას ადამიანი ობიექტურ სინამდვილეზე აქტიური შემოქმედების პროცესში იღწევს. მიდის იმ დასკვნამდე რომ „ფსიკიკურსა და ფიზიოლოგიურს შორის, ფსიკიკისა და სხეულის შორის, არც უფსკრული არსებობს და არც იგივეობის მიმართება, მათ შორის დიალექტიკური ერთობა უნდა ვიგულისხმოთ“. (გვ. 9). აქედან დ. უზნაძე სრულიად ნათელ დასკვნას აცხადებს იმის შესახებ, რომ „ფსიკიკური არა მარტო სუბიექტურადაა მოცემული, არამედ ობიექტურადაც... რომ ფსიკიკა, რომელიც სხეულთან ერთად ერთს მთლიან წარმოადგენს, შეუძლებელია ამ სხეულის ობიექტურად გამოვლენილ პროცესებსა და აქტებშიც არ ჩანდეს და, მაშასადამე ობიექტური დაკვირვების შესაძლებლობას არ გვაძლევდეს“ (გვ. 10).

რაკი დ. უზნაძე ფსიკიკურის ობიექტურადაც მოცემულობის შესაძლებლობას აღიარებს, მისთვის საძნელეს და აუხსნელს არ შეიცავს ის გარემოება, რომ მეტყველებაში შეიძლება აზროვნების პროცესების დანახვა იმდენად, რამდენადაც „აზროვნების პროცესები, მისი სტრუქტურა, მისი მიმდინარეობა თვითონ მეტყველების პროცესებში, მის სტრუქტურაში, მის მიმდინარეობაში გვეძლევა. მაშასადამე, მეტყველება დაკვირვება აზროვნების დაკვირვებაა“ (გვ. 23).

„რომ ემოციური განცდა ობიექტურადაცაა მოცემული, რომ მაგ., შიშის სხეულებრივი გამოხატულების დაკვირვების დროს თვითონ შიშს ვაკვირდებით და არა მხოლოდ მის ე. წ. გარემოხატულებას“ (გვ. 24). ასევე, ქცევაში მოძრაობათა თანამიმდევარ მთლიან სახეს ქცევის შინაგანი მხარე ე. ი. სუბიექტის ფსიკიკური მხარე აძლევს და ამ უკანასკნელის უტვლებელყოფით ქცევის მთლიანი ბუნების დაჭერა შეუძლებელი იქნებოდა. მაგრამ ქცევაში ეს სუბიექტური სახეც სრას, ამრიგად, როგორც შეიმენებით ასევე გრძნობით და ნებულობით პროცესებში სუბიექტური მხარე ობიექტურში სრას, შინაგანი გარემოებაში ე. ი. ფსიკიკური ობიექტურადაც გვეძლევა და სხვათა ფსიკიკის საწვდომად ანალოგიის თეორია თავის მცდარი და მიუღებელი არსით საჭირო არაა.

ამიტომაც რომ დ. უზნაძე ფსიქოლოგიის საგნად ფსიკიკურს აღიარებს, მაგრამ ემპირიულ ფსიქოლოგიისაგან განსხვავებით ფსიქოლოგიის საგნად აღიარებულ ფსიკიკურში „წმინდა სუბიექტური მოცემულობა როდი ესმის“ არამედ, როგორც ობიექტურითაც

თიანობაში მყოფი სინამდვილე, რომელიც სწორედ ამიტომ შესაძლებელია თვითონ იქნეს ობიექტური შესწავლის საგანად დასახული“ (გვ. 11).

დ. უზნაძე ფსიქოლოგიის საგნის ორ ძირითად ამოცანას მიუთითებს: „ფსიქოლოგიის უზნაძის აღწერის და ახსნას. კერძოდ ახსნის შესახებ დ. უზნაძე სრულიად გამართლებულად ფიქრობს, რომ „ფსიქიკური ფაქტების მატერიალური სუბსტრატის, ფიზიოლოგიური პროცესების, დადასტურება საჭიროა“ (გვ. 11). მაგრამ მას ეს საკმარისად არ მოიწინა იმისათვის, რომ ფსიქიკური ამით საკმოდ ახსნილად ჩაითვალოს. ეყრდნობა რა მარტენგელის მოძღვრებას იმის შესახებ, რომ ადამიანის ფსიქიკა წმინდა ბიოლოგიური ბუნების მოვლენა არაა: რომ იგი ინსტიტუტური ტყვეის დონეს გადასცილდა და ცნობიერებად გადაიქცა, რომელიც „მთავითვე საზოგადოებრივ პროდუქტს წარმოადგენს და ასეთსავე პროდუქტად დარჩება, სანამ არსებობენ ადამიანები“ (მარტა) დ. უზნაძე იმ დასკვნამდე მიდის, რომ ფსიქოლოგიამ თავისი კვლევა-ძიებას „ცნობიერების ისტორიული და სოციალური განსაზღვრულობის იდეა“ უნდა დაუდგას საფუძვალად.

დ. უზნაძე განწყობის თეორიიდან გამოსვლით ცნობიერების უკიდურეს ეტაპს განასხვავებს. ცნობიერების განვითარების პირველი ეტაპი დ. უზნაძის აზრით უშუალოდ დაკავშირებულია სუბიექტის მთლიან მდგომარეობასთან. ამ ეტაპზე ცნობიერება ჯერ კიდევ უშუალოდ ემოჯენტა განწყობას და „...ასე თუ ისე განწყობილი სუბიექტის ასახვას უფრო წარმოადგენს, ვიდრე ობიექტურ სინამდვილის დიფერენცირებულ სურათს“ (გვ. 95).

რაც შეეხება განვითარების მეორე ეტაპზე ცნობიერების უკანასკნელ მიზანს, ობიექტური სინამდვილის დიფერენცირებული მრავალფეროვნების ცნობიერად ასახვა შეადგენს. ცნობიერების პირველ ეტაპზე დ. უზნაძე გრძნობებს და ემოციებს ათავსებს, ხოლო მეორე საფეხურზე შემეცნებითი პროცესებს.

ცნობიერების მუშაობის უკიდურესი ეტაპების გათვალისწინების შემდეგ დ. უზნაძე იბილავს ემოციურ განცდათა, ტყვეის, აღქმის, მწემურ პროცესების, აზროვნების, ყურადღების და წარმოსახვის ფსიქოლოგიის ყველა ძირითად პრობლემას. ახდენს რა იგი ყველა ამ პრობლემებზე ტრადიციულ ბურჟუაზიულ ფსიქოლოგიის ყველაზე უფრო მნიშვნელოვან შეხედულებათა მკაცრ კრიტიკულ მიმოხილვას, უპირისპირებს მათ განწყობის თეორიით ფსიქოლოგიის ყველა პრობლემის დამაკმაყოფილებლად ახსნის უპირატესობას.

ასეთია მოკლეთ დ. უზნაძის წიგნის „ზოგადი ფსიქოლოგიის“ აბსტრუქტ ზანებში მიმოხილვა.

რასი მდგომარეობს ამ წიგნის განსაკუთრებული მნიშვნელობა და ღირებულება? ჩვენ ამ საკითხზე ძლიერ მოკლეთ, მხოლოდ შემდეგ სამ გარემოებაზე მივუთითებთ:

1. კლასიკურ-ბურჟუაზიულ ფსიქოლოგიას გარემოსა და ადამიანის ურთიერთობის ფორმულა ორი წევრით ჰქონდა წარმოდგენილი. ფიზიკური ან ფსიქიკური გარემო მოქმედებს ფსიქიკურზე და შედეგად შეგრობებში და წარმოდგენები ჩნდება. ასე რომ შეგრობება გამლენიანების უშუალო შემოქმედების შედეგია.

ამ უშუალობის პრინციპზე დაყრდნობით ბურჟუაზიულ ფსიქოლოგიის ცოცხალი, მთლიანი კონკრეტული ადამიანი, კონკრეტული სუბიექტი სრულიად შედეველობის გარეშე დარჩა.

დ. უზნაძეს გარემოსა და ორგანიზმის ურთიერთობის ფორმულა სამ წევრიანა გარემო — სუბიექტი (განწყობა) — ტყვეა. გარემო უპირველეს ყოვლისა მთლიან სუბიექტზე მოქმედობს და მასში განწყობას იწვევს. ამიტომ ვისაც სურს მთლიანი ადამიანის შესწავლა, იგი გვერდს აუღვლის „განწყობის“ შესწავლას; ეს მით უფრო რომ, განწყობა ან ადამიანის მთლიანი ცვლილება იმდენად სპეციფიკური მდგომარეობაა, რომ მის შესასწავლად არც ჩვეულებრივი ფსიქოლოგიური და არც ფიზიოლოგიური თვალსაზრისი არ გამოდგება.

რომ სინამდვილესთან ურთიერთობის კონკრეტული ადამიანი, მოთხოვნილების მატარებელი სუბიექტი აწესებს და არა იზოლირებულად მისი ფსიქიკა, ეს არც ახალი დებულებაა და ამჟამად არც შინადადამიანი სადაო; მაგრამ საჭე იმაშია, რომ როგორც ზემო აღნიშნულადან სწავს, დ. უზნაძემ ამ დებულებაში სრულიად კონკრეტული შინაარსი ჩასდო და მისგან გამომდინარე განწყობის თეორიის თვალსაზრისით, არა მარტო ფსიქოლოგიის ტრადიციული საკითხების ახლებურად გადაწყვეტის საჭიროება დააყენა ფსიქოლოგიის დღის წესრიგში, არამედ მთელი რიგი ახალი პრობლემებიც, რომელთა გადაჭრაც უსათუოდ წინ

წასწეეს ფსიქოლოგიის როგორც კონკრეტულ, მოქმედებაში მყოფ და ამიანის შესახებ მეცნიერებას.

ამრიგად დ. უზნაძის წიგნის „ზოგადი ფსიქოლოგიის“ ერთერთი უმეტეს მნიშვნელობა იმაში მდგომარეობს, რომ იგი ფსიქოლოგიურ მეცნიერულ კვლევების შედეგად შექმნილი ტექნიკური საბაზისი იძლევა თავისი ახალი პრობლემებით.

2. სარეცენზიო წიგნის მეორე უდიდესი მნიშვნელობა მდგომარეობს იმაში, რომ მასში თავმოყრილია და კრიტიკულად განხილული თანამედროვე ფსიქოლოგიის ყველა მნიშვნელოვანი საკითხი და კლასიკურ ფსიქოლოგიის არსებითი შეხედულებანი ამ საკითხებზე. ისე რომ ეს წიგნი თანამედროვე ფსიქოლოგიის ძირითადად წედომის შესაძლებლობას იძლევა თავისი უპირადი, ფაქტური მასალით, პრობლემებით და მნიშვნელოვან ფსიქოლოგთა შეხედულებებით.

3. განსაკუთრებით დიდი მნიშვნელობის მქონეა ეს წიგნი პედაგოგიკისთვის. მისი ავტორი ხომ მთლიან პიროვნებას ფსიქოლოგიის ამოსავალ ცნებად სახავს და წიგნიც ამ მთლიან პიროვნების გათვალისწინების თვალსაზრისით არის შედგენილი. პედაგოგიკასაც სწორედ მაშინ შეუძლიან ფსიქოლოგიის მონაცემების ნაყოფიერი გამოყენება, როცა ეს მონაცემები ცოცხალ, კონკრეტულ მთლიან პიროვნების შესახებ იქნება და არა ცალკეული ე. წ. „ფუნქციონალური კანონზომიერების“ შესახებ.

გასაგებია, რომ წიგნის მნიშვნელობა ამ სამი გარემოებით არ ამოიწურება. წიგნის ავტორი დ. უზნაძე თავის ძირითად მოსაზრებებში დიალექტიკური მატერიალიზმის შემქნელთა დებულებებიდან გამომდინარე და სწორედ ამის გამო და ამის უწყალობით მისი წიგნის მნიშვნელობა საგულისხმოა ფსიქოლოგიის ყველა ძირითად პრობლემის გადაჭრის საქმეში. ამის ის გარემოებაც ადასტურებს, რომ საქართველოს ფსიქოლოგიური სკოლის მუშაობას იცნობენ და აფასებენ არა მარტო საბჭოთა კავშირის შიგნით, არამედ მის გარეთაც და ამ მუშაობის შედეგები მისი ნაყოფიერებისა გამო შრავალ ფართოდ გავრცელებულ სახელმძღვანელოებშია შეტანილი.

მაგრამ ყოველივე ეს როდის ნიშნავს იმას, რომ განწყობის თეორია და ამ თეორიის თვალსაზრისით დაწერილი წიგნი სრულიად არავითარ საღაო პრობლემას არ აყენებდეს. ამ წიგნის მიხედვითაც ჯერ კიდევ ზოგიერთი საკითხის მართებულებას საქმეაო სინათლე აკლია.

ასე მაგალითად:

დ. უზნაძე ფსიქოლოგიის ამოსავალ ცნებად მთლიან ადამიანს სახავს. ცოცხალი პიროვნება რომ გარემოსთან ურთიერთობას ამყარებს. მაგრამ მეორეს მხრივ, ადამიანის მთელი ქცევა (ამ სიტყვის ფართო მნიშვნელობით) ხომ განწყობის რეალიზაციას წარმოადგენს და სად რჩება ადგილი პიროვნებისთვის, სუბიექტისთვის? განწყობა ხომ არ მოხსნა სუბიექტი?

განწყობა სინამდვილის თავისებურ ასახვას წარმოადგენს; (თავისებურს შეთქი, რამდენადაც ის ფსიქიკურ ასახვისაგან განსხვავდება და ის მხოლოდ ამ უკანასკნელის საფუძველს წარმოადგენს) ე. ი. ასახვა ხორციელდება იმაზე უფრო ადრე, ვიდრე ადამიანს აღქმა და შეგრძნება გაუჩნდება. რომ ეს აზრი გაზიარებული იქნეს მთლიანად, ამისათვის მარტო თეორიული მოსაზრებანი საკმარისი არ არის. საჭიროა ეს ექსპერიმენტალურადაც იქნას დამტკიცებული. მაგრამ სინამდვილე ექსპერიმენტული ფაქტები არ მოგვეპოვება. მანამდე განწყობის როგორც სინამდვილის თავისებური ასახვის მართებულება ერთადგავარ ეტყვს ბადებს.

ფსიქოლოგიის მეტი ცნობები მოეთხოვება სასწავლო-სააღმწერდლო პროცესებისადმი მოსწავლეთა რეალურ პრაქტიკულ დამოკიდებულების და ამ საფუძველზე ბავშვთა მოთხოვნებების შექმნის შესახებ, ამასთანავე აქედან ფსიქოლოგია უნდა იძლეოდეს განსაზღვრული მნიშვნელობის პედაგოგიურ დასკვნებსაც. ასეთი კი ნაკლებია დ. უზნაძის წიგნში.

პლ. გუგიაშვილი.

დ. სულიაშვილი — „ჩემი მოწაფეობის წლები“

საბავშვო და ახალგაზრდობის ლიტერატურის განყოფილება, თბილისი უნივერსიტეტი

დავით სულიაშვილის „ჩემი მოწაფეობის წლები“, რომელიც ვასული ^{სულიაშვილის} სახელით გამოქვეყნდა, წიგნის მწიგნობარი წლების გორს და გორის სასულიერო სისწავლებელს ავტორს, შეიძლება ჩაითვალოს ერთ-ერთ საყურადღებო პატარა შემთარულ ნაწარმოებად იმ დროინდელ გორზე დაწერილ წიგნებს შორის.

ავტორის უფრო მაშინდელი ცხოვრება დანახული აქვს ბავშვის თვლით. ამით აიხსნება იმ წიგნის ვრცელი მხატვრული ღირსება — უშუალოება, გულწრფელობა, მიუღვამლობა ამბების გადმოცემაში.

დ. სულიაშვილი მოგვითხრობს ყველაფერს ისე, როგორც ბავშვის თვალს დაუნახავს და ბავშვის გულს განუცდია. ამიტომ წიგნში იშვიათად შეხვდებით ისეთ ეპიტეტებს, შედარებებს, ფიგურალურ გამოთქმებს და სხვა ლიტერატურულ ხერხებს, რომლებიც მწერლის პირადი დაკვირვებებიდან, მისი გამოცდილებებიდან არ გადმომდინარებოდნენ, რომლებიც ნასესხები იყვნენ დაშტამპული, ბანალური ლიტერატურის ლექსიკონიდან, რაც ხშირად ზოგიერთ მწერალს სინამდვილეს ახვედნიებს და ალაპარაკებს იმას, რაც ნამდვილად არ ყოფილა. დ. სულიაშვილს 80-იანი წლების გორი არა აქვს „გალამაზებული“ იმ მიზნით, რომ ამით მხატვრულ ეფექტს მიიღწიოს და არც იმ მოსაზრებით, რომ განადიდოს, გააუცხოვოს, წარმოვიდგინოს იგი რაღაც იშვიათ ქალაქად, რაჟი იქ დაიბადა და ყრობის წლები გაატარა დიდმა ბელადმა.

მწერალი მხატვრულ ეფექტს აღწევს ამბების გულმამაზებელი, უტყუარი, ძალდაუტანებელი გადმოცემით, ისეთი დეტალების შერჩევით, რომლებიც ცხოვლად წარმოვიდგენენ როგორც ცალკე ადამიანებს, ისე გორის მოსახლეობის ყოფა-ცხოვრებას და საზოგადოებრივ ვითარებას.

წიგნი მკითხველის ნდობას პირველი წინადადებიდანვე იმსახურებს, ისე ცხოვლად და პლასტიურად ხატავს გორში ბავშვის პირველ ჩასვლას: „მამანების მარჯვენა ხელს ჩემი პატარა თითები ჩაუბლუჯავს და თითქოს მკლავზე დაკიდებული ქანაზით მივეყვები ჩოხის კალთებს. ხან შიგ ვიბლანდები, როცა ქარი შემოუბერავს, ხან გამაღებით მიგრბივარ, მსვლელობას რომ არ ჩამოვრჩე“.

ამ სიცოცხლეს და პლასტიურობას ავტორი არ დაღატობს არც ერთ თავში. ორი სამი შტრიხის მოსმით იგი ხატავს თავისი მოწაფეობის დროინდელ და თავისი ბავშვობის მოწმე პირების გარკვეულ პორტრეტებს და ზოგჯერ შინაგან ცხოვრებასაც (პირველ მასწავლებელს, მიკიტან „ჩანახას“, ფოთლია და სახლის, „ველიკოდერაინის“ ლავროვს, სასწავლებლის ინსპექტორს ბუტინსკის, მასწავლებლებს აბესალაშვილს, სიმონ გოგლიჩიძეს და სხვებს). ასევე ცხოვლად აქვს აღდგენილი მას გორელების ყოფისა და სკოლის ცხოვრების სურათები.

დავიწყარია, მაგალითად, „ჩანახას“ სამიკიტონში მღვდლების ქეფი და სამიკიტონს სურათი ქეფის შემდეგ, „უწესრიგოდ ტახტზე მიდგებული მთვრალი „მამების“ აზნუელი თმები და წვერები მთოაკებზე ეფინა. გაბარდნულ უღვაშებში ჩაფლული სქელი გაცონილი ტურები საბერველით ქმნიანდნენ, წაღებიანი ფეხები და წინდები ერთმანეთში ირეოდა“, სხვა მწერლების მიერ იშვიათად ნახმარი, უჩვეულო, მგვრამ ამავე დროს ზუსტი, დამახასიათებელი შტრიხებით აღწერილი ქელეხობა, სამღვთობა, ჯერისწყრა, ნაწილობრავ ყვინობა და ტრივი მკითხველის თვალწინ აღადგენს გორის თავისებურებას მთელ „ყოლორ-ლოკალით“, რომელიცაჟი გორი, ალბათ, დიდად განსხვავდებოდა მაშინდელი საქართველოს პროვინციულ ქალაქებიდან.

დ. სულიაშვილი თავისი წიგნის თავებში „ქართული ენა“ და „აკრძალული საშობლო“ უცნობი, ახალი ფაქტებით და ჯერ კიდევ გაუხუნებელი ფერებით ხატავს და მკითხველს განაცდევინებს იმ სულიერ ტანჯვას, რომელსაც ჩავრული ერის პატარა შეილები ვანიუდიდნენ სასწავლებლის კედლებში საშობლოსა და მშობლიური ენის შევიწროებისა და დენის გამო. არსენიძის წიგნის მალაზამო მოწაფეებმა საქართველოს მოზრდილი რუკა ნახეს, იყიდეს, ჩარჩოში ჩასვეს და კლასში დაჰკიდეს ლავროვის გულის გასახეთქად. „ღოღო და სიხარული და აღტაცება გამოიწვია ბავშვებში, — მოგვითხრობს ავტორი, — როდესაც რუკაზე თავიანთი სოფლების სახელები წაიკითხეს. დიდხანს ვერ სცილდებოდნენ და თვალგაბრწყინებული შესცქეროდნენ... ზოლო როცა რუსული ენის მასწავლებელი ლავროვი

კლასში შემოვიდა, კედლებთან ახლო გაიარა და რუკა შეამჩნია, მაშინვე მიავლონ მას... ჩვენ გაეფითრდით, საფეთქელმა გამალებით გეიწყო ცემა. ერთ ხანს სიტყმე ჩამოვარდა და... უცბათ ისეთი ლაწანი გაისმა, რომ ყველა შეეკრთით — მოწაფეებმა და მწიგნობრებმა. მან გაიარა... მას სათვალავები დაეშხებრა... საკლასო დღიურს ხელი წამოხრეჭა და სიტყვასიდან გაეგარდა... კედლიდან, რასაკვირველია, რუკა ჩამოხსნეს, მოწაფე სკოლიდან დაითხოვეს.

ასევე ახალი საღებავებით გვესურათებს ავტორი გორის სასულიერო სასწავლებელში გამეფებულს, ბავშვის სულის დამასახიჩრებელ სწავლის რეჟიმს და მასწავლებელ-მოწაფეთა ურთიერთობას (თავებში „მასწავლებლები“, „გამოცდები“, „საიციებლური“).

ყველასათვის გასაგებია ღრმა ინტერესით იკითხება თავი „ის“ სადაც ავტორი მოგვითხრობს თავის პირველ შეხვედრას უფროსი კლასის მოწაფე სოსო ჯულაშვილთან და გეაცნობს მას ამხანაგთა და შეგობართა გარემოცვაში, აგვიწერს მის ზეგავლენას მოწაფეებზე, ავტორის სასახელოდ უნდა ითქვას, რომ იგი აქაც არ ლალატობს სიმართლის, სინამდვილის გრძობას, იშვიათი ტაქტიით და სრულიად გაუზვიადებლად გადმოგვცემს თავის შთაბეჭდილებებს მომავალი ბელადის იმ მადლ მორალურ თვისებებზე, რომლებითაც სოსო ჯულაშვილი სტუმრისაგან გამოირჩეოდა და იმ თავითვე ამხანაგების სიყვარულსა და ღრმა პატივისცემას იმსახურებდა. აი ორიოდ დეტალიც, რომელიც ჩვენ თვალწინ აღადგენს ახალგაზრდა სოსოს! „ჩვენ უმცროსი კლასების მოწაფეებს თავს გავტოვებდა. მაქვსი ხელს მოგვკიდებდა, გვერდულს მოგვდებდა, თითქოს გვეჭიდებო, დახე ამასა, ლამის წამაქციოსო, — იტყოდა და გავცივებდა, წაგვხალისებდა და გარბოდა... წრელახტში მას ქამარს ვერაგინ წაართმევდა. პირველობას არავის დაუთმობდა. გუნდის რომელიმე სუსტ წევრს ისე გაამხნევებდა, რომ ისიც თავდაუზოგველად იბრძოდა... თვითონ სოსო წრის გარშემო მარდად დაბობდა, ერთი ქამრისაგან გაეჭანებოდა, მეორე ქამარს არწივსავით დაეცემოდა. მოიტაცებდა, სიერცეში შეათამაშებდა... მერე კი წრეში მდგომ ქამრანებს ჩამოურბუნდა და, სიკოცხლე გაქვთ, ის მათ წვივებს აუწევდა... თამაშის დროს ყველა მას უტყროდა. მისი სიმარდით გატაცებულნი ყვაროდნენ, ტაშს უკრავდნენ, შესასაზღავენ, თვალის გუგას ანათებდნენ, ზტოდნენ, აქებებდნენ: „გენაცვა, სოსო-ჯან, ეგრე, ეგრე... გენაცვა!“

ხშირად თამაში შეწყდებოდა. სოსოს გარშემო წრე გაკეთდებოდა. გარს მომღერლები შემოერთებოდნენ. მაშინ სიერცეში სოსოს წკრიალა ხმა გაისმებოდა. მას ისეთი ტკილი და მიმზიდველი ხმა ჰქონდა, რომ ყველა თამაშს მიატოვებდა, სულს განაბავდა... მასწავლებლებიც ფანჯრებიდან გადმოადგებოდნენ და, სმენად ქცეულნი, სიმღერით სტუმბოდნენ...“

ვიფიქრობ, გორისა და სოსო ჯულაშვილის მოწაფეობის წლებზე დაწერილი მოგონებების არც ერთ ავტორს არ უნდა ჰქონდეს მოცემული სოსო ჯულაშვილის გარეგნობა იმ სახით, რა სახითაც გვიხატავენ დ. სულიაშვილის შემდეგი სიტყვები: მას ჰქონდაო „ბავშვის ჩვეულებრივი ცქრიალა თვალები, ეცვა უბრალო ბამბახის დაქმუქნილი, მაგრამ სუფთა ხალათი, ჩექმებში ჩატანებული შარვალი და კარტუზიანი ტუფი, ხალათი მუდამ ბრტყელი ქაშით მკიდრად შემოჭირებული და ქაჩორა თმა შებლზე ჩამოცენილი“.

დ. სულიაშვილის „ჩემი მოწაფეობის წლებში“ სიმართლით და სრული უშეალობით აღდგენილია მშ-იანი წლების გორის ცხოვრება, იმ დროინდელი მოწაფეობა, ძირითადი სოციალური ფენების წარმომადგენელთა ხასიათი, მორალური ატმოსფერა, ზნე-ჩვეულება, განწყობილება.

ამგვარად, ყველას, ვისაც ბელადის სამშობლო ქალაქის იმ დროინდელი ვითარების გაცნობა და შესწავლა ინტერესებს (ასეთი კი ბევრზე ბევრია), უშეველია, ეს პატარა წიგნი დიდ სამსახურს გაუწევს.

მისი გამოცემა საჭიროა რუსულ ენაზედაც. რომ ამით ოდნავ მაინც დაკმაყოფილდეს არა ქართველი მკითხველის ღრმა ინტერესი ამ ქალაქის მაშინდელი ცხოვრებისადმი.

იხ. ხელთუხნელი — საბავშვო ლიტერატურის მოამბე
საბლიტბაში, 1941 წ.

ნაჩვენები

იხ. ხელთუხნელი უმთავრესად მუშაობს მეცხრამეტე საუკუნის **ჯეოგრაფიულ გეოგრაფიულ** კვლევებზე. მისი უკანასკნელი წიგნი „საბავშვო ლიტერატურის მოამბე“ გვაცნობს ანასტასია თუმანიშვილი-წერეთელის ცხოვრებასა და მოღვაწეობას. მასში მდიდარი მასალაა გამოყენებული, იგი სრულ წარმოდგენას გვაძლევს არა მარტო ამ დიდად ცნობილ ქართველი ქალის ცხოვრებასა და მოღვაწეობაზე, არამედ იმ ეპოქაზე და სოციალურ წრეზე, რომელშიც უზღებოდა მოღვაწეობა ანასტასია თუმანიშვილი-წერეთლისა.

იხ. ხელთუხნელის შრომა პირველი ცდაა ქართველი მოღვაწე ქალის ცხოვრების გაშუქებისა.

ქართველი ქალები დიდი ენერჯით და სიყვარულით ებმებოდნენ საზოგადოებრივ მოღვაწეობაში, ხელს უწყობდნენ ქართული ლიტერატურის განვითარებას, ახალი თაობაში სიყვარულის გაღვივებას სამშობლოსადმი, დედა-ენისადმი. ისინი ყველა ამასთან ერთად თავათაც ეწეოდნენ მწერლობას. ამ მხრივ ქართულ ლიტერატურას მრავალი ქალის სახელი ამშვენებს. მათ რიცხვს მივუთვინებთ ქართველი მწერლისა და საზოგადო მოღვაწის გიორგი წერეთლის მეუღლე ანასტასია თუმანიშვილი-წერეთელი.

იხ. ხელთუხნელი თანდათან შლის მკითხველის წინაშე ანასტასიას ცხოვრებისა და მოღვაწეობის ფურცლებს. დაწვრილებით იხილავს იგი იმ ოჯახურ წრეს, რომელშიც იზრდებოდა ანასტასია. მისი მამის ოჯახი ცნობილი ლიტერატურული ოჯახი იყო, სადაც თავს იყრიდნენ გამოჩენილი საზოგადო მოღვაწენი და მწერლები. ამ წრემ ბავშვობიდანვე ჩაუნერგა საზოგადოებრივი მუშაობისადმი ინტერესი ანასტასიას. იხ. ხელთუხნელის გადმოცემით, ანასტასიას სწავლის დიდი წყურვილი ჰქონია თურმე. სკოლის შემდეგ ანასტასია ხარზად ეწაფება თვითგანვითარებას, კითხულობს ნ. დობროლუბოვის და სხვა მოწინავე მწერლების ნაწერებს. ხელთუხნელის წიგნში გამოქვეყნებული ანასტასიას კერძო წერილები ააშკარავენ, განვითარების რა სიმაღლეზე იდგა 23 წლის ქალი, რომელიც თავისუფლად შეეკლამს დობროლუბოვის ნაწერებზე.

მაშინდელი რუსიფიკატორული პოლიტიკა ქართველ მოღვაწეებში აღღიერებდა სიყვარულს ახალ თაობისადმი, ამ მხრივ დიდ აქტიობას იჩენდნენ განსაკუთრებით ქართველი ქალები. სთარკმინდნენ უცხოელი მწერლების ნაწარმოებებს, გამოჩენილი პედაგოგების წიგნებს, რათა ამით სწორი აღზრდა მიეცათ ქართველ ახალგაზრდობისათვის, განმტკიცებინათ მათში სიყვარული სამშობლოსადმი. სხვებთან ერთად ანასტასიაც თავიდანვე ასეთი მისწრაფებით იყო გატაცებული. იგი ეცნობოდა მოწინავე მწერლებსა და მოაზროვნეების წიგნებსა და იღებებს და ავრცელებდა მათ ჩვენში. მისი მოღვაწეობის ეს მხარე ყველაზე მკვეთრად გამოაშკარავდა საყმაწვილო ეურნალის „ჯეჯილის“ დაარსებასა და მის ხელმძღვანელობაში.

საბავშვო ლიტერატურის განვითარებას დიდ ყურადღებას აქცევდნენ ქართველი მწერლები. ი. გოგებაშვილი მას სთვლიდა ეროვნული ლიტერატურის საფუძვლად, ახალი თაობის განხრებივი განვითარებისა და ზნეობრივი განმტკიცების დიდ ძალად. ამიტომ იყო, რომ პირველი საბავშვო ეურნალის „ნაბათის“ გამოსვლა (1883) დიდი სიხარულით შეხვდნენ მოწინავე მწერლები. ეს უფრნალი პირველ ნომერზე შესწყდა, იგი „ჯეჯილმა“ შესცვალა, რომელსაც მტკიცე პოპულარული ანასტასიამ ჩაუყარა.

„ჯეჯილის“ გამოსვლა ნამდვილი ლიტერატურული მოვლენა იყო მაშინდელი ქართული მოწინავე საზოგადოებისათვის. ამ ეურნალმა 30 წელს იარსება, იგი უწყვეტად ემსახურებოდა ქართველ ახალ თაობას, აღლევდა მას სულიერ საზრდოს, აყვარებდა დედენას, სამშობლოს.

იხ. ხელთუხნელის საფუძვლიანად იხილავს „ჯეჯილის“ გამოსვლის ისტორიის. ებება იმ მიზეზს, თუ რად ეძლეოდა იმ ეურნალის გამოსვლას ასეთი დიდი მნიშვნელობა. „ჯეჯილის“ პირველი ნომრის შედგენა-გამოცემაში მონაწილეობას იღებდნენ ი. ქაქვიანი, ა. წერეთელი, ვაჟა-ფშაველა, ე. გაბაშვილი, რ. ერისთავი, ვახ. ორბელიანი, ი. გოგებაშვილი, ერთის სიტყვით ქართული ლიტერატურის საუკეთესო ძალები.

„ჯეჯილის“ გამოსვლასთან დაკავშირებით, ანასტასიას ბინაზე გაუმართავი მეგობრული შეხვედრა, რომლისთვისაც ეურნალის „ნათლობა“ უწოდებიათ. იმ „ნათლობას“ დასწრებიან ნ. ნიკოლაძე, ან. ფურცელაძე, დ. ბაქრაძე და სხვები. ყველაფერი ეს იმის ადასტუ-

რებს, აუ რა დიდ მნიშვნელობას აძლევდნენ ამ ეურნალის გამოსვლას. გამა ადასტურებს ის გამომახილიც, რომელიც ამ ეურნალის გამოსვლამ გამოიწვია ქართულ პრესაში. ამითვე ახსნება ის სიყვარული, რომელიც დაიმსახურა ამ ეურნალის ორგანიზატორმა ანასტასია თომანიშვილმა.

ანასტასიას მოღვაწეობა, როგორც ცნობილია, მარტო საბავშვო ლიტერატურით არ განისაზღვრება. იგი იყო აგრეთვე ეურნალი „კვალის“ რედაქტორ-გამომცემელი. მართალია, ანასტასიას ეს რედაქტორობა დორმალური ხასიათისა იყო, მაგრამ თვით ფაქტიც ბევრი რამის მთქმელია. „კვალმა“ თავისებური როლი ითამაშა ჩვენში მარქსისტული იდეების ვაგერცელებაში. „კვალის“ გამოცემის დროს დიდი ბრძოლა უხდებოდა ანასტასიას საცენტრო კომიტეტთან და მრავალი დაბრკოლებების გადალახვა. „ჯეჯილი“ „კვალის“ დამატებად ითვლებოდა. ეს იყო თავისებური მანევრი ცენტრისათვის თვალის ასახვევად.

თუ როგორ მტკიცედ იცავდა ანასტასია „კვალის“ პრესტიჟს, ამას ადასტურებს ერთი ფაქტი, რომელიც მის. ხელთუბნელს თავის წიგნში მოჰყავს, ერთ კრებაზე „კვალს“ დასცინა თურმე უმიკაშვილმა. ანასტასიას ამის გამო ასეთი წერილი მიუწერია უმიკაშვილისთვის: „თქვენ მობრძანდით კრებაზე, სადაც იყო დიდი, რომ უმეტესი ნაწილი „კვალის“ წინააღმდეგ იყვნენ და დაიწყეთ დაცნევა და ოხუნჯობა... თქვენ მაშინ ღირსი იყავით სილას შემორტყმისა, ხელიც გაგიწვდინე, მაგრამ ბოლოს თავი შევიკავე. ეს ჩემი ნაწერი შეინახეთ თქვენ არხივში, დოკუმენტებთან, გამოგადგებათ, როგორც ახრი „კვალის“ რედაქტორის ანასტასია წერეთლისა“.

როგორც ცნობილია, ანასტასია გიორგი წერეთლის მეუღლე იყო, მათ ოჯახში მრავალი წლის განმავლობაში იკრინებოდნენ საუკეთესო ქართველი მწერლები და პუბლიცისტები.

გ. წერეთელი „კვალს“ სულის ჩამდგმელად ითვლებოდა. მისი გარდაცვალების შემდეგ „კვალს“ ანასტასია ხელმძღვანელობდა. მართალია, „კვალს“ მიმართულებას აძლევდნენ ის ახალგაზრდები, რომლებიც მის გარშემო შემოიკრიბნენ, მაგრამ შეუძლებელია ამ ახალგაზრდებს ეურნალში დაებეჭდათ ისეთი რამ, რაც მისი რედაქტორ-გამომცემლისათვის მისაღები არ იქნებოდა. „კვალიან“ ერთად „ჯეჯილის“ დაბურვას ანასტასია ძალზე სწუხდა, მაგრამ პეტერბურგში მყოფ ნ. ნიკოლაძის დახმარებით მან ისევ განაახლა „ჯეჯილი“, და თითქმის 1923 წლამდე ხელმძღვანელობდა მას.

მრავალი ათეული წლის განმავლობაში ანასტასია რთულ რედაქტორულ მუშაობასთან ერთად დედულავე საზოგადოებრივ მოღვაწეობასაც ეწეოდა ქალთა აღზრდისა და განვითარების საქმეში. იგი ამ საქმის ნამდვილი ენტუზიასტი იყო. აარსებდა სკოლებს, კურსებს, მეთაურობდა ხან ბავშვთა აღზრდის სახლს, ხან ქალთა განათლების საზოგადოებას, ხან სოფლის სკოლებისათვის ფულს აგროვებდა. მის მოღვაწეობას ამ მიმართულებით დიდი ისტორია აქვს.

კვიციანი, განათლებული, მოწინავე და ენერგიული ადამიანის, ნიჭიერი რედაქტორისა და საზოგადო მოღვაწის სახელი დასტოვა ანასტასიამ. იგი გარდაიცვალა 1923 წელს, 7 თებერვალს. დასაფლავებულია მოაწმინდის პანთეონში.

„საბავშვო ლიტერატურის მოამბე“, გარდა იმისა, რომ ანასტასიას ცხოვრებასა და მოღვაწეობას ეხება, გზა და გზა უამრავ საინტერესო ცნობასა და ფაქტებს აქვეყნებს ჩვენს წარსულის საზოგადო მოღვაწეებისა და მწერლების ცხოვრებიდან.

მბ. ხელთუბნელის წიგნი „საბავშვო ლიტერატურის მოამბე“ ნიჭიერად დაწერილი წიგნია და იგი უსათუოდ სათანადო გამოძიხის ჰპოვებს მკითხველებში.

მბ. ხელთუბნელის შრომა გამოცემულია საბლიტგამის მიერ, მას დართული აქვს შულოდ ერთი სურათი, საჭირო კი იყო მასში მოთავსებულიყო სხვა ქართველ მოღვაწე ქალთა და მწერალთა სურათებიც.

ალ. სულაშა.

შინაარსი

მხატვრული ლიტერატურა:

კონსტანტინე გამსახურდია — დავით აღმაშენებელი (რომანი. გაგრძე- ლება)	83-3
აღ. აბაშელი — ახალი მთვარე (ლექსი)	29
აღ. აბაშელი — იაენანა (ლექსი)	30
ლადო ბალიაური — ხოვაი (მოთხრობა)	32
გიორგი ძიგვაშვილი — წერილი (ლექსი)	65
უიარაღო — მაძიებელი (რომანი, გაგრძელება)	68

ისტორია და ეთნოგრაფია:

ზ. ედილი — საინგილო	78
-------------------------------	----

კრიტიკა და ლიტერატურის ისტორია:

მ. გოგიბერიძე — უზენაესი არსების ცნება ვეფხისტყაოსანში	97
გ. ჯიბლაძე — გიორგი წერეთელი (დასასრული)	122
შ. რადიანი — ნიკო ლორთქიფანიძე	136
ლ. კალანდაძე — ახლოს სინამდვილესთან	142

ბიბლიოგრაფია:

დ. უზნაძე — „ზოგადი ფსიქოლოგია“	150
დ. სულიაშვილი — „ჩემი მოწაფეობის წლები“	157
მ. ხელთუბნელი — „საბავშვო ლიტერატურის მოამაგე“	158

ფან 4 856.

41-26
საქართველოს
საბავშვო



ЕЖЕМЕСЯЧНЫЙ ХУДОЖЕСТВЕННО-
ЛИТЕРАТУРНЫЙ ЖУРНАЛ

„**მ ნ ა თ ბ ი**“

ГОСИЗДАТ ГРУЗИИ